

Namo tassa bhagavato arahato sammāsambuddhassa

# Saṃyuttanikāyo

## Nidānavaggo

### 1. Nidānasamṃyuttam

#### 1. Buddhavaggo

##### 1. Paṭiccasamuppādasuttam

1. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”’ti. “Bhadante”’ti te bhikkhū bhagavato paccassosum. Bhagavā etadavoca – “paṭiccasamuppādam vo, bhikkhave, desessāmi; taṃ suṇātha, sādhucaṃ manasi karotha; bhāsissāmi”’ti. “Evaṃ, bhante”’ti kho te bhikkhū bhagavato paccassosum. Bhagavā etadavoca –

“Katamo ca, bhikkhave, paṭiccasamuppādo? Avijjāpaccayā, bhikkhave, saṅkhārā; saṅkhārapaccayā viññānaṃ; viññānapaccayā nāmarūpaṃ; nāmarūpapaccayā saḷāyatanaṃ; saḷāyatanapaccayā phasso; phassapaccayā vedanā; vedanāpaccayā taṇhā; taṇhāpaccayā upādānaṃ; upādānapaccayā bhavo; bhavapaccayā jāti; jātipaccayā jarāmaraṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti. Ayaṃ vuccati, bhikkhave, paṭiccasamuppādo.

“Avijjāya tveva asesavirāganirodhā saṅkhāranirodho; saṅkhāranirodhā viññānanirodho; viññānanirodhā nāmarūpanirodho; nāmarūpanirodhā saḷāyatananirodho; saḷāyatananirodhā phassanirodho; phassanirodhā vedanānirodho; vedanānirodhā taṇhānirodho; taṇhānirodhā upādānanirodho; upādānanirodhā bhavanirodho; bhavanirodhā jātinirodho; jātinirodhā jarāmaraṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti”’ti. Idamavoca bhagavā. Attamanā te bhikkhū bhagavato bhāsitaṃ abhinandunti. Paṭhamam.

##### 2. Vibhaṅgasuttam

2. Sāvattthiyaṃ viharati...pe... “paṭiccasamuppādam vo, bhikkhave, desessāmi vibhajissāmi. Taṃ suṇātha, sādhucaṃ manasi karotha; bhāsissāmi”’ti. “Evaṃ, bhante”’ti kho te bhikkhū bhagavato paccassosum. Bhagavā etadavoca –

“Katamo ca, bhikkhave, paṭiccasamuppādo? Avijjāpaccayā, bhikkhave, saṅkhārā; saṅkhārapaccayā viññānaṃ; viññānapaccayā nāmarūpaṃ; nāmarūpapaccayā saḷāyatanaṃ; saḷāyatanapaccayā phasso; phassapaccayā vedanā; vedanāpaccayā taṇhā; taṇhāpaccayā upādānaṃ; upādānapaccayā bhavo; bhavapaccayā jāti; jātipaccayā jarāmaraṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

“Katamañca, bhikkhave, jarāmaraṇaṃ? Yā tesam tesam sattānaṃ tamhi tamhi sattanikāye jarā jīraṇatā khaṇḍiccaṃ pāliccaṃ valittacatā āyuno saṃhāni indriyānaṃ paripāko; ayaṃ vuccati jarā. Yā tesam tesam sattānaṃ tamhā tamhā sattanikāyā cuti cavanatā bhedo antaradhānaṃ maccu maraṇaṃ kālakiriyaṃ khandhānaṃ bhedo kaḷavarassa nikkhepo ( ) [(jīvitindriyassa upacchedo) (syā. kaṃ.)

evamuparipi, aṭṭhakathāyaṃ pana na dissati], idaṃ vuccati maraṇaṃ. Iti ayañca jarā, idañca maraṇaṃ. Idaṃ vuccati, bhikkhave, jarāmaraṇaṃ.

“Katamā ca, bhikkhave, jāti? Yā tesam tesam sattānaṃ tamhi tamhi sattanikāye jāti sañjāti okkanti nibbatti abhinibbatti khandhānaṃ pātubhāvo āyatanānaṃ paṭilābho. Ayaṃ vuccati, bhikkhave, jāti.

“Katamo ca, bhikkhave, bhavo? Tayo me, bhikkhave, bhavā – kāmabhavo, rūpabhavo, arūpabhavo. Ayaṃ vuccati, bhikkhave, bhavo.

“Katamañca, bhikkhave, upādānaṃ? Cattārimāni, bhikkhave, upādānāni – kāmupādānaṃ, diṭṭhupādānaṃ, sīlabbatupādānaṃ, attavādupādānaṃ. Idaṃ vuccati, bhikkhave, upādānaṃ.

“Katamā ca, bhikkhave, taṇhā? Chayime, bhikkhave, taṇhākāyā – rūpataṇhā, saddataṇhā, gandhataṇhā, rasataṇhā, phoṭṭhabbataṇhā, dhammataṇhā. Ayaṃ vuccati, bhikkhave, taṇhā.

“Katamā ca, bhikkhave, vedanā? Chayime, bhikkhave, vedanākāyā – cakkhusamphassajā vedanā, sotasamphassajā vedanā, ghānasamphassajā vedanā, jivhāsamphassajā vedanā, kāyasamphassajā vedanā, manosamphassajā vedanā. Ayaṃ vuccati, bhikkhave, vedanā.

“Katamo ca, bhikkhave, phasso? Chayime, bhikkhave, phassakāyā – cakkhusamphasso, sotasamphasso, ghānasamphasso, jivhāsamphasso, kāyasamphasso, manosamphasso. Ayaṃ vuccati, bhikkhave, phasso.

“Katamañca, bhikkhave, saḷāyatanam? Cakkhāyatanam, sotāyatanam, ghānāyatanam, jivhāyatanam, kāyāyatanam, manāyatanam – idaṃ vuccati, bhikkhave, saḷāyatanam.

“Katamañca, bhikkhave, nāmarūpaṃ? Vedanā, saññā, cetanā, phasso, manasikāro – idaṃ vuccati nāmaṃ. Cattāro ca mahābhūtā, catunnañca mahābhūtānaṃ upādāyarūpaṃ. Idaṃ vuccati rūpaṃ. Iti idañca nāmaṃ, idañca rūpaṃ. Idaṃ vuccati, bhikkhave, nāmarūpaṃ.

“Katamañca, bhikkhave, viññānaṃ? Chayime, bhikkhave, viññānakāyā – cakkhaviññānaṃ, sotaviññānaṃ, ghānaviññānaṃ, jivhāviññānaṃ, kāyaviññānaṃ, manoviññānaṃ. Idaṃ vuccati, bhikkhave, viññānaṃ.

“Katame ca, bhikkhave, saṅkhārā? Tayome, bhikkhave, saṅkhārā – kāyasāṅkhāro, vacīsāṅkhāro, cittasāṅkhāro. Ime vuccanti, bhikkhave, saṅkhārā.

“Katamā ca, bhikkhave, avijjā? Yaṃ kho, bhikkhave, dukkhe aññānaṃ, dukkhasamudaye aññānaṃ, dukkhanirodhe aññānaṃ, dukkhanirodhagāminiyā paṭipadāya aññānaṃ. Ayaṃ vuccati, bhikkhave, avijjā.

“Iti kho, bhikkhave, avijjāpaccayā saṅkhārā; saṅkhārapaccayā viññānaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññānanirodho...pe... evametassa kevalassa dukkhakkhandhassa nirodho hoti”’ti. Dutiyaṃ.

### 3. Paṭipadāsuttaṃ

3. Sāvattthiyaṃ viharati...pe... “micchāpaṭipadañca vo, bhikkhave, desessāmi sammāpaṭipadañca. Taṃ suṇātha, sādhukaṃ manasi karotha; bhāsissāmī”’ti. “Evaṃ bhante”’ti kho te bhikkhū bhagavato

paccassosum. Bhagavā etadavoca –

“Katamā ca, bhikkhave, micchāpaṭipadā? Avijjāpaccayā, bhikkhave, saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Ayaṃ vuccati, bhikkhave, micchāpaṭipadā.

“Katamā ca, bhikkhave, sammāpaṭipadā? Avijjāya tveva asesavirāgaṇirodhā saṅkhāraṇirodho; saṅkhāraṇirodhā viññāṇaṇirodho...pe... evametassa kevalassa dukkhakkhandhassa nirodho hoti. Ayaṃ vuccati, bhikkhave, sammāpaṭipadā”ti. Tatiyaṃ.

#### 4. Vipassīsuttaṃ

4. Sāvattīyaṃ viharati...pe... “vipassissa, bhikkhave, bhagavato arahato sammāsambuddhassa pubbeva sambodhā anabhisambuddhassa bodhisattasseva sato etadahosi – ‘kiccaṃ vatāyaṃ loko āpanno jāyati ca jīyati ca mīyati ca cavati ca upapajjati ca. Atha ca paṇimassa dukkhassa nissaraṇaṃ nappajānāti jarāmaṇassa. Kudāssu nāma imassa dukkhassa nissaraṇaṃ paññāyissati jarāmaṇassa”ti?

“Atha kho bhikkhave, vipassissa bodhisattassa etadahosi – ‘kimhi nu kho sati jarāmaṇaṃ hoti, kiṃpaccayā jarāmaṇa’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘jātiyā kho sati jarāmaṇaṃ hoti, jātipaccayā jarāmaṇa’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati jāti hoti, kiṃpaccayā jāti’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘bhavo kho sati jāti hoti, bhavapaccayā jāti’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati bhavo hoti, kiṃpaccayā bhavo’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘upādāne kho sati bhavo hoti, upādānapaccayā bhavo’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati upādānaṃ hoti, kiṃpaccayā upādāna’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘taṇhāya kho sati upādānaṃ hoti, taṇhāpaccayā upādāna’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati taṇhā hoti, kiṃpaccayā taṇhā’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘vedānāya kho sati taṇhā hoti, vedānapaccayā taṇhā’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati vedanā hoti, kiṃpaccayā vedanā’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘phasse kho sati vedanā hoti, phassapaccayā vedanā’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati phasso hoti, kiṃpaccayā phasso’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘saḷāyatane kho sati phasso hoti, saḷāyatanapaccayā phasso’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati saḷāyatanaṃ hoti, kiṃpaccayā saḷāyatana’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘nāmarūpe kho sati saḷāyatanaṃ hoti, nāmarūpapaccayā saḷāyatana’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati nāmarūpaṃ hoti,

kiṃpaccayā nāmarūpa’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘viññāṇe kho sati nāmarūpaṃ hoti, viññāṇapaccayā nāmarūpa’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati viññāṇaṃ hoti, kiṃpaccayā viññāṇa’nti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘saṅkhāresu kho sati viññāṇaṃ hoti, saṅkhārapaccayā viññāṇa’nti.

“Atha kho, bhikkhave, vipassissa bodhisattassa etadahosi – ‘kimhi nu kho sati saṅkhārā honti, kiṃpaccayā saṅkhārā’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘avijjāya kho sati saṅkhārā honti, avijjāpaccayā saṅkhārā’nti.

“Iti hidam avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. ‘Samudayo, samudayo’ti kho, bhikkhave, vipassissa bodhisattassa pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi.

“Atha kho, bhikkhave, vipassissa bodhisattassa etadahosi – ‘kimhi nu kho asati jarāmaṇaṃ na hoti, kissa nirodhā jarāmaṇanirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘jātiyā kho asati jarāmaṇaṃ na hoti, jātinirodhā jarāmaṇanirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati jāti na hoti, kissa nirodhā jātinirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘bhavo kho asati jāti na hoti, bhavanirodhā jātinirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati bhavo na hoti, kissa nirodhā bhavanirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘upādāne kho asati bhavo na hoti, upādānanirodhā bhavanirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati upādānaṃ na hoti, kissa nirodhā upādānanirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘taṇhāya kho asati upādānaṃ na hoti, taṇhānirodhā upādānanirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati taṇhā na hoti, kissa nirodhā taṇhānirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘vedanāya kho asati taṇhā na hoti, vedanānirodhā taṇhānirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati vedanā na hoti, kissa nirodhā vedanānirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘phasse kho asati vedanā na hoti, phassanirodhā vedanānirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati phasso na hoti, kissa nirodhā phassanirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘saḷāyatane kho asati phasso na hoti, saḷāyatanirodhā phassanirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati saḷāyatanaṃ na hoti, kissa nirodhā saḷāyatanirodho’ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘nāmarūpe kho asati saḷāyatanaṃ na hoti, nāmarūpanirodhā saḷāyatanirodho’nti.

“Atha kho, bhikkhave, vipassissa bodhisattassa etadahosi – ‘kimhi nu kho asati nāmarūpaṃ na

hoti, kissa nirodhā nāmarūpanirodho'ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘viññāṇe kho asati nāmarūpaṃ na hoti, viññāṇanirodhā nāmarūpanirodho’’ti.

“Atha kho, bhikkhave, vipassissa bodhisattassa etadahosi – ‘kimhi nu kho asati viññāṇaṃ na hoti, kissa nirodhā viññāṇanirodho'ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘saṅkhāresu kho asati viññāṇaṃ na hoti, saṅkhāranirodhā viññāṇanirodho’’ti.

“Atha kho, bhikkhave, vipassissa bodhisattassa etadahosi – ‘kimhi nu kho asati saṅkhārā na honti, kissa nirodhā saṅkhāranirodho'ti? Atha kho, bhikkhave, vipassissa bodhisattassa yoniso manasikārā ahu paññāya abhisamayo – ‘avijjāya kho asati saṅkhārā na honti, avijjānirodhā saṅkhāranirodho’’ti.

“Iti hidaṃ avijjānirodhā saṅkhāranirodho; saṅkhāranirodhā viññāṇanirodho...pe... evametassa kevalassa dukkhakkhandhassa nirodho hotīti. ‘Nirodho, nirodho'ti kho, bhikkhave, vipassissa bodhisattassa pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi’’. Catutthaṃ.

(Sattannampi buddhānaṃ evaṃ vitthāretabbo).

### 5. Sikhīsuttaṃ

5. Sikhissa, bhikkhave, bhagavato arahato sammāsambuddhassa...pe....

### 6. Vessabhūsuttaṃ

6. Vessabhussa, bhikkhave, bhagavato arahato sammāsambuddhassa...pe....

### 7. Kakusandhasuttaṃ

7. Kakusandhassa, bhikkhave, bhagavato arahato sammāsambuddhassa...pe....

### 8. Koṇāgamanasuttaṃ

8. Koṇāgamanassa, bhikkhave, bhagavato arahato sammāsambuddhassa...pe....

### 9. Kassapasuttaṃ

9. Kassapassa, bhikkhave, bhagavato arahato sammāsambuddhassa...pe....

### 10. Gotamasuttaṃ

10. “Pubbeva me, bhikkhave, sambodhā anabhisambuddhassa bodhisattasseva sato etadahosi – ‘kicchaṃ vatāyaṃ loko āpanno jāyati ca jīyati ca mīyati ca cavati ca upapajjati ca. Atha ca panimassa dukkhassa nissaraṇaṃ nappajānāti jarāmarañassa. Kudāssu nāma imassa dukkhassa nissaraṇaṃ paññāyissati jarāmarañassā’’ti?

“Tassa mayhaṃ, bhikkhave, etadahosi – ‘kimhi nu kho sati jarāmarāṇaṃ hoti, kiṃpaccayā jarāmarāṇa’nti? Tassa mayhaṃ, bhikkhave, yoniso manasikārā ahu paññāya abhisamayo – ‘jātiyā kho sati jarāmarāṇaṃ hoti, jātipaccayā jarāmarāṇa’nti.

“Tassa mayhaṃ, bhikkhave, etadahosi – ‘kimhi nu kho sati jāti hoti...pe... bhavo... upādānaṃ... taṇhā... vedanā... phasso... saḷāyatanaṃ... nāmarūpaṃ... viññānaṃ... saṅkhārā honti, kiṃpaccayā saṅkhārā’ ti? Tassa mayhaṃ, bhikkhave, yoniso manasikārā ahu paññāya abhisamayo – ‘avijjāya kho sati saṅkhārā honti, avijjāpaccayā saṅkhārā’” ti.

“Iti hidaṃ avijjāpaccayā saṅkhārā; saṅkhārapaccayā viññānaṃ...pe... evametassa kevalassa dukkhakkhandhassa samudayo hoti. ‘Samudayo, samudayo’ ti kho me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi.

“Tassa mayhaṃ, bhikkhave, etadahosi – ‘kimhi nu kho asati jarāmaṇaṃ na hoti, kissa nirodhā jarāmaṇanirodho’ ti? Tassa mayhaṃ, bhikkhave, yoniso manasikārā ahu paññāya abhisamayo – ‘jātiyā kho asati jarāmaṇaṃ na hoti, jātinirodhā jarāmaṇanirodho’” ti.

“Tassa mayhaṃ, bhikkhave, etadahosi – ‘kimhi nu kho asati jāti na hoti...pe... bhavo... upādānaṃ... taṇhā... vedanā... phasso... saḷāyatanaṃ... nāmarūpaṃ... viññānaṃ... saṅkhārā na honti, kissa nirodhā saṅkhāranirodho’ ti? Tassa mayhaṃ, bhikkhave, yoniso manasikārā ahu paññāya abhisamayo – ‘avijjāya kho asati saṅkhārā na honti, avijjānirodhā saṅkhāranirodho’” ti.

“Iti hidaṃ avijjānirodhā saṅkhāranirodho; saṅkhāranirodhā viññānanirodho...pe... evametassa kevalassa dukkhakkhandhassa nirodho hoti. ‘Nirodho, nirodho’ ti kho me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi’ ti. Dasamo.

Buddhavaggo paṭhamo.

Tassuddānaṃ –

Desanā vibhaṅgapaṭipadā ca,  
Vipassī sikhī ca vessabhū;  
Kakusandho koṇāgamaṇo kassapo,  
Mahāsakyamuni ca gotamoti.

## 2. Āhāravaggo

### 1. Āhārasuttaṃ

11. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme...pe... etadavoca – “cattārome, bhikkhave, āhārā bhūtānaṃ vā sattānaṃ ṭhitiyā sambhavesīnaṃ vā anuggahāya. Katame cattāro? Kabaḷikāro [kabaḷimkāro (sī. pī.), kavaḷikāro (syā. kaṃ.)] āhāro – oḷāriko vā sukhumo vā, phasso dutiyo, manosañcetanā tatiyā, viññānaṃ catutthaṃ. Ime kho, bhikkhave, cattāro āhārā bhūtānaṃ vā sattānaṃ ṭhitiyā sambhavesīnaṃ vā anuggahāya”.

“Ime, bhikkhave, cattāro āhārā kiṃnidānā kiṃsamudayā kiṃjātikā kiṃpabhavā? Ime cattāro āhārā taṇhānidānā taṇhāsamudayā taṇhājātikā taṇhāpabhavā. Taṇhā cāyaṃ, bhikkhave, kiṃnidānā kiṃsamudayā kiṃjātikā kiṃpabhavā? Taṇhā vedanānidānā vedanāsamudayā vedanājātikā vedanāpabhavā. Vedanā cāyaṃ, bhikkhave, kiṃnidānā kiṃsamudayā kiṃjātikā kiṃpabhavā? Vedanā phassanidānā phassasamudayā phassajātikā phassapabhavā. Phasso cāyaṃ, bhikkhave, kiṃnidāno kiṃsamudayo kiṃjātikā kiṃpabhavo? Phasso saḷāyatanaṃnidāno saḷāyatanaṃsamudayo saḷāyatanaṃjātikā saḷāyatanaṃpabhavo. Saḷāyatanaṃnidānaṃ, bhikkhave, kiṃnidānaṃ kiṃsamudayaṃ kiṃjātikaṃ kiṃpabhavaṃ? Saḷāyatanaṃ nāmarūpanidānaṃ nāmarūpasamudayaṃ nāmarūpajātikaṃ nāmarūpāpabhavaṃ. Nāmarūpañcidaṃ, bhikkhave, kiṃnidānaṃ kiṃsamudayaṃ kiṃjātikaṃ

kiṃpabhavaṃ? Nāmarūpaṃ viññāṇanidānaṃ viññāṇasamudayaṃ viññāṇajātikaṃ viññāṇapabhavaṃ. Viññāṇañcidaṃ, bhikkhave, kiṃnidānaṃ kiṃsamudayaṃ kiṃjātikaṃ kiṃpabhavaṃ? Viññāṇaṃ saṅkhāranidānaṃ saṅkhārasamudayaṃ saṅkhārajātikaṃ saṅkhārapabhavaṃ. Saṅkhārā cime, bhikkhave, kiṃnidānā kiṃsamudayā kiṃjātikā kiṃpabhavā? Saṅkhārā avijjānidānā avijjāsamudayā avijjājātikā avijjāpabhavā.

“Iti kho, bhikkhave, avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññāṇanirodho ...pe... evametassa kevalassa dukkhakkhandhassa nirodho hoti”ti. Paṭhamam.

## 2. Moḷiyaphaggunasuttaṃ

12. Sāvattiyam viharati...pe... “cattārome, bhikkhave, āhārā bhūtānaṃ vā sattānaṃ ṭhitiyā sambhavesīnaṃ vā anuggahāya. Katame cattāro? Kabaḷikāro āhāro – oḷāriko vā sukhumo vā, phasso dutiyo, manosañcetanā tatiyā, viññāṇaṃ catuttham. Ime kho, bhikkhave, cattāro āhārā bhūtānaṃ vā sattānaṃ ṭhitiyā sambhavesīnaṃ vā anuggahāyā”ti.

Evaṃ vutte, āyasmā moḷiyaphagguno bhagavantaṃ etadavoca – “ko nu kho, bhante, viññāṇāhāraṃ āhāretī”ti? “No kallo pañho”ti bhagavā avoca – “āhāretī”ti ahaṃ na vadāmi. ‘Āhāretī’ti cāhaṃ vadeyyam, tatrassa kallo pañho – ‘ko nu kho, bhante, āhāretī’ti? Evaṃ cāhaṃ na vadāmi. Evaṃ maṃ avadantaṃ yo evaṃ puccheyya – ‘kissa nu kho, bhante, viññāṇāhāro’ti, esa kallo pañho. Tatra kallaṃ veyyākaraṇam – ‘viññāṇāhāro āyatim punabbhavābhiniḍḍattiyā paccayo, tasmim bhūte sati saḷāyatanam, saḷāyatanapaccayā phasso’”ti.

“Ko nu kho, bhante, phusatī”ti? “No kallo pañho”ti bhagavā avoca – “phusatī”ti ahaṃ na vadāmi. ‘Phusatī’ti cāhaṃ vadeyyam, tatrassa kallo pañho – ‘ko nu kho, bhante, phusatī’ti? Evaṃ cāhaṃ na vadāmi. Evaṃ maṃ avadantaṃ yo evaṃ puccheyya – ‘kiṃpaccayā nu kho, bhante, phasso’ti, esa kallo pañho. Tatra kallaṃ veyyākaraṇam – ‘saḷāyatanapaccayā phasso, phassapaccayā vedanā’”ti.

“Ko nu kho, bhante, vedayati”ti [vediyatīti (sī. pī. ka.)]? “No kallo pañho”ti bhagavā avoca – “vedayati”ti ahaṃ na vadāmi. ‘Vedayati’ti cāhaṃ vadeyyam, tatrassa kallo pañho – ‘ko nu kho, bhante, vedayati’ti? Evaṃ cāhaṃ na vadāmi. Evaṃ maṃ avadantaṃ yo evaṃ puccheyya – ‘kiṃpaccayā nu kho, bhante, vedanā’ti, esa kallo pañho. Tatra kallaṃ veyyākaraṇam – ‘phassapaccayā vedanā, vedanāpaccayā taṇhā’”ti.

“Ko nu kho, bhante, tasatī”ti [taṇhīyatīti (sī. syā. kaṃ.)]? “No kallo pañho”ti bhagavā avoca – “tasatī”ti ahaṃ na vadāmi. ‘Tasatī’ti cāhaṃ vadeyyam, tatrassa kallo pañho – ‘ko nu kho, bhante, tasatī’ti? Evaṃ cāhaṃ na vadāmi. Evaṃ maṃ avadantaṃ yo evaṃ puccheyya – ‘kiṃpaccayā nu kho, bhante, taṇhā’ti, esa kallo pañho. Tatra kallaṃ veyyākaraṇam – ‘vedanāpaccayā taṇhā, taṇhāpaccayā upādāna’”nti.

“Ko nu kho, bhante, upādiyati”ti? “No kallo pañho”ti bhagavā avoca – “upādiyati”ti ahaṃ na vadāmi. ‘Upādiyati’ti cāhaṃ vadeyyam, tatrassa kallo pañho – ‘ko nu kho, bhante, upādiyati’ti? Evaṃ cāhaṃ na vadāmi. Evaṃ maṃ avadantaṃ yo evaṃ puccheyya – ‘kiṃpaccayā nu kho, bhante, upādāna’nti, esa kallo pañho. Tatra kallaṃ veyyākaraṇam – ‘taṇhāpaccayā upādānaṃ; upādānapaccayā bhavo’ti...pe... evametassa kevalassa dukkhakkhandhassa samudayo hoti.

“Channaṃ tveva, phagguna, phassāyatanānaṃ asesavirāganirodhā phassanirodho; phassanirodhā vedanānirodho; vedanānirodhā taṇhānirodho; taṇhānirodhā upādānanirodho; upādānanirodhā bhavanirodho; bhavanirodhā jātinirodho; jātinirodhā jarāmarāṇam

sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti”ti. Dutiyam.

### 3. Samaṇabrāhmaṇasuttaṃ

13. Sāvatthiyaṃ viharati...pe... “ye hi keci, bhikkhave, samaṇā vā brāhmaṇā vā jarāmarañam nappajānanti, jarāmarañasamudayaṃ nappajānanti, jarāmarañanirodham nappajānanti, jarāmarañanirodhagāminiṃ paṭipadam nappajānanti; jātiṃ...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre nappajānanti, saṅkhārasamudayaṃ nappajānanti, saṅkhāranirodham nappajānanti, saṅkhāranirodhagāminiṃ paṭipadam nappajānanti, na me te, bhikkhave, samaṇā vā brāhmaṇā vā samaṇesu vā samaṇasammata brāhmaṇesu vā brāhmaṇasammata; na ca pana te āyasmanto sāmaññatthaṃ vā brahmaññatthaṃ [brāhmaññatthaṃ (syā. kaṃ.) moggallānabyākaraṇam oloketabbaṃ] vā diṭṭheva dhamme sayam abhiññā sacchikatvā upasampajja viharanti.

“Ye ca kho keci, bhikkhave, samaṇā vā brāhmaṇā vā jarāmarañam pajānanti, jarāmarañasamudayaṃ pajānanti, jarāmarañanirodham pajānanti, jarāmarañanirodhagāminiṃ paṭipadam pajānanti; jātiṃ...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre pajānanti, saṅkhārasamudayaṃ pajānanti, saṅkhāranirodham pajānanti, saṅkhāranirodhagāminiṃ paṭipadam pajānanti, te kho me, bhikkhave, samaṇā vā brāhmaṇā vā samaṇesu ceva samaṇasammata brāhmaṇesu ca brāhmaṇasammata; te ca panāyasmanto sāmaññatthaṃ vā brahmaññatthaṃ diṭṭheva dhamme sayam abhiññā sacchikatvā upasampajja viharanti”ti. Tatiyaṃ.

### 4. Dutiyasamaṇabrāhmaṇasuttaṃ

14. Sāvatthiyaṃ viharati...pe... “ye hi keci, bhikkhave, samaṇā vā brāhmaṇā vā ime dhamme nappajānanti, imesaṃ dhammānaṃ samudayaṃ nappajānanti, imesaṃ dhammānaṃ nirodham nappajānanti, imesaṃ dhammānaṃ nirodhagāminiṃ paṭipadam nappajānanti, katame dhamme nappajānanti, katamesaṃ dhammānaṃ samudayaṃ nappajānanti, katamesaṃ dhammānaṃ nirodham nappajānanti, katamesaṃ dhammānaṃ nirodhagāminiṃ paṭipadam nappajānanti”?

“Jarāmarañam nappajānanti, jarāmarañasamudayaṃ nappajānanti, jarāmarañanirodham nappajānanti, jarāmarañanirodhagāminiṃ paṭipadam nappajānanti; jātiṃ...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre nappajānanti, saṅkhārasamudayaṃ nappajānanti, saṅkhāranirodham nappajānanti, saṅkhāranirodhagāminiṃ paṭipadam nappajānanti. Ime dhamme nappajānanti, imesaṃ dhammānaṃ samudayaṃ nappajānanti, imesaṃ dhammānaṃ nirodham nappajānanti, imesaṃ dhammānaṃ nirodhagāminiṃ paṭipadam nappajānanti. Na me te, bhikkhave, samaṇā vā brāhmaṇā vā samaṇesu vā samaṇasammata brāhmaṇesu vā brāhmaṇasammata, na ca pana te āyasmanto sāmaññatthaṃ vā brahmaññatthaṃ vā diṭṭheva dhamme sayam abhiññā sacchikatvā upasampajja viharanti.

“Ye ca kho keci, bhikkhave, samaṇā vā brāhmaṇā vā ime dhamme pajānanti, imesaṃ dhammānaṃ samudayaṃ pajānanti, imesaṃ dhammānaṃ nirodham pajānanti, imesaṃ dhammānaṃ nirodhagāminiṃ paṭipadam pajānanti, katame dhamme pajānanti, katamesaṃ dhammānaṃ samudayaṃ pajānanti, katamesaṃ dhammānaṃ nirodham pajānanti, katamesaṃ dhammānaṃ nirodhagāminiṃ paṭipadam pajānanti?

“Jarāmarañam pajānanti, jarāmarañasamudayaṃ pajānanti, jarāmarañanirodham pajānanti, jarāmarañanirodhagāminiṃ paṭipadam pajānanti; jātiṃ...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre pajānanti, saṅkhārasamudayaṃ pajānanti, saṅkhāranirodham pajānanti, saṅkhāranirodhagāminiṃ paṭipadam



pajānanti. Ime dhamme pajānanti, imesaṃ dhammānaṃ samudayaṃ pajānanti, imesaṃ dhammānaṃ nirodhaṃ pajānanti, imesaṃ dhammānaṃ nirodhagāminiṃ paṭipadaṃ pajānanti. Te kho me, bhikkhave, samaṇā vā brāhmaṇā vā samaṇesu ceva samaṇasammatā, brāhmaṇesu ca brāhmaṇasammatā. Te ca panāyasmanto sāmāññatthaṅca brahmaññatthaṅca diṭṭheva dhamme sayāṃ abhiññā sacchikatvā upasampajja viharanti’’ti. Catutthaṃ.

## 5. Kaccānagottasuttaṃ

15. Sāvattiyāṃ viharati. Atha kho āyasmā kaccānagotto yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā kaccānagotto bhagavantaṃ etadavoca – ‘‘sammādiṭṭhi sammādiṭṭhi’’ti, bhante, vuccati. Kittāvatā nu kho, bhante, sammādiṭṭhi hoti’’ti?

‘‘Dvayanissito khvāyaṃ, kaccāna, loko yebhuyyena – atthitaṅceva natthitaṅca. Lokasamudayaṃ kho, kaccāna, yathābhūtaṃ sammappaññāya passato yā loke natthitā sā na hoti. Lokanirodhaṃ kho, kaccāna, yathābhūtaṃ sammappaññāya passato yā loke atthitā sā na hoti. Upayupādānābhinivesavinibandho [upāyupādānābhinivesavinibandho (sī. syā. kaṃ. pī.)] khvāyaṃ, kaccāna, loko yebhuyyena. Taṅcāyaṃ upayupādānaṃ cetaso adhiṭṭhānaṃ abhinivesānusayaṃ na upeti na upādiyati nādiṭṭhāti – ‘attā me’’ti. ‘Dukkameva uppajjamānaṃ uppajjati, dukkhaṃ nirujjhamānaṃ nirujjhati’’ti na kaṅkhati na vicikicchati aparapaccayā ñāṇamevassa ettha hoti. Ettāvatā kho, kaccāna, sammādiṭṭhi hoti.

‘‘Sabbāṃ atthi’’ti kho, kaccāna, ayameko anto. ‘Sabbāṃ natthi’’ti ayaṃ dutiyo anto. Ete te, kaccāna, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññāṇanirodho...pe... evametassa kevalassa dukkhakkhandhassa nirodho hoti’’ti. Pañcamaṃ.

## 6. Dhammakathikasuttaṃ

16. Sāvattiyāṃ ...pe... atha kho aññataro bhikkhu yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – ‘‘dhammakathiko dhammakathiko’’ti, bhante, vuccati. Kittāvatā nu kho, bhante, dhammakathiko hoti’’ti?

‘‘Jarāmaṇassa ce bhikkhu nibbidāya virāgāya nirodhāya dhammaṃ deseti, ‘dhammakathiko bhikkhū’’ti alaṃ vacanāya. Jarāmaṇassa ce bhikkhu nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’’ti alaṃ vacanāya. Jarāmaṇassa ce bhikkhu nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’’ti alaṃ vacanāya.

‘‘Jātiyā ce bhikkhu...pe... bhavassa ce bhikkhu... upādānassa ce bhikkhu... taṇhāya ce bhikkhu... vedanāya ce bhikkhu... phassassa ce bhikkhu... saḷāyatanassa ce bhikkhu... nāmarūpassa ce bhikkhu... viññāṇassa ce bhikkhu... saṅkhārānaṃ ce bhikkhu... avijjāya ce bhikkhu nibbidāya virāgāya nirodhāya dhammaṃ deseti, ‘dhammakathiko bhikkhū’’ti alaṃ vacanāya. Avijjāya ce bhikkhu nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’’ti alaṃ vacanāya. Avijjāya ce bhikkhu nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’’ti alaṃ vacanāya’’ti.

## 7. Acelakassapasuttaṃ

17. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Atha

kho bhagavā pubbaṅhasamayam nivāsetvā pattacīvaramādāya rājagaham piṇḍāya pāvīsi. Addasā kho acelo kassapo bhagavantam dūratova āgacchantam. Disvāna yena bhagavā tenupasaṅkami; upasaṅkamtivā bhagavatā saddhiṃ sammodi. Sammodaniyam katham saraṇiyam vītisāretvā ekamantaṃ aṭṭhāsi. Ekamantaṃ ṭhito kho acelo kassapo bhagavantam etadavoca – “puccheyyāma mayam bhavantam gotamam kaṅcideva [kiṅcideva (ka.)] desam, sace no bhavam gotamo okāsam karoti paṅhassa veyyākaraṇyā”ti.

“Akālo kho tāva, kassapa, paṅhassa; antaragharam pavittḥamhā”ti. Dutiyampi kho acelo kassapo bhagavantam etadavoca “puccheyyāma mayam bhavantam gotamam kaṅcideva desam, sace no bhavam gotamo okāsam karoti paṅhassa veyyākaraṇyā”ti. “Akālo kho tāva, kassapa, paṅhassa; antaragharam pavittḥamhā”ti. Tatiyampi kho acelo kassapo...pe... antaragharam pavittḥamhāti. Evaṃ vutte, acelo kassapo bhagavantam etadavoca – “na kho pana mayam bhavantam gotamam bahudeva pucchitukāmā”ti. “Puccha, kassapa, yadākaṅkhasī”ti.

“Kiṃ nu kho, bho gotama, ‘sayamkataṃ dukkha’nti? ‘Mā hevaṃ, kassapā’ti bhagavā avoca. ‘Kiṃ pana, bho gotama, paramkataṃ dukkha’nti? ‘Mā hevaṃ, kassapā’ti bhagavā avoca. ‘Kiṃ nu kho, bho gotama, sayamkataṅca paramkataṅca dukkha’nti? ‘Mā hevaṃ, kassapā’ti bhagavā avoca. ‘Kiṃ pana bho gotama, asayamkāram aparamkāram adhiccasamuppannaṃ dukkha’nti? ‘Mā hevaṃ, kassapā’ti bhagavā avoca. ‘Kiṃ nu kho, bho gotama, natthi dukkha’nti? ‘Na kho, kassapa, natthi dukkham. Atthi kho, kassapa, dukkha’nti. ‘Tena hi bhavam gotamo dukkham na jānāti, na passatī’ti. ‘Na khvāham, kassapa, dukkham na jānāmi, na passāmi. Jānāmi khvāham, kassapa, dukkham; passāmi khvāham, kassapa, dukkha’”nti.

“Ki nu kho, bho gotama, ‘sayamkataṃ dukkha’nti iti puṭṭho samāno ‘mā hevaṃ, kassapā’ti vadesi. ‘Kiṃ pana, bho gotama, paramkataṃ dukkha’nti iti puṭṭho samāno ‘mā hevaṃ, kassapā’ti vadesi. ‘Kiṃ nu kho, bho gotama, sayamkataṅca paramkataṅca dukkha’nti iti puṭṭho samāno ‘mā hevaṃ, kassapā’ti vadesi. ‘Kiṃ pana, bho gotama, asayamkāram aparamkāram adhiccasamuppannaṃ dukkha’nti iti puṭṭho samāno ‘mā hevaṃ, kassapā’ti vadesi. ‘Kiṃ nu kho, bho gotama, natthi dukkha’nti iti puṭṭho samāno ‘na kho, kassapa, natthi dukkham, atthi kho, kassapa, dukkha’nti vadesi. ‘Tena hi bhavam gotamo dukkham na jānāti na passatī’ti iti puṭṭho samāno ‘na khvāham, kassapa, dukkham na jānāmi na passāmi. Jānāmi khvāham, kassapa, dukkham; passāmi khvāham, kassapa, dukkha’nti vadesi. Ācikkhatu ca [ayam cakāro sī. potthake natthi] me, bhante, bhagavā dukkham. Desetu ca [ayam cakāro sī. potthake natthi] me, bhante, bhagavā dukkha’nti.

“So karoti so paṭisaṃvedayatī’ti [paṭisaṃvediyatīti (sī. pī. ka.)] kho, kassapa, ādito sato ‘sayamkataṃ dukkha’nti iti vadam sassataṃ etaṃ pareti. ‘Añño karoti añño paṭisaṃvedayatī’ti kho, kassapa, vedanābhitunnassa sato ‘paramkataṃ dukkha’nti iti vadam ucchedam etaṃ pareti. Ete te, kassapa, ubho ante anupagamma majjhena tathāgato dhammam deseti – ‘avijjāpaccayā saṅkhārā; saṅkhārapaccayā viññānaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññānanirodho...pe... evametassa kevalassa dukkhakkhandhassa nirodho hoti’”ti.

Evaṃ vutte, acelo kassapo bhagavantam etadavoca – “abhikkantaṃ, bhante, abhikkantaṃ, bhante! Seyyathāpi, bhante, nikkujjitaṃ vā ukkujjeyya...pe... cakkhumanto rūpāni dakkhantīti; evamevaṃ bhagavatā anekapariyāyena dhammo pakāsito. Esāham, bhante, bhagavantam saraṇam gacchāmi dhammaṅca bhikkhusaṅghaṅca. Labheyyāham, bhante, bhagavato santike pabbajjam, labheyyam upasampada’nti.

“Yo kho, kassapa, aññatitthiyapubbo imasmim dhammavinaye ākaṅkhati pabbajjam, ākaṅkhati upasampadam, so cattāro māse parivasati. Catunnam māsānam accayena [accayena parivuttḥaparivāsam (syā. kam. pī. ka.)] (parivuttḥaparivāsam) āraddhacittā bhikkhū [bhikkhū ākaṅkhamānā (syā. kam. pī.

ka.)] pabbājenti upasampādentī bhikkhubhāvāya. Api ca mayā puggalavemattatā viditā’’ti.

“Sace, bhante, aññatitthiyapubbo imasmiṃ dhammavinaye ākaṅkhati pabbajjaṃ, ākaṅkhati upasampadaṃ, cattāro māse parivasati. Catunnaṃ māsānaṃ accayena [accayena parivutṭhaparivāsaṃ (syā. kaṃ. pī. ka.)] (parivutṭhaparivāsaṃ) āraddhacittā bhikkhū [bhikkhū ākaṅkhamānā (syā. kaṃ. pī. ka.)] pabbājenti upasampādentī bhikkhubhāvāya. Ahaṃ cattāri vassāni parivasissāmi, catunnaṃ vassānaṃ accayena [accayena parivutṭhaparivāsaṃ (syā. kaṃ. pī. ka.)] (parivutṭhaparivāsaṃ) āraddhacittā bhikkhū pabbājentu upasampādentu bhikkhubhāvāya’’ti.

Alattha kho acelo kassapo bhagavato santike pabbajjaṃ, alattha upasampadaṃ. Acirūpasampanno ca panāyasmā kassapo eko vūpakaṭṭho appamatto ātāpī pahitatto viharanto nacirasseva – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayāṃ abhiññā sacchikatvā upasampajja vihāsi. “Khīṇā jāti vusitaṃ brahmacariyaṃ, kataṃ karaṇīyaṃ, nāparaṃ itthattāya’’ti abbhaññāsi. Aññataro ca panāyasmā kassapo arahataṃ ahoṣīti. Sattamaṃ.

## 8. Timbarukasuttaṃ

18. Sāvattthiyaṃ viharati. Atha kho timbaruko paribbājako yena bhagavā tenupasaṅkami; upasaṅkamitvā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisīno kho timbaruko paribbājako bhagavantaṃ etadavoca –

““Kiṃ nu kho, bho gotama, sayāṃkataṃ sukhadukkha’nti? ‘Mā hevaṃ, timbarukā’ti bhagavā avoca. ‘Kiṃ pana, bho gotama, paraṃkataṃ sukhadukkha’nti? ‘Mā hevaṃ, timbarukā’ti bhagavā avoca. ‘Kiṃ nu kho, bho gotama, sayāṃkatañca paraṃkatañca sukhadukkha’nti? ‘Mā hevaṃ, timbarukā’ti bhagavā avoca. ‘Kiṃ pana, bho gotama, asayaṃkāraṃ aparaṃkāraṃ adhiccasamuppannaṃ sukhadukkha’nti? ‘Mā hevaṃ, timbarukā’ti bhagavā avoca. ‘Kiṃ nu kho, bho gotama, natthi sukhadukkha’nti? ‘Na kho, timbaruka, natthi sukhadukkhaṃ; atthi kho, timbaruka, sukhadukkha’nti. ‘Tena hi bhavaṃ gotamo sukhadukkhaṃ na jānāti, na passatī’ti? ‘Na khvāhaṃ, timbaruka, sukhadukkhaṃ na jānāmi, na passāmi. Jānāmi khvāhaṃ, timbaruka, sukhadukkhaṃ; passāmi khvāhaṃ, timbaruka, sukhadukkha’’nti.

““Kiṃ nu kho, bho gotama, sayāṃkataṃ sukhadukkha’nti iti puṭṭho samāno ‘mā hevaṃ, timbarukā’ti vadesi. ‘Kiṃ pana, bho gotama, paraṃkataṃ sukhadukkha’nti iti puṭṭho samāno ‘mā hevaṃ, timbarukā’ti vadesi. ‘Kiṃ nu kho, bho gotama, sayāṃkatañca paraṃkatañca sukhadukkha’nti iti puṭṭho samāno ‘mā hevaṃ, timbarukā’ti vadesi. ‘Kiṃ pana, bho gotama, asayaṃkāraṃ aparaṃkāraṃ adhiccasamuppannaṃ sukhadukkha’nti iti puṭṭho samāno ‘mā hevaṃ, timbarukā’ti vadesi. ‘Kiṃ nu kho, bho gotama, natthi sukhadukkha’nti iti puṭṭho samāno ‘na kho, timbaruka, natthi sukhadukkhaṃ; atthi kho, timbaruka, sukhadukkha’nti vadesi. ‘Tena hi bhavaṃ gotamo sukhadukkhaṃ na jānāti, na passatī’ti iti puṭṭho samāno ‘na khvāhaṃ, timbaruka, sukhadukkhaṃ na jānāmi, na passāmi. Jānāmi khvāhaṃ, timbaruka, sukhadukkhaṃ; passāmi khvāhaṃ, timbaruka, sukhadukkha’nti vadesi. Ācikkhatu ca me bhavaṃ gotamo sukhadukkhaṃ. Desetu ca me bhavaṃ gotamo sukhadukkha’’nti.

““Sā vedanā, so vedayatī’ti kho, timbaruka, ādito sato ‘sayāṃkataṃ sukhadukkha’nti evampāhaṃ na vadāmi. ‘Aññā vedanā, añño vedayatī’ti kho, timbaruka, vedanābhitunnassa sato ‘paraṃkataṃ sukhadukkha’nti evampāhaṃ na vadāmi. Ete te, timbaruka, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā; saṅkhārapaccayā viññānaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññānanirodho...pe... evametassa kevalassa dukkhakkhandhassa nirodho hoti’’ti.

Evam vutte, timbaruko paribbājako bhagavantaṃ etadavoca – “abhikkantaṃ, bho gotama...pe...

esāhaṃ bhavaṃtaṃ gotamaṃ saraṇaṃ gacchāmi dhammaṅca bhikkhusaṅghaṅca. Upāsakaṃ maṃ bhavaṃ gotamo dhāretu ajjatagge pāṇupetaṃ saraṇaṃ gata’’nti. Aṭṭhamaṃ.

## 9. Bālapaṇḍitasuttaṃ

19. Sāvattthiyaṃ viharati...pe... ‘‘avijjānīvaraṇassa, bhikkhave, bālassa taṇhāya sampayuttassa evamayāṃ kāyo samudāgato. Iti ayaṅceva kāyo bahiddhā ca nāmarūpaṃ, itthetaṃ dvayaṃ, dvayaṃ paṭicca phasso saḷvāyatanāni [saḷāyatanāni (ka.)], yehi phuṭṭho bālo sukhadukkhaṃ paṭisaṃvedayati etesaṃ vā aññatarena’’.

‘‘Avijjānīvaraṇassa, bhikkhave, paṇḍitassa taṇhāya sampayuttassa evamayāṃ kāyo samudāgato. Iti ayaṅceva kāyo bahiddhā ca nāmarūpaṃ, itthetaṃ dvayaṃ, dvayaṃ paṭicca phasso saḷvāyatanāni, yehi phuṭṭho paṇḍito sukhadukkhaṃ paṭisaṃvedayati etesaṃ vā aññatarena’’.

‘‘Tatra, bhikkhave, ko viseso ko adhippayāso [adhippayāso (sī. pī. ka.), adhippayāso (syā. kaṃ.) adhi + pa + yasu + ṇa + sī = adhippayāso] kiṃ nānākaraṇaṃ paṇḍitassa bālenā’’ti? ‘‘Bhagavaṃmūlakā no, bhante, dhammā, bhagavaṃnettikā, bhagavaṃpaṭisaraṇā. Sādhu vata, bhante, bhagavantaṃyeva paṭibhātu etassa bhāsitaṃ attho. Bhagavato sutvā bhikkhū dhāressanti’’ti.

‘‘Tena hi, bhikkhave, suṇātha, sādhukaṃ manasi karotha, bhāsissāmi’’ti. ‘‘Evaṃ, bhante’’ti kho te bhikkhū bhagavato paccassosum. Bhagavā etadavoca –

‘‘Yāya ca, bhikkhave, avijjāya nivutassa bālassa yāya ca taṇhāya sampayuttassa ayaṃ kāyo samudāgato, sā ceva avijjā bālassa appahīnā sā ca taṇhā aparikkhīṇā. Taṃ kissa hetu? Na, bhikkhave, bālo acari brahmacariyaṃ sammā dukkhakkhayāya. Tasmā bālo kāyassa bhedaṃ kāyūpago hoti, so kāyūpago samāno na parimuccati jātiyā jarāmarañena sokehi paridevehi dukkhehi domanassehi upāyāsehi. Na parimuccati dukkhasmāti vadāmi.

‘‘Yāya ca, bhikkhave, avijjāya nivutassa paṇḍitassa yāya ca taṇhāya sampayuttassa ayaṃ kāyo samudāgato, sā ceva avijjā paṇḍitassa pahīnā, sā ca taṇhā parikkhīṇā. Taṃ kissa hetu? Acari, bhikkhave, paṇḍito brahmacariyaṃ sammā dukkhakkhayāya. Tasmā paṇḍito kāyassa bhedaṃ na kāyūpago hoti. So akāyūpago samāno parimuccati jātiyā jarāmarañena sokehi paridevehi dukkhehi domanassehi upāyāsehi. Parimuccati dukkhasmāti vadāmi. Ayaṃ kho, bhikkhave, viseso, ayaṃ adhippayāso, idaṃ nānākaraṇaṃ paṇḍitassa bālena yadidaṃ brahmacariyavāso’’ti. Navamaṃ.

## 10. Paccayasuttaṃ

20. Sāvattthiyaṃ viharati...pe... ‘‘paṭiccasamuppādaṅca vo, bhikkhave, desessāmi paṭiccasamuppanne ca dhamme. Taṃ suṇātha, sādhukaṃ manasi karotha, bhāsissāmi’’ti. ‘‘Evaṃ, bhante’’ti kho te bhikkhū bhagavato paccassosum. Bhagavā etadavoca –

‘‘Katamo ca, bhikkhave, paṭiccasamuppādo? Jātipaccayā, bhikkhave, jarāmarañam. Uppādā vā tathāgatānaṃ anuppādā vā tathāgatānaṃ, ṭhitāva sā dhātu dhammaṭṭhitatā dhammaniyāmatā idappaccayatā. Taṃ tathāgato abhisambujjhati abhisameti. Abhisambujjhivā abhisameti vā acikkhati deseti paññāpeti paṭṭhapeti vivarati vibhajati uttānikaroti. ‘Passathā’’ti cāha – ‘jātipaccayā, bhikkhave, jarāmarañam’’’.

‘‘Bhavapaccayā, bhikkhave, jāti...pe... upādānapaccayā, bhikkhave, bhavo... taṇhāpaccayā, bhikkhave, upādānaṃ... vedānapaccayā, bhikkhave, taṇhā... phassapaccayā, bhikkhave, vedānā... saḷāyatanapaccayā, bhikkhave, phasso... nāmarūpapaccayā, bhikkhave, saḷāyatanam... viññānapaccayā, bhikkhave, nāmarūpaṃ... saṅkhārapaccayā, bhikkhave, viññānaṃ... avijjāpaccayā, bhikkhave, saṅkhārā

uppādā vā tathāgatānaṃ anuppādā vā tathāgatānaṃ, t̥hitāva sā dhātu dhammaṭṭhitatā dhammaniyāmatā idappaccayatā. Taṃ tathāgato abhisambujjhati abhisameti. Abhisambujjhitvā abhisametvā ācikkhati deseti paññāpeti paṭṭhapeti vivarati vibhajati uttānīkaroti. ‘Passathā’ ti cāha ‘avijjāpaccayā, bhikkhave, saṅkhārā’. Iti kho, bhikkhave, yā tatra tathatā avitathatā anaññathatā idappaccayatā – ayaṃ vuccati, bhikkhave, paṭiccasamuppādo.

“Katame ca, bhikkhave, paṭiccasamuppannā dhammā? Jarāmaṇaṃ, bhikkhave, aniccaṃ saṅkhatam paṭiccasamuppannaṃ khayadhammaṃ vayadhammaṃ virāgadhammaṃ nirodhadhammaṃ. Jāti, bhikkhave, aniccā saṅkhatā paṭiccasamuppannā khayadhammā vayadhammā virāgadhammā nirodhadhammā. Bhavo, bhikkhave, anicco saṅkhatō paṭiccasamuppanno khayadhammo vayadhammo virāgadhammo nirodhadhammo. Upādānaṃ bhikkhave...pe... taṅhā, bhikkhave... vedanā, bhikkhave... phasso, bhikkhave... saḷāyatanam, bhikkhave... nāmarūpaṃ, bhikkhave... viññānaṃ, bhikkhave... saṅkhārā, bhikkhave... avijjā, bhikkhave, aniccā saṅkhatā paṭiccasamuppannā khayadhammā vayadhammā virāgadhammā nirodhadhammā. Ime vuccanti, bhikkhave, paṭiccasamuppannā dhammā.

“Yato kho, bhikkhave, ariyasāvakassa ‘ayañca paṭiccasamuppādo, ime ca paṭiccasamuppannā dhammā’ yathābhūtaṃ sammappaññāya sudiṭṭhā honti, so vata pubbantaṃ vā paṭidhāvissati – ‘ahosiṃ nu kho ahaṃ [nu khvāhaṃ (syā. kaṃ. pī. ka.)] atītamaddhānaṃ, nanu kho ahosiṃ atītamaddhānaṃ, kiṃ nu kho ahosiṃ atītamaddhānaṃ, kathaṃ nu kho ahosiṃ atītamaddhānaṃ, kiṃ hutvā kiṃ ahosiṃ nu kho ahaṃ atītamaddhāna’nti; aparantaṃ vā upadhāvissati [apadhāvissati (ka.)] – ‘bhavissāmi nu kho ahaṃ anāgatamaddhānaṃ, nanu kho bhavissāmi anāgatamaddhānaṃ, kiṃ nu kho bhavissāmi anāgatamaddhānaṃ, kathaṃ nu kho bhavissāmi anāgatamaddhānaṃ, kiṃ hutvā kiṃ bhavissāmi nu kho ahaṃ anāgatamaddhāna’nti; etarahi vā paccuppannaṃ addhānaṃ ajjhantaṃ kathaṃkathī bhavissati – ‘ahaṃ nu khosmi, no nu khosmi, kiṃ nu khosmi, kathaṃ nu khosmi, ayaṃ nu kho satto kuto āgato, so kuhiṃ gamissatī’ ti – netam t̥hānaṃ vijjati. Taṃ kissa hetu? Tathāhi, bhikkhave, ariyasāvakassa ayañca paṭiccasamuppādo ime ca paṭiccasamuppannā dhammā yathābhūtaṃ sammappaññāya sudiṭṭhā’ ti. Dasamaṃ.

Āhāravaggo dutiyo.

Tassuddānaṃ –

Āhāraṃ phagguno ceva, dve ca samaṇabrāhmaṇā;  
Kaccānagotto dhammakathikaṃ, acelaṃ timbarukena ca;  
Bālapanḍitato ceva, dasamo paccayena cāti.

### 3. Dasabalavaggo

#### 1. Dasabalasuttaṃ

21. Sāvattiyam viharati...pe... “dasabalasamannāgato, bhikkhave, tathāgato catūhi ca vesārajjehi samannāgato āsabhaṃ t̥hānaṃ paṭijānāti, parisāsu sīhanādaṃ nadati, brahmacakkaṃ pavatteti – iti rūpaṃ iti rūpassa samudayo iti rūpassa atthaṅgamo, iti vedanā iti vedanāya samudayo iti vedanāya atthaṅgamo, iti saññā iti saññāya samudayo iti saññāya atthaṅgamo, iti saṅkhārā iti saṅkhārānaṃ samudayo iti saṅkhārānaṃ atthaṅgamo, iti viññānaṃ iti viññānaṃ samudayo iti viññānaṃ atthaṅgamo. Iti imasmiṃ sati idaṃ hoti, imassuppādā idaṃ uppajjati. Imasmiṃ asati idaṃ na hoti, imassa nirodhā idaṃ nirujjhati. Yadidaṃ avijjāpaccayā saṅkhārā; saṅkhārapaccayā viññānaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññānanirodho...pe... evametassa kevalassa dukkhakkhandhassa nirodho hoti’ ti. Paṭhamam.

## 2. Dutiyadasabalasuttam

22. Sāvattthiyaṃ viharati...pe... “dasabalasamannāgato, bhikkhave, tathāgato catūhi ca vesārajjehi samannāgato āsabhaṃ ṭhānaṃ paṭijānāti, parisāsu sīhanādaṃ nadati, brahmacakkaṃ pavattetti – ‘iti rūpaṃ iti rūpassa samudayo iti rūpassa atthaṅgamo, iti vedanā iti vedanāya samudayo iti vedanāya atthaṅgamo, iti saññā iti saññāya samudayo iti saññāya atthaṅgamo, iti saṅkhārā iti saṅkhārānaṃ samudayo iti saṅkhārānaṃ atthaṅgamo, iti viññāṇaṃ iti viññāṇassa samudayo iti viññāṇassa atthaṅgamo. Iti imasmim̐ sati idaṃ hoti, imassuppādā idaṃ uppajjati; imasmim̐ asati idaṃ na hoti imassa nirodhā idaṃ nirujjhati. Yadaidaṃ avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññāṇanirodho...pe... evametassa kevalassa dukkhakkhandhassa nirodho hoti’”.

“Evaṃ svākkhāto, bhikkhave, mayā dhammo uttāno vivaṇṇo pakāsito chinnapilotiko. Evaṃ svākkhāte kho, bhikkhave, mayā dhamme uttāne vivaṇṇe pakāsīte chinnapilotike alameva saddhāpabbajitena kulaputtana vīriyaṃ ārabhituṃ – ‘kāmaṃ taco ca nhāru [nahāru (sī. syā. kaṃ. pī.)] ca aṭṭhi ca avasissatu, sarīre upasussatu [avasussatu ma. ni. 2.184] maṃsalohitaṃ. Yaṃ taṃ purisathāmena purisavīriyena purisaparakkamena pattabbaṃ, na taṃ apāpuṇitvā vīriyassa saṅghānaṃ bhavissati’”ti.

“Dukkhāṃ, bhikkhave, kusīto viharati vokiṇṇo pāpakehi akusalehi dhammehi, mahantaṅca sadatthaṃ parihāpeti. Āradhāvīriyo ca kho, bhikkhave, sukhaṃ viharati pavivitto pāpakehi akusalehi dhammehi, mahantaṅca sadatthaṃ paripūreti. Na, bhikkhave, hīnena aggassa patti hoti. Aggena ca kho, bhikkhave, aggassa patti hoti. Maṇḍapeyyamidaṃ, bhikkhave, brahmacariyaṃ, satthā sammukhībhūto. Tasmātiha, bhikkhave, vīriyaṃ ārabhatha appattassa pattiyā, anadhigatassa adhigamāya, asacchikatassa sacchikiriyāya. ‘Evaṃ no ayaṃ amhākaṃ pabbajjā avaṅjhā bhavissati saphalā saudrayā. Yesañca [yesaṃ (sī. syā. kaṃ.), yesaṃ hi (pī. ka.)] mayaṃ paribhuñjāma cīvara-piṇḍapātasenāsana-gilānappaccayabhesajjaparikkhāraṃ tesam̐ te kārā amhesu mahapphalā bhavissanti mahānisaṃsā’ti – evañhi vo, bhikkhave, sikkhitabbaṃ. Attatthaṃ vā hi, bhikkhave, sampassamānena alameva appamādena sampādetuṃ; paratthaṃ vā hi, bhikkhave, sampassamānena alameva appamādena sampādetuṃ; ubhayatthaṃ vā hi, bhikkhave, sampassamānena alameva appamādena sampādetu’”nti. Dutiyaṃ.

## 3. Upanisasuttam

23. Sāvattthiyaṃ viharati...pe... “jānato ahaṃ, bhikkhave, passato āsavānaṃ khayaṃ vadāmi, no ajānato no apassato. Kiñca, bhikkhave, jānato kiṃ passato āsavānaṃ khayō hoti? Iti rūpaṃ iti rūpassa samudayo iti rūpassa atthaṅgamo, iti vedanā...pe... iti saññā... iti saṅkhārā... iti viññāṇaṃ iti viññāṇassa samudayo iti viññāṇassa atthaṅgamoti. Evaṃ kho, bhikkhave, jānato evaṃ passato āsavānaṃ khayō hoti’”.

“Yampissa taṃ, bhikkhave, khayasmim̐ khayeññāṇaṃ, tampi saupanisaṃ vadāmi, no anupanisaṃ. Kā ca, bhikkhave, khayeññāṇassa upanisa? ‘Vimuttī’ tissa vacanīyaṃ. Vimuttimpāhaṃ [vimuttimpahaṃ (sī. syā. kaṃ.)], bhikkhave, saupanisaṃ vadāmi, no anupanisaṃ. Kā ca, bhikkhave, vimuttiyā upanisa? ‘Virāgo’ tissa vacanīyaṃ. Virāgampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, virāgassa upanisa? ‘Nibbidā’ tissa vacanīyaṃ. Nibbidampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, nibbidāya upanisa? ‘Yathābhūtañānadassana’ ntissa vacanīyaṃ. Yathābhūtañānadassanampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, yathābhūtañānadassanassa upanisa? ‘Samādhī’ tissa vacanīyaṃ. Samādhimpāhaṃ, bhikkhave, saupanisaṃ vadāmi, no anupanisaṃ.

“Kā ca, bhikkhave, samādhissa upanisa? ‘Sukha’ ntissa vacanīyaṃ. Sukhampāhaṃ, bhikkhave,



saupanisaṃ vadāmi, no anupanisaṃ. Kā ca, bhikkhave, sukhasa upanisaṃ? ‘Passaddhī’tissa vacanīyaṃ. Passaddhimpāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, passaddhiyā upanisaṃ? ‘Pīti’tissa vacanīyaṃ. Pītipāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, pītiyā upanisaṃ? ‘Pāmojja’ntissa vacanīyaṃ. Pāmojjampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, pāmojjassa upanisaṃ? ‘Saddhā’tissa vacanīyaṃ. Saddhampāhaṃ, bhikkhave, saupanisaṃ vadāmi, no anupanisaṃ.

“Kā ca, bhikkhave, saddhāya upanisaṃ? ‘Dukkha’ntissa vacanīyaṃ. Dukkhampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, dukkhasa upanisaṃ? ‘Jāti’tissa vacanīyaṃ. Jātipāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, jātiyā upanisaṃ? ‘Bhavo’tissa vacanīyaṃ. Bhavampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, bhavassa upanisaṃ? ‘Upādāna’ntissa vacanīyaṃ. Upādānampāhaṃ, bhikkhave, saupanisaṃ vadāmi, no anupanisaṃ. Kā ca, bhikkhave, upādānassa upanisaṃ? ‘Taṇhā’tissa vacanīyaṃ. Taṇhampāhaṃ, bhikkhave, saupanisaṃ vadāmi, no anupanisaṃ.

“Kā ca, bhikkhave, taṇhāya upanisaṃ? ‘Vedanā’tissa vacanīyaṃ...pe... ‘phasso’tissa vacanīyaṃ... ‘saḷāyatana’ntissa vacanīyaṃ... ‘nāmarūpa’ntissa vacanīyaṃ... ‘viññāṇa’ntissa vacanīyaṃ... ‘saṅkhārā’tissa vacanīyaṃ. Saṅkhārepāhaṃ, bhikkhave, saupanise vadāmi, no anupanise. Kā ca, bhikkhave, saṅkhārānaṃ upanisaṃ? ‘Avijjā’tissa vacanīyaṃ.

“Iti kho, bhikkhave, avijjūpanisā saṅkhārā, saṅkhārūpanisaṃ viññāṇaṃ, viññāṇūpanisaṃ nāmarūpaṃ, nāmarūpūpanisaṃ saḷāyatanaṃ, saḷāyatanūpaniso phasso, phassūpanisā vedanā, vedanūpanisā taṇhā, taṇhūpanisaṃ upādānaṃ, upādānūpaniso bhavo, bhavūpanisā jāti, jātūpanisaṃ dukkhaṃ, dukkhūpanisā saddhā, saddhūpanisaṃ pāmojjaṃ, pāmojjūpanisā pīti, pītūpanisā passaddhi, passaddhūpanisaṃ sukhaṃ, sukhūpaniso samādhi, samādhūpanisaṃ yathābhūtañāṇadassanaṃ, yathābhūtañāṇadassanūpanisā nibbidā, nibbidūpaniso virāgo, virāgūpanisā vimutti, vimuttūpanisaṃ khayeññaṃ.

“Seyyathāpi, bhikkhave, uparipabbate thullaphusitake deve vassante taṃ udakaṃ yathāninnaṃ pavattamānaṃ pabbatakandarapadarasākhā paripūreti. Pabbatakandarapadarasākhāparipūrā kusobbhe [kussubbhe (sī. syā. kaṃ.), kusubbhe (pī.) ṇvādi 129 suttaṃ oloketabbaṃ] paripūrenti. Kusobbhā paripūrā mahāsobbhe paripūrenti. Mahāsobbhā paripūrā kunnadiyo paripūrenti. Kunnadiyo paripūrā mahānadiyo paripūrenti. Mahānadiyo paripūrā mahāsamuddaṃ paripūrenti.

“Evameva kho, bhikkhave, avijjūpanisā saṅkhārā, saṅkhārūpanisaṃ viññāṇaṃ, viññāṇūpanisaṃ nāmarūpaṃ, nāmarūpūpanisaṃ saḷāyatanaṃ, saḷāyatanūpaniso phasso, phassūpanisā vedanā, vedanūpanisā taṇhā, taṇhūpanisaṃ upādānaṃ, upādānūpaniso bhavo, bhavūpanisā jāti, jātūpanisaṃ dukkhaṃ, dukkhūpanisā saddhā, saddhūpanisaṃ pāmojjaṃ, pāmojjūpanisā pīti, pītūpanisā passaddhi, passaddhūpanisaṃ sukhaṃ, sukhūpaniso samādhi, samādhūpanisaṃ yathābhūtañāṇadassanaṃ, yathābhūtañāṇadassanūpanisā nibbidā, nibbidūpaniso virāgo, virāgūpanisā vimutti, vimuttūpanisaṃ khayeññaṃ’nti. Tatiyaṃ.

#### 4. Aññatitthiyasuttaṃ

24. Rājagahe viharati veḷuvane. Atha kho āyasmā sārīputto pubbaṅhasamayaṃ nivāsetvā pattacīvaramādāya rājagahaṃ piṇḍāya pāvisi. Atha kho āyasmato sārīputtassa etadahosi – “atippago kho tāva rājagahe piṇḍāya carituṃ. Yaṃnūnāhaṃ yena aññatitthiyānaṃ paribbājakānaṃ āraṃo tenupasaṅkameyya’nti.

Atha kho āyasmā sārīputto yena aññatitthiyānaṃ paribbājakānaṃ āraṃo tenupasaṅkami; upasaṅkamitvā tehi aññatitthiyehi paribbājakehi saddhiṃ sammodi. Sammodanīyaṃ kathaṃ sāraṇīyaṃ

vītisāretvā ekamantaṃ nisīdi. Ekamantaṃ nisinnaṃ kho āyasmantaṃ sārīputtaṃ te aññatitthiyā paribbājakā etadavocun –

“Santāvuso, sārīputta, eke samaṇabrāhmaṇā kammavādā sayamkataṃ dukkhaṃ paññapenti. Santi panāvuso sārīputta, eke samaṇabrāhmaṇā kammavādā paraṃkataṃ dukkhaṃ paññapenti. Santāvuso sārīputta, eke samaṇabrāhmaṇā kammavādā sayamkataṃca paraṃkataṃca dukkhaṃ paññapenti. Santi panāvuso sārīputta, eke samaṇabrāhmaṇā kammavādā asayamkāraṃ aparaṃkāraṃ adhiccasamuppannaṃ dukkhaṃ paññapenti. Idha, panāvuso sārīputta, samaṇo gotamo kiṃvādī kimakkhāyī? Kathaṃ byākaramānā ca mayaṃ vuttavādino ceva samaṇassa gotamassa assāma, na ca samaṇaṃ gotamaṃ abhūtena abbhācikkheyyāma, dhammassa cānudhammaṃ byākareyyāma, na ca koci sahadhammiko vādānupāto [vādānuvādo (ka.) dī. ni. 1.381] gārayhaṃ thānaṃ āgaccheyyā’ ti?

“Paṭiccasamuppannaṃ kho, āvuso, dukkhaṃ vuttaṃ bhagavatā. Kiṃ paṭicca? Phassaṃ paṭicca. Iti vadaṃ vuttavādī ceva bhagavato assa, na ca bhagavantaṃ abhūtena abbhācikkheyya, dhammassa cānudhammaṃ byākareyya, na ca koci sahadhammiko vādānupāto gārayhaṃ thānaṃ āgaccheyya.

“Tatrāvuso, ye te samaṇabrāhmaṇā kammavādā sayamkataṃ dukkhaṃ paññapenti tadapi phassapaccayā. Yepi te samaṇabrāhmaṇā kammavādā paraṃkataṃ dukkhaṃ paññapenti tadapi phassapaccayā. Yepi te samaṇabrāhmaṇā kammavādā sayamkataṃca paraṃkataṃca dukkhaṃ paññapenti tadapi phassapaccayā. Yepi te samaṇabrāhmaṇā kammavādā asayamkāraṃ aparaṃkāraṃ adhiccasamuppannaṃ dukkhaṃ paññapenti tadapi phassapaccayā.

“Tatrāvuso, ye te samaṇabrāhmaṇā kammavādā sayamkataṃ dukkhaṃ paññapenti, te vata aññatra phassā paṭisaṃvedissantīti netaṃ thānaṃ vijjati. Yepi te samaṇabrāhmaṇā kammavādā paraṃkataṃ dukkhaṃ paññapenti, te vata aññatra phassā paṭisaṃvedissantīti netaṃ thānaṃ vijjati. Yepi te samaṇabrāhmaṇā kammavādā sayamkataṃca paraṃkataṃca dukkhaṃ paññapenti, te vata aññatra phassā paṭisaṃvedissantīti netaṃ thānaṃ vijjati. Yepi te samaṇabrāhmaṇā kammavādā asayamkāraṃ aparaṃkāraṃ adhiccasamuppannaṃ dukkhaṃ paññapenti, te vata aññatra phassā paṭisaṃvedissantīti netaṃ thānaṃ vijjati’ ti.

Assosi kho āyasmā ānando āyasmato sārīputtassa tehi aññatitthiyehi paribbājakehi saddhiṃ imaṃ kathāsallāpaṃ. Atha kho āyasmā ānando rājagahe piṇḍāya caritvā pacchābhataṃ piṇḍapātaṭṭikkanto yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmā ānando yāvatako āyasmato sārīputtassa tehi aññatitthiyehi paribbājakehi saddhiṃ ahosi kathāsallāpo taṃ sabbaṃ bhagavato ārocesi.

“Sādhu sādhu, ānanda, yathā taṃ sārīputto sammā byākaramāno byākareyya. Paṭiccasamuppannaṃ kho, ānanda, dukkhaṃ vuttaṃ mayā. Kiṃ paṭicca? Phassaṃ paṭicca. Iti vadaṃ vuttavādī ceva me assa, na ca maṃ abhūtena abbhācikkheyya, dhammassa cānudhammaṃ byākareyya, na ca koci sahadhammiko vādānupāto gārayhaṃ thānaṃ āgaccheyya.

“Tatrānanda, ye te samaṇabrāhmaṇā kammavādā sayamkataṃ dukkhaṃ paññapenti tadapi phassapaccayā. Yepi te...pe... yepi te...pe... yepi te samaṇabrāhmaṇā kammavādā asayamkāraṃ aparaṃkāraṃ adhiccasamuppannaṃ dukkhaṃ paññapenti tadapi phassapaccayā.

“Tatrānanda, yepi te samaṇabrāhmaṇā kammavādā sayamkataṃ dukkhaṃ paññapenti, te vata aññatra phassā paṭisaṃvedissantīti netaṃ thānaṃ vijjati. Yepi te...pe... yepi te...pe... yepi te samaṇabrāhmaṇā kammavādā asayamkāraṃ aparaṃkāraṃ adhiccasamuppannaṃ dukkhaṃ paññapenti, te vata aññatra phassā paṭisaṃvedissantīti netaṃ thānaṃ vijjati.

“Ekamidāhaṃ, ānanda, samayaṃ idheva rājagahe viharāmi veḷuvane kalandakanivāpe. Atha



khvāhaṃ, ānanda, pubbaṅhasamayaṃ nivāsetvā pattacīvaramādāya rājagahaṃ piṇḍāya pāvisiṃ. Tassa mayhaṃ, ānanda, etadahosi – ‘atippago kho tāva rājagahe piṇḍāya caritum. Yaṃnūnaḥaṃ yena aññatitthiyānaṃ paribbājakānaṃ ārāmo tenupasaṅkameyya’”nti.

“Atha khvāhaṃ, ānanda, yena aññatitthiyānaṃ paribbājakānaṃ ārāmo tenupasaṅkamim; upasaṅkamtivā tehi aññatitthiyehi paribbājakehi saddhim sammodim. Sammodanīyaṃ kathaṃ sāraṇīyaṃ vītisāretvā ekamantaṃ nisīdim. Ekamantaṃ nisinnaṃ kho maṃ, ānanda, te aññatitthiyā paribbājakā etadavocaṃ –

‘Santāvuso gotama, eke samaṇabrāhmaṇā kammavādā sayamkataṃ dukkhaṃ paññapenti. Santi panāvuso gotama, eke samaṇabrāhmaṇā kammavādā paraṃkataṃ dukkhaṃ paññapenti. Santāvuso gotama, eke samaṇabrāhmaṇā kammavādā sayamkataṃ paraṃkataṃ dukkhaṃ paññapenti. Santi panāvuso gotama, eke samaṇabrāhmaṇā kammavādā asayaṃkāraṃ aparaṃkāraṃ adhiccasamuppannaṃ dukkhaṃ paññapenti. Idha no āyasmā gotamo kiṃvādī kimakkhāyī? Kathaṃ byākaramānā ca mayaṃ vuttavādino ceva āyasmato gotamassa assāma, na ca āyasmantaṃ gotamaṃ abhūtena abbhācikkheyyāma, dhammassa cānudhammaṃ byākareyyāma, na ca koci sahadhammiko vādānupāto gārayhaṃ ṭhānaṃ āgaccheyyā’”ti?

“Evaṃ vuttāhaṃ, ānanda, te aññatitthiye paribbājake etadavocaṃ – ‘paṭiccasamuppannaṃ kho, āvuso, dukkhaṃ vuttaṃ mayā. Kiṃ paṭicca? Phassaṃ paṭicca. Iti vadaṃ vuttavādī ceva me assa, na ca maṃ abhūtena abbhācikkheyya, dhammassa cānudhammaṃ byākareyya, na ca koci sahadhammiko vādānupāto gārayhaṃ ṭhānaṃ āgaccheyyā’”ti.

“Tatrāvuso, ye te samaṇabrāhmaṇā kammavādā sayamkataṃ dukkhaṃ paññapenti tadapi phassapaccayā. Yepi te...pe... yepi te...pe... yepi te samaṇabrāhmaṇā kammavādā asayaṃkāraṃ aparaṃkāraṃ adhiccasamuppannaṃ dukkhaṃ paññapenti tadapi phassapaccayā.

“Tatrāvuso, ye te samaṇabrāhmaṇā kammavādā sayamkataṃ dukkhaṃ paññapenti, te vata aññatra phassā paṭisaṃvedissantīti netam ṭhānaṃ vijjati. Yepi te...pe... yepi te...pe... yepi te samaṇabrāhmaṇā kammavādā asayaṃkāraṃ aparaṃkāraṃ adhiccasamuppannaṃ dukkhaṃ paññapenti, te vata aññatra phassā paṭisaṃvedissantīti netam ṭhānaṃ vijjati”ti. “Acchariyaṃ bhante, abbhutaṃ bhante! Yatra hi nāma ekena padena sabbo attho vutto bhavissati. Siyā nu kho, bhante, esevattho vitthārena vuccamāno gambhīro ceva assa gambhīrāvabhāso cā”ti?

“Tena hānanda, taññevettha paṭibhātū”ti. “Sace maṃ, bhante, evaṃ puccheyyūṃ – ‘jarāmaṇaṃ, āvuso ānanda, kiṃnidānaṃ kiṃsamudayaṃ kiṃjātikaṃ kiṃpabhava’nti? Evaṃ puṭṭhoṃ, bhante, evaṃ byākareyyaṃ – ‘jarāmaṇaṃ kho, āvuso, jātinidānaṃ jātisamudayaṃ jātijātikaṃ jātipabhava’nti. Evaṃ puṭṭhoṃ, bhante, evaṃ byākareyyaṃ.

“Sace maṃ, bhante, evaṃ puccheyyūṃ – ‘jāti panāvuso ānanda, kiṃnidānā kiṃsamudayā kiṃjātikā kiṃpabhavā’ti? Evaṃ puṭṭhoṃ, bhante, evaṃ byākareyyaṃ – ‘jāti kho, āvuso, bhavanidānā bhavasamudayā bhavajātikā bhavappabhavā’ti. Evaṃ puṭṭhoṃ, bhante, evaṃ byākareyyaṃ.

“Sace maṃ, bhante, evaṃ puccheyyūṃ – ‘bhavo panāvuso ānanda, kiṃnidāno kiṃsamudayo kiṃjāτικο kiṃpabhavo’ti? Evaṃ puṭṭhoṃ, bhante, evaṃ byākareyyaṃ – ‘bhavo kho, āvuso, upādānanidāno upādānasamudayo upādānajāτικο upādānappabhavo’ti. Evaṃ puṭṭhoṃ, bhante, evaṃ byākareyyaṃ.

“Sace maṃ, bhante, evaṃ puccheyyūṃ – upādānaṃ panāvuso...pe... taṅhā panāvuso...pe... vedanā panāvuso...pe... sace maṃ, bhante, evaṃ puccheyyūṃ – ‘phasso panāvuso ānanda, kiṃnidāno kiṃsamudayo kiṃjāτικο kiṃpabhavo’ti? Evaṃ puṭṭhoṃ, bhante, evaṃ byākareyyaṃ – ‘phasso kho,

āvuso, saḷāyatananidāno saḷāyatanasamudayo saḷāyatanajātiko saḷāyatanappabhavo'ti. 'Channaṃtveva, āvuso, phassāyatanānaṃ asesavirāganirodhā phassanīrodho; phassanīrodhā vedanānīrodho; vedanānīrodhā taṇhānīrodho; taṇhānīrodhā upādānīrodho; upādānīrodhā bhavanīrodho; bhavanīrodhā jātinīrodho; jātinīrodhā jarāmaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hotī'ti. Evaṃ puṭṭhoṃ, bhante, evaṃ byākareyya''nti. Catutthaṃ.

## 5. Bhūmijasuttaṃ

25. Sāvattṭhiyaṃ viharati. Atha kho āyasmā bhūmijo sāyanhasamayā paṭisallānā vuṭṭhito yenāyasmā sārīputto tenupasaṅkami; upasaṅkamitvā āyasmatā sārīputtena saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho āyasmā bhūmijo āyasmantaṃ sārīputtaṃ etadavoca –

“Santāvuso sārīputta, eke samaṇabrāhmaṇā kammavādā sayamkataṃ sukhadukkhaṃ paññapenti. Santi paṇāvuso sārīputta, eke samaṇabrāhmaṇā kammavādā paraṃkataṃ sukhadukkhaṃ paññapenti. Santāvuso sārīputta, eke samaṇabrāhmaṇā kammavādā sayamkatañca paraṃkatañca sukhadukkhaṃ paññapenti. Santi paṇāvuso sārīputta, eke samaṇabrāhmaṇā kammavādā asayaṃkāraṃ aparāṃkāraṃ adhiccasaṃuppannaṃ sukhadukkhaṃ paññapenti. Idha no, āvuso sārīputta, bhagavā kiṃvādī kimakkhāyī, kathaṃ byākaramānā ca mayaṃ vuttavādino ceva bhagavato assāma, na ca bhagavantaṃ abhūtena abbhācikkheyyāma, dhammassa cānudhammaṃ byākareyyāma, na ca koci sahadhammiko vādānupāto gārayhaṃ ṭhānaṃ āgaccheyyā''ti?

“Paṭiccasamuppannaṃ kho, āvuso, sukhadukkhaṃ vuttaṃ bhagavatā. Kiṃ paṭicca? Phassaṃ paṭicca. Iti vadaṃ vuttavādī ceva bhagavato assa, na ca bhagavantaṃ abhūtena abbhācikkheyya, dhammassa cānudhammaṃ byākareyya, na ca koci sahadhammiko vādānupāto gārayhaṃ ṭhānaṃ āgaccheyya.

“Tatrāvuso, ye te samaṇabrāhmaṇā kammavādā sayamkataṃ sukhadukkhaṃ paññapenti, tadapi phassapaccayā. Yepi te...pe... yepi te...pe... yepi te samaṇabrāhmaṇā kammavādā asayaṃkāraṃ aparāṃkāraṃ adhiccasaṃuppannaṃ sukhadukkhaṃ paññapenti, tadapi phassapaccayā.

“Tatrāvuso, ye te samaṇabrāhmaṇā kammavādā sayamkataṃ sukhadukkhaṃ paññapenti, te vata aññatra phassā paṭisaṃvedissantīti netam ṭhānaṃ vijjati. Yepi te...pe... yepi te...pe... yepi te samaṇabrāhmaṇā kammavādā asayaṃkāraṃ aparāṃkāraṃ adhiccasaṃuppannaṃ sukhadukkhaṃ paññapenti, te vata aññatra phassā paṭisaṃvedissantīti netam ṭhānaṃ vijjati''ti.

Assosi kho āyasmā ānando āyasmato sārīputtassa āyasmatā bhūmijena saddhiṃ imaṃ kathāsallāpaṃ. Atha kho āyasmā ānando yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā ānando yāvatako āyasmato sārīputtassa āyasmatā bhūmijena saddhiṃ ahosi kathāsallāpo taṃ sabbaṃ bhagavato ārocesi.

“Sādhu sādhu, ānanda, yathā taṃ sārīputto sammā byākaramāno byākareyya. Paṭiccasamuppannaṃ kho, ānanda, sukhadukkhaṃ vuttaṃ mayā. Kiṃ paṭicca? Phassaṃ paṭicca. Iti vadaṃ vuttavādī ceva me assa, na ca maṃ abhūtena abbhācikkheyya, dhammassa cānudhammaṃ byākareyya, na ca koci sahadhammiko vādānupāto gārayhaṃ ṭhānaṃ āgaccheyya.

“Tatrānanda, ye te samaṇabrāhmaṇā kammavādā sayamkataṃ sukhadukkhaṃ paññapenti tadapi phassapaccayā. Yepi te...pe... yepi te...pe... yepi te samaṇabrāhmaṇā kammavādā asayaṃkāraṃ aparāṃkāraṃ adhiccasaṃuppannaṃ sukhadukkhaṃ paññapenti tadapi phassapaccayā.

“Tatrānanda, ye te samaṇabrāhmaṇā sayamkatam sukhadukkham paññapenti, te vata aññatra phassā paṭisaṃvedissantīti netam ṭhānam vijjati. Yepi te...pe... yepi te...pe... yepi te samaṇabrāhmaṇākamavādā asayamkāraṃ aparaṃkāraṃ adhiccasamuppannaṃ sukhadukkham paññapenti, te vata aññatra phassā paṭisaṃvedissantīti netam ṭhānam vijjati.

“Kāye vā hānanda, sati kāyasañcetanāhetu uppajjati ajjhataṃ sukhadukkham. Vācāya vā hānanda, sati vacīsañcetanāhetu uppajjati ajjhataṃ sukhadukkham. Mane vā hānanda, sati manosañcetanāhetu uppajjati ajjhataṃ sukhadukkham avijjāpaccayā ca.

“Sāmaṃ vā taṃ, ānanda, kāyasañkhāraṃ abhisankharoti, yampaccayāssa [yampaccayāya (syā. kam.), yampaccayā yaṃ (ka.)] taṃ uppajjati ajjhataṃ sukhadukkham. Pare vā taṃ [pare vāssa taṃ (sī. pī.), pare vāyataṃ (syā. kam.)], ānanda, kāyasañkhāraṃ abhisankharonti, yampaccayāssa taṃ uppajjati ajjhataṃ sukhadukkham. Sampajāno vā taṃ, ānanda, kāyasañkhāraṃ abhisankharoti yampaccayāssa taṃ uppajjati ajjhataṃ sukhadukkham. Asampajāno vā taṃ, ānanda, kāyasañkhāraṃ abhisankharoti yampaccayāssa taṃ uppajjati ajjhataṃ sukhadukkham.

“Sāmaṃ vā taṃ, ānanda, vacīsañkhāraṃ abhisankharoti yampaccayāssa taṃ uppajjati ajjhataṃ sukhadukkham. Pare vā taṃ, ānanda, vacīsañkhāraṃ abhisankharonti yampaccayāssa taṃ uppajjati ajjhataṃ sukhadukkham. Sampajāno vā taṃ, ānanda...pe... asampajāno vā taṃ, ānanda, vacīsañkhāraṃ abhisankharoti yampaccayāssa taṃ uppajjati ajjhataṃ sukhadukkham.

“Sāmaṃ vā taṃ, ānanda, manosañkhāraṃ abhisankharoti yampaccayāssa taṃ uppajjati ajjhataṃ sukhadukkham. Pare vā taṃ, ānanda, manosañkhāraṃ abhisankharonti yampaccayāssa taṃ uppajjati ajjhataṃ sukhadukkham. Sampajāno vā taṃ, ānanda...pe... asampajāno vā taṃ, ānanda, manosañkhāraṃ abhisankharoti yampaccayāssa taṃ uppajjati ajjhataṃ sukhadukkham.

“Imesu, ānanda, dhammesu avijjā anupatitā. Avijjāya tveva, ānanda, asesavirāganirodhā so kāyo na hoti yampaccayāssa taṃ uppajjati ajjhataṃ sukhadukkham. Sā vācā na hoti yampaccayāssa taṃ uppajjati ajjhataṃ sukhadukkham. So mano na hoti yampaccayāssa taṃ uppajjati ajjhataṃ sukhadukkham. Khettaṃ taṃ na hoti...pe... vatthu taṃ na hoti...pe... āyatanaṃ taṃ na hoti...pe... adhikaraṇaṃ taṃ na hoti yampaccayāssa taṃ uppajjati ajjhataṃ sukhadukkha”nti. Pañcamaṃ.

## 6. Upavānasuttaṃ

26. Sāvattthiyaṃ viharati. Atha kho āyasmā upavāno yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā upavāno bhagavantaṃ etadavoca –

“Santi, bhante, eke samaṇabrāhmaṇā sayamkatam dukkham paññapenti. Santi pana, bhante, eke samaṇabrāhmaṇā paraṃkatam dukkham paññapenti. Santi pana, bhante, eke samaṇabrāhmaṇā sayamkatañca paraṃkatañca dukkham paññapenti. Santi pana, bhante, eke samaṇabrāhmaṇā asayamkāraṃ aparaṃkāraṃ adhiccasamuppannaṃ dukkham paññapenti. Idha no, bhante, bhagavā kiṃvādī kimakkhāyī kathaṃ byākaramānā ca mayaṃ vuttavādino ceva bhagavato assāma, na ca bhagavantaṃ abhūtena abbhācikkheyyāma, dhammassa cānudhammaṃ byākareyyāma, na ca koci sahadhammiko vādānupāto gārayhaṃ ṭhānaṃ āgaccheyyā”ti?

“Paṭiccasamuppannaṃ kho, upavāna, dukkham vuttaṃ mayā. Kiṃ paṭicca? Phassaṃ paṭicca. Iti vadaṃ vuttavādī ceva me assa, na ca maṃ abhūtena abbhācikkheyya, dhammassa cānudhammaṃ byākareyya, na ca koci sahadhammiko vādānupāto gārayhaṃ ṭhānaṃ āgaccheyya.

“Tatra, upavāna, ye te samaṇabrāhmaṇā sayamkatam dukkham paññapenti, tadapi phassapaccayā.

Yepi te...pe... yepi te...pe... yepi te samaṇabrāhmaṇā asayaṃkāraṃ aparaṃkāraṃ adhiccasamuppannaṃ dukkhaṃ paññapenti tadapi phassapaccayā.

“Tatra, upavāṇa, ye te samaṇabrāhmaṇā sayamkataṃ dukkhaṃ paññapenti, te vata añña phassā paṭisaṃvedissantīti netam ṭhānaṃ vijjati. Yepi te...pe... yepi te...pe... yepi te samaṇabrāhmaṇā asayaṃkāraṃ aparaṃkāraṃ adhiccasamuppannaṃ dukkhaṃ paññapenti, te vata aññatra phassā paṭisaṃvedissantīti netam ṭhānaṃ vijjati”’ti. Chaṭṭhaṃ.

## 7. Paccayasuttaṃ

27. Sāvattthiyaṃ viharati...pe... “avijjāpaccayā, bhikkhave, saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti.

“Katamañca, bhikkhave, jarāmarāṇaṃ? Yā tesam tesam sattānaṃ tamhi tamhi sattanikāye jarā jīraṇatā khaṇḍiccaṃ pāliccaṃ valittacatā āyuno saṃhāni indriyānaṃ paripāko – ayaṃ vuccati jarā. Yā tesam tesam sattānaṃ tamhā tamhā sattanikāyā cuti cavanatā bhedo antaradhānaṃ maccu marāṇaṃ kālakiriya khandhānaṃ bhedo kaḷavarassa nikkhepo; idaṃ vuccati marāṇaṃ. Iti ayañca jarā idañca marāṇaṃ. Idaṃ vuccati, bhikkhave, jarāmarāṇaṃ. Jāṭisamudayā jarāmarāṇasamudayo; jāṭinirodhā jarāmarāṇanirodho. Ayameva ariyo aṭṭhaṅgiko maggo jarāmarāṇanirodhagāminī paṭipadā. Seyyathidaṃ – sammādiṭṭhi, sammāsankappo, sammāvācā, sammākammanto, sammāājīvo, sammāvāyāmo, sammāsati, sammāsamādhi.

“Katamā ca, bhikkhave, jāti...pe... katamo ca, bhikkhave, bhavo... katamañca, bhikkhave, upādānaṃ... katamā ca, bhikkhave, taṇhā... katamā ca, bhikkhave, vedanā... katamo ca, bhikkhave, phasso... katamañca, bhikkhave, saḷāyatanam... katamañca, bhikkhave, nāmarūpaṃ... katamañca, bhikkhave, viññāṇaṃ...?”

“Katame ca, bhikkhave, saṅkhārā? Tayome, bhikkhave, saṅkhārā – kāyasankhāro, vacīsankhāro, cittasankhāro. Ime vuccanti, bhikkhave, saṅkhārā. Avijjāsamudayā saṅkhārasamudayo; avijjānirodhā saṅkhāranirodho. Ayameva ariyo aṭṭhaṅgiko maggo saṅkhāranirodhagāminī paṭipadā. Seyyathidaṃ – sammādiṭṭhi...pe... sammāsamādhi.

“Yato kho, bhikkhave, ariyasāvako evaṃ paccayaṃ pajānāti, evaṃ paccayasamudayaṃ pajānāti, evaṃ paccayanirodhaṃ pajānāti, evaṃ paccayanirodhagāminim paṭipadaṃ pajānāti. Ayaṃ vuccati, bhikkhave, ariyasāvako diṭṭhisampanno itipi, dassanasampanno itipi, āgato imaṃ saddhammaṃ itipi, passati imaṃ saddhammaṃ itipi, sekkhena ñāṇena samannāgato itipi, sekkhāya vijjāya samannāgato itipi, dhammasotaṃ samāpanno itipi, ariyo nibbedhikapañño itipi, amatadvāraṃ āhacca tiṭṭhati itipi”’ti. Sattamaṃ.

## 8. Bhikkhusuttaṃ

28. Sāvattthiyaṃ viharati...pe... “tatra kho...pe... idha, bhikkhave, bhikkhu jarāmarāṇaṃ pajānāti, jarāmarāṇasamudayaṃ pajānāti, jarāmarāṇanirodhaṃ pajānāti, jarāmarāṇanirodhagāminim paṭipadaṃ pajānāti, jātim pajānāti...pe... bhavaṃ pajānāti... upādānaṃ pajānāti... taṇhaṃ pajānāti... vedanaṃ pajānāti... phassaṃ pajānāti... saḷāyatanam pajānāti... nāmarūpaṃ pajānāti... viññāṇaṃ pajānāti... saṅkhāre pajānāti, saṅkhārasamudayaṃ pajānāti, saṅkhāranirodhaṃ pajānāti, saṅkhāranirodhagāminim paṭipadaṃ pajānāti.

“Katamañca, bhikkhave, jarāmarāṇaṃ? Yā tesam tesam sattānaṃ tamhi tamhi sattanikāye jarā jīraṇatā khaṇḍiccaṃ pāliccaṃ valittacatā āyuno saṃhāni indriyānaṃ paripāko – ayaṃ vuccati jarā. Yā tesam tesam sattānaṃ tamhā tamhā sattanikāyā cuti cavanatā bhedo antaradhānaṃ maccu marāṇaṃ

kālakiriyā khandhānaṃ bhedo kaḷavarassa nikkhepo; idaṃ vuccati maraṇaṃ. Iti ayaṃ ca jarā idaṃca maraṇaṃ. Idaṃ vuccati, bhikkhave, jarāmaraṇaṃ. Jātisamudayā jarāmaraṇasamudayo; jātinirodhā jarāmaraṇanirodho. Ayameva ariyo aṭṭhaṅgiko maggo jarāmaraṇanirodhagāminī paṭipadā. Seyyathidaṃ – sammādiṭṭhi...pe... sammāsamādhi.

“Katamā ca, bhikkhave, jāti...pe... katamo ca, bhikkhave, bhavo... katamañca, bhikkhave, upādānaṃ... vedanā... phassa... saḷāyatanaṃ... nāmarūpaṃ... viññānaṃ....

“Katame ca, bhikkhave, saṅkhārā? Tayome, bhikkhave, saṅkhārā – kāyasaṅkhāro, vacīsaṅkhāro, cittasaṅkhāro. Ime vuccanti, bhikkhave, saṅkhārā. Avijjāsamudayā saṅkhārasamudayo; avijjānīrodhā saṅkhāranīrodho. Ayameva ariyo aṭṭhaṅgiko maggo saṅkhāranīrodhagāminī paṭipadā. Seyyathidaṃ – sammādiṭṭhi...pe... sammāsamādhi.

“Yato kho, bhikkhave, bhikkhu evaṃ jarāmaraṇaṃ pajānāti, evaṃ jarāmaraṇasamudayaṃ pajānāti, evaṃ jarāmaraṇanīrodhaṃ pajānāti, evaṃ jarāmaraṇanīrodhagāminī paṭipadaṃ pajānāti, evaṃ jātiṃ pajānāti...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ ... saṅkhāre... saṅkhārasamudayaṃ... saṅkhāranīrodhaṃ... evaṃ saṅkhāranīrodhagāminī paṭipadaṃ pajānāti. Ayaṃ vuccati, bhikkhave, bhikkhu diṭṭhisampanno itipi, dassanasampanno itipi, āgato imaṃ saddhammaṃ itipi, passati imaṃ saddhammaṃ itipi, sekkhena ñāṇena samannāgato itipi, sekkhāya vijjāya samannāgato itipi, dhammasotaṃ samāpanno itipi, ariyo nibbedhikapañño itipi, amatadvāraṃ āhacca tiṭṭhati itipi”ti. Aṭṭhamāṃ.

## 9. Samaṇabrāhmaṇasuttaṃ

29. Sāvattiyaṃ viharati...pe... “tatra kho...pe... ye hi keci, bhikkhave, samaṇā vā brāhmaṇā vā jarāmaraṇaṃ na pari jānanti, jarāmaraṇasamudayaṃ na pari jānanti, jarāmaraṇanīrodhaṃ na pari jānanti, jarāmaraṇanīrodhagāminī paṭipadaṃ na pari jānanti, jātiṃ na pari jānanti...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre... saṅkhārasamudayaṃ... saṅkhāranīrodhaṃ... saṅkhāranīrodhagāminī paṭipadaṃ na pari jānanti. Na mete, bhikkhave, samaṇā vā brāhmaṇā vā samaṇesu vā samaṇasammatā brāhmaṇesu vā brāhmaṇasammatā. Na ca panete āyasmanto sāmaññatthaṃ vā brahmaññatthaṃ vā diṭṭheva dhamme sayāṃ abhiññā sacchikatvā upasampajja viharanti”.

“Ye ca kho keci, bhikkhave, samaṇā vā brāhmaṇā vā jarāmaraṇaṃ pari jānanti, jarāmaraṇasamudayaṃ pari jānanti, jarāmaraṇanīrodhaṃ pari jānanti, jarāmaraṇanīrodhagāminī paṭipadaṃ pari jānanti, jātiṃ pari jānanti...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre pari jānanti, saṅkhārasamudayaṃ pari jānanti, saṅkhāranīrodhaṃ pari jānanti, saṅkhāranīrodhagāminī paṭipadaṃ pari jānanti. Te kho me, bhikkhave, samaṇā vā brāhmaṇā vā samaṇesu ceva samaṇasammatā brāhmaṇesu ca brāhmaṇasammatā. Te ca panāyasmanto sāmaññatthañca brahmaññatthañca diṭṭheva dhamme sayāṃ abhiññā sacchikatvā upasampajja viharanti”ti. Navamaṃ.

## 10. Dutiyasamaṇabrāhmaṇasuttaṃ

30. Sāvattiyaṃ viharati...pe... “tatra kho...pe... ye hi keci, bhikkhave, samaṇā vā brāhmaṇā vā jarāmaraṇaṃ nappajānanti, jarāmaraṇasamudayaṃ nappajānanti, jarāmaraṇanīrodhaṃ nappajānanti, jarāmaraṇanīrodhagāminī paṭipadaṃ nappajānanti te vata jarāmaraṇaṃ samatikkamma ṭhassantīti netāṃ ṭhānaṃ vijjati. Jātiṃ nappajānanti...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre nappajānanti, saṅkhārasamudayaṃ nappajānanti, saṅkhāranīrodhaṃ nappajānanti, saṅkhāranīrodhagāminī paṭipadaṃ nappajānanti te vata saṅkhāre samatikkamma ṭhassantīti netāṃ ṭhānaṃ vijjati”.

“Ye ca kho keci, bhikkhave, samaṇā vā brāhmaṇā vā jarāmaraññaṃ pajānanti, jarāmaraññasamudayaṃ pajānanti, jarāmaraññanirodhaṃ pajānanti, jarāmaraññanirodhagāminiṃ paṭipadaṃ pajānanti te vata jarāmaraññaṃ samatikkamma ṭhassantīti ṭhānametaṃ vijjati. Jātiṃ pajānanti...pe... bhavaṃ... upādānaṃ... taṇhaṃ... vedanaṃ... phassaṃ... saḷāyatanaṃ... nāmarūpaṃ... viññānaṃ... saṅkhāre pajānanti, saṅkhārasamudayaṃ pajānanti, saṅkhāranirodhaṃ pajānanti, saṅkhāranirodhagāminiṃ paṭipadaṃ pajānanti. Te vata saṅkhāre samatikkamma ṭhassantīti ṭhānametaṃ vijjati”ti. Dasamaṃ.

Dasabalavaggo tatiyo.

Tassuddānaṃ –

Dve dasabalā upanisā ca, aññatitthiyabhūmijo;  
Upavāṇo paccayo bhikkhu, dve ca samaṇabrāhmaṇāti.

#### 4. Kaḷārakhattiyavaggo

##### 1. Bhūtasuttaṃ

31. Ekaṃ samayaṃ bhagavā sāvatthiyaṃ viharati. Tatra kho bhagavā āyasmantaṃ sārīputtaṃ āmantesi – “vuttamidaṃ, sārīputta, pārāyane [pārāyane (sī.)] ajitapañhe –

“Ye ca saṅkhātadhammāse, ye ca sekkhā puthū idha;  
Tesaṃ me nipako iriyaṃ, puṭṭho pabrūhi mārisā”ti.

“Imassa nu kho, sārīputta, saṃkhittena bhāsītassa kathaṃ vitthārena attho daṭṭhabbo”ti? Evaṃ vutte, āyasmā sārīputto tuṅhī ahoṣi. Dutiyampi kho bhagavā āyasmantaṃ sārīputtaṃ āmantesi...pe... dutiyampi kho āyasmā sārīputto tuṅhī ahoṣi. Tatiyampi kho bhagavā āyasmantaṃ sārīputtaṃ āmantesi – “vuttamidaṃ, sārīputta, pārāyane ajitapañhe –

“Ye ca saṅkhātadhammāse, ye ca sekkhā puthū idha;  
Tesaṃ me nipako iriyaṃ, puṭṭho pabrūhi mārisā”ti.

“Imassa nu kho, sārīputta, saṃkhittena bhāsītassa kathaṃ vitthārena attho daṭṭhabbo”ti? Tatiyampi kho āyasmā sārīputto tuṅhī ahoṣi.

“Bhūtamidanti, sārīputta, passasī”ti? Bhūtamidanti, bhante, yathābhūtaṃ sammappaññāya passati. Bhūtamidanti yathābhūtaṃ sammappaññāya disvā bhūtaṃ nibbidāya virāgāya nirodhāya paṭipanno hoti. Tadāhārasambhavanti yathābhūtaṃ sammappaññāya passati. Tadāhārasambhavanti yathābhūtaṃ sammappaññāya disvā āhārasambhavassa nibbidāya virāgāya nirodhāya paṭipanno hoti. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya passati. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya disvā nirodhadhammassa nibbidāya virāgāya nirodhāya paṭipanno hoti. Evaṃ kho, bhante, sekkho hoti.

“Kathaṃca, bhante, saṅkhātadhammo hoti? Bhūtamidanti, bhante, yathābhūtaṃ sammappaññāya passati. Bhūtamidanti yathābhūtaṃ sammappaññāya disvā bhūtaṃ nibbidāya virāgāya nirodhāya anupādā vimutto hoti. Tadāhārasambhavanti yathābhūtaṃ sammappaññāya passati. Tadāhārasambhavanti yathābhūtaṃ sammappaññāya disvā āhārasambhavassa nibbidāya virāgāya nirodhāya anupādā vimutto hoti. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya passati. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya disvā nirodhadhammassa nibbidāya virāgāya nirodhāya anupādā vimutto hoti. Evaṃ kho, bhante, saṅkhātadhammo

hoti. Iti kho, bhante, yaṃ taṃ vuttaṃ pārāyane ajitapañhe –

“Ye ca saṅkhātadhammāse, ye ca sekkhā puthū idha;  
Tesaṃ me nipako iriyaṃ, puṭṭho pabrūhi mārisā”ti.

“Imassa khvāhaṃ, bhante, saṃkhittena bhāsītassa evaṃ vitthārena atthaṃ ājānāmi”ti.

“Sādhu sādhu, sārīputta, bhūtamidanti, sārīputta, yathābhūtaṃ sammappaññāya passati. Bhūtamidanti yathābhūtaṃ sammappaññāya disvā bhūtaṃ nibbidāya virāgāya nirodhāya paṭipanno hoti. Tadāhārasambhavanti yathābhūtaṃ sammappaññāya passati. Tadāhārasambhavanti yathābhūtaṃ sammappaññāya disvā āhārasambhavassa nibbidāya virāgāya nirodhāya paṭipanno hoti. Tadāhāranirodhā yaṃ bhūtaṃ nirodhadhammanti yathābhūtaṃ sammappaññāya passati. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya disvā nirodhadhammassa nibbidāya virāgāya nirodhāya paṭipanno hoti. Evaṃ kho, sārīputta, sekkho hoti.

“Kathaṅca, sārīputta, saṅkhātadhammo hoti? Bhūtamidanti, sārīputta, yathābhūtaṃ sammappaññāya passati. Bhūtamidanti yathābhūtaṃ sammappaññāya disvā bhūtaṃ nibbidā virāgā nirodhā anupādā vimutto hoti. Tadāhārasambhavanti yathābhūtaṃ sammappaññāya passati. Tadāhārasambhavanti yathābhūtaṃ sammappaññāya disvā āhārasambhavassa nibbidā virāgā nirodhā anupādā vimutto hoti. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya passati. Tadāhāranirodhā yaṃ bhūtaṃ taṃ nirodhadhammanti yathābhūtaṃ sammappaññāya disvā nirodhadhammassa nibbidā virāgā nirodhā anupādā vimutto hoti. Evaṃ kho, sārīputta, saṅkhātadhammo hoti. Iti kho, sārīputta, yaṃ taṃ vuttaṃ pārāyane ajitapañhe –

“Ye ca saṅkhātadhammāse, ye ca sekkhā puthū idha;  
Tesaṃ me nipako iriyaṃ, puṭṭho pabrūhi mārisā”ti.

“Imassa kho sārīputta saṃkhittena bhāsītassa evaṃ vitthārena attho daṭṭhabbo”ti. Paṭhamam.

## 2. Kaḷārasuttaṃ

32. Sāvattiyaṃ viharati. Atha kho kaḷārakhattīyo bhikkhu yenāyasmā sārīputto tenupasaṅkhami; upasaṅkhamitvā āyasmatā sārīputtena saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho kaḷārakhattīyo bhikkhu āyasmantaṃ sārīputtaṃ etadavoca – “moḷiyaphagguno, āvuso sārīputta, bhikkhu sikkhaṃ paccakkhāya hīnāyāvattoti. Na hi nūna so āyasmā imasmiṃ dhammavinaye assāsamalattḥāti. Tena hāyasmā sārīputto imasmiṃ dhammavinaye assāsaṃ patto”ti?

“Na khvāhaṃ, āvuso, kaṅkhāmi”ti. “Āyatīṃ, paṇāvuso”ti?

“Na khvāhaṃ, āvuso, vicikicchāmi”ti.

Atha kho kaḷārakhattīyo bhikkhu utṭhāyāsanaṃ yena bhagavā tenupasaṅkhami; upasaṅkhamitvā bhagavantaṃ abhivādetvā ekamantaṃ nisīdi. Ekamantaṃ nisinno kho kaḷārakhattīyo bhikkhu bhagavantaṃ etadavoca – “āyasmatā, bhante, sārīputtena aññā byākata – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāmi”ti.

Atha kho bhagavā aññataraṃ bhikkhuṃ āmantesi – “ehi tvaṃ, bhikkhu, mama vacanena sārīputtaṃ āmantehi – ‘sattā taṃ, āvuso sārīputta, āmanteti’”ti. “Evaṃ, bhante”ti kho so bhikkhu bhagavato paṭissutvā yenāyasmā sārīputto tenupasaṅkhami; upasaṅkhamitvā āyasmantaṃ sārīputtaṃ etadavoca – “sattā taṃ, āvuso sārīputta, āmanteti”ti. “Evaṃ, āvuso”ti kho āyasmā sārīputto tassa

bhikkhuno paṭissutvā yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinnaṃ kho āyasmantaṃ sārīputtaṃ bhagavā etadavoca – “saccaṃ kira tayā, sārīputta, aññā byākatā – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāmi’ ti? “Na kho, bhante, etehi padehi etehi byañjanehi attho [attho ca (syā. kaṃ. ka.)] vutto’ ti. “Yena kenacipi, sārīputta, pariyāyena kulaputto aññaṃ byākaroti, atha kho byākatam byākatato daṭṭhabba’ nti. “Nanu ahampi, bhante, evaṃ vadāmi – ‘na kho, bhante, etehi padehi etehi byañjanehi attho vutto’ ti.

“Sace taṃ, sārīputta, evaṃ puccheyyūṃ – ‘kathaṃ jānatā pana tayā, āvuso sārīputta, kathaṃ passatā aññā byākatā – khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyāti pajānāmi’ ti. Evaṃ puṭṭho tvam, sārīputta, kinti byākareyyāsi’ ti?

“Sace maṃ, bhante, evaṃ puccheyyūṃ – ‘kathaṃ jānatā pana tayā, āvuso sārīputta, kathaṃ passatā aññā byākatā – khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyāti pajānāmi’ ti; evaṃ puṭṭhoham [puṭṭho aham (syā. kaṃ.), puṭṭhāham (pī. ka.)], bhante, evaṃ byākareyyam – ‘yaṃnidānā, āvuso, jāti, tassa nidānassa khayā khīṇasmiṃ khīṇāmhīti veditam. Khīṇāmhīti veditvā – khīṇājāti vusitaṃ brahmacariyaṃ kataṃ karaṇīyaṃ nāparaṃ itthattāyāti pajānāmi’ ti. Evaṃ puṭṭhoham, bhante, evaṃ byākareyya’ nti.

“Sace pana taṃ, sārīputta, evaṃ puccheyyūṃ – ‘jāti panāvuso sārīputta, kiṃnidānā kiṃsamudayā kiṃjātikā kiṃpabhavā’ ti? Evaṃ puṭṭho taṃ, sārīputta, kinti byākareyyāsi’ ti? “Sace maṃ, bhante, evaṃ puccheyyūṃ – ‘jāti panāvuso sārīputta, kiṃnidānā kiṃsamudayā kiṃjātikā kiṃpabhavā’ ti? Evaṃ puṭṭhoham, bhante, evaṃ byākareyyam – ‘jāti kho, āvuso, bhavanidānā bhavasamudayā bhavajātikā bhavappabhavā’ ti. Evaṃ puṭṭhoham, bhante, evaṃ byākareyya’ nti.

“Sace pana taṃ, sārīputta, evaṃ puccheyyūṃ – ‘bhavo panāvuso sārīputta, kiṃnidāno kiṃsamudayo kiṃjātikā kiṃpabhavo’ ti? Evaṃ puṭṭho tvam, sārīputta, kinti byākareyyāsi’ ti? “Sace maṃ, bhante, evaṃ puccheyyūṃ – ‘bhavo panāvuso sārīputta, kiṃnidāno kiṃsamudayo kiṃjātikā kiṃpabhavo’ ti? Evaṃ puṭṭhoham, bhante, evaṃ byākareyyam – ‘bhavo kho, āvuso, upādānanidāno upādānasamudayo upādānajātikā upādānappabhavo’ ti. Evaṃ puṭṭhoham, bhante, evaṃ byākareyya’ nti.

“Sace pana taṃ, sārīputta, evaṃ puccheyyūṃ – ‘upādānaṃ panāvuso...pe... sace pana taṃ, sārīputta, evaṃ puccheyyūṃ – taṇhā panāvuso sārīputta, kiṃnidānā kiṃsamudayā kiṃjātikā kiṃpabhavā’ ti? Evaṃ puṭṭho tvam, sārīputta, kinti byākareyyāsi’ ti? “Sace maṃ, bhante, evaṃ puccheyyūṃ – taṇhā panāvuso sārīputta, kiṃnidānā kiṃsamudayā kiṃjātikā kiṃpabhavā’ ti? Evaṃ puṭṭhoham, bhante, evaṃ byākareyyam – ‘taṇhā kho, āvuso, vedanānidānā vedanāsamudayā vedanājātikā vedanāpabhavā’ ti. Evaṃ puṭṭhoham, bhante, evaṃ byākareyya’ nti.

“Sace pana taṃ, sārīputta, evaṃ puccheyyūṃ – ‘kathaṃ jānato pana te, āvuso sārīputta, kathaṃ passato yā vedanāsu nandī sā na upaṭṭhāsi’ ti. Evaṃ puṭṭho tvam, sārīputta, kinti byākareyyāsi’ ti? “Sace maṃ, bhante, evaṃ puccheyyūṃ – ‘kathaṃ jānato pana te, āvuso sārīputta, kathaṃ passato yā vedanāsu nandī sā na upaṭṭhāsi’ ti evaṃ puṭṭhoham, bhante, evaṃ byākareyyam – ‘tisso kho imā, āvuso, vedanā. Katamā tisso? Sukkhā vedanā, dukkhā vedanā, adukkhamasukkhā vedanā. Imā kho, āvuso, tisso vedanā aniccā. Yadaniccaṃ taṃ dukkhanti veditam [viditā (tikā)], yā vedanāsu nandī sā na upaṭṭhāsi’ ti. Evaṃ, puṭṭhoham, bhante, evaṃ byākareyya’ nti.

“Sādhu sādhu, sārīputta. Ayampi kho, sārīputta, pariyāyo, etasseva atthassa saṃkhittena veyyākaraṇāya – ‘yaṃ kiñci vedayitaṃ taṃ dukkhasmi’ nti.

“Sace pana taṃ, sārīputta, evaṃ puccheyyūṃ – ‘kathaṃ vimokkhā pana tayā, āvuso sārīputta, aññā byākatā – khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyāti pajānāmi’ ti? Evaṃ



puṭṭho tvam, sārīputta, kinti byākareyyāsī’ ti? “Sace maṃ, bhante, evaṃ puccheyyuṃ – ‘kathaṃ vimokkhā pana tayā, āvuso sārīputta, aññā byākatā – khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyāti pajānāmi’ ti. Evaṃ puṭṭhohaṃ, bhante, evaṃ byākareyyaṃ – ‘ajjhataṃ vimokkhā khvāhaṃ, āvuso, sabbupādānakkhaya tathā sato viharāmi yathā sataṃ viharantaṃ āsavā nānussavanti, attānañca nāvajānāmi’ ti. Evaṃ puṭṭhohaṃ, bhante, evaṃ byākareyya’ nti.

“Sādhu sādhu, sārīputta. Ayampi kho sārīputta, pariyāyo etasseva atthassa saṃkhittena veyyākaraṇāya – ye āsavā samaṇena vuttā tesvāhaṃ na kaṅkhāmi, te me pahīnāti na vicikicchāmi’ ti. Idamavoca bhagavā. Idam vatvā sugato utthāyāsanā vihāraṃ pāvisi.

Tatra kho āyasmā sārīputto acirapakkantassa bhagavato bhikkhū āmantesi – “pubbe appaṭisaṃviditaṃ maṃ, āvuso, bhagavā paṭhamaṃ pañhaṃ apucchi, tassa me ahosi dandhāyitattaṃ. Yato ca kho me, āvuso, bhagavā paṭhamaṃ pañhaṃ anumodi, tassa mayhaṃ, āvuso, etadahosi – divasaṃ cepi maṃ bhagavā etamatthaṃ puccheyya aññamaññehi padehi aññamaññehi pariyāyehi, divasampāhaṃ bhagavato etamatthaṃ byākareyyaṃ aññamaññehi padehi aññamaññehi pariyāyehi. Rattiṃ cepi maṃ bhagavā etamatthaṃ puccheyya aññamaññehi padehi aññamaññehi pariyāyehi, rattimpāhaṃ bhagavato etamatthaṃ byākareyyaṃ aññamaññehi padehi aññamaññehi pariyāyehi. Rattindivaṃ [rattidivaṃ (ka.)] cepi maṃ bhagavā etamatthaṃ puccheyya aññamaññehi padehi aññamaññehi pariyāyehi, rattindivampāhaṃ bhagavato etamatthaṃ byākareyyaṃ aññamaññehi padehi aññamaññehi pariyāyehi. Dve rattindivāni cepi maṃ bhagavā etamatthaṃ puccheyya...pe... dve rattindivānipāhaṃ bhagavato etamatthaṃ byākareyyaṃ...pe... tīni rattindivāni cepi maṃ bhagavā etamatthaṃ puccheyya...pe... tīni rattindivānipāhaṃ bhagavato etamatthaṃ byākareyyaṃ...pe... cattāri rattindivāni cepi maṃ bhagavā etamatthaṃ puccheyya...pe... cattāri rattindivānipāhaṃ bhagavato etamatthaṃ byākareyyaṃ...pe... pañca rattindivāni cepi maṃ bhagavā etamatthaṃ puccheyya...pe... pañca rattindivānipāhaṃ bhagavato etamatthaṃ byākareyyaṃ...pe... cha rattindivāni cepi maṃ bhagavā etamatthaṃ puccheyya...pe... cha rattindivānipāhaṃ bhagavato etamatthaṃ byākareyyaṃ...pe... satta rattindivāni cepi maṃ bhagavā etamatthaṃ puccheyya aññamaññehi padehi aññamaññehi pariyāyehi, satta rattindivānipāhaṃ bhagavato etamatthaṃ byākareyyaṃ aññamaññehi padehi aññamaññehi pariyāyehi’ ti.

Atha kho kaḷārakhattiyo bhikkhu utthāyāsanā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho kaḷārakhattiyo bhikkhu bhagavantaṃ etadavoca – “āyasmatā, bhante, sārīputtāna sīhanādo nadito – pubbe appaṭisaṃviditaṃ maṃ, āvuso, bhagavā paṭhamaṃ pañhaṃ apucchi, tassa me ahosi dandhāyitattaṃ. Yato ca kho me, āvuso, bhagavā paṭhamaṃ pañhaṃ anumodi, tassa mayhaṃ, āvuso, etadahosi – divasaṃ cepi maṃ bhagavā etamatthaṃ puccheyya aññamaññehi padehi aññamaññehi pariyāyehi, divasampāhaṃ bhagavato etamatthaṃ byākareyyaṃ aññamaññehi padehi aññamaññehi pariyāyehi; rattiṃ cepi...pe... rattindivaṃ cepi maṃ bhagavā...pe... dve rattindivāni cepi maṃ bhagavā...pe... tīni... cattāri... pañca... cha... satta rattindivāni cepi maṃ bhagavā etamatthaṃ puccheyya aññamaññehi padehi aññamaññehi pariyāyehi, satta rattindivānipāhaṃ bhagavato etamatthaṃ byākareyyaṃ aññamaññehi padehi aññamaññehi pariyāyehi’ ti.

“Sā hi, bhikkhu, sārīputtassa dhammadhātu suppaṭividdhā, yassā dhammadhātuyā suppaṭividdhattā divasaṃ cepāhaṃ sārīputtaṃ etamatthaṃ puccheyyaṃ aññamaññehi padehi aññamaññehi pariyāyehi, divasampi me sārīputto etamatthaṃ byākareyya aññamaññehi padehi aññamaññehi pariyāyehi. Rattiṃ cepāhaṃ sārīputtaṃ etamatthaṃ puccheyyaṃ aññamaññehi padehi aññamaññehi pariyāyehi, rattimpi me sārīputto etamatthaṃ byākareyya...pe... rattindivaṃ cepāhaṃ sārīputtaṃ etamatthaṃ puccheyyaṃ, rattindivampi me sārīputto etamatthaṃ byākareyya...pe... dve rattindivāni cepāhaṃ sārīputtaṃ etamatthaṃ puccheyyaṃ, dve rattindivānipi me sārīputto etamatthaṃ byākareyya...pe... tīni rattindivāni cepāhaṃ sārīputtaṃ etamatthaṃ puccheyyaṃ, tīni rattindivānipi me sārīputto etamatthaṃ byākareyya...pe... cattāri rattindivāni cepāhaṃ sārīputtaṃ etamatthaṃ puccheyyaṃ, cattāri rattindivānipi me sārīputto etamatthaṃ

byākareyya... pañca rattindivāni cepāhaṃ sārīputtaṃ etamatthaṃ puccheyyaṃ, pañca rattindivānīpi me sārīputto etamatthaṃ byākareyya... cha rattindivāni cepāhaṃ sārīputtaṃ etamatthaṃ puccheyyaṃ, cha rattindivānīpi me sārīputto etamatthaṃ byākareyya... satta rattindivāni cepāhaṃ sārīputtaṃ etamatthaṃ puccheyyaṃ aññamaññehi padehi aññamaññehi pariyāyehi, satta rattindivānīpi me sārīputto etamatthaṃ byākareyya aññamaññehi padehi aññamaññehi pariyāyehi”ti. Dutiyāṃ.

### 3. Nāṇavatthusuttaṃ

33. Sāvattiyāṃ...pe... “catucattārīsaṃ vo, bhikkhave, nāṇavatthūni desessāmi, taṃ suṇātha, sādhukaṃ manasi karotha; bhāsissāmi”ti. “Evaṃ, bhante”ti kho te bhikkhū bhagavato paccassosum. Bhagavā etadavoca –

“Katamāni [katamāni ca (syā. kaṃ. pī. ka.)], bhikkhave, catucattārīsaṃ nāṇavatthūni? Jarāmarañe nāṇaṃ, jarāmarāṇasamudaye nāṇaṃ, jarāmarāṇanīrodhe nāṇaṃ, jarāmarāṇanīrodhagāminiyā paṭipadāya nāṇaṃ; jātiyā nāṇaṃ, jātisamudaye nāṇaṃ, jātinīrodhe nāṇaṃ, jātinīrodhagāminiyā paṭipadāya nāṇaṃ; bhava nāṇaṃ, bhavasamudaye nāṇaṃ, bhavanīrodhe nāṇaṃ, bhavanīrodhagāminiyā paṭipadāya nāṇaṃ; upādāne nāṇaṃ, upādānasamudaye nāṇaṃ, upādānīrodhe nāṇaṃ, upādānīrodhagāminiyā paṭipadāya nāṇaṃ; taṇhāya nāṇaṃ, taṇhāsamudaye nāṇaṃ, taṇhānīrodhe nāṇaṃ, taṇhānīrodhagāminiyā paṭipadāya nāṇaṃ; vedanāya nāṇaṃ, vedanāsamudaye nāṇaṃ, vedanānīrodhe nāṇaṃ, vedanānīrodhagāminiyā paṭipadāya nāṇaṃ; phasse nāṇaṃ...pe... saḷāyatane nāṇaṃ... nāmarūpe nāṇaṃ... viññāṇe nāṇaṃ... saṅkhāresu nāṇaṃ, saṅkhārasamudaye nāṇaṃ, saṅkhāranīrodhe nāṇaṃ, saṅkhāranīrodhagāminiyā paṭipadāya nāṇaṃ. Imāni vuccanti, bhikkhave, catucattārīsaṃ nāṇavatthūni.

“Katamañca, bhikkhave, jarāmarāṇaṃ? Yā tesam tesam sattānaṃ tamhi tamhi sattanikāye jarā jīraṇatā khaṇḍiccam pālīccam valittacatā āyuno saṃhāni indriyānaṃ paripāko, ayaṃ vuccati jarā. Yā tesam tesam sattānaṃ tamhā tamhā sattanikāyā cuti cavanatā bhedo antaradhānaṃ maccu marāṇaṃ kālakiriyā khandhānaṃ bhedo kaḷavarassa nikkhepo. Idaṃ vuccati marāṇaṃ. Iti ayañca jarā, idañca marāṇaṃ; idaṃ vuccati, bhikkhave, jarāmarāṇaṃ.

“Jātisamudayā jarāmarāṇasamudayo; jātinīrodhā jarāmarāṇanīrodho; ayameva ariyo aṭṭhaṅgiko maggo jarāmarāṇanīrodhagāminī paṭipadā, seyyathidaṃ – sammādiṭṭhi...pe... sammāsamādhi.

“Yato kho, bhikkhave, ariyasāvako evaṃ jarāmarāṇaṃ pajānāti, evaṃ jarāmarāṇasamudayaṃ pajānāti, evaṃ jarāmarāṇanīrodhaṃ pajānāti, evaṃ jarāmarāṇanīrodhagāminī paṭipadaṃ pajānāti, idamassa dhamme nāṇaṃ. So iminā dhammena diṭṭhena viditena akālīkena pattena pariyogāḷhena atītanāgatena yaṃ neti.

“Ye kho keci atītamaddhānaṃ samaṇā vā brāhmaṇā vā jarāmarāṇaṃ abbhāññaṃsu, jarāmarāṇasamudayaṃ abbhāññaṃsu, jarāmarāṇanīrodhaṃ abbhāññaṃsu, jarāmarāṇanīrodhagāminī paṭipadaṃ abbhāññaṃsu, sabbe te evameva abbhāññaṃsu, seyyathāpāhaṃ etarahi.

“Yepi hi keci anāgatamaddhānaṃ samaṇā vā brāhmaṇā vā jarāmarāṇaṃ abhijānissanti, jarāmarāṇasamudayaṃ abhijānissanti, jarāmarāṇanīrodhaṃ abhijānissanti, jarāmarāṇanīrodhagāminī paṭipadaṃ abhijānissanti, sabbe te evameva abhijānissanti, seyyathāpāhaṃ etarahīti. Idamassa anvaye nāṇaṃ.

“Yato kho, bhikkhave, ariyasāvakassa imāni dve nāṇāni parisuddhāni honti pariyodātāni – dhamme nāṇaṃ anvaye nāṇaṃ. Ayaṃ vuccati, bhikkhave, ariyasāvako diṭṭhisampanno itipi, dassanasampanno itipi, āgato imaṃ saddhammaṃ itipi, passati imaṃ saddhammaṃ itipi, sekkhena nāṇena samannāgato itipi, sekkhāya vijjāya samannāgato itipi, dhammasotaṃ samāpanno itipi, ariyo nibbedhikapañño itipi, amatadvāraṃ āhacca tiṭṭhati itipīti.

“Katamā ca, bhikkhave, jāti...pe... katamo ca, bhikkhave, bhavo... katamañca, bhikkhave, upādānaṃ... katamā ca, bhikkhave taṇhā... katamā ca, bhikkhave, vedanā... katamo ca, bhikkhave, phasso... katamañca, bhikkhave, saḷāyatanam... katamañca, bhikkhave, nāmarūpaṃ ... katamañca, bhikkhave, viññānaṃ... katame ca, bhikkhave, saṅkhārā? Tayome, bhikkhave, saṅkhārā – kāyasāṅkhāro, vacīsaṅkhāro, cittasaṅkhāroti. Ime vuccanti, bhikkhave, saṅkhārā.

“Avijjāsamudayā saṅkhārasamudayo; avijjānirodhā saṅkhāranirodho; ayameva ariyo aṭṭhaṅgiko maggo saṅkhāranirodhagāminī paṭipadā, seyyathidaṃ – sammādiṭṭhi...pe... sammāsamādhi.

“Yato kho, bhikkhave, ariyasāvako evaṃ saṅkhāre pajānāti, evaṃ saṅkhārasamudayaṃ pajānāti, evaṃ saṅkhāranirodhaṃ pajānāti, evaṃ saṅkhāranirodhagāminī paṭipadaṃ pajānāti, idamassa dhamme ñāṇaṃ. So iminā dhammena diṭṭhena viditena akālikena pattaṇa pariyoḡāhena atītānāgataṇa yaṃ neti.

“Ye kho keci atītāmadhānaṃ samaṇā vā brāhmaṇā vā saṅkhāre abbaññaṃsu, saṅkhārasamudayaṃ abbaññaṃsu, saṅkhāranirodhaṃ abbaññaṃsu, saṅkhāranirodhagāminī paṭipadaṃ abbaññaṃsu, sabbe te evameva abbaññaṃsu, seyyathāpāhaṃ etarahi.

“Yepi hi keci anāgatāmadhānaṃ samaṇā vā brāhmaṇā vā saṅkhāre abhijānissanti, saṅkhārasamudayaṃ abhijānissanti, saṅkhāranirodhaṃ abhijānissanti, saṅkhāranirodhagāminī paṭipadaṃ abhijānissanti, sabbe te evameva abhijānissanti, seyyathāpāhaṃ etarahi. Idamassa anvaye ñāṇaṃ.

“Yato kho, bhikkhave, ariyasāvakaṃsa imāni dve ñāṇāni parisuddhāni honti pariyoḡātāni – dhamme ñāṇaṇca anvaye ñāṇaṇca. Ayaṃ vuccati, bhikkhave, ariyasāvako diṭṭhisampanno itipi, dassanasampanno itipi, āgato imaṃ saddhammaṃ itipi, passati imaṃ saddhammaṃ itipi, sekkhena ñāṇena samannāgato itipi, sekkhāya vijjāya samannāgato itipi, dhammasotaṃ samāpanno itipi, ariyo nibbedhikapañño itipi, amatadvāraṃ āhacca tiṭṭhati itipi”ti. Tatiyaṃ.

#### 4. Dutiyāñāṇavattusuttaṃ

34. Sāvattiyāṃ viharati...pe... “sattasattari vo, bhikkhave, ñāṇavattūni desessāmi. Taṃ suṇātha, sādhukaṃ manasi karotha; bhāsissāmi”ti. “Evaṃ, bhante”ti kho te bhikkhū bhagavato paccassosum. Bhagavā etadvoca –

“Katamāni, bhikkhave, sattasattari ñāṇavattūni? Jātipaccayā jarāmarāṇanti ñāṇaṃ; asati jātiyā natthi jarāmarāṇanti ñāṇaṃ; atītampi addhānaṃ jātipaccayā jarāmarāṇanti ñāṇaṃ, asati jātiyā natthi jarāmarāṇanti ñāṇaṃ; anāgatampi addhānaṃ jātipaccayā jarāmarāṇanti ñāṇaṃ, asati jātiyā natthi jarāmarāṇanti ñāṇaṃ; yampissa taṃ dhammaṭṭhitiñāṇaṃ tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

“Bhavapaccayā jāṭiṭi ñāṇaṃ...pe... upādānapaccayā bhavoti ñāṇaṃ... taṇhāpaccayā upādānanti ñāṇaṃ... vedanāpaccayā taṇhāṭi ñāṇaṃ... phassapaccayā vedanāṭi ñāṇaṃ... saḷāyatanapaccayā phassoti ñāṇaṃ... nāmarūpapaccayā saḷāyatananti ñāṇaṃ... viññānapaccayā nāmarūpanti ñāṇaṃ... saṅkhārapaccayā viññānanti ñāṇaṃ; avijjāpaccayā saṅkhārāṭi ñāṇaṃ, asati avijjāya natthi saṅkhārāṭi ñāṇaṃ; atītampi addhānaṃ avijjāpaccayā saṅkhārāṭi ñāṇaṃ, asati avijjāya natthi saṅkhārāṭi ñāṇaṃ; anāgatampi addhānaṃ avijjāpaccayā saṅkhārāṭi ñāṇaṃ, asati avijjāya natthi saṅkhārāṭi ñāṇaṃ; yampissa taṃ dhammaṭṭhitiñāṇaṃ tampi khayadhammaṃ vayadhammaṃ virāgadhammaṃ nirodhadhammanti ñāṇaṃ. Imāni vuccanti, bhikkhave, sattasattari ñāṇavattūni”ti. Catutthaṃ.

#### 5. Avijjāpaccayasuttaṃ

35. Sāvattthiyaṃ viharati...pe... “avijjāpaccayā, bhikkhave, saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti”ti. Evaṃ vutte, aññataro bhikkhu bhagavantam etadavoca – “katamaṃ nu kho, bhante, jarāmaṇaṃ, kassa ca panidaṃ jarāmaṇaṃ’nti? ‘No kallo paṇho’ti bhagavā avoca, ‘katamaṃ jarāmaṇaṃ, kassa ca panidaṃ jarāmaṇaṃ’nti iti vā, bhikkhu, yo vadeyya, ‘aññaṃ jarāmaṇaṃ aññassa ca panidaṃ jarāmaṇaṃ’nti, iti vā, bhikkhu, yo vadeyya, ubhayametam ekattham byañjanaṃ nānaṃ. Tam jīvaṃ tam sarīraṃ vā, bhikkhu, diṭṭhiyā sati brahmacariyavāso na hoti. Aññaṃ jīvaṃ aññaṃ sarīraṃ vā, bhikkhu, diṭṭhiyā sati brahmacariyavāso na hoti. Ete te, bhikkhu, ubho ante anupagamma majjhena tathāgato dhammaṃ deseti – ‘jātipaccayā jarāmaṇaṃ’nti.

“Katamā nu kho, bhante, jāti, kassa ca panāyaṃ jāti”ti? “No kallo paṇho”ti bhagavā avoca, “katamā jāti, kassa ca panāyaṃ jāti”ti iti vā, bhikkhu, yo vadeyya, ‘añña jāti aññassa ca panāyaṃ jāti’ti iti vā, bhikkhu, yo vadeyya, ubhayametam ekattham byañjanaṃ nānaṃ. Tam jīvaṃ tam sarīraṃ vā, bhikkhu, diṭṭhiyā sati brahmacariyavāso na hoti. Aññaṃ jīvaṃ aññaṃ sarīraṃ vā, bhikkhu, diṭṭhiyā sati brahmacariyavāso na hoti. Ete te, bhikkhu, ubho ante anupagamma majjhena tathāgato dhammaṃ deseti – ‘bhavapaccayā jāti’”ti.

“Katamo nu kho, bhante, bhavo, kassa ca panāyaṃ bhavo”ti? “No kallo paṇho”ti bhagavā avoca, “katamo bhavo, kassa ca panāyaṃ bhavo”ti iti vā, bhikkhu, yo vadeyya, ‘añña bhavo aññassa ca panāyaṃ bhavo’ti iti vā, bhikkhu, yo vadeyya, ubhayametam ekattham byañjanaṃ nānaṃ. Tam jīvaṃ tam sarīraṃ vā, bhikkhu, diṭṭhiyā sati brahmacariyavāso na hoti; aññaṃ jīvaṃ aññaṃ sarīraṃ vā, bhikkhu, diṭṭhiyā sati brahmacariyavāso na hoti. Ete te, bhikkhu, ubho ante anupagamma majjhena tathāgato dhammaṃ deseti – ‘upādānapaccayā bhavo’ti...pe... ‘taṇhāpaccayā upādānanti... vedanāpaccayā taṇhāti... phassapaccayā vedanāti... saḷāyatanapaccayā phassoti... nāmarūpapaccayā saḷāyatananti... viññānapaccayā nāmarūpanti... saṅkhārapaccayā viññāṇa’nti.

“Katame nu kho, bhante, saṅkhārā, kassa ca panime saṅkhārā”ti? “No kallo paṇho”ti bhagavā avoca, “katame saṅkhārā kassa ca panime saṅkhārā”ti iti vā, bhikkhu, yo vadeyya, ‘añña saṅkhārā aññassa ca panime saṅkhārā’ti iti vā, bhikkhu, yo vadeyya, ubhayametam ekattham byañjanaṃ nānaṃ. Tam jīvaṃ tam sarīraṃ vā, bhikkhu, diṭṭhiyā sati brahmacariyavāso na hoti; aññaṃ jīvaṃ aññaṃ sarīraṃ vā, bhikkhu, diṭṭhiyā sati brahmacariyavāso na hoti. Ete te, bhikkhu, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā’”ti.

“Avijjāya tveva, bhikkhu, asesavirāganirodhā yānissa tāni visūkāyikāni visevitāni vipphanditāni kānici kānici. ‘Katamaṃ jarāmaṇaṃ, kassa ca panidaṃ jarāmaṇaṃ’ iti vā, ‘aññaṃ jarāmaṇaṃ, aññassa ca panidaṃ jarāmaṇaṃ’ iti vā, ‘tam jīvaṃ tam sarīraṃ’ iti vā, ‘aññaṃ jīvaṃ aññaṃ sarīraṃ’ iti vā. Sabbānissa tāni pahīnāni bhavanti ucchinnamūlāni tālavatthukatāni anabhāvaṅkatāni āyatim anuppādadhammāni.

“Avijjāya tveva, bhikkhu, asesavirāganirodhā yānissa tāni visūkāyikāni visevitāni vipphanditāni kānici kānici. ‘Katamā jāti, kassa ca panāyaṃ jāti’ iti vā, ‘añña jāti, aññassa ca panāyaṃ jāti’ iti vā, ‘tam jīvaṃ tam sarīraṃ’ iti vā, ‘aññaṃ jīvaṃ aññaṃ sarīraṃ’ iti vā. Sabbānissa tāni pahīnāni bhavanti ucchinnamūlāni tālavatthukatāni anabhāvaṅkatāni āyatim anuppādadhammāni.

“Avijjāya tveva, bhikkhu, asesavirāganirodhā yānissa tāni visūkāyikāni visevitāni vipphanditāni kānici kānici. Katamo bhavo...pe... katamaṃ upādānaṃ... katamā taṇhā... katamā vedanā... katamo phasso... katamaṃ saḷāyatanam... katamaṃ nāmarūpaṃ... katamaṃ viññāṇaṃ...pe....

“Avijjāya tveva, bhikkhu, asesavirāganirodhā yānissa tāni visūkāyikāni visevitāni vipphanditāni kānici kānici. ‘Katame saṅkhārā, kassa ca panime saṅkhārā’ iti vā, ‘añña saṅkhārā, aññassa ca panime saṅkhārā’ iti vā, ‘tam jīvaṃ tam sarīraṃ’ iti vā, ‘aññaṃ jīvaṃ, aññaṃ sarīraṃ’ iti vā. Sabbānissa tāni

pahīnāni bhavanti ucchinnamūlāni tālavatthukatāni anabhāvaṅkatāni āyatim anuppādadhammāni”’ti. Pañcamaṃ.

## 6. Dutīyaavijjāpaccayasuttaṃ

36. Sāvattthiyaṃ viharati...pe... “avijjāpaccayā, bhikkhave, saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti.

“Katamaṃ jarāmarāṇaṃ, kassa ca panidaṃ jarāmarāṇa’nti iti vā, bhikkhave, yo vadeyya, ‘aññaṃ jarāmarāṇaṃ, aññaṃ ca panidaṃ jarāmarāṇa’nti iti vā, bhikkhave, yo vadeyya, ubhayametam ekattham byañjanaṃ nānaṃ. ‘Tam jīvaṃ tam sarīraṃ’ iti vā, bhikkhave, diṭṭhiyā sati brahmacariyavāso na hoti. ‘Aññaṃ jīvaṃ aññaṃ sarīraṃ’ iti vā, bhikkhave, diṭṭhiyā sati brahmacariyavāso na hoti. Ete te, bhikkhave, ubho ante anupagamma majjhena tathāgato dhammaṃ deseti – ‘jātipaccayā jarāmarāṇa’”’nti.

“Katamā jāti...pe... katamo bhavo... katamaṃ upādānaṃ... katamā taṇhā... katamā vedanā... katamo phasso... katamaṃ saḷāyatanaṃ... katamaṃ nāmarūpaṃ... katamaṃ viññāṇaṃ... katame saṅkhārā, kassa ca panime saṅkhārāti iti vā, bhikkhave, yo vadeyya, ‘aññaṃ saṅkhārā aññaṃ ca panime saṅkhārā’ti iti vā, bhikkhave, yo vadeyya, ubhayametam ekattham byañjanaṃ nānaṃ. ‘Tam jīvaṃ tam sarīraṃ’ iti vā, bhikkhave, diṭṭhiyā sati brahmacariyavāso na hoti. ‘Aññaṃ jīvaṃ aññaṃ sarīraṃ’ iti vā, bhikkhave, diṭṭhiyā sati brahmacariyavāso na hoti. Ete te, bhikkhave, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā’”’ti.

“Avijjāya tveva, bhikkhave, asesavirāganirodhā yānissa tāni visūkāyikāni visevitāni vipphanditāni kānici kānici. ‘Katamaṃ jarāmarāṇaṃ, kassa ca panidaṃ jarāmarāṇaṃ’ iti vā, ‘aññaṃ jarāmarāṇaṃ, aññaṃ ca panidaṃ jarāmarāṇaṃ’ iti vā, ‘tam jīvaṃ tam sarīraṃ’ iti vā, ‘aññaṃ jīvaṃ, aññaṃ sarīraṃ’ iti vā. Sabbānissa tāni pahīnāni bhavanti ucchinnamūlāni tālavatthukatāni anabhāvaṅkatāni āyatim anuppādadhammāni.

“Avijjāya tveva, bhikkhave, asesavirāganirodhā yānissa tāni visūkāyikāni visevitāni vipphanditāni kānici kānici. Katamā jāti...pe... katamo bhavo... katamaṃ upādānaṃ... katamā taṇhā... katamā vedanā... katamo phasso... katamaṃ saḷāyatanaṃ... katamaṃ nāmarūpaṃ... katamaṃ viññāṇaṃ... ‘katame saṅkhārā, kassa ca panime saṅkhārā’ iti vā, ‘aññaṃ saṅkhārā, aññaṃ ca panime saṅkhārā’ iti vā; ‘tam jīvaṃ tam sarīraṃ’ iti vā, ‘aññaṃ jīvaṃ, aññaṃ sarīraṃ’ iti vā. Sabbānissa tāni pahīnāni bhavanti ucchinnamūlāni tālavatthukatāni anabhāvaṅkatāni āyatim anuppādadhammāni”’ti. Chaṭṭhaṃ.

## 7. Natumhasuttaṃ

37. Sāvattthiyaṃ viharati...pe... “nāyaṃ, bhikkhave, kāyo tumhākaṃ napi aññesaṃ. Purāṇamidaṃ, bhikkhave, kammaṃ abhisāṅkhatam abhisāṅcetaṃ vedaniyaṃ daṭṭhabbaṃ”’.

“Tatra kho, bhikkhave, sutavā ariyasāvako paṭiccasamuppādaññeva sādhuṃ yoniso manasi karoti – ‘iti imasmiṃ sati idaṃ hoti, imassuppādā idaṃ uppajjati; imasmiṃ asati idaṃ na hoti, imassa nirodhā idaṃ nirujjhati, yadidaṃ – avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññāṇanirodho...pe... evametassa kevalassa dukkhakkhandhassa nirodho hoti’”’ti. Sattamaṃ.

## 8. Cetanāsuttaṃ

38. Sāvattthinidānaṃ. “Yañca, bhikkhave, ceteti yañca pakappeti yañca anuseti, ārammaṇametam [āramaṇametam (?)] hoti viññāṇassa ṭhitiyā. Ārammaṇe sati patiṭṭhā viññāṇassa hoti. Tasmim patiṭṭhite

viññāṇe virūlḥe āyatim punabbhavābhiniḥḥatti hoti. Āyatim punabbhavābhiniḥḥattiyā sati āyatim jāti jarāmaṇaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti”.

“No ce, bhikkhave, ceteti no ce pakappeti, atha ce anuseti, ārammaṇametaṃ hoti viññāṇassa ṭhitiyā. Ārammaṇe sati patiṭṭhā viññāṇassa hoti. Tasmim patiṭṭhite viññāṇe virūlḥe āyatim punabbhavābhiniḥḥatti hoti. Āyatim punabbhavābhiniḥḥattiyā sati āyatim jātijarāmaṇaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

“Yato ca kho, bhikkhave, no ceva ceteti no ca pakappeti no ca anuseti, ārammaṇametaṃ na hoti viññāṇassa ṭhitiyā. Ārammaṇe asati patiṭṭhā viññāṇassa na hoti. Tadappatiṭṭhite viññāṇe avirūlḥe āyatim punabbhavābhiniḥḥatti na hoti. Āyatim punabbhavābhiniḥḥattiyā asati āyatim jātijarāmaṇaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti”ti. Aṭṭhamam.

### 9. Dutiyacetanāsuttaṃ

39. Sāvattthiyaṃ viharati...pe... “yañca, bhikkhave, ceteti yañca pakappeti yañca anuseti, ārammaṇametaṃ hoti viññāṇassa ṭhitiyā. Ārammaṇe sati patiṭṭhā viññāṇassa hoti. Tasmim patiṭṭhite viññāṇe virūlḥe nāmarūpassa avakkanti hoti. Nāmarūpapaccayā saḷāyatanaṃ; saḷāyatanapaccayā phasso; phassapaccayā vedanā...pe... taṇhā... upādānaṃ... bhavo... jāti... jarāmaṇaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti”.

“No ce, bhikkhave, ceteti no ce pakappeti, atha ce anuseti, ārammaṇametaṃ hoti viññāṇassa ṭhitiyā. Ārammaṇe sati patiṭṭhā viññāṇassa hoti. Tasmim patiṭṭhite viññāṇe virūlḥe nāmarūpassa avakkanti hoti. Nāmarūpapaccayā saḷāyatanaṃ...pe... evametassa kevalassa dukkhakkhandhassa samudayo hoti.

“Yato ca kho, bhikkhave, no ceva ceteti no ca pakappeti no ca anuseti, ārammaṇametaṃ na hoti viññāṇassa ṭhitiyā. Ārammaṇe asati patiṭṭhā viññāṇassa na hoti. Tadappatiṭṭhite viññāṇe avirūlḥe nāmarūpassa avakkanti na hoti. Nāmarūpanirodhā saḷāyatananirodho...pe... evametassa kevalassa dukkhakkhandhassa nirodho hoti”ti. Navamam.

### 10. Tatiyacetanāsuttaṃ

40. Sāvattthiyaṃ viharati...pe... “yañca, bhikkhave, ceteti yañca pakappeti yañca anuseti, ārammaṇametaṃ hoti viññāṇassa ṭhitiyā. Ārammaṇe sati patiṭṭhā viññāṇassa hoti. Tasmim patiṭṭhite viññāṇe virūlḥe nati hoti. Natiyā sati āgatigati hoti. Āgatigatiyā sati cutūpapāto hoti. Cutūpapāte sati āyatim jātijarāmaṇaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti”.

“No ce, bhikkhave, ceteti no ce pakappeti atha ce anuseti, ārammaṇametaṃ hoti viññāṇassa ṭhitiyā. Ārammaṇe sati patiṭṭhā viññāṇassa hoti. Tasmim patiṭṭhite viññāṇe virūlḥe nati hoti. Natiyā sati āgatigati hoti. Āgatigatiyā sati cutūpapāto hoti. Cutūpapāte sati āyatim jātijarāmaṇaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

“Yato ca kho, bhikkhave, no ceva ceteti no ca pakappeti no ca anuseti, ārammaṇametaṃ na hoti viññāṇassa ṭhitiyā. Ārammaṇe asati patiṭṭhā viññāṇassa na hoti. Tadappatiṭṭhite viññāṇe avirūlḥe nati na

hoti. Natiyā asati āgatigati na hoti. Āgatigatiyā asati cutūpapāto na hoti. Cutūpapāte asati āyatim jāti jarāmaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti”ti. Dasamaṃ.

Kaḷārakhattiyavaggo catuttho.

Tassuddānaṃ –

Bhūtamidaṃ kaḷārañca, duve ca ñāṇavatthūni;  
Avijjāpaccayā ca dve, natumhā cetaṇā tayoti.

## 5. Gahapativaggo

### 1. Pañcaverabhayasuttaṃ

41. Sāvattiyā viharati. Atha kho anāthapiṇḍiko gahapati yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho anāthapiṇḍikaṃ gahapatiṃ bhagavā etadavoca –

“Yato kho, gahapati, ariyasāvakaṃ pañca bhayāni verāni vūpasantāni honti, catūhi ca sotāpattiyaṅgehi samannāgato hoti, ariyo cassa ñāyo paññāya sudiṭṭho hoti suppaṭividdho, so ākaṅkhamāno attanāva attānaṃ byākareyya – ‘khīṇanirayomhi khīṇatiracchānayoṇi khīṇapettivisayo khīṇāpāyaduggativinipāto, sotāpannohamasmi avinipātadhammo niyato sambodhiparāyano””ti.

“Katamāni pañca bhayāni verāni vūpasantāni honti? Yaṃ, gahapati, pāṇātipātī pāṇātipātapaccayā diṭṭhadhammikampi bhayaṃ veraṃ pasavati, samparāyikampi bhayaṃ veraṃ pasavati, cetasikampi dukkhaṃ domanassaṃ paṭisaṃvedayati, pāṇātipātā paṭiviratassa evaṃ taṃ bhayaṃ veraṃ vūpasantaṃ hoti.

“Yaṃ, gahapati, adinnādāyī adinnādānapaccayā diṭṭhadhammikampi bhayaṃ veraṃ pasavati, samparāyikampi bhayaṃ veraṃ pasavati, cetasikampi dukkhaṃ domanassaṃ paṭisaṃvedayati, adinnādānā paṭiviratassa evaṃ taṃ bhayaṃ veraṃ vūpasantaṃ hoti.

“Yaṃ, gahapati, kāmesumicchācārī kāmesumicchācārapaccayā diṭṭhadhammikampi bhayaṃ veraṃ pasavati, samparāyikampi bhayaṃ veraṃ pasavati, cetasikampi dukkhaṃ domanassaṃ paṭisaṃvedayati, kāmesumicchācārā paṭiviratassa evaṃ taṃ bhayaṃ veraṃ vūpasantaṃ hoti.

“Yaṃ, gahapati, musāvādī musāvādapaccayā diṭṭhadhammikampi bhayaṃ veraṃ pasavati, samparāyikampi bhayaṃ veraṃ pasavati, cetasikampi dukkhaṃ domanassaṃ paṭisaṃvedayati, musāvādā paṭiviratassa evaṃ taṃ bhayaṃ veraṃ vūpasantaṃ hoti.

“Yaṃ, gahapati, surāmerayamajjapamādaṭṭhāyī surāmerayamajjapamādaṭṭhānapaccayā diṭṭhadhammikampi bhayaṃ veraṃ pasavati, samparāyikampi bhayaṃ veraṃ pasavati, cetasikampi dukkhaṃ domanassaṃ paṭisaṃvedayati, surāmerayamajjapamādaṭṭhānā paṭiviratassa evaṃ taṃ bhayaṃ veraṃ vūpasantaṃ hoti. Imāni pañca bhayāni verāni vūpasantāni honti.

“Katamehi catūhi sotāpattiyaṅgehi samannāgato hoti? Idha, gahapati, ariyasāvako buddhe aveccappasādena samannāgato hoti – ‘itipi so bhagavā araham sammasambuddho vijjācaraṇasampanno sugato lokavidū anuttaro purisadammasārathi satthā devamanussānaṃ buddho bhagavā””ti.

“Dhamme aveccappasādena samannāgato hoti – ‘svākkhāto bhagavatā dhammo sandiṭṭhiko akāliko ehipassiko opaneyyiko paccattaṃ veditaṃ viññūhi’”ti.

“Saṅghe aveccappasādena samannāgato hoti – ‘suppaṭipanno bhagavato sāvakaṅgho, ujuppaṭipanno bhagavato sāvakaṅgho, ñāyappaṭipanno bhagavato sāvakaṅgho, sāmīcippaṭipanno bhagavato sāvakaṅgho, yadidaṃ cattāri purisayugāni aṭṭha purisapuggalā, esa bhagavato sāvakaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassā’”ti.

“Ariyakantehi sīlehi samannāgato hoti akhaṇḍehi acchiddehi asabalehi akammāsehi bhujissehi viññuppasatthehi aparāmatṭhehi samādhisaṃvattanikehi. Imehi catūhi sotāpattiyaṅgehi samannāgato hoti.

“Katamo cassa ariyo ñāyo paññāya sudiṭṭho hoti suppaṭividdho? Idha, gahapati, ariyasāvako paṭiccasamuppādaññeva sādhukaṃ yoniso manasi karoti – ‘iti imasmiṃ sati idaṃ hoti, imasmiṃ asati idaṃ na hoti; imassuppādā idaṃ uppajjati, imassa nirodhā idaṃ nirujjhati. Yadidaṃ avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññāṇanirodho...pe... evametassa kevalassa dukkhakkhandhassa nirodho hoti’”ti. Ayamassa ariyo ñāyo paññāya sudiṭṭho hoti suppaṭividdho.

“Yato kho, gahapati, ariyasāvakaṃ imāni pañca bhayāni verāni vūpasantāni honti, imehi catūhi sotāpattiyaṅgehi samannāgato hoti, ayañcassa ariyo ñāyo paññāya sudiṭṭho hoti suppaṭividdho, so ākaṅkhamāno attanāva attānaṃ byākareyya – ‘khīṇanirayomhi khīṇatiracchānayani khīṇapettivisayo khīṇāpāyaduggativinipāto, sotāpannohamasmi avinipātadhammo niyato sambodhiparāyano’”ti.

## 2. Dutiyapañcaverabhayasuttaṃ

42. Sāvattiyāya viharati...pe... “yato kho, bhikkhave, ariyasāvakaṃ imāni pañca bhayāni verāni vūpasantāni honti, catūhi ca sotāpattiyaṅgehi samannāgato hoti, ariyo cassa ñāyo paññāya sudiṭṭho hoti suppaṭividdho, so ākaṅkhamāno attanāva attānaṃ byākareyya – ‘khīṇanirayomhi khīṇatiracchānayani khīṇapettivisayo khīṇāpāyaduggativinipāto, sotāpannohamasmi avinipātadhammo niyato sambodhiparāyano’”ti.

“Katamāni pañca bhayāni verāni vūpasantāni honti? Yaṃ, bhikkhave, pāṇātipātī...pe... yaṃ, bhikkhave, adinnādāyī...pe... yaṃ, bhikkhave, kāmesumicchācārī... yaṃ, bhikkhave, musāvādī... yaṃ, bhikkhave, surāmerayamajjapamādaṭṭhāyī...pe... imāni pañca bhayāni verāni vūpasantāni honti.

“Katamehi catūhi sotāpattiyaṅgehi samannāgato hoti? Idha, bhikkhave, ariyasāvako buddhe...pe... dhamme... saṅghe... ariyakantehi sīlehi samannāgato hoti. Imehi catūhi sotāpattiyaṅgehi samannāgato hoti.

“Katamo cassa ariyo ñāyo paññāya sudiṭṭho hoti suppaṭividdho? Idha, bhikkhave, ariyasāvako paṭiccasamuppādaññeva sādhukaṃ yoniso manasi karoti...pe... ayamassa ariyo ñāyo paññāya sudiṭṭho hoti suppaṭividdho.

“Yato kho, bhikkhave, ariyasāvakaṃ imāni pañca bhayāni verāni vūpasantāni honti, imehi ca catūhi sotāpattiyaṅgehi samannāgato hoti, ayañcassa ariyo ñāyo paññāya sudiṭṭho hoti suppaṭividdho, so ākaṅkhamāno attanāva attānaṃ byākareyya – ‘khīṇanirayomhi khīṇatiracchānayani khīṇapettivisayo khīṇāpāyaduggativinipāto, sotāpannohamasmi avinipātadhammo niyato sambodhiparāyano’”ti.  
Dutiyāyaṃ.



### 3. Dukkhasuttaṃ

43. Sāvattthiyaṃ viharati...pe... “dukkhassa, bhikkhave, samudayañca atthaṅgamañca desessāmi. Taṃ suñātha, sādhukaṃ manasi karotha; bhāsissāmi”ti. “Evaṃ, bhante”ti kho te bhikkhū bhagavato paccassosum. Bhagavā etadavoca –

“Katamo ca, bhikkhave, dukkhassa samudayo? Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Ayaṃ kho, bhikkhave, dukkhassa samudayo.

“Sotañca paṭicca sadde ca uppajjati sotaviññāṇaṃ...pe... ghānañca paṭicca gandhe ca...pe... jivhañca paṭicca rase ca...pe... kāyañca paṭicca phoṭṭhabbe ca...pe... manañca paṭicca dhamme ca uppajjati manoviññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Ayaṃ kho, bhikkhave, dukkhassa samudayo.

“Katamo ca, bhikkhave, dukkhassa atthaṅgamo? Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāganīrodhā upādānānirodho; upādānānirodhā bhavānirodho; bhavānirodhā jātinīrodho; jātinīrodhā jarāmaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti. Ayaṃ kho, bhikkhave, dukkhassa atthaṅgamo.

“Sotañca paṭicca sadde ca uppajjati sotaviññāṇaṃ...pe... ghānañca paṭicca gandhe ca...pe... jivhañca paṭicca rase ca...pe... kāyañca paṭicca phoṭṭhabbe ca...pe... manañca paṭicca dhamme ca uppajjati manoviññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāganīrodhā upādānānirodho; upādānānirodhā bhavānirodho; bhavānirodhā jātinīrodho; jātinīrodhā jarāmaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti. Ayaṃ kho, bhikkhave, dukkhassa atthaṅgamo”ti. Tatiyaṃ.

### 4. Lokasuttaṃ

44. Sāvattthiyaṃ viharati...pe... “lokassa, bhikkhave, samudayañca atthaṅgamañca desessāmi. Taṃ suñātha, sādhukaṃ manasi karotha; bhāsissāmi”ti. “Evaṃ, bhante”ti kho te bhikkhū bhagavato paccassosum. Bhagavā etadavoca –

“Katamo ca, bhikkhave, lokassa samudayo? Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā; taṇhāpaccayā upādānaṃ; upādānapaccayā bhavo; bhavapaccayā jāti; jātipaccayā jarāmaṇaṃ sokaparidevadukkhadomanassupāyāsā sambhavanti. Ayaṃ kho, bhikkhave, lokassa samudayo.

“Sotañca paṭicca sadde ca...pe... ghānañca paṭicca gandhe ca... jivhañca paṭicca rase ca... kāyañca paṭicca phoṭṭhabbe ca... manañca paṭicca dhamme ca uppajjati manoviññāṇaṃ. Tiṇṇaṃ saṅgati phasso. Phassapaccayā vedanā...pe... jātipaccayā jarāmaṇaṃ sokaparidevadukkhadomanassupāyāsā sambhavanti. Ayaṃ kho, bhikkhave, lokassa samudayo.

“Katamo ca, bhikkhave, lokassa atthaṅgamo? Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāganīrodhā upādānānirodho; upādānānirodhā bhavānirodho...pe... evametassa kevalassa dukkhakkhandhassa nirodho hoti. Ayaṃ kho, bhikkhave, lokassa atthaṅgamo.

“Sotañca paṭicca sadde ca...pe... ghānañca paṭicca gandhe ca... jivhañca paṭicca rase ca... kāyañca paṭicca phoṭṭhabbe ca... manañca paṭicca dhamme ca uppajjati manoviññāṇaṃ. Tiṇṇaṃ saṅgati

phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāgañirodhā upādānañirodho; upādānañirodhā bhavañirodho...pe... evametassa kevalassa dukkhakkhandhassa ñirodho hoti. Ayaṃ kho, bhikkhave, lokassa atthaṅgamo’ti. Catutthaṃ.

## 5. Nātikasuttaṃ

45. Evaṃ me suttaṃ – ekaṃ samayaṃ bhagavā nātike viharati giṅjakāvasathe. Atha kho bhagavā rahogato paṭisallāno imaṃ dhammapariyāyaṃ abhāsi –

“Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā, vedanāpaccayā taṇhā; taṇhāpaccayā upādānaṃ...pe... evametassa kevalassa dukkhakkhandhassa samudayo hoti.

“Sotañca paṭicca sadde ca...pe... ghānañca paṭicca gandhe ca... jivhañca paṭicca rase ca... kāyañca paṭicca phoṭṭhabbe ca... manañca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā; taṇhāpaccayā upādānaṃ...pe... evametassa kevalassa dukkhakkhandhassa samudayo hoti.

“Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāgañirodhā upādānañirodho; upādānañirodhā bhavañirodho...pe... evametassa kevalassa dukkhakkhandhassa ñirodho hoti.

“Sotañca paṭicca sadde ca...pe... manañca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāgañirodhā upādānañirodho; upādānañirodhā bhavañirodho...pe... evametassa kevalassa dukkhakkhandhassa ñirodho hoti’”ti.

Tena kho pana samayena aññataro bhikkhu bhagavato upassuti [upassutiṃ (sī. pī.)] ṭhito hoti. Addasā kho bhagavā taṃ bhikkhuṃ upassuti ṭhitaṃ. Disvāna taṃ bhikkhuṃ etadavoca – “assosi no tvaṃ, bhikkhu, imaṃ dhammapariyāya’nti? “Evaṃ, bhante’”ti. “Uggaṇhāhi tvaṃ, bhikkhu, imaṃ dhammapariyāyaṃ; pariyaṇāhi tvaṃ, bhikkhu, imaṃ dhammapariyāyaṃ; dhārehi tvaṃ, bhikkhu, imaṃ dhammapariyāyaṃ. Atthasamhito ayaṃ [atthasamhitoyaṃ (sī. syā. kaṃ.), atthasamhitāyaṃ (pī. ka.)], bhikkhu, dhammapariyāyo ādibrahmacariyako’”ti. Pañcamaṃ.

## 6. Aññatarabrāhmaṇasuttaṃ

46. Sāvattihyaṃ viharati. Atha kho aññataro brāhmaṇo yena bhagavā tenupasankami; upasankamitvā bhagavatā saddhiṃ sammodi. Sammodaniyaṃ kathaṃ sāraṇiyaṃ vītisāretvā ekamantaṃ nisīdi. Ekamantaṃ nisinna kho so brāhmaṇo bhagavantaṃ etadavoca –

“Kiṃ nu kho, bho gotama, so karoti so paṭisaṃvedayatī’”ti? “So karoti so paṭisaṃvedayatī’”ti kho, brāhmaṇa, ayameko anto’”.

“Kiṃ pana, bho gotama, añño karoti, añño paṭisaṃvedayatī’”ti? “Añño karoti, añño paṭisaṃvedayatī’”ti kho, brāhmaṇa, ayaṃ dutiyo anto. Ete te, brāhmaṇa, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāgañirodhā saṅkhārañirodho; saṅkhārañirodhā viññāṇañirodho ...pe... evametassa kevalassa dukkhakkhandhassa ñirodho hoti’”ti.

Evaṃ vutte, so brāhmaṇo bhagavantaṃ etadavoca – “abhikkantaṃ, bho gotama, abhikkantaṃ, bho

gotama,...pe... upāsakaṃ maṃ bhavaṃ gotamo dhāretu ajjatagge pāṇupetaṃ saraṇaṃ gata’’nti. Chaṭṭhaṃ.

### 7. Jāṇussoṇisuttaṃ

47. Sāvattṭhiyaṃ viharati. Atha kho jāṇussoṇi brāhmaṇo yena bhagavā tenupasaṅkami; upasaṅkamitvā bhagavatā saddhiṃ...pe... ekamantaṃ nisinno kho jāṇussoṇi brāhmaṇo bhagavantaṃ etadavoca –

“Kiṃ nu kho, bho, gotama, sabbamatthī’’ti? “Sabbamatthī’’ti kho, brāhmaṇa, ayameko anto’’.

“Kiṃ pana, bho gotama, sabbaṃ natthī’’ti? “Sabbaṃ natthī’’ti kho, brāhmaṇa, ayaṃ dutiyo anto. Ete te, brāhmaṇa, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāgaṇirodhā saṅkhāraṇirodho; saṅkhāraṇirodhā viññāṇaṇirodho...pe... evametassa kevalassa dukkhakkhandhassa nirodho hoti’’ti.

Evam vutte, jāṇussoṇi brāhmaṇo bhagavantaṃ etadavoca – “abhikkantaṃ bho gotama...pe... pāṇupetaṃ saraṇaṃ gata’’nti. Sattamaṃ.

### 8. Lokāyatikasuttaṃ

48. Sāvattṭhiyaṃ viharati. Atha kho lokāyatiko brāhmaṇo yena bhagavā...pe... ekamantaṃ nisinno kho lokāyatiko brāhmaṇo bhagavantaṃ etadavoca –

“Kiṃ nu kho, bho gotama, sabbamatthī’’ti? “Sabbamatthī’’ti kho, brāhmaṇa, jeṭṭhametaṃ lokāyataṃ’’.

“Kiṃ pana, bho gotama, sabbaṃ natthī’’ti? “Sabbaṃ natthī’’ti kho, brāhmaṇa, dutiyametaṃ lokāyataṃ’’.

“Kiṃ nu kho, bho gotama, sabbamekatta’’nti? “Sabbamekatta’’nti kho, brāhmaṇa, tatiyametaṃ lokāyataṃ’’.

“Kiṃ pana, bho gotama, sabbaṃ puthutta’’nti? “Sabbaṃ puthutta’’nti kho, brāhmaṇa, catutthametaṃ lokāyataṃ’’.

“Ete te, brāhmaṇa, ubho ante anupagamma majjhena tathāgato dhammaṃ deseti – ‘avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāgaṇirodhā saṅkhāraṇirodho; saṅkhāraṇirodhā viññāṇaṇirodho...pe... evametassa kevalassa dukkhakkhandhassa nirodho hoti’’ti.

Evam vutte, lokāyatiko brāhmaṇo bhagavantaṃ etadavoca – “abhikkantaṃ, bho gotama...pe... ajjatagge pāṇupetaṃ saraṇaṃ gata’’nti. Aṭṭhamaṃ.

### 9. Ariyasāvakaṣuttaṃ

49. Sāvattṭhiyaṃ viharati...pe... “na, bhikkhave, sutavato ariyasāvakaṣa evaṃ hoti – ‘kiṃ nu kho kismiṃ sati kiṃ hoti, kissuppādā kiṃ uppajjati? (Kismiṃ sati saṅkhārā honti, kismiṃ sati viññāṇaṃ hoti.) [( ) etthantare pāṭhā kesuci potthakesu na dissantīti sī. pī. potthakesu dassitā. tathā sati

[anantarassuttaṭṭhikāya sameti](#)] kismiṃ sati nāmarūpaṃ hoti, kismiṃ sati saḷāyatanaṃ hoti, kismiṃ sati phasso hoti, kismiṃ sati vedanā hoti, kismiṃ sati taṇhā hoti, kismiṃ sati upādānaṃ hoti, kismiṃ sati bhavo hoti, kismiṃ sati jāti hoti, kismiṃ sati jarāmaṇaṃ hoti”’ti?

“Atha kho, bhikkhave, sutavato ariyasāvakaṃ aparappaccayā ñāṇamevettha hoti – ‘imasmim sati idaṃ hoti, imassuppādā idaṃ uppajjati. (Avijjāya sati saṅkhārā honti; saṅkhāresu sati viññāṇaṃ hoti;) [\[ \( \) etthakesu pāṭhā kesuci potthakesu na dissantīti sī. pī. potthakesu dassitā. tathā sati anantarassuttaṭṭhikāya sameti \]](#) viññāṇe sati nāmarūpaṃ hoti; nāmarūpe sati saḷāyatanaṃ hoti; saḷāyatane sati phasso hoti; phasse sati vedanā hoti; vedanāya sati taṇhā hoti; taṇhāya sati upādānaṃ hoti; upādāne sati bhavo hoti; bhavo sati jāti hoti; jātiyā sati jarāmaṇaṃ hoti”’ti. So evaṃ pajānāti – ‘evamayaṃ loko samudayati”’ti.

“Na, bhikkhave, sutavato ariyasāvakaṃ evaṃ hoti – ‘kiṃ nu kho kismiṃ asati kiṃ na hoti, kissa nirodhā kiṃ nirujjhati? (Kismiṃ asati saṅkhārā na honti, kismiṃ asati viññāṇaṃ na hoti,) [\[ \( \) etthantare pāṭhāpi tattha tatheva dassitā \]](#) kismiṃ asati nāmarūpaṃ na hoti, kismiṃ asati saḷāyatanaṃ na hoti, kismiṃ asati phasso na hoti, kismiṃ asati vedanā na hoti, kismiṃ asati taṇhā na hoti, kismiṃ asati upādānaṃ na hoti, kismiṃ asati bhavo na hoti, kismiṃ asati jāti na hoti, kismiṃ asati jarāmaṇaṃ na hoti”’ti?

“Atha kho, bhikkhave, sutavato ariyasāvakaṃ aparappaccayā ñāṇamevettha hoti – ‘imasmim asati idaṃ na hoti, imassa nirodhā idaṃ nirujjhati. (Avijjāya asati saṅkhārā na honti; saṅkhāresu asati viññāṇaṃ na hoti;) [\[ \( \) etthantare pāṭhāpi tattha tatheva dassitā \]](#) viññāṇe asati nāmarūpaṃ na hoti; nāmarūpe asati saḷāyatanaṃ na hoti...pe... bhavo na hoti... jāti na hoti... jātiyā asati jarāmaṇaṃ na hoti”’ti. So evaṃ pajānāti – ‘evamayaṃ loko nirujjhati”’ti.

“Yato kho, bhikkhave, ariyasāvako evaṃ lokassa samudayañca atthaṅgamañca yathābhūtaṃ pajānāti, ayaṃ vuccati, bhikkhave, ariyasāvako diṭṭhisampanno itipi...pe... amatadvāraṃ āhacca tiṭṭhati itipi”’ti. Navamaṃ.

## 10. Dutiyariyasāvakaṃ suttaṃ

**50.** Sāvattiyā viharati...pe... “na, bhikkhave, sutavato ariyasāvakaṃ evaṃ hoti – ‘kiṃ nu kho kismiṃ sati kiṃ hoti, kissuppādā kiṃ uppajjati? Kismiṃ sati saṅkhārā honti, kismiṃ sati viññāṇaṃ hoti, kismiṃ sati nāmarūpaṃ hoti, kismiṃ sati saḷāyatanaṃ hoti, kismiṃ sati phasso hoti, kismiṃ sati vedanā hoti, kismiṃ sati taṇhā hoti, kismiṃ sati upādānaṃ hoti, kismiṃ sati bhavo hoti, kismiṃ sati jāti hoti, kismiṃ sati jarāmaṇaṃ hoti”’ti?

“Atha kho, bhikkhave, sutavato ariyasāvakaṃ aparappaccayā ñāṇamevettha hoti – ‘imasmim sati idaṃ hoti, imassuppādā idaṃ uppajjati. Avijjāya sati saṅkhārā honti; saṅkhāresu sati viññāṇaṃ hoti; viññāṇe sati nāmarūpaṃ hoti; nāmarūpe sati saḷāyatanaṃ hoti; saḷāyatane sati phasso hoti; phasse sati vedanā hoti; vedanāya sati taṇhā hoti; taṇhāya sati upādānaṃ hoti; upādāne sati bhavo hoti; bhavo sati jāti hoti; jātiyā sati jarāmaṇaṃ hoti”’ti. So evaṃ pajānāti – ‘evamayaṃ loko samudayati”’ti.

“Na, bhikkhave, sutavato ariyasāvakaṃ evaṃ hoti – ‘kiṃ nu kho kismiṃ asati kiṃ na hoti, kissa nirodhā kiṃ nirujjhati? Kismiṃ asati saṅkhārā na honti, kismiṃ asati viññāṇaṃ na hoti, kismiṃ asati nāmarūpaṃ na hoti, kismiṃ asati saḷāyatanaṃ na hoti, kismiṃ asati phasso na hoti, kismiṃ asati vedanā na hoti, kismiṃ asati taṇhā na hoti...pe... upādānaṃ... bhavo... jāti... kismiṃ asati jarāmaṇaṃ na hoti”’ti?

“Atha kho, bhikkhave, sutavato ariyasāvakaṃ aparappaccayā ñāṇamevettha hoti – ‘imasmim asati idaṃ na hoti, imassa nirodhā idaṃ nirujjhati. Avijjāya asati saṅkhārā na honti; saṅkhāresu asati

viññāṇaṃ na hoti; viññāṇe asati nāmarūpaṃ na hoti; nāmarūpe asati saḷāyatanaṃ na hoti...pe... jātiyā asati jarāmaṇaṃ na hoti”ti. So evaṃ pajānāti – ‘evamaṃ loko nirujjhati’”ti.

“Yato kho, bhikkhave, ariyasāvako evaṃ lokassa samudayaṅca atthaṅgamaṅca yathābhūtaṃ pajānāti, ayaṃ vuccati, bhikkhave, ariyasāvako diṭṭhisampanno itipi, dassanasampanno itipi, āgato imaṃ saddhammaṃ itipi, passati imaṃ saddhammaṃ itipi, sekkhena ñāṇena samannāgato itipi, sekkhāya vijjāya samannāgato itipi, dhammasotaṃ samāpanno itipi, ariyo nibbedhikapaṅṅho itipi, amatadvāraṃ āhacca tiṭṭhati itipi”ti. Dasamaṃ.

Gahapativaggo pañcamaṃ.

Tassuddānaṃ –

Dve pañcaverabhayā vuttā, dukkhaṃ loko ca ñātikaṃ;  
Aññataraṃ jāṇussoṇi ca, lokāyatikena aṭṭhamaṃ;  
Dve ariyasāvakā vuttā, vaggo tena pavuccatīti.

## 6. Dukkhavaggo

### 1. Parivīmaṃsanāsuttam

**51.** Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca –

“Kittāvatā nu kho, bhikkhave, bhikkhū parivīmaṃsamāno parivīmaṃseyya sabbaso sammā dukkhakkhayāyā”ti? “Bhagavaṃmūlakā no, bhante, dhammā bhagavaṃnettikā bhagavaṃpaṭisaraṇā. Sādhu vata, bhante, bhagavantaṃyeva paṭibhātu etassa bhāsitassa attho. Bhagavato sutvā bhikkhū dhāressantī”ti. “Tena hi, bhikkhave, suṇātha, sādhukaṃ manasi karotha, bhāsissāmī”ti. “Evaṃ, bhante”ti kho te bhikkhū bhagavato paccassosum. Bhagavā etadavoca –

“Idha, bhikkhave, bhikkhu parivīmaṃsamāno parivīmaṃsati – ‘yaṃ kho idaṃ anekavidhaṃ nānappakāraṃ dukkhaṃ loke uppajjati jarāmaṇaṃ; idaṃ nu kho dukkhaṃ kiṃnidānaṃ kiṃsamudayaṃ kiṃjātikaṃ kiṃpabhavaṃ? Kismiṃ sati jarāmaṇaṃ hoti, kismiṃ asati jarāmaṇaṃ na hoti”ti? So parivīmaṃsamāno evaṃ pajānāti – ‘yaṃ kho idaṃ anekavidhaṃ nānappakāraṃ dukkhaṃ loke uppajjati jarāmaṇaṃ, idaṃ kho dukkhaṃ jātiniḍānaṃ jātisamudayaṃ jātijātikaṃ jātipabhavaṃ. Jātiyā sati jarāmaṇaṃ hoti, jātiyā asati jarāmaṇaṃ na hoti’”ti.

“So jarāmaṇaṅca pajānāti, jarāmaṇasamudayaṅca pajānāti, jarāmaṇanirodhaṅca pajānāti, yā ca jarāmaṇanirodhasārappagāminī paṭipadā taṅca pajānāti, tathā paṭipanno ca hoti anudhammacārī; ayaṃ vuccati, bhikkhave, bhikkhu sabbaso sammā dukkhakkhayāya paṭipanno jarāmaṇanirodhāya.

“Athāparaṃ parivīmaṃsamāno parivīmaṃsati – ‘jāti panāyaṃ kiṃnidānā kiṃsamudayā kiṃjātikā kiṃpabhavā, kismiṃ sati jāti hoti, kismiṃ asati jāti na hoti’”ti? So parivīmaṃsamāno evaṃ pajānāti – ‘jāti bhavanidānā bhavasamudayā bhavajātikā bhavappabhavā; bhava sati jāti hoti, bhava asati jāti na hoti’”ti.

“So jātiṅca pajānāti, jātisamudayaṅca pajānāti, jātinirodhaṅca pajānāti, yā ca jātinirodhasārappagāminī paṭipadā taṅca pajānāti, tathā paṭipanno ca hoti anudhammacārī; ayaṃ vuccati, bhikkhave, bhikkhu sabbaso sammā dukkhakkhayāya paṭipanno jātinirodhāya.

“Athāparam parivīmaṃsamāno parivīmaṃsati – ‘bhavo paṇāyaṃ kiṃnidāno...pe... upādānaṃ paṇidaṃ kiṃnidānaṃ... taṇhā paṇāyaṃ kiṃnidānā... vedanā... phasso... saḷāyatanaṃ paṇidaṃ kiṃnidānaṃ... nāmarūpaṃ paṇidaṃ... viññānaṃ paṇidaṃ... saṅkhārā paṇime kiṃnidānā kiṃsamudayā kiṃjātikā kiṃpabhavā; kismiṃ sati saṅkhārā honti, kismiṃ asati saṅkhārā na hontī’ ti? So parivīmaṃsamāno evaṃ pajānāti – ‘saṅkhārā avijjānidānā avijjāsamudayā avijjājātikā avijjāpabhavā; avijjāya sati saṅkhārā honti, avijjāya asati saṅkhārā na hontī’ ti.

“So saṅkhāre ca pajānāti, saṅkhārasamudayaṅca pajānāti, saṅkhāranirodhaṅca pajānāti, yā ca saṅkhāranirodhasārappagāminī paṭipadā taṅca pajānāti, tathā paṭipanno ca hoti anudhammacārī; ayaṃ vuccati, bhikkhave, bhikkhu sabbaso sammā dukkhakkhayāya paṭipanno saṅkhāranirodhāya.

“Avijjāgato yaṃ, bhikkhave, purisapuggalo puññaṃ ce saṅkhāraṃ abhisāṅkharoti, puññūpagaṃ hoti viññānaṃ. Apuññaṃ ce saṅkhāraṃ abhisāṅkharoti, apuññūpagaṃ hoti viññānaṃ. Āneñjaṃ ce saṅkhāraṃ abhisāṅkharoti āneñjūpagaṃ hoti viññānaṃ. Yato kho, bhikkhave, bhikkhuno avijjā pahīnā hoti vijjā uppannā, so avijjāviraḅgā vijjuppādā neva puññābhisāṅkhāraṃ abhisāṅkharoti na apuññābhisāṅkhāraṃ abhisāṅkharoti na āneñjābhisāṅkhāraṃ abhisāṅkharoti. Anabhisāṅkharonto anabhisāṅcetaṃyo na kiñci loke upādiyati; anupādiyaṃ na paritassati, aparitassaṃ paccattaññeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti.

“So sukhaṃ ce vedanaṃ vedayati, sā aniccāti pajānāti, anajjhositāti pajānāti, anabhinanditāti pajānāti. Dukkhaṃ ce vedanaṃ vedayati, sā aniccāti pajānāti, anajjhositāti pajānāti, anabhinanditāti pajānāti. Adukkhamasukhaṃ ce vedanaṃ vedayati, sā aniccāti pajānāti, anajjhositāti pajānāti, anabhinanditāti pajānāti. So sukhaṃ ce vedanaṃ vedayati, viṣaṃyutto naṃ vedayati. Dukkhaṃ ce vedanaṃ vedayati, viṣaṃyutto naṃ [taṃ vedanaṃ (sī. pī.), vedanaṃ (ka.)] vedayati. Adukkhamasukhaṃ ce vedanaṃ vedayati, viṣaṃyutto naṃ vedayati.

“So kāyapariyantikaṃ vedanaṃ vedayamāno kāyapariyantikaṃ vedanaṃ vedayāmīti pajānāti, jīvitapariyantikaṃ vedanaṃ vedayamāno jīvitapariyantikaṃ vedanaṃ vedayāmīti pajānāti. Kāyassa bhedaṃ uddhaṃ jīvitapariyādānā idheva sabbavedayitāni anabhinanditāni sītībhavissanti, sarīrāni avasissantīti pajānāti.

“Seyyathāpi, bhikkhave, puriso kumbhakārapākā uṇhaṃ kumbhaṃ uddharitvā same bhūmibhāge paṭisseseyya [paṭiviseyya (sī.), paṭiṭṭhapeyya (syā. kaṃ. pī.), paṭiseveyya (ṭīkā)]. Tatra yāyaṃ usmā sā tattheva vūpasameyya, kapallāni avasisseyyuṃ. Evameva kho, bhikkhave, bhikkhu kāyapariyantikaṃ vedanaṃ vedayamāno kāyapariyantikaṃ vedanaṃ vedayāmīti pajānāti, jīvitapariyantikaṃ vedanaṃ vedayamāno jīvitapariyantikaṃ vedanaṃ vedayāmīti pajānāti. Kāyassa bhedaṃ uddhaṃ jīvitapariyādānā idheva sabbavedayitāni anabhinanditāni sītībhavissanti, sarīrāni avasissantīti pajānāti.

“Taṃ kiṃ maññātha, bhikkhave, api nu kho khīṇāsavo bhikkhu puññābhisāṅkhāraṃ vā abhisāṅkhareyya apuññābhisāṅkhāraṃ vā abhisāṅkhareyya āneñjābhisāṅkhāraṃ vā abhisāṅkhareyyā’ ti? “No hetam, bhante”. “Sabbaso vā pana saṅkhāresu asati, saṅkhāranirodhā api nu kho viññānaṃ paññāyethā’ ti? “No hetam, bhante”. “Sabbaso vā pana viññāṇe asati, viññāṇanirodhā api nu kho nāmarūpaṃ paññāyethā’ ti? “No hetam, bhante”. “Sabbaso vā pana nāmarūpe asati, nāmarūpanirodhā api nu kho saḷāyatanaṃ paññāyethā’ ti? “No hetam, bhante”. “Sabbaso vā pana saḷāyatane asati, saḷāyatananirodhā api nu kho phasso paññāyethā’ ti? “No hetam, bhante”. “Sabbaso vā pana phasse asati, phassanirodhā api nu kho vedanā paññāyethā’ ti? “No hetam, bhante”. “Sabbaso vā pana vedanāya asati, vedanānirodhā api nu kho taṇhā paññāyethā’ ti? “No hetam, bhante”. “Sabbaso vā pana taṇhāya asati, taṇhānirodhā api nu kho upādānaṃ paññāyethā’ ti? “No hetam, bhante”. “Sabbaso vā pana upādāne asati, upādānanirodhā api nu kho bhavo paññāyethā’ ti. “No hetam, bhante”. “Sabbaso vā pana bhavo asati, bhavanirodhā api nu kho jāti paññāyethā’ ti? “No hetam, bhante”. “Sabbaso vā pana jātiyā asati, jātinirodhā api nu kho jarāmaṇaṃ paññāyethā’ ti? “No hetam,

bhante’’.

‘‘Sādhū sādhu, bhikkhave, evametam, bhikkhave, netam aññathā. Saddahatha me tam, bhikkhave, adhimuccatha, nikkāṅkhā ettha hotha nibbicikicchā. Esevanto dukkhassā’’ti. Paṭhamam.

## 2. Upādānasuttam

**52.** Sāvattiyam viharati...pe... ‘‘upādānīyesu, bhikkhave, dhammesu assādānupassino viharato taṇhā pavaḍḍhati. Taṇhāpaccayā upādānam; upādānapaccayā bhavo; bhavapaccayā jāti; jātipaccayā jarāmarañam sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti’’.

‘‘Seyyathāpi, bhikkhave, dasannam vā kaṭṭhavāhānam vīsāya vā kaṭṭhavāhānam tiṃsāya vā kaṭṭhavāhānam cattārīsāya vā kaṭṭhavāhānam mahāaggikkhandho jaleyya. Tatra puriso kālena kālam sukkhāni ceva tiṇāni pakkhipeyya, sukkhāni ca gomayāni pakkhipeyya, sukkhāni ca kaṭṭhāni pakkhipeyya. Evañhi so, bhikkhave, mahāaggikkhandho tadāhāro tadupādāno ciram dīghamaddhānam jaleyya. Evameva kho, bhikkhave, upādānīyesu dhammesu assādānupassino viharato taṇhā pavaḍḍhati. Taṇhāpaccayā upādānam...pe... evametassa kevalassa dukkhakkhandhassa samudayo hoti.

‘‘Upādānīyesu, bhikkhave, dhammesu ādīnavānupassino viharato taṇhā nirujjhati. Taṇhānirodhā upādānanirodho; upādānanirodhā bhavanirodho; bhavanirodhā jātinirodho; jātinirodha jarāmarañam sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti.

‘‘Seyyathāpi, bhikkhave, dasannam vā kaṭṭhavāhānam vīsāya vā tiṃsāya vā cattārīsāya vā kaṭṭhavāhānam mahāaggikkhandho jaleyya; tatra puriso na kālena kālam sukkhāni ceva tiṇāni pakkhipeyya, na sukkhāni ca gomayāni pakkhipeyya, na sukkhāni ca kaṭṭhāni pakkhipeyya. Evañhi so, bhikkhave, mahāaggikkhandho purimassa ca upādānassa pariyādānā aññassa ca anupahārā [\[anupāhārā \(pī.\)\]](#) anāhāro nibbāyeyya. Evameva kho, bhikkhave, upādānīyesu dhammesu ādīnavānupassino viharato taṇhā nirujjhati, taṇhānirodhā upādānanirodho...pe... evametassa kevalassa dukkhakkhandhassa nirodho hoti’’ti. Dutiyam.

## 3. Saṃyojanasuttam

**53.** Sāvattiyam viharati ...pe... ‘‘saṃyojanīyesu, bhikkhave, dhammesu assādānupassino viharato taṇhā pavaḍḍhati. Taṇhāpaccayā upādānam; upādānapaccayā bhavo; bhavapaccayā jāti; jātipaccayā jarāmarañam sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti’’.

‘‘Seyyathāpi, bhikkhave, telañca paṭicca vaṭṭiñca paṭicca telappadīpo jhāyeyya. Tatra puriso kālena kālam telam āsiñceyya vaṭṭim upasaṃhareyya. Evañhi so, bhikkhave, telappadīpo tadāhāro tadupādāno ciram dīghamaddhānam jaleyya. Evameva kho, bhikkhave, saṃyojanīyesu dhammesu assādānupassino viharato taṇhā pavaḍḍhati. Taṇhāpaccayā upādānam; upādānapaccayā bhavo; bhavapaccayā jāti; jātipaccayā jarāmarañam sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

‘‘Saṃyojanīyesu, bhikkhave, dhammesu ādīnavānupassino viharato taṇhā nirujjhati. Taṇhānirodhā upādānanirodho; upādānanirodhā bhavanirodho; bhavanirodhā jātinirodho; jātinirodha jarāmarañam sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti.



“Seyyathāpi, bhikkhave, telañca paṭicca vaṭṭiñca paṭicca telappadīpo jhāyeyya. Tatra puriso na kālena kālaṃ telaṃ āsiñceyya na vaṭṭiṃ upasaṃhareyya. Evañhi so, bhikkhave, telappadīpo purimassa ca upādānassa pariyādānā aññassa ca anupahārā anāhāro nibbāyeyya. Evameva kho, bhikkhave, saṃyojanīyesu dhammesu ādīnavānupassino viharato taṇhā nirujjhati. Taṇhānirodhā upādānanirodho... pe... evametassa kevalassa dukkhakkhandhassa nirodho hoti”’ti. Tatiyaṃ.

#### 4. Dutiyasaṃyojanasuttaṃ

54. Sāvattthiyaṃ viharati ...pe... “seyyathāpi, bhikkhave, telañca paṭicca vaṭṭiñca paṭicca telappadīpo jhāyeyya. Tatra puriso kālena kālaṃ telaṃ āsiñceyya vaṭṭiṃ upasaṃhareyya. Evañhi so, bhikkhave, telappadīpo tadāhāro tadupādāno ciraṃ dīghamaddhānaṃ jaleyya. Evameva kho, bhikkhave, saṃyojanīyesu dhammesu assādānupassino viharato taṇhā pavaḍḍhati. Taṇhāpaccayā upādānaṃ...pe... evametassa kevalassa dukkhakkhandhassa samudayo hoti”’.

“Seyyathāpi, bhikkhave, telañca paṭicca vaṭṭiñca paṭicca telappadīpo jhāyeyya. Tatra puriso na kālena kālaṃ telaṃ āsiñceyya na vaṭṭiṃ upasaṃhareyya. Evañhi so, bhikkhave, telappadīpo purimassa ca upādānassa pariyādānā aññassa ca anupahārā anāhāro nibbāyeyya. Evameva kho, bhikkhave, saṃyojanīyesu dhammesu ādīnavānupassino viharato taṇhā nirujjhati. Taṇhānirodhā upādānanirodho... pe... evametassa kevalassa dukkhakkhandhassa nirodho hoti”’ti. Catutthaṃ.

#### 5. Mahārukhasuttaṃ

55. Sāvattthiyaṃ viharati...pe... “upādānīyesu, bhikkhave, dhammesu assādānupassino viharato taṇhā pavaḍḍhati. Taṇhāpaccayā upādānaṃ; upādānapaccayā bhavo...pe... evametassa kevalassa dukkhakkhandhassa samudayo hoti”’.

“Seyyathāpi, bhikkhave, mahārukko. Tassa yāni ceva mūlāni adhogamāni, yāni ca tiriyaṅgamāni, sabbāni tāni uddhaṃ ojaṃ abhiharanti. Evañhi so, bhikkhave, mahārukko tadāhāro tadupādāno ciraṃ dīghamaddhānaṃ tiṭṭheyya. Evameva kho, bhikkhave, upādānīyesu dhammesu assādānupassino viharato taṇhā pavaḍḍhati. Taṇhāpaccayā upādānaṃ...pe... evametassa kevalassa dukkhakkhandhassa samudayo hoti.

“Upādānīyesu, bhikkhave, dhammesu ādīnavānupassino viharato taṇhā nirujjhati. Taṇhānirodhā upādānanirodho; upādānanirodhā bhavanirodho...pe... evametassa kevalassa dukkhakkhandhassa nirodho hoti.

“Seyyathāpi, bhikkhave, mahārukko. Atha puriso āgaccheyya kuddālapīṭakaṃ [kuddālapīṭakaṃ (aññattha)] ādāya. So taṃ rukkhaṃ mūle chindeyya, mūlaṃ chinditvā palikhaṇeyya [palikhaṇeyya (pī. ka.)], palikhaṇitvā mūlāni uddhareyya antamaso usīranāḷimattānīpi. So taṃ rukkhaṃ khaṇḍākhāṇḍikaṃ chindeyya, khaṇḍākhāṇḍikaṃ chinditvā phāleyya, phāletvā sakalikaṃ sakalikaṃ kareyya, sakalikaṃ sakalikaṃ karitvā vātātape visoseyya; vātātape visosetvā agginā ḍaheyya, agginā ḍahetvā masiṃ kareyya, masiṃ karitvā mahāvāte vā ophuṇeyya [opuṇeyya (sī. pī.), ophuṇeyya (syā. kaṃ. ka.)] nadiyā vā sīghasotāya pavāheyya. Evañhi so, bhikkhave, mahārukko ucchinnamūlo assa tālavattthukato anabhāvaṃkato [anabhāvaṃkato (sī.), anabhāvaṅgato (syā. kaṃ.)] āyatīṃ anuppādadharmo. Evameva kho, bhikkhave, upādānīyesu dhammesu ādīnavānupassino viharato taṇhā nirujjhati. Taṇhānirodhā upādānanirodho; upādānanirodhā bhavanirodho...pe... evametassa kevalassa dukkhakkhandhassa nirodho hoti”’ti. Pañcamaṃ.

#### 6. Dutiyamahārukhasuttaṃ

56. Sāvattthiyaṃ viharati...pe... “seyyathāpi, bhikkhave, mahārukko. Tassa yāni ceva mūlāni



adhogamāni, yāni ca tiriyaṅgamāni, sabbāni tāni uddhaṃ ojaṃ abhiharanti. Evañhi so, bhikkhave, mahārukkho tadāhāro tadupādāno ciraṃ dīghamaddhānaṃ tiṭṭheyya. Evameva kho, bhikkhave, upādānīyesu dhammesu assādānupassino viharato taṇhā pavaḍḍhati. Taṇhāpaccayā upādānaṃ ...pe... evametassa kevalassa dukkhakkhandhassa samudayo hoti”.

“Seyyathāpi, bhikkhave, mahārukkho. Atha puriso āgaccheyya kuddālapīṭakaṃ ādāya. So taṃ rukkhaṃ mūle chindeyya, mūle chetvā palikhaṇeyya, palikhaṇitvā mūlāni uddhareyya...pe... nadiyā vā sīghasotāya pavāheyya. Evañhi so, bhikkhave, mahārukkho ucchinnamūlo assa tālāvatthukato anabhāvaṅkato āyatim anuppādadhammo. Evameva kho, bhikkhave, upādānīyesu dhammesu ādīnavānupassino viharato taṇhā nirujjhati. Taṇhānirodhā upādānanirodho...pe... evametassa kevalassa dukkhakkhandhassa nirodho hoti”ti. Chaṭṭhaṃ.

## 7. Taruṇarukkhasuttaṃ

57. Sāvattīyaṃ viharati...pe... “saṃyojaniyesu, bhikkhave, dhammesu assādānupassino viharato taṇhā pavaḍḍhati. Taṇhāpaccayā upādānaṃ...pe... evametassa kevalassa dukkhakkhandhassa samudayo hoti”.

“Seyyathāpi, bhikkhave, taruṇo rukkho. Tassa puriso kālena kālaṃ mūlāni palimajjeyya [palisanneyya (sī.), palisajjeyya (syā. kaṃ. pī.), palipaṭṭheyya (ka.), palisandeyya, palibandheyya (ṭīkānurūpaṃ)] kālena kālaṃ paṃsuṃ dadeyya, kālena kālaṃ udakaṃ dadeyya. Evañhi so, bhikkhave, taruṇo rukkho tadāhāro tadupādāno vuddhiṃ virūḷhiṃ vepullaṃ āpajjeyya. Evameva kho, bhikkhave, saṃyojaniyesu dhammesu assādānupassino viharato taṇhā pavaḍḍhati. Taṇhāpaccayā upādānaṃ...pe... evametassa kevalassa dukkhakkhandhassa samudayo hoti.

“Saṃyojaniyesu, bhikkhave, dhammesu ādīnavānupassino viharato taṇhā nirujjhati. Taṇhānirodhā upādānanirodho...pe... evametassa kevalassa dukkhakkhandhassa nirodho hoti.

“Seyyathāpi, bhikkhave, taruṇo rukkho. Atha puriso āgaccheyya kuddālapīṭakaṃ ādāya...pe... nadiyā vā sīghasotāya pavāheyya. Evañhi so, bhikkhave, taruṇo rukkho ucchinnamūlo assa tālāvatthukato anabhāvaṅkato āyatim anuppādadhammo. Evameva kho, bhikkhave, saṃyojaniyesu dhammesu ādīnavānupassino viharato taṇhā nirujjhati. Taṇhānirodhā upādānanirodho...pe... evametassa kevalassa dukkhakkhandhassa nirodho hoti”ti. Sattamaṃ.

## 8. Nāmarūpasuttaṃ

58. Sāvattīyaṃ viharati...pe... “saṃyojaniyesu, bhikkhave, dhammesu assādānupassino viharato nāmarūpassa avakkanti hoti. Nāmarūpapaccayā saḷāyatanaṃ...pe... evametassa kevalassa dukkhakkhandhassa samudayo hoti”.

“Seyyathāpi, bhikkhave, mahārukkho. Tassa yāni ceva mūlāni adhogamāni, yāni ca tiriyaṅgamāni, sabbāni tāni uddhaṃ ojaṃ abhiharanti. Evañhi so, bhikkhave, mahārukkho tadāhāro tadupādāno ciraṃ dīghamaddhānaṃ tiṭṭheyya. Evameva kho, bhikkhave, saṃyojaniyesu dhammesu assādānupassino viharato nāmarūpassa avakkanti hoti...pe....

“Saṃyojaniyesu, bhikkhave, dhammesu ādīnavānupassino viharato nāmarūpassa avakkanti na hoti. Nāmarūpanirodhā saḷāyatanirodho...pe... evametassa kevalassa dukkhakkhandhassa nirodho hoti.

“Seyyathāpi, bhikkhave, mahārukkho. Atha puriso āgaccheyya kuddālapīṭakaṃ ādāya...pe... āyatim anuppādadhammo. Evameva kho, bhikkhave, saṃyojaniyesu dhammesu ādīnavānupassino viharato nāmarūpassa avakkanti na hoti. Nāmarūpanirodhā saḷāyatanirodho...pe... evametassa

kevalassa dukkhakkhandhassa nirodho hoti’’ti. Aṭṭhamam.

### 9. Viññāṇasuttam

59. Sāvattthiyam viharati...pe... “saṃyojaniyesu, bhikkhave, dhammesu assādānupassino viharato viññāṇassa avakkanti hoti. Viññāṇapaccayā nāmarūpaṃ...pe... evametassa kevalassa dukkhakkhandhassa samudayo hoti’’.

“Seyyathāpi, bhikkhave, mahārukkho. Tassa yāni ceva mūlāni ...pe... evameva kho, bhikkhave, saṃyojaniyesu dhammesu assādānupassino viharato viññāṇassa avakkanti hoti...pe....

“Saṃyojaniyesu, bhikkhave, dhammesu ādīnavānupassino viharato viññāṇassa avakkanti na hoti. Viññāṇanirodhā nāmarūpanirodho...pe... evametassa kevalassa dukkhakkhandhassa nirodho hoti.

“Seyyathāpi, bhikkhave, mahārukkho. Atha puriso āgaccheyya kuddālapīṭakaṃ ādāya...pe... āyatiṃ anuppādadhammo. Evameva kho, bhikkhave, saṃyojaniyesu dhammesu ādīnavānupassino viharato viññāṇassa avakkanti na hoti. Viññāṇassa nirodhā nāmarūpanirodho...pe... evametassa kevalassa dukkhakkhandhassa nirodho hoti’’ti. Navamam.

### 10. Nidānasuttam

60. Ekam samayaṃ bhagavā kurūsu viharati kammāsadhammam nāma kurūnaṃ nigamo. Atha kho āyasmā ānando yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā ānando bhagavantaṃ etadvoca – “acchariyam, bhante, abbhutaṃ, bhante! Yāva gambhīro cāyam, bhante, paṭiccasamuppādo gambhīrāvabhāso ca, atha ca pana me uttānakuttānako viya khāyatī’’ti.

“Mā hevaṃ, ānanda, mā hevaṃ, ānanda [[mā hevaṃ ānanda avaca mā hevaṃ ānanda avaca \(dī. ni. 2 mahānidānasutte\)](#)]! Gambhīro cāyam, ānanda, paṭiccasamuppādo gambhīrāvabhāso ca. Etassa, ānanda, dhammassa ananubodhā appaṭivedhā evamayam pajā tantākulakajātā kulagaṇṭhikajātā [[guḷāguṇṭhikajātā \(sī.\)](#)], [[guḷiguṇṭhikajātā \(syā. kam.\)](#)] muñjapabbajabhūtā [[muñjababbajabhūtā \(sī.\)](#)] apāyam duggatiṃ vinipātaṃ saṃsāraṃ nātivattati.

“Upādāniyesu, ānanda, dhammesu assādānupassino viharato taṇhā pavaḍḍhati. Taṇhāpaccayā upādānaṃ; upādānapaccayā bhavo; bhavapaccayā jāti; jātipaccayā jarāmaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

“Seyyathāpi, ānanda, mahārukkho. Tassa yāni ceva mūlāni adhogamāni, yāni ca tiriyaṅgamāni, sabbāni tāni uddham ojaṃ abhiharanti. Evañhi so, ānanda, mahārukkho tadāhāro tadupādāno ciraṃ dīghamaddhānaṃ tiṭṭheyya. Evameva kho, ānanda, upādāniyesu dhammesu assādānupassino viharato taṇhā pavaḍḍhati. Taṇhāpaccayā upādānaṃ; upādānapaccayā bhavo...pe... evametassa kevalassa dukkhakkhandhassa samudayo hoti.

“Upādāniyesu, ānanda, dhammesu ādīnavānupassino viharato taṇhā nirujjhati. Taṇhānirodhā upādānanirodho; upādānanirodhā bhavanirodho...pe... evametassa kevalassa dukkhakkhandhassa nirodho hoti.

“Seyyathāpi, ānanda, mahārukkho. Atha puriso āgaccheyya kuddālapīṭakaṃ ādāya. So taṃ rukkhaṃ mūle chindeyya, mūle chetvā palikhaṇeyya, palikhaṇitvā mūlāni uddhareyya antamaso usīraṇāḷimattāni. So taṃ rukkhaṃ khaṇḍākhaṇḍikaṃ chindeyya. Khaṇḍākhaṇḍikaṃ chinditvā

phāleyya; phāletvā sakalikaṃ sakalikaṃ kareyya, sakalikaṃ sakalikaṃ karitvā vātātape visoseyya, vātātape visosetvā agginā ḍaheyya, agginā ḍahetvā masiṃ kareyya, masiṃ karitvā mahāvāte vā ophuṇeyya, nadiyā vā sīghasoṭāya pavāheyya. Evañhi so, ānanda, mahārukkho ucchinnamūlo assa tālavatthukato anabhāvaṅkato āyatimṃ anuppādadhammo. Evameva kho, ānanda, upādāniyesu dhammesu ādīnavānupassino viharato taṇhā nirujjhati. Taṇhānirodhā upādānanirodho; upādānanirodhā bhavanirodho; bhavanirodhā jātinirodho; jātinirodhā jarāmaraññaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hotī’’ti. Dasamaṃ.

Dukkhavaggo chaṭṭho.

Tassuddānaṃ –

Parivīmaṃsanupādānaṃ, dve ca saṃyojanāni ca;  
Mahārukkhena dve vuttā, taruṇena ca sattamaṃ;  
Nāmarūpaṅca viññāṇaṃ, nidānena ca te dasāti.

## 7. Mahāvaggo

### 1. Assutavāsuttaṃ

61. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme...pe... “assutavā, bhikkhave, puthujjano imasmiṃ cātumahābhūtikasmiṃ kāyasmimṃ nibbindeyyapi virajjeyyapi vimucceyyapi. Taṃ kissa hetu? [cātummahābhūtikasmiṃ (sī. syā. kaṃ.)] Dissati, bhikkhave [dissati hi bhikkhave (sī. syā. kaṃ.)], imassa cātumahābhūtikassa kāyassa ācayopi apacayopi ādānampi nikkhepanampi. Tasmā tatrāssutavā puthujjano nibbindeyyapi virajjeyyapi vimucceyyapi’’.

“Yaṅca kho etaṃ, bhikkhave, vuccati cittaṃ itipi, mano itipi, viññāṇaṃ itipi, tatrāssutavā puthujjano nālaṃ nibbindituṃ nālaṃ virajjituṃ nālaṃ vimuccituṃ. Taṃ kissa hetu? Dīgharattañhettaṃ, bhikkhave, assutavato puthujjanassa ajjhositāṃ mamāyitaṃ parāmaṭṭhaṃ – ‘etaṃ mama, esohamasmi, eso me attā’ti. Tasmā tatrāssutavā puthujjano nālaṃ nibbindituṃ nālaṃ virajjituṃ nālaṃ vimuccituṃ.

“Vamaṃ, bhikkhave, assutavā puthujjano imaṃ cātumahābhūtikaṃ kāyaṃ attato upagaccheyya, na tveva cittaṃ. Taṃ kissa hetu? Dissatāyaṃ, bhikkhave, cātumahābhūtikā kāyo ekampi vassaṃ tiṭṭhamāno dvepi vassāni tiṭṭhamāno tīṇipi vassāni tiṭṭhamāno cattāripi vassāni tiṭṭhamāno pañcapi vassāni tiṭṭhamāno dasapi vassāni tiṭṭhamāno vīsati vassāni tiṭṭhamāno tiṃsampi vassāni tiṭṭhamāno cattārisampi vassāni tiṭṭhamāno paññāsampi vassāni tiṭṭhamāno vassasatampi tiṭṭhamāno, bhiyyopi tiṭṭhamāno.

“Yaṅca kho etaṃ, bhikkhave, vuccati cittaṃ itipi, mano itipi, viññāṇaṃ itipi, taṃ rattiyā ca divasassa ca aññadeva uppajjati aññaṃ nirujjhati. Seyyathāpi, bhikkhave, makkaṭo araṅṅe pavane caramāno sākhaṃ gaṇhati, taṃ muñcitvā aññaṃ gaṇhati, taṃ muñcitvā aññaṃ gaṇhati; evameva kho, bhikkhave, yamidaṃ vuccati cittaṃ itipi, mano itipi, viññāṇaṃ itipi, taṃ rattiyā ca divasassa ca aññadeva uppajjati aññaṃ nirujjhati.

“Tatra, bhikkhave, sutavā ariyasāvako paṭiccasamuppādaṃyeva sādhuṃkaṃ yoniso manasi karoti – ‘iti imasmiṃ sati idaṃ hoti, imassuppādā idaṃ uppajjati; imasmiṃ asati idaṃ na hoti, imassa nirodhā idaṃ nirujjhati – yadidaṃ avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho; saṅkhāranirodhā viññāṇanirodho...pe... evametassa kevalassa dukkhakkhandhassa nirodho hotī’’ti.

“Evaṃ passaṃ, bhikkhave, sutavā ariyasāvako rūpasmiṃpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānasmimpi nibbindati; nibbindaṃ virajjati, virāgā vimuccati, vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānātī” ti. Paṭhamaṃ.

## 2. Dutiyaassutavāsuttaṃ

62. Sāvattīyaṃ viharati...pe... “assutavā, bhikkhave, puthujjano imasmiṃ cātumahābhūtikasmiṃ kāyasmim nibbindeyyapi virajjeyyapi vimucceyyapi. Taṃ kissa hetu? Dissati, bhikkhave, imassa cātumahābhūtikassa kāyassa ācayopi apacayopi ādānampi nikkhepanampi. Tasmā tatrāssutavā puthujjano nibbindeyyapi virajjeyyapi vimucceyyapi. Yañca kho etaṃ, bhikkhave, vuccati cittaṃ itipi, mano itipi, viññāṇaṃ itipi, tatrāssutavā puthujjano nālaṃ nibbindituṃ nālaṃ virajjituṃ nālaṃ vimuccituṃ. Taṃ kissa hetu? Dīgharattañhetuṃ, bhikkhave, assutavato puthujanassa ajjhositāṃ mamāyitaṃ parāmaṭṭhaṃ – ‘etaṃ mama, esohamasmi, eso me attā’ ti. Tasmā tatrāssutavā puthujjano nālaṃ nibbindituṃ nālaṃ virajjituṃ nālaṃ vimuccituṃ”.

“Varaṃ, bhikkhave, assutavā puthujjano imaṃ cātumahābhūtikaṃ kāyaṃ attato upagaccheyya, na tveva cittaṃ. Taṃ kissa hetu? Dissatāyaṃ, bhikkhave, cātumahābhūtikaṃ kāyo ekampi vassaṃ tiṭṭhamāno dvepi vassāni tiṭṭhamāno tīpi vassāni tiṭṭhamāno cattāripi vassāni tiṭṭhamāno pañcapi vassāni tiṭṭhamāno dasapi vassāni tiṭṭhamāno vīsati vassāni tiṭṭhamāno tiṃsampi vassāni tiṭṭhamāno cattārisampi vassāni tiṭṭhamāno paññāsampi vassāni tiṭṭhamāno vassasatampi tiṭṭhamāno, bhiyyopi tiṭṭhamāno. Yañca kho etaṃ, bhikkhave, vuccati cittaṃ itipi, mano itipi, viññāṇaṃ itipi, taṃ rattiyā ca divasassa ca aññadeva uppajjati aññaṃ nirujjhati.

“Tatra, bhikkhave, sutavā ariyasāvako paṭiccasamuppādaṃyeva sādhuṃ yoniso manasi karoti – ‘iti imasmiṃ sati idaṃ hoti, imassuppādā idaṃ uppajjati; imasmiṃ asati idaṃ na hoti, imassa nirodhā idaṃ nirujjhati’ ti. Sukhavedaniyaṃ, bhikkhave, phassaṃ paṭicca uppajjati sukhavedanā. Tasseva sukhavedaniyassa phassassa nirodhā yaṃ tajaṃ vedayitaṃ sukhavedaniyaṃ phassaṃ paṭicca uppannā sukhavedanā sā nirujjhati sā vūpasammati. Dukkavedaniyaṃ, bhikkhave, phassaṃ paṭicca uppajjati dukkhavedanā. Tasseva dukkhavedaniyassa phassassa nirodhā yaṃ tajaṃ vedayitaṃ dukkhavedaniyaṃ phassaṃ paṭicca uppannā dukkhavedanā sā nirujjhati sā vūpasammati. Adukkhamasukhavedaniyaṃ, bhikkhave, phassaṃ paṭicca uppajjati adukkhamasukhavedanā. Tasseva adukkhamasukhavedaniyassa phassassa nirodhā yaṃ tajaṃ vedayitaṃ adukkhamasukhavedaniyaṃ phassaṃ paṭicca uppannā adukkhamasukhavedanā sā nirujjhati sā vūpasammati.

“Seyyathāpi, bhikkhave, dvinnāṃ kaṭṭhānaṃ saṅghaṭṭanasamodhānā usmā jāyati tejo abhinibbattati. Tesāmyeva dvinnāṃ kaṭṭhānaṃ nānākatavinibbhogā [nānābhāvāvinikkhepā (sī. pī.) ma. ni. 3.357] yā tajaṃ usmā sā nirujjhati sā vūpasammati; evameva kho, bhikkhave, sukhavedaniyaṃ phassaṃ paṭicca uppajjati sukhavedanā. Tasseva sukhavedaniyassa phassassa nirodhā yaṃ tajaṃ vedayitaṃ sukhavedaniyaṃ phassaṃ paṭicca uppannā sukhavedanā sā nirujjhati sā vūpasammati...pe... adukkhamasukhavedaniyaṃ phassaṃ paṭicca uppajjati adukkhamasukhavedanā. Tasseva adukkhamasukhavedaniyassa phassassa nirodhā yaṃ tajaṃ vedayitaṃ adukkhamasukhavedaniyaṃ phassaṃ paṭicca uppannā adukkhamasukhavedanā sā nirujjhati sā vūpasammati.

“Evaṃ passaṃ, bhikkhave, sutavā ariyasāvako phassepi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānasmimpi nibbindati; nibbindaṃ virajjati, virāgā vimuccati, vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānātī” ti. Dutiyaṃ.

## 3. Puttamaṃsūpamasuttaṃ

63. Sāvattthiyaṃ ...pe... “cattārome, bhikkhave, āhārā bhūtānaṃ vā sattānaṃ t̥hitiyā sambhavesīnaṃ vā anuggahāya. Katame cattāro? Kabaḷīkāro āhāro oḷāriko vā sukhumo vā, phasso dutiyo, manosañcetanā tatiyā, viññānaṃ catutthaṃ. Ime kho, bhikkhave, cattāro āhārā bhūtānaṃ vā sattānaṃ t̥hitiyā sambhavesīnaṃ vā anuggahāya”.

“Kathañca, bhikkhave, kabaḷīkāro āhāro daṭṭhabbo? Seyyathāpi, bhikkhave, dve jāyampatikā [jāyampatikā (sī. pī.) t̥kā oloketabbā] parittaṃ sambalaṃ ādāya kantāramaggaṃ paṭipajjeyyūṃ. Tesamassa ekaputtako piyo manāpo. Atha kho tesam, bhikkhave, dvinnaṃ jāyampatikānaṃ kantāragatānaṃ yā parittā sambalamattā, sā parikkhayaṃ pariyādānaṃ gaccheyya. Siyā ca nesam kantārāveseso anattiṇṇo. Atha kho tesam, bhikkhave, dvinnaṃ jāyampatikānaṃ evamassa – ‘amhākaṃ kho yā parittā sambalamattā sā parikkhīṇā pariyādiṇṇā [pariyādiṇṇā (syā. kaṃ.)]. Atthi cāyaṃ kantārāveseso anittiṇṇo [anittiṇṇo (syā. kaṃ.), anattiṇṇo (ka.)]. Yaṃnūna mayaṃ imaṃ ekaputtakaṃ piyaṃ manāpaṃ vadhitvā vallūrañca soṇḍikañca karitvā puttamaṃsāni khādantā evaṃ taṃ kantārāvesesaṃ nitthareyyāma, mā sabbeva tayo vinassimhā’ ti. Atha kho te, bhikkhave, dve jāyampatikā taṃ ekaputtakaṃ piyaṃ manāpaṃ vadhitvā vallūrañca soṇḍikañca karitvā puttamaṃsāni khādantā evaṃ taṃ kantārāvesesaṃ nitthareyyūṃ. Te puttamaṃsāni ceva khādeyyūṃ, ure ca paṭipiseyyūṃ – ‘kahaṃ, ekaputtaka, kahaṃ, ekaputtakā’ ti.

“Taṃ kiṃ maññatha, bhikkhave, api nu te davāya vā āhāraṃ āhāreyyūṃ, madāya vā āhāraṃ āhāreyyūṃ, maṇḍanāya vā āhāraṃ āhāreyyūṃ, vibhūsanāya vā āhāraṃ āhāreyyu’ nti? “No hetam, bhante”. “Nanu te, bhikkhave, yāvadeva kantārassa nittharaṇatthāya āhāraṃ āhāreyyu’ nti? “Evaṃ, bhante”. “Evameva khvāhaṃ, bhikkhave, kabaḷīkāro āhāro daṭṭhabbo’ ti vadāmi. Kabaḷīkāre, bhikkhave, āhāre pariññāte pañcakāmaguṇiko rāgo pariññāto hoti. Pañcakāmaguṇike rāge pariññāte natthi taṃ saṃyojanaṃ yena saṃyojanena saṃyutto ariyasāvako puna imaṃ lokaṃ āgaccheyya.

“Kathañca, bhikkhave, phassāhāro daṭṭhabbo? Seyyathāpi, bhikkhave, gāvī niccammā kuṭṭam ce [kuḍḍaṅce (sī. syā. kaṃ. pī.)] nissāya tiṭṭheyya. Ye kuṭṭanissitā paṇā te naṃ khādeyyūṃ. Rukkhaṃ ce nissāya tiṭṭheyya, ye rukkhanissitā paṇā te naṃ khādeyyūṃ. Udakaṃ ce nissāya tiṭṭheyya, ye udakanissitā paṇā te naṃ khādeyyūṃ. Ākāsaṃ ce nissāya tiṭṭheyya, ye ākāsanissitā paṇā te naṃ khādeyyūṃ. Yaṃ yadeva hi sā, bhikkhave, gāvī niccammā nissāya tiṭṭheyya, ye tannissitā [ye tannissitā tannissitā (sī. syā. kaṃ. pī.)] paṇā te naṃ khādeyyūṃ. Evameva khvāhaṃ, bhikkhave, “phassāhāro daṭṭhabbo’ ti vadāmi. Phasse, bhikkhave, āhāre pariññāte tisso vedanā pariññātā honti. Tīsu vedanāsu pariññātāsu ariyasāvakassa natthi kiñci uttarikaraṇīyanti [uttarimkaraṇīyanti (sī. pī.)] vadāmi.

“Kathañca, bhikkhave, manosañcetanāhāro daṭṭhabbo? Seyyathāpi, bhikkhave, aṅgārakāsu sādhipaporisā puṇṇā aṅgārānaṃ vītaccikānaṃ vītadhūmānaṃ. Atha puriso āgaccheyya jīvitukāmo amaritukāmo sukhakāmo dukkhappaṭikūlo. Tameṇaṃ dve balavanto purisā nānābhāsu gahetvā taṃ aṅgārakāsuṃ upakaḍḍheyya. Atha kho, bhikkhave, tassa purisassa ārakāvassa cetanā ārakā patthanā ārakā paṇidhi. Taṃ kissa hetu? Evañhi, bhikkhave, tassa purisassa hoti – ‘imaṃ cāhaṃ aṅgārakāsuṃ papatissāmi, tatonidānaṃ maraṇaṃ vā nigacchāmi maraṇamattaṃ vā dukkha’ nti. Evameva khvāhaṃ, bhikkhave, ‘manosañcetanāhāro daṭṭhabbo’ ti vadāmi. Manosañcetanāya, bhikkhave, āhāre pariññāte tisso taṇhā pariññātā honti. Tīsu taṇhāsu pariññātāsu ariyasāvakassa natthi kiñci uttarikaraṇīyanti vadāmi.

“Kathañca, bhikkhave, viññānāhāro daṭṭhabbo? Seyyathāpi, bhikkhave, coraṃ āgucāriṃ gahetvā rañño dasseyyaṃ – ‘ayaṃ te, deva, coro āgucārī, imassa yaṃ icchasi taṃ daṇḍaṃ paṇehī’ ti. Tameṇaṃ rājā evaṃ vadeyya – ‘gacchatha, bho, imaṃ purisaṃ pubbaṇhasamayaṃ sattisatena hanathā’ ti. Tameṇaṃ pubbaṇhasamayaṃ sattisatena haneyyaṃ. Atha rājā majjhanhikasamayaṃ evaṃ vadeyya – ‘ambho, kathaṃ so puriso’ ti? ‘Tatheva, deva, jīvatī’ ti. Tameṇaṃ rājā evaṃ vadeyya – ‘gacchatha, bho, taṃ purisaṃ majjhanhikasamayaṃ sattisatena hanathā’ ti. Tameṇaṃ majjhanhikasamayaṃ sattisatena haneyyaṃ. Atha rājā sāyanhasamayaṃ evaṃ vadeyya – ‘ambho, kathaṃ so puriso’ ti? ‘Tatheva, deva,

jīvatī'ti. Tamenam rājā evam vadeyya – ‘gacchatha, bho, tam purisaṃ sāyanhasamayam sattisatena hanathā'ti. Tamenam sāyanhasamayam sattisatena haneyyūṃ. Tam kiṃ maññatha, bhikkhave, api nu so puriso divasaṃ tīhi sattisatehi haññamāno tatonidānaṃ dukkhaṃ domanassaṃ paṭisaṃvediyethā'ti? ‘Ekissāpi, bhante, sattiyā haññamāno tatonidānaṃ dukkhaṃ domanassaṃ paṭisaṃvediyetha; ko pana vādo tīhi sattisatehi haññamāno'ti! ‘Evameva khvāhaṃ, bhikkhave, viññāṇāhāro daṭṭhabboti vadāmi. Viññāṇe, bhikkhave, āhāre pariññāte nāmarūpaṃ pariññātaṃ hoti, nāmarūpe pariññāte ariyasāvakaṃ natthi kiñci uttarikaraṇīyanti vadāmi'ti. Tatiyaṃ.

#### 4. Atthirāgasuttaṃ

64. Sāvatthiyaṃ viharati...pe... ‘cattārome, bhikkhave, āhārā bhūtānaṃ vā sattānaṃ tṭhiyā sambhavesīnaṃ vā anuggahāya. Katame cattāro? Kabaḷikāro āhāro oḷāriko vā sukhumo vā, phasso dutiyo, manosañcetanā tatiyā, viññāṇaṃ catutthaṃ. Ime kho, bhikkhave, cattāro āhārā bhūtānaṃ vā sattānaṃ tṭhiyā sambhavesīnaṃ vā anuggahāya’.

‘Kabaḷikāre ce, bhikkhave, āhāre atthi rāgo atthi nandī atthi taṇhā, patiṭṭhitam tattha viññāṇaṃ virūḷhaṃ. Yattha patiṭṭhitam viññāṇaṃ virūḷhaṃ, atthi tattha nāmarūpassa avakkanti. Yattha atthi nāmarūpassa avakkanti, atthi tattha saṅkhārānaṃ vuddhi. Yattha atthi saṅkhārānaṃ vuddhi, atthi tattha āyatim punabbhavābhiniḃbatti. Yattha atthi āyatim punabbhavābhiniḃbatti, atthi tattha āyatim jātijarāmaṇaṃ. Yattha atthi āyatim jātijarāmaṇaṃ, sasokaṃ taṃ, bhikkhave, sadaraṃ saupāyāsanti vadāmi.

‘Phasse ce, bhikkhave, āhāre...pe... manosañcetanāya ce, bhikkhave, āhāre... viññāṇe ce, bhikkhave, āhāre atthi rāgo atthi nandī atthi taṇhā, patiṭṭhitam tattha viññāṇaṃ virūḷhaṃ. Yattha patiṭṭhitam viññāṇaṃ virūḷhaṃ, atthi tattha nāmarūpassa avakkanti. Yattha atthi nāmarūpassa avakkanti, atthi tattha saṅkhārānaṃ vuddhi. Yattha atthi saṅkhārānaṃ vuddhi, atthi tattha āyatim punabbhavābhiniḃbatti. Yattha atthi āyatim punabbhavābhiniḃbatti, atthi tattha āyatim jātijarāmaṇaṃ. Yattha atthi āyatim jātijarāmaṇaṃ, sasokaṃ taṃ, bhikkhave, sadaraṃ saupāyāsanti vadāmi.

‘Seyyathāpi, bhikkhave, rajako vā cittaḃkārako vā sati rajanāya vā lākhāya vā haliddiyā vā nīliyā vā mañjīṭṭhāya vā suparimaṭṭhe vā phalake bhittiyā vā dussapaṭṭe vā itthirūpaṃ vā purisarūpaṃ vā abhinimmineyya sabbaṅgapaccaṅgaṃ; evameva kho, bhikkhave, kabaḷikāre ce āhāre atthi rāgo atthi nandī atthi taṇhā, patiṭṭhitam tattha viññāṇaṃ virūḷhaṃ. Yattha patiṭṭhitam viññāṇaṃ virūḷhaṃ, atthi tattha nāmarūpassa avakkanti. Yattha atthi nāmarūpassa avakkanti, atthi tattha saṅkhārānaṃ vuddhi. Yattha atthi saṅkhārānaṃ vuddhi, atthi tattha āyatim punabbhavābhiniḃbatti. Yattha atthi āyatim punabbhavābhiniḃbatti, atthi tattha āyatim jātijarāmaṇaṃ. Yattha atthi āyatim jātijarāmaṇaṃ, sasokaṃ taṃ, bhikkhave, sadaraṃ saupāyāsanti vadāmi.

‘Phasse ce, bhikkhave, āhāre...pe... manosañcetanāya ce, bhikkhave, āhāre... viññāṇe ce, bhikkhave, āhāre atthi rāgo atthi nandī atthi taṇhā, patiṭṭhitam tattha viññāṇaṃ virūḷhaṃ. Yattha patiṭṭhitam viññāṇaṃ virūḷhaṃ, atthi tattha nāmarūpassa avakkanti. Yattha atthi nāmarūpassa avakkanti, atthi tattha saṅkhārānaṃ vuddhi. Yattha atthi saṅkhārānaṃ vuddhi, atthi tattha āyatim punabbhavābhiniḃbatti. Yattha atthi āyatim punabbhavābhiniḃbatti, atthi tattha āyatim jātijarāmaṇaṃ. Yattha atthi āyatim jātijarāmaṇaṃ, sasokaṃ taṃ, bhikkhave, sadaraṃ saupāyāsanti vadāmi.

‘Kabaḷikāre ce, bhikkhave, āhāre natthi rāgo natthi nandī natthi taṇhā, appatiṭṭhitam tattha viññāṇaṃ avirūḷhaṃ. Yattha appatiṭṭhitam viññāṇaṃ avirūḷhaṃ, natthi tattha nāmarūpassa avakkanti. Yattha natthi nāmarūpassa avakkanti, natthi tattha saṅkhārānaṃ vuddhi. Yattha natthi saṅkhārānaṃ vuddhi, natthi tattha āyatim punabbhavābhiniḃbatti. Yattha natthi āyatim punabbhavābhiniḃbatti, natthi tattha āyatim jātijarāmaṇaṃ. Yattha natthi āyatim jātijarāmaṇaṃ, asokaṃ taṃ, bhikkhave, adaraṃ anupāyāsanti vadāmi.



“Phasse ce, bhikkhave, āhāre...pe... manosañcetanāya ce, bhikkhave, āhāre... viññāṇe ce, bhikkhave, āhāre natthi rāgo natthi nandī natthi taṇhā, appatitthitaṃ tattha viññāṇaṃ avirūḷhaṃ. Yattha appatitthitaṃ viññāṇaṃ avirūḷhaṃ, natthi tattha nāmarūpassa avakkanti. Yattha natthi nāmarūpassa avakkanti, natthi tattha saṅkhārānaṃ vuddhi. Yattha natthi saṅkhārānaṃ vuddhi, natthi tattha āyatim punabbhavābhiniḃbatti. Yattha natthi āyatim punabbhavābhiniḃbatti, natthi tattha āyatim jātijarāmaṇaṃ. Yattha natthi āyatim jātijarāmaṇaṃ, asokaṃ taṃ, bhikkhave, adaraṃ anupāyāsanti vadāmi.

“Seyyathāpi, bhikkhave, kūṭāgāraṃ vā kūṭāgārasālaṃ vā uttarāya vā dakkhiṇāya vā pācīnāya vā vātapānā sūriye uggacchante vātapānena rasmi pavisitvā kvāssa patitthitā” [kattha patitthitā (ka.)] ti? “Pacchimāyaṃ, bhante, bhittiya”nti. “Pacchimā ce, bhikkhave, bhitti nāssa kvāssa patitthitā”ti? “Pathaviyaṃ, bhante”ti. “Pathavī ce, bhikkhave, nāssa kvāssa patitthitā”ti? “Āpasmim, bhante”ti. “Āpo ce, bhikkhave, nāssa kvāssa patitthitā”ti? “Appatitthitā, bhante”ti. “Evameva kho, bhikkhave, kabalīkāre ce āhāre natthi rāgo natthi nandī natthi taṇhā...pe....

“Phasse ce, bhikkhave, āhāre... manosañcetanāya ce, bhikkhave, āhāre... viññāṇe ce, bhikkhave, āhāre natthi rāgo natthi nandī natthi taṇhā, appatitthitaṃ tattha viññāṇaṃ avirūḷhaṃ. Yattha appatitthitaṃ viññāṇaṃ avirūḷhaṃ, natthi tattha nāmarūpassa avakkanti. Yattha natthi nāmarūpassa avakkanti, natthi tattha saṅkhārānaṃ vuddhi. Yattha natthi saṅkhārānaṃ vuddhi, natthi tattha āyatim punabbhavābhiniḃbatti. Yattha natthi āyatim punabbhavābhiniḃbatti, natthi tattha āyatim jātijarāmaṇaṃ. Yattha natthi āyatim jātijarāmaṇaṃ asokaṃ taṃ, bhikkhave, adaraṃ anupāyāsanti vadāmi”ti. Catutthaṃ.

## 5. Nagarasuttaṃ

65. Sāvattthiyaṃ viharati...pe... “pubbe me, bhikkhave, sambodhā anabhisambuddhassa bodhisattasseva sato etadahosi – ‘kicchā vatāyaṃ loko āpanno jāyati ca jīyati ca mīyati ca cavati ca upapajjati ca. Atha ca panimassa dukkhassa nissaraṇaṃ nappajānāti jarāmaṇassa. Kudāssu nāma imassa dukkhassa nissaraṇaṃ paññāyissati jarāmaṇassā”ti? Tassa mayhaṃ, bhikkhave, etadahosi – ‘kimhi nu kho sati jarāmaṇaṃ hoti, kiṃpaccayā jarāmaṇa’nti? Tassa mayhaṃ, bhikkhave, yoniso manasikārā ahu paññāya abhisamayo – ‘jātiyā kho sati jarāmaṇaṃ hoti, jātipaccayā jarāmaṇa’”nti.

“Tassa mayhaṃ, bhikkhave, etadahosi – ‘kimhi nu kho sati jāti hoti...pe... bhavo hoti... upādānaṃ hoti... taṇhā hoti... vedanā hoti... phasso hoti... saḷāyatanaṃ hoti... nāmarūpaṃ hoti... kiṃpaccayā nāmarūpa’nti? Tassa mayhaṃ, bhikkhave, yoniso manasikārā ahu paññāya abhisamayo – ‘viññāṇe kho sati nāmarūpaṃ hoti, viññāṇapaccayā nāmarūpa’nti. Tassa mayhaṃ, bhikkhave, etadahosi – ‘kimhi nu kho sati viññāṇaṃ hoti, kiṃpaccayā viññāṇa’nti? Tassa mayhaṃ, bhikkhave, yoniso manasikārā ahu paññāya abhisamayo – ‘nāmarūpe kho sati viññāṇaṃ hoti, nāmarūpapaccayā viññāṇa’”nti.

“Tassa mayhaṃ, bhikkhave, etadahosi – paccudāvattati kho idaṃ viññāṇaṃ nāmarūpamhā na paraṃ gacchati. Ettāvata jāyetha vā jīyetha vā mīyetha vā cavetha vā upapajjetha vā, yadidaṃ nāmarūpapaccayā viññāṇaṃ; viññāṇapaccayā nāmarūpaṃ; nāmarūpapaccayā saḷāyatanaṃ; saḷāyatanaṃ paccayā phasso...pe... evametassa kevalassa dukkhakkhandhassa samudayo hoti. ‘Samudayo, samudayo’ti kho me, bhikkhave, pubbe ananussutesu dhammesu cakkhuṃ udapādi nāṇaṃ udapādi paññā udapādi vijjā udapādi āloko udapādi.

“Tassa mayhaṃ, bhikkhave, etadahosi – ‘kimhi nu kho asati, jarāmaṇaṃ na hoti; kissa nirodhā jarāmaṇanirodho’ti? Tassa mayhaṃ, bhikkhave, yoniso manasikārā ahu paññāya abhisamayo – ‘jātiyā kho asati, jarāmaṇaṃ na hoti; jātinirodhā jarāmaṇanirodho’ti. Tassa mayhaṃ, bhikkhave, etadahosi – ‘kimhi nu kho asati jāti na hoti...pe... bhavo na hoti... upādānaṃ na hoti... taṇhā na hoti... vedanā na

hoti... phasso na hoti... saḷāyatanaṃ na hoti... nāmarūpaṃ na hoti. Kissa nirodhā nāmarūpanirodho'ti? Tassa mayhaṃ, bhikkhave, yoniso manasikārā ahu paññāya abhisamayo – 'viññāṇe kho asati, nāmarūpaṃ na hoti; viññāṇanirodhā nāmarūpanirodho''ti.

“Tassa mayhaṃ, bhikkhave, etadahosi – ‘kimhi nu kho asati viññāṇaṃ na hoti; kissa nirodhā viññāṇanirodho'ti? Tassa mayhaṃ, bhikkhave, yoniso manasikārā ahu paññāya abhisamayo – ‘nāmarūpe kho asati, viññāṇaṃ na hoti; nāmarūpanirodhā viññāṇanirodho''ti.

“Tassa mayhaṃ, bhikkhave, etadahosi – adhigato kho myāyaṃ maggo bodhāya yadidaṃ – nāmarūpanirodhā viññāṇanirodho; viññāṇanirodhā nāmarūpanirodho; nāmarūpanirodhā saḷāyatanaṃ nirodho; saḷāyatanaṃ nirodhā phassanirodho...pe... evametassa kevalassa dukkhakkhandhassa nirodho hoti. ‘Nirodho, nirodho'ti kho me, bhikkhave, pubbe ananussutesu dhammesu cakkhuṃ udapādi ñāṇaṃ udapādi paññā udapādi vijjā udapādi āloko udapādi.

“Seyyathāpi, bhikkhave, puriso araññe pavane caramāno passeyya purāṇaṃ maggaṃ purāṇañjasaṃ pubbakehi manussehi anuyātaṃ. So tamanugaccheyya. Tamanugacchanto passeyya purāṇaṃ nagaraṃ purāṇaṃ rājadhāniṃ pubbakehi manussehi ajjhāvuṭṭhaṃ [ajjhāvuṭṭhaṃ (sī. syā. kaṃ. pī.)] ārāmasampannaṃ vanasampannaṃ pokkharaṇīsampannaṃ uddhāpavantaṃ [uddhāpavantaṃ (sī. syā. kaṃ. pī.)] ramaṇīyaṃ. Atha kho so, bhikkhave, puriso rañño vā rājamahāmattassa vā āroceyya – ‘yagghe, bhante, jāneyyāsi – ahaṃ addasaṃ araññe pavane caramāno purāṇaṃ maggaṃ purāṇañjasaṃ pubbakehi manussehi anuyātaṃ tamanugacchiṃ. Tamanugacchanto addasaṃ purāṇaṃ nagaraṃ purāṇaṃ rājadhāniṃ pubbakehi manussehi ajjhāvuṭṭhaṃ ārāmasampannaṃ vanasampannaṃ pokkharaṇīsampannaṃ uddhāpavantaṃ ramaṇīyaṃ. Taṃ, bhante, nagaraṃ māpehi'ti. Atha kho so, bhikkhave, rājā vā rājamahāmatto vā taṃ nagaraṃ māpeyya. Tadassa nagaraṃ aparena samayena iddhañceva phītañca bāhujaññaṃ ākiṇṇamanussaṃ vuddhivepullappattaṃ. Evameva khvāhaṃ, bhikkhave, addasaṃ purāṇaṃ maggaṃ purāṇañjasaṃ pubbakehi sammāsambuddhehi anuyātaṃ.

“Katamo ca so, bhikkhave, purāṇamaggo purāṇañjaso pubbakehi sammāsambuddhehi anuyāto? Ayameva ariyo aṭṭhaṅgiko maggo, seyyathidaṃ – sammādiṭṭhi...pe... sammāsamādhi. Ayaṃ kho so, bhikkhave, purāṇamaggo purāṇañjaso pubbakehi sammāsambuddhehi anuyāto, tamanugacchiṃ; tamanugacchanto jarāmarāṇaṃ abbhāññāsīṃ; jarāmarāṇasamudayaṃ abbhāññāsīṃ; jarāmarāṇanirodhaṃ abbhāññāsīṃ; jarāmarāṇanirodhagāminiṃ paṭipadaṃ abbhāññāsīṃ. Tamanugacchiṃ; tamanugacchanto jātiṃ abbhāññāsīṃ...pe... bhavaṃ abbhāññāsīṃ... upādānaṃ abbhāññāsīṃ... taṇhaṃ abbhāññāsīṃ... vedanaṃ abbhāññāsīṃ... phassaṃ abbhāññāsīṃ... saḷāyatanaṃ abbhāññāsīṃ... nāmarūpaṃ abbhāññāsīṃ... viññāṇaṃ abbhāññāsīṃ. Tamanugacchiṃ; tamanugacchanto saṅkhāre abbhāññāsīṃ; saṅkhārasamudayaṃ abbhāññāsīṃ; saṅkhāranirodhaṃ abbhāññāsīṃ; saṅkhāranirodhagāminiṃ paṭipadaṃ abbhāññāsīṃ. Tadabhiññā ācikkhiṃ bhikkhūnaṃ bhikkhunīnaṃ upāsakānaṃ upāsikānaṃ. Tayidaṃ, bhikkhave, brahmacariyaṃ iddhañceva phītañca vitthārikaṃ bāhujaññaṃ puthubhūtaṃ yāva devamanussehi suppakāsita'nti. Pañcamaṃ.

## 6. Sammasasuttaṃ

66. Evaṃ me suttaṃ – ekaṃ samayaṃ bhagavā kurūsu viharati kammāsadhammaṃ nāma kurūnaṃ nigamo. Tatra kho bhagavā bhikkhū āmantesi – ‘bhikkhavo'ti. ‘Bhadante'ti te bhikkhū bhagavato paccassosum. Bhagavā etadavoca – ‘sammasatha no tumhe, bhikkhave, antaraṃ sammasa'nti [antarā sammasananti (sī.)]. Evaṃ vutte, aññataro bhikkhu bhagavantaṃ etadavoca – ‘ahaṃ kho, bhante, sammasāmi antaraṃ sammasa'nti. ‘Yathā kathaṃ pana tvaṃ, bhikkhu, sammasasi antaraṃ sammasa'nti? Atha kho so bhikkhu byākāsi. Yathā so bhikkhu byākāsi na so bhikkhu bhagavato cittaṃ ārādhesi.

Evaṃ vutte, āyasmā ānando bhagavantaṃ etadavoca – ‘etassa, bhagavā, kālo; etassa, sugata, kālo;



yaṃ bhagavā antaraṃ sammasaṃ bhāseyya. Bhagavato sutvā bhikkhū dhāressanti”ti.  
 “Tenahānanda, suñātha, sādhukaṃ manasi karotha; bhāsissāmi”ti. “Evaṃ, bhante”ti kho te bhikkhū  
 bhagavato paccassosū. Bhagavā etadavoca –

“Idha, bhikkhave, bhikkhu sammasamāno sammasati antaraṃ sammasaṃ [sammasaṃ (sī.)] –  
 ‘yaṃ kho idaṃ anekavidhaṃ nānappakāraṃ dukkhaṃ loke uppajjati jarāmaṇaṃ. Idaṃ kho  
 dukkhaṃ kiṃnidānaṃ kiṃsamudayaṃ kiṃjātikaṃ kiṃpabhavaṃ, kismiṃ sati jarāmaṇaṃ hoti,  
 kismiṃ asati jarāmaṇaṃ na hoti’ti? So sammasamāno evaṃ jānāti – ‘yaṃ kho idaṃ anekavidhaṃ  
 nānappakāraṃ dukkhaṃ loke uppajjati jarāmaṇaṃ. Idaṃ kho dukkhaṃ upadhiniḍānaṃ  
 upadhisamudayaṃ upadhijātikaṃ upadhipabhavaṃ, upadhismiṃ sati jarāmaṇaṃ hoti, upadhismiṃ  
 asati jarāmaṇaṃ na hoti’ti. So jarāmaṇaṃca pajānāti jarāmaṇasamudayaṃca pajānāti  
 jarāmaṇanirodhaṃca pajānāti yā ca jarāmaṇanirodhasāruppagāminī paṭipadā taṃca pajānāti.  
 Tathāpaṭipanno ca hoti anudhammacārī. Ayaṃ vuccati, bhikkhave, bhikkhu sabbaso sammā  
 dukkhakkhayāya paṭipanno jarāmaṇanirodhāya.

“Athāparaṃ sammasamāno sammasati antaraṃ sammasaṃ – ‘upadhi panāyaṃ kiṃnidāno  
 kiṃsamudayo kiṃjātikō kiṃpabhavo, kismiṃ sati upadhi hoti, kismiṃ asati upadhi na hoti’ti? So  
 sammasamāno evaṃ jānāti – ‘upadhi taṇhānidāno taṇhāsamudayo taṇhājātikō taṇhāpabhavo, taṇhāya  
 sati upadhi hoti, taṇhāya asati upadhi na hoti’ti. So upadhiṃca pajānāti upadhisamudayaṃca pajānāti  
 upadhinirodhaṃca pajānāti yā ca upadhinirodhasāruppagāminī paṭipadā taṃca pajānāti. Tathā paṭipanno  
 ca hoti anudhammacārī. Ayaṃ vuccati, bhikkhave, bhikkhu sabbaso sammā dukkhakkhayāya paṭipanno  
 upadhinirodhāya.

“Athāparaṃ sammasamāno sammasati antaraṃ sammasaṃ – ‘taṇhā panāyaṃ kattha uppajjamānā  
 uppajjati, kattha nivisaṃkānā nivisati’ti? So sammasamāno evaṃ jānāti – yaṃ kho loke piyarūpaṃ  
 sātārūpaṃ etthesā taṇhā uppajjamānā uppajjati, ettha nivisaṃkānā nivisati. Kiṃca loke piyarūpaṃ  
 sātārūpaṃ? Cakkhuṃ loke piyarūpaṃ, sātārūpaṃ. Etthesā taṇhā uppajjamānā uppajjati, ettha  
 nivisaṃkānā nivisati. Sotaṃ loke piyarūpaṃ sātārūpaṃ...pe... ghānaṃ loke piyarūpaṃ sātārūpaṃ...  
 jivhā loke piyarūpaṃ sātārūpaṃ... kāyo loke piyarūpaṃ sātārūpaṃ... mano loke piyarūpaṃ sātārūpaṃ  
 etthesā taṇhā uppajjamānā uppajjati ettha nivisaṃkānā nivisati.

“Ye hi keci, bhikkhave, atītamaddhānaṃ samaṇā vā brāhmaṇā vā yaṃ loke piyarūpaṃ sātārūpaṃ  
 taṃ niccato addakkhuṃ sukhato addakkhuṃ attato addakkhuṃ ārogyato addakkhuṃ khemato  
 addakkhuṃ. Te taṇhaṃ vaḍḍhesuṃ. Ye taṇhaṃ vaḍḍhesuṃ te upadhiṃ vaḍḍhesuṃ. Ye upadhiṃ  
 vaḍḍhesuṃ te dukkhaṃ vaḍḍhesuṃ. Ye dukkhaṃ vaḍḍhesuṃ te na parimuccīṃsu jātiyā jarāya  
 maraṇena sokehi paridevehi dukkhehi domanassehi upāyāsehi, na parimuccīṃsu dukkhasmāti vadāmi.

“Yepi hi keci, bhikkhave, anāgatamaddhānaṃ samaṇā vā brāhmaṇā vā yaṃ loke piyarūpaṃ  
 sātārūpaṃ taṃ niccato dakkhissanti [dakkhinti (sī.)] sukhato dakkhissanti attato dakkhissanti ārogyato  
 dakkhissanti khemato dakkhissanti. Te taṇhaṃ vaḍḍhissanti. Ye taṇhaṃ vaḍḍhissanti te upadhiṃ  
 vaḍḍhissanti. Ye upadhiṃ vaḍḍhissanti te dukkhaṃ vaḍḍhissanti. Ye dukkhaṃ vaḍḍhissanti te na  
 parimuccissanti jātiyā jarāya maraṇena sokehi paridevehi dukkhehi domanassehi upāyāsehi, na  
 parimuccissanti dukkhasmāti vadāmi.

“Yepi hi keci, bhikkhave, etarahi samaṇā vā brāhmaṇā vā yaṃ loke piyarūpaṃ sātārūpaṃ taṃ  
 niccato passanti sukhato passanti attato passanti ārogyato passanti khemato passanti. Te taṇhaṃ  
 vaḍḍhenti. Ye taṇhaṃ vaḍḍhenti te upadhiṃ vaḍḍhenti. Ye upadhiṃ vaḍḍhenti te dukkhaṃ vaḍḍhenti.  
 Ye dukkhaṃ vaḍḍhenti te na parimuccanti jātiyā jarāya maraṇena sokehi paridevehi dukkhehi  
 domanassehi upāyāsehi, na parimuccanti dukkhasmāti vadāmi.

“Seyyathāpi, bhikkhave, āpānīyakaṃso vaṇṇasampanno gandhasampanno rasasampanno. So ca

kho visena saṃsaṭṭho. Atha puriso āgaccheyya ghammābhitatto ghammapareto kilanto tasito pipāsito. Tamenam evam vadeyyum – ‘ayam te, ambho purisa, āpānīyakamso vaṇṇasampanno gandhasampanno rasasampanno; so ca kho visena saṃsaṭṭho. Sace ākaṅkhasi piva. Pivato hi kho tam chādessati vaṇṇenapi gandhenapi rasenapi, pivitvā ca pana tatonidānam maraṇam vā nigacchasi maraṇamattam vā dukkha’nti. So tam āpānīyakamsam sahasā appaṭisaṅkhā piveyya, nappaṭinissajjeyya. So tatonidānam maraṇam vā nigaccheyya maraṇamattam vā dukkham. Evameva kho, bhikkhave, ye hi keci atītamaddhānam samaṇā vā brāhmaṇā vā yaṃ loke piyarūpaṃ...pe... anāgatamaddhānam...pe... etarahi samaṇā vā brāhmaṇā vā yaṃ loke piyarūpaṃ sātārūpaṃ tam niccato passanti sukhato passanti attato passanti ārogyato passanti khemato passanti, te taṇham vaḍḍhenti. Ye taṇham vaḍḍhenti te upadhiṃ vaḍḍhenti. Ye upadhiṃ vaḍḍhenti te dukkham vaḍḍhenti. Ye dukkham vaḍḍhenti te na parimuccanti jātiyā jarāya maraṇena sokehi paridevehi dukkhehi domanassehi upāyāsehi, na parimuccanti dukkhasmāti vadāmi.

“Ye ca kho keci, bhikkhave, atītamaddhānam samaṇā vā brāhmaṇā vā yaṃ loke piyarūpaṃ sātārūpaṃ tam aniccato addakkhum dukkhato addakkhum anattato addakkhum rogato addakkhum bhayato addakkhum, te taṇham pajahiṃsu. Ye taṇham pajahiṃsu te upadhiṃ pajahiṃsu. Ye upadhiṃ pajahiṃsu te dukkham pajahiṃsu. Ye dukkham pajahiṃsu te parimuccimso jātiyā jarāya maraṇena sokehi paridevehi dukkhehi domanassehi upāyāsehi, parimuccimso dukkhasmāti vadāmi.

“Yepi hi keci, bhikkhave, anāgatamaddhānam samaṇā vā brāhmaṇā vā yaṃ loke piyarūpaṃ sātārūpaṃ tam aniccato dakkhissanti dukkhato dakkhissanti anattato dakkhissanti rogato dakkhissanti bhayato dakkhissanti, te taṇham pajahissanti. Ye taṇham pajahissanti...pe... parimuccissanti dukkhasmāti vadāmi.

“Yepi hi keci, bhikkhave, etarahi samaṇā vā brāhmaṇā vā yaṃ loke piyarūpaṃ sātārūpaṃ tam aniccato passanti dukkhato passanti anattato passanti rogato passanti bhayato passanti, te taṇham pajahanti. Ye taṇham pajahanti te upadhiṃ pajahanti. Ye upadhiṃ pajahanti te dukkham pajahanti. Ye dukkham pajahanti te parimuccanti jātiyā jarāya maraṇena sokehi paridevehi dukkhehi domanassehi upāyāsehi, parimuccanti dukkhasmāti vadāmi.

“Seyyathāpi, bhikkhave, āpānīyakamso vaṇṇasampanno gandhasampanno rasasampanno. So ca kho visena saṃsaṭṭho. Atha puriso āgaccheyya ghammābhitatto ghammapareto kilanto tasito pipāsito. Tamenam evam vadeyyum – ‘ayam te, ambho purisa, āpānīyakamso vaṇṇasampanno gandhasampanno rasasampanno so ca kho visena saṃsaṭṭho. Sace ākaṅkhasi piva. Pivato hi kho tam chādessati vaṇṇenapi gandhenapi rasenapi; pivitvā ca pana tatonidānam maraṇam vā nigacchasi maraṇamattam vā dukkha’nti. Atha kho, bhikkhave, tassa purisassa evamassa – ‘sakkā kho me ayam surāpipāsītā [surāpipāsā (?)] pānīyena vā vinetum dadhimaṇḍakena vā vinetum bhaṭṭhaloṇikāya [maṭṭhaloṇikāya (sī. syā. kam. pī.)] vā vinetum loṇasovīrakena vā vinetum, na tvevāham tam piveyyam, yaṃ mama assa dīgharattam hitāya sukhāyā’ti. So tam āpānīyakamsam paṭisaṅkhā na piveyya, paṭinissajjeyya. So tatonidānam na maraṇam vā nigaccheyya maraṇamattam vā dukkham. Evameva kho, bhikkhave, ye hi keci atītamaddhānam samaṇā vā brāhmaṇā vā yaṃ loke piyarūpaṃ sātārūpaṃ tam aniccato addakkhum dukkhato addakkhum anattato addakkhum rogato addakkhum bhayato addakkhum, te taṇham pajahiṃsu. Ye taṇham pajahiṃsu te upadhiṃ pajahiṃsu. Ye upadhiṃ pajahiṃsu te dukkham pajahiṃsu. Ye dukkham pajahiṃsu te parimuccimso jātiyā jarāya maraṇena sokehi paridevehi dukkhehi domanassehi upāyāsehi, parimuccimso dukkhasmāti vadāmi.

“Yepi hi keci, bhikkhave, anāgatamaddhānam...pe... etarahi samaṇā vā brāhmaṇā vā yaṃ loke piyarūpaṃ sātārūpaṃ tam aniccato passanti dukkhato passanti anattato passanti rogato passanti bhayato passanti, te taṇham pajahanti. Ye taṇham pajahanti te upadhiṃ pajahanti. Ye upadhiṃ pajahanti te dukkham pajahanti. Ye dukkham pajahanti te parimuccanti jātiyā jarāya maraṇena sokehi paridevehi dukkhehi domanassehi upāyāsehi, parimuccanti dukkhasmāti vadāmi”ti. Chaṭṭham.

## 7. Naḷakalāpīsuttam

67. Ekam samayaṃ āyasmā ca sārīputto āyasmā ca mahākoṭṭhiko [mahākoṭṭhito (sī. syā. kam. pī.)] bārānasiyaṃ viharanti isipatane migadāye. Atha kho āyasmā mahākoṭṭhiko sāyanhasamayaṃ paṭisallānā vuṭṭhito yenāyasmā sārīputto tenupasaṅkami; upasaṅkamitvā āyasmataṃ sārīputtena saddhiṃ sammodi. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisinno kho āyasmā mahākoṭṭhiko āyasmantaṃ sārīputtaṃ etadavoca – ‘kiṃ nu kho, āvuso sārīputta, sayamkataṃ jarāmarāṇaṃ, paraṃkataṃ jarāmarāṇaṃ, sayamkataṃ paraṃkataṃ jarāmarāṇaṃ, udāhu asayaṃkāraṃ aparaṃkāraṃ adhiccasamuppannaṃ jarāmarāṇa’nti? ‘Na kho, āvuso koṭṭhika, sayamkataṃ jarāmarāṇaṃ, na paraṃkataṃ jarāmarāṇaṃ, na sayamkataṃ paraṃkataṃ jarāmarāṇaṃ, nāpi asayaṃkāraṃ aparaṃkāraṃ adhiccasamuppannaṃ jarāmarāṇaṃ. Api ca, jātipaccayā jarāmarāṇa’nti.

‘‘Kiṃ nu kho, āvuso sārīputta, sayamkatā jāti, paraṃkatā jāti, sayamkatā ca paraṃkatā ca jāti, udāhu asayaṃkāraṃ aparaṃkāraṃ adhiccasamuppannā jāti’nti? ‘‘Na kho, āvuso koṭṭhika, sayamkatā jāti, na paraṃkatā jāti, na sayamkatā ca paraṃkatā ca jāti, nāpi asayaṃkāraṃ aparaṃkāraṃ adhiccasamuppannā jāti. Api ca, bhavapaccayā jāti’nti.

‘‘Kiṃ nu kho, āvuso sārīputta, sayamkato bhavo...pe... sayamkataṃ upādānaṃ... sayamkatā taṇhā... sayamkatā vedanā... sayamkato phasso... sayamkataṃ saḷāyatanaṃ... sayamkataṃ nāmarūpaṃ, paraṃkataṃ nāmarūpaṃ, sayamkataṃ paraṃkataṃ nāmarūpaṃ, udāhu asayaṃkāraṃ aparaṃkāraṃ adhiccasamuppannaṃ nāmarūpa’nti? ‘‘Na kho, āvuso koṭṭhika, sayamkataṃ nāmarūpaṃ, na paraṃkataṃ nāmarūpaṃ, na sayamkataṃ paraṃkataṃ nāmarūpaṃ, nāpi asayaṃkāraṃ aparaṃkāraṃ adhiccasamuppannaṃ nāmarūpaṃ. Api ca, viññāṇapaccayā nāmarūpa’nti.

‘‘Kiṃ nu kho, āvuso sārīputta, sayamkataṃ viññāṇaṃ, paraṃkataṃ viññāṇaṃ, sayamkataṃ paraṃkataṃ viññāṇaṃ, udāhu asayaṃkāraṃ aparaṃkāraṃ adhiccasamuppannaṃ viññāṇa’nti? ‘‘Na kho, āvuso koṭṭhika, sayamkataṃ viññāṇaṃ, na paraṃkataṃ viññāṇaṃ, na sayamkataṃ paraṃkataṃ viññāṇaṃ, nāpi asayaṃkāraṃ aparaṃkāraṃ adhiccasamuppannaṃ viññāṇaṃ. Api ca, nāmarūpapaccayā viññāṇa’nti.

‘‘Idāneva kho mayaṃ āyasmato sārīputtassa bhāsitaṃ evaṃ ājānāma – ‘na khvāvuso koṭṭhika, sayamkataṃ nāmarūpaṃ, na paraṃkataṃ nāmarūpaṃ, na sayamkataṃ paraṃkataṃ nāmarūpaṃ, nāpi asayaṃkāraṃ aparaṃkāraṃ adhiccasamuppannaṃ nāmarūpaṃ. Api ca, viññāṇapaccayā nāmarūpa’nti.

‘‘Idāneva ca pana mayaṃ āyasmato sārīputtassa bhāsitaṃ evaṃ ājānāma – ‘na khvāvuso koṭṭhika, sayamkataṃ viññāṇaṃ, na paraṃkataṃ viññāṇaṃ, na sayamkataṃ paraṃkataṃ viññāṇaṃ, nāpi asayaṃkāraṃ aparaṃkāraṃ adhiccasamuppannaṃ viññāṇaṃ. Api ca, nāmarūpapaccayā viññāṇa’nti.

‘‘Yathā kathaṃ panāvuso sārīputta, imassa bhāsitassa attho daṭṭhabbo’nti? ‘‘Tenahāvuso, upamaṃ te karissāmi. Upamāyapidhekacce viññū purisā bhāsitassa atthaṃ jānanti. Seyyathāpi, āvuso, dve naḷakalāpiyo aññamaññaṃ nissāya tiṭṭheyyuṃ. Evameva kho, āvuso, nāmarūpapaccayā viññāṇaṃ; viññāṇapaccayā nāmarūpaṃ; nāmarūpapaccayā saḷāyatanaṃ; saḷāyatanaṃ phasso...pe... evametassa kevalassa dukkhakkhandhassa samudayo hoti. Tāsaṃ ce, āvuso, naḷakalāpīnaṃ ekam ākaḍḍheyya, ekā papateyya; aparaṃ ce ākaḍḍheyya, aparā papateyya. Evameva kho, āvuso, nāmarūpanirodhā viññāṇanirodho; viññāṇanirodhā nāmarūpanirodhā; nāmarūpanirodhā saḷāyatanirodho; saḷāyatanirodhā phassanirodho...pe... evametassa kevalassa dukkhakkhandhassa nirodho hoti’nti. ‘‘Acchariyaṃ, āvuso sārīputta; abbhutaṃ, āvuso sārīputta! Yāvasubhāsitaṃ cidam āyasmataṃ sārīputtena. Idaṃ pana mayaṃ āyasmato sārīputtassa bhāsitaṃ imehi chattimsāya vatthūhi anumodāma – ‘jarāmarāṇassa ce, āvuso, bhikkhu nibbidāya virāgāya nirodhāya dhammaṃ deseti, dhammakathiko bhikkhūti alaṃ vacanāya. Jarāmarāṇassa ce, āvuso, bhikkhu nibbidāya virāgāya

nirodhāya paṭipanno hoti, dhammānudhammappaṭipanno bhikkhūti alaṃ vacanāya. Jarāmarāṇassa ce, āvuso, bhikkhu nibbidā virāgā nirodhā anupādā vimutto hoti, diṭṭhadhammanibbānappatto bhikkhūti alaṃ vacanāya. Jātiyā ce... bhavassa ce... upādānassa ce... taṇhāya ce... vedanāya ce... phassassa ce... saḷāyatanassa ce... nāmarūpassa ce... viññāṇassa ce... saṅkhārānaṃ ce... avijjāya ce, āvuso, bhikkhu nibbidāya virāgāya nirodhāya dhammaṃ deseti, dhammakathiko bhikkhūti alaṃ vacanāya. Avijjāya ce, āvuso, bhikkhu nibbidāya virāgāya nirodhāya paṭipanno hoti, dhammānudhammappaṭipanno bhikkhūti alaṃ vacanāya. Avijjāya ce, āvuso, bhikkhu nibbidā virāgā nirodhā anupādā vimutto hoti, diṭṭhadhammanibbānappatto bhikkhūti alaṃ vacanāyā’’ti. Sattamaṃ.

## 8. Kosambisuttaṃ

68. Ekaṃ samayaṃ āyasmā ca musilo [mūsilo (sī.), musīlo (pī.)] āyasmā ca pavīṭṭho [savīṭṭho (sī. pī.)] āyasmā ca nārado āyasmā ca ānando kosambiyaṃ viharanti ghoṣitārāme. Atha kho āyasmā pavīṭṭho āyasmantaṃ musilaṃ etadavoca – ‘‘aññatreva, āvuso musila, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā atthāyasmato musilassa paccattameva ñāṇaṃ – ‘jātipaccayā jarāmarāṇa’’nti? ‘‘Aññatreva, āvuso pavīṭṭha, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘jātipaccayā jarāmarāṇa’’nti.

‘‘Aññatreva, āvuso musila, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā atthāyasmato musilassa paccattameva ñāṇaṃ – ‘bhavapaccayā jātīti... pe... upādānapaccayā bhavoti... taṇhāpaccayā upādānanti... vedanāpaccayā taṇhāti... phassapaccayā vedanāti... saḷāyatanapaccayā phassoti... nāmarūpapaccayā saḷāyatananti... viññāṇapaccayā nāmarūpanti... saṅkhārapaccayā viññāṇanti... avijjāpaccayā saṅkhārā’’ti? ‘‘Aññatreva, āvuso pavīṭṭha, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘avijjāpaccayā saṅkhārā’’ti.

‘‘Aññatreva, āvuso musila, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā atthāyasmato musilassa paccattameva ñāṇaṃ – ‘jātinirodhā jarāmarāṇanirodho’’ti? ‘‘Aññatreva, āvuso pavīṭṭha, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘jātinirodhā jarāmarāṇanirodho’’ti.

‘‘Aññatreva, āvuso musila, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā atthāyasmato musilassa paccattameva ñāṇaṃ – ‘bhavanirodhā jātinirodhoti...pe... upādānanirodhā bhavanirodhoti... taṇhānirodhā upādānanirodhoti... vedanānirodhā taṇhānirodhoti... phassanirodhā vedanānirodhoti... saḷāyatananirodhā phassanirodhoti... nāmarūpanirodhā saḷāyatananirodhoti... viññāṇanirodhā nāmarūpanirodhoti... saṅkhāranirodhā viññāṇanirodhoti... avijjānirodhā saṅkhāranirodho’’ti? ‘‘Aññatreva, āvuso pavīṭṭha, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘avijjānirodhā saṅkhāranirodho’’ti.

‘‘Aññatreva, āvuso musila, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā atthāyasmato musilassa paccattameva ñāṇaṃ – ‘bhavanirodho nibbāna’’nti? ‘‘Aññatreva, āvuso pavīṭṭha, saddhāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘bhavanirodho nibbāna’’nti.

‘‘Tenahāyasmā musilo araham khīṇāsavo’’ti? Evaṃ vutte, āyasmā musilo tuṅhī ahoṣi. Atha kho āyasmā nārado āyasmantaṃ pavīṭṭhaṃ etadavoca – ‘‘sādhāvuso pavīṭṭha, ahaṃ etaṃ pañhaṃ labheyyaṃ. Maṃ etaṃ pañhaṃ puccha. Ahaṃ te etaṃ pañhaṃ byākarissāmi’’ti. ‘‘Labhatāyasmā nārado

etaṃ pañhaṃ. Pucchāmaṃ āyasmantaṃ nāradaṃ etaṃ pañhaṃ. Byākarotu ca me āyasmā nārado etaṃ pañhaṃ”.

“Aññatreva, āvuso nārada, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā atthāyasmato nāradaṃ paccattameva ñāṇaṃ – ‘jātipaccayā jarāmaṇa’”nti? “Aññatreva, āvuso pavīṭṭha, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘jātipaccayā jarāmaṇa’”nti.

“Aññatreva, āvuso nārada, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā atthāyasmato nāradaṃ paccattameva ñāṇaṃ – bhavapaccayā jāti...pe... avijjāpaccayā saṅkhārā”ti? “Aññatreva, āvuso pavīṭṭha, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘avijjāpaccayā saṅkhārā’”ti.

“Aññatreva, āvuso nārada, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā atthāyasmato nāradaṃ paccattameva ñāṇaṃ – ‘jātinirodhā jarāmaṇanirodho’”ti? “Aññatreva, āvuso pavīṭṭha, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘jātinirodhā jarāmaṇanirodho’”ti.

“Aññatreva, āvuso nārada, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā atthāyasmato nāradaṃ paccattameva ñāṇaṃ – ‘bhavanirodhā jātinirodhoti...pe... avijjānirodhā saṅkhāranirodho’”ti? “Aññatreva, āvuso pavīṭṭha, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘avijjānirodhā saṅkhāranirodho’”ti.

“Aññatreva, āvuso nārada, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā atthāyasmato nāradaṃ paccattameva ñāṇaṃ – ‘bhavanirodho nibbāna’”nti? “Aññatreva, āvuso pavīṭṭha, saddhāya aññatra ruciyā aññatra anussavā aññatra ākārāparivittakkā aññatra diṭṭhinijjhānakkhantiyā ahametaṃ jānāmi ahametaṃ passāmi – ‘bhavanirodho nibbāna’”nti.

“Tenahāyasmā nārado arahaṃ khīṇāsavo”ti? “‘Bhavanirodho nibbāna’nti kho me, āvuso, yathābhūtaṃ sammappaññāya sudiṭṭhaṃ, na camhi arahaṃ khīṇāsavo. Seyyathāpi, āvuso, kantāramagge udapāno. Tatra nevassa rajju na udakavārako. Atha puriso āgaccheyya ghammābhitatto ghammapareto kilanto tasito pipāsito, so taṃ udapānaṃ olokeyya. Tassa ‘udaka’nti hi kho ñāṇaṃ assa, na ca kāyena phusitvā vihareyya. Evameva kho, āvuso, ‘bhavanirodho nibbāna’nti yathābhūtaṃ sammappaññāya sudiṭṭhaṃ, na camhi arahaṃ khīṇāsavo’”ti.

Evam vutte, āyasmā ānando āyasmantaṃ pavīṭṭhaṃ etadavoca – “evamvādī [evamvādiṃ (?)] tvam, āvuso pavīṭṭha, āyasmantaṃ nāradaṃ kiṃ vadesi”ti? “Evaṃvādāhaṃ, āvuso ānanda, āyasmantaṃ nāradaṃ na kiñci vadāmi aññatra kalyāṇā aññatra kusalā”ti. Aṭṭhamaṃ.

## 9. Upayantisuttaṃ

69. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho...pe... “mahāsamuddo, bhikkhave, upayanto mahānadiyo upayāpeti, mahānadiyo upayantiyo kunnadiyo upayāpentī, kunnadiyo upayantiyo mahāsobbhe upayāpentī, mahāsobbhā upayantā kusobbhe upayāpentī. Evameva kho, bhikkhave, avijjā upayantī saṅkhāre upayāpeti, saṅkhārā upayantā viññāṇaṃ upayāpentī, viññāṇaṃ upayantaṃ nāmarūpaṃ upayāpeti, nāmarūpaṃ upayantaṃ

saḷāyatanam upayāpeti, saḷāyatanam upayantaṃ phassaṃ upayāpeti, phasso upayanto vedanam upayāpeti, vedanā upayantī taṇham upayāpeti, taṇhā upayantī upādānam upayāpeti, upādānam upayantaṃ bhavam upayāpeti, bhavo upayanto jātiṃ upayāpeti, jāti upayantī jarāmarañam upayāpeti.

“Mahāsamuddo, bhikkhave, apayanto mahānadiyo apayāpeti, mahānadiyo apayantiyo kunnadiyo apayāpenti, kunnadiyo apayantiyo mahāsobbe apayāpenti, mahāsobbhā apayantā kusobbe apayāpenti. Evameva kho, bhikkhave, avijjā apayantī saṅkhāre apayāpeti, saṅkhārā apayantā viññānam apayāpenti, viññānam apayantaṃ nāmarūpaṃ apayāpeti, nāmarūpaṃ apayantaṃ saḷāyatanam apayāpeti, saḷāyatanam apayantaṃ phassaṃ apayāpeti, phasso apayanto vedanam apayāpeti, vedanā apayantī taṇham apayāpeti, taṇhā apayantī upādānam apayāpeti, upādānam apayantaṃ bhavam apayāpeti, bhavo upayanto jātiṃ upayāpeti, jāti apayantī jarāmarañam apayāpeti”ti. Navamaṃ.

## 10. Susimasuttaṃ

70. Evaṃ me sutam – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena bhagavā sakkato hoti garukato mānito pūjito apacito lābhī cīvara-piṇḍapāta-senāsana-gilānappaccaya-bhesajjaparikkhārānam. Bhikkhusaṅghopi sakkato hoti garukato mānito pūjito apacito lābhī cīvara-piṇḍapāta-senāsanagilānappaccaya-bhesajjaparikkhārānam. Aññatitthiyā pana paribbājakā asakkatā honti agarukatā amānitā apūjitā anapacitā, na lābhino cīvara-piṇḍapāta-senāsanagilānappaccaya-bhesajjaparikkhārānam.

Tena kho pana samayena susimo [susīmo (sī. ka.)] paribbājako rājagahe paṭivasati mahatīyā paribbājakaparisāya saddhiṃ. Atha kho susimassa paribbājakassa parisā susimaṃ paribbājakam etadavocum – “ehi tvam, āvuso susima, samaṇe gotame brahmacariyaṃ cara. Tvam dhammaṃ pariyāpuṇitvā amhe vāceyyāsi [vācessasi (pī. ka.)]. Tam mayaṃ dhammaṃ pariyāpuṇitvā gihīnam bhāssīma. Evaṃ mayampi sakkatā bhavissīma garukatā mānitā pūjitā apacitā lābhino cīvara-piṇḍapātasenāsana-gilānappaccaya-bhesajjaparikkhārāna”nti. “Evaṃāvuso”ti kho susimo paribbājako sakāya parisāya paṭissuṇitvā yenāyasmā ānando tenupasaṅkami; upasaṅkamitvā āyasmatā ānandena saddhiṃ sammodi. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisinno kho susimo paribbājako āyasmantaṃ ānandaṃ etadavoca – “icchāmaṃ, āvuso ānanda, imasmiṃ dhammavināye brahmacariyaṃ caritu”nti.

Atha kho āyasmā ānando susimaṃ paribbājakaṃ ādāya yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā ānando bhagavantaṃ etadavoca – “ayaṃ, bhante, susimo paribbājako evamāha – ‘icchāmaṃ, āvuso ānanda, imasmiṃ dhammavināye brahmacariyaṃ caritu’nti. “Tenānanda, susimaṃ pabbājethā”ti. Alatta kho susimo paribbājako bhagavato santike pabbajjaṃ, alatta upasampadam.

Tena kho pana samayena sambahulehi bhikkhūhi bhagavato santike aññā byākatā hoti – “khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānāmā”ti. Assosi kho āyasmā susimo – “sambahulehi kira bhikkhūhi bhagavato santike aññā byākatā – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāmā”ti. Atha kho āyasmā susimo yena te bhikkhū tenupasaṅkami; upasaṅkamitvā tehi bhikkhūhi saddhiṃ sammodi. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisinno kho āyasmā susimo te bhikkhū etadavoca – “saccaṃ kirāyasmantehi bhagavato santike aññā byākatā – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāmā”ti? “Evaṃāvuso”ti.

“Api pana [api nu (sī. syā. kaṃ.) evamuparipi] tumhe āyasmanto evaṃ jānantā evaṃ passantā anekavihitam iddhividham paccanubhotha – ekopi hutvā bahudhā hotha, bahudhāpi hutvā eko hotha; āvibhāvaṃ, tirobhāvaṃ, tirokuṭṭam tiropākāraṃ tiropabbataṃ asajjamānā gacchatha, seyyathāpi ākāse; pathaviyāpi ummujjanimujjaṃ karotha, seyyathāpi uduke; udukepi abhijjamāne gacchatha, seyyathāpi



pathaviyaṃ; ākāsepi pallaṅkena kamatha, seyyathāpi pakkhī sakuṇo; imepi candimasūriye evaṃmahiddhike evaṃmahānubhāve paṇiṇā parimasatha parimajjatha, yāva brahmalokāpi kāyena vasaṃ vattethā”ti? “No hetam, āvuso”.

“Api pana tumhe āyasmanto evaṃ jānantā evaṃ passantā dibbāya sotadhātuyā visuddhāya atikkantamānusikāya ubho sadde suṇātha dibbe ca mānuse ca ye dūre santike cā”ti? “No hetam, āvuso”.

“Api pana tumhe āyasmanto evaṃ jānantā evaṃ passantā parasattānaṃ parapuggalānaṃ cetasā ceto paricca pajānātha – sarāgaṃ vā cittaṃ sarāgaṃ cittanti pajānātha; vītarāgaṃ vā cittaṃ vītarāgaṃ cittanti pajānātha; sadosaṃ vā cittaṃ sadosaṃ cittanti pajānātha; vītadosaṃ vā cittaṃ vītadosaṃ cittanti pajānātha; samohaṃ vā cittaṃ samohaṃ cittanti pajānātha; vītamohaṃ vā cittaṃ vītamohaṃ cittanti pajānātha; saṃkhittaṃ vā cittaṃ saṃkhittaṃ cittanti pajānātha; vikkhittaṃ vā cittaṃ vikkhittaṃ cittanti pajānātha; mahaggataṃ vā cittaṃ mahaggataṃ cittanti pajānātha; amahaggataṃ vā cittaṃ amahaggataṃ cittanti pajānātha; sauttaraṃ vā cittaṃ sauttaraṃ cittanti pajānātha; anuttaraṃ vā cittaṃ anuttaraṃ cittanti pajānātha; samāhitaṃ vā cittaṃ samāhitaṃ cittanti pajānātha; asamāhitaṃ vā cittaṃ asamāhitaṃ cittanti pajānātha; vimuttaṃ vā cittaṃ vimuttaṃ cittanti pajānātha; avimuttaṃ vā cittaṃ avimuttaṃ cittanti pajānātha”ti? “No hetam, āvuso”.

“Api pana tumhe āyasmanto evaṃ jānantā evaṃ passantā anekavihitaṃ pubbenivāsaṃ anussaratha, seyyathidaṃ – ekampi jātiṃ dvepi jātiyo tissopi jātiyo catassopi jātiyo pañcapi jātiyo dasapi jātiyo vīsampi jātiyo tiṃsampi jātiyo cattārīsampi jātiyo paññāsampi jātiyo jātisatampi jātisahassampi jātisatasahassampi, anekepi saṃvaṭṭakappe anekepi vivaṭṭakappe anekepi saṃvaṭṭavivaṭṭakappe – ‘amutrāsipaṃ evaṃnāmo evaṃgotto evaṃvaṇṇo evamāhāro evaṃsukhadukkhapaṭisaṃvedī evamāyupariyanto, so tato cuto amutra udapādim; tatrāpāsipaṃ evaṃnāmo evaṃgotto evaṃvaṇṇo evamāhāro evaṃsukhadukkhapaṭisaṃvedī evamāyupariyanto, so tato cuto idhūpapanno’ti. Iti sākāraṃ sauddesaṃ anekavihitaṃ pubbenivāsaṃ anussarathā”ti? “No hetam, āvuso”.

“Api pana tumhe āyasmanto evaṃ jānantā evaṃ passantā dibbena cakkhunā visuddhena atikkantamānusakena satte passatha cavamāne upapajjamāne hīne paṇīte suvaṇṇe dubbaṇṇe, sugate duggate yathākammūpage satte pajānātha – ‘ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā, ariyānaṃ upavādakā micchādiṭṭhikā micchādiṭṭhikammasamādānā, te kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapannā; ime vā pana bhonto sattā kāyasucaritena samannāgatā vacīsucaritena samannāgatā manosucaritena samannāgatā, ariyānaṃ anupavādakā sammādiṭṭhikā sammādiṭṭhikammasamādānā te kāyassa bhedaṃ paraṃ maraṇā sugatiṃ saggam lokaṃ upapannā’ti, iti dibbena cakkhunā visuddhena atikkantamānusakena satte passatha cavamāne upapajjamāne hīne paṇīte suvaṇṇe dubbaṇṇe, sugate duggate yathākammūpage satte pajānātha”ti? “No hetam, āvuso”.

“Api pana tumhe āyasmanto evaṃ jānantā evaṃ passantā ye te santā vimokkhā atikkamma rūpe āruppā, te kāyena phusitvā viharathā”ti? “No hetam, āvuso”.

“Ettha dāni āyasmanto idaṅca veyyākaraṇaṃ imesaṅca dhammānaṃ asamāpatti; idaṃ no, āvuso, katha”nti? “Paññāvimuttā kho mayaṃ, āvuso susimā”ti.

“Na khvāhaṃ imassa āyasmantānaṃ saṃkhittena bhāsitaṃ vitthārena atthaṃ ājānāmi. Sādhu me āyasmanto tathā bhāsantu yathāhaṃ imassa āyasmantānaṃ saṃkhittena bhāsitaṃ vitthārena atthaṃ ājāneyya”nti. “Ājāneyyāsi vā tvaṃ, āvuso susima, na vā tvaṃ ājāneyyāsi atha kho paññāvimuttā maya”nti.

Atha kho āyasmā susimo uṭṭhāyāsanaṃ yena bhagavā tenupasaṅkama; upasaṅkamtivā bhagavantaṃ

abhivādetvā ekamantaṃ nisīdi. Ekamantaṃ nisinno kho āyasmā susimo yāvatako tehi bhikkhūhi saddhiṃ ahosi kathāsallāpo taṃ sabbaṃ bhagavato ārocesi. “Pubbe kho, susima, dhammaṭṭhitiñāṇaṃ, pacchā nibbāne ñāṇa”nti.

“Na khvāhaṃ, bhante, imassa bhagavatā [bhagavato (pī.)] saṃkhittena bhāsitassa vitthārena atthaṃ ājānāmi. Sādhu me, bhante, bhagavā tathā bhāsatu yathāhaṃ imassa bhagavatā saṃkhittena bhāsitassa vitthārena atthaṃ ājāneyya”nti. “Ājāneyyāsi vā tvaṃ, susima, na vā tvaṃ ājāneyyāsi, atha kho dhammaṭṭhitiñāṇaṃ pubbe, pacchā nibbāne ñāṇaṃ”.

“Taṃ kiṃ maññasi, susima, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetāṃ, bhante”. “Vedanā niccā vā aniccā vā”ti? “Aniccā, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetāṃ, bhante”. “Saññā niccā vā aniccā vā”ti? “Aniccā, bhante”...pe... “saṅkhārā niccā vā aniccā vā”ti? “Aniccā, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetāṃ, bhante”. “Viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetāṃ, bhante”.

“Tasmātiha, susima, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ netāṃ mama nesohamasmi na meso attāti; evametāṃ yathābhūtaṃ sammappaññāya daṭṭhabbaṃ. Yā kāci vedanā atītānāgatapaccuppannā ajjhattaṃ vā bahiddhā vā oḷārikā vā sukhumā vā hīnā vā paṇītā vā yā dūre santike vā, sabbā vedanā netāṃ mama nesohamasmi na meso attāti; evametāṃ yathābhūtaṃ sammappaññāya daṭṭhabbaṃ. Yā kāci saññā...pe... ye keci saṅkhārā atītānāgatapaccuppannā ajjhattaṃ vā bahiddhā vā oḷārikā vā sukhumā vā hīnā vā paṇītā vā ye dūre santike vā, sabbe saṅkhārā netāṃ mama nesohamasmi na meso attāti; evametāṃ yathābhūtaṃ sammappaññāya daṭṭhabbaṃ. Yaṃ kiñci viññāṇaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ netāṃ mama nesohamasmi na meso attāti; evametāṃ yathābhūtaṃ sammappaññāya daṭṭhabbaṃ.

“Evaṃ passaṃ, susima, sutavā ariyasāvako rūpasimipi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasimipi nibbindati. Nibbindaṃ virajjati, virāgā vimuccati, vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti.

“‘Jātipaccayā jarāmaraṇa’nti, susima, passaṃ”ti? “Evaṃ, bhante”. “‘Bhavapaccayā jāti’ti, susima, passaṃ”ti? “Evaṃ, bhante”. “‘Upādānapaccayā bhavo’ti, susima, passaṃ”ti? “Evaṃ, bhante”. “‘Taṇhāpaccayā upādāna’nti, susima, passaṃ”ti? “Evaṃ, bhante”. “‘Vedanāpaccayā taṇhāti... phassaṃpaccayā vedanāti... saḷāyatanapaccayā phassoti... nāmarūpapaccayā saḷāyatananti... viññāṇapaccayā nāmarūpanti... saṅkhārapaccayā viññāṇanti... avijjāpaccayā saṅkhārāti, susima, passaṃ”ti? “Evaṃ, bhante”.

“‘Jātinirodhā jarāmarāṇanirodho’ti, susima, passaṃ”ti? “Evaṃ, bhante”. “‘Bhavanirodhā jātinirodho’ti susima, passaṃ”ti? “Evaṃ, bhante”. “‘Upādānanirodhā bhavanirodhoti... taṇhānirodhā upādānanirodhoti... vedanānirodhā taṇhānirodhoti... phassanirodhā vedanānirodhoti... saḷāyatananirodhā phassanirodhoti... nāmarūpanirodhā saḷāyatananirodhoti... viññāṇanirodhā



nāmarūpanirodhoti... saṅkhāranirodhā viññānanirodhoti... avijjānīrodhā saṅkhāranīrodhoti, susima, passasī’ ti? “Evaṃ, bhante”.

“Api pana tvaṃ, susima, evaṃ jānanto evaṃ passanto anekavihitāṃ iddhividhaṃ paccanubhosi – ekopi hutvā bahudhā hosi, bahudhāpi hutvā eko hosi; āvibhāvaṃ, tirobhāvaṃ, tirokuṭṭaṃ tiropākāraṃ tiropabbataṃ asajjamāno gacchasi, seyyathāpi ākāse; pathaviyāpi ummujjanimujjaṃ karosi, seyyathāpi udake; udakepi abhijjamāno gacchasi, seyyathāpi pathaviyaṃ; ākāsepi pallaṅkena kamasi, seyyathāpi pakkhī sakuṇo; imepi candimasūriye evaṃmahiddhike evaṃmahānubhāve pāṇinā parimasasi parimajjasi, yāva brahmalokāpi kāyena vasaṃ vattasī’ ti? “No hetāṃ, bhante”.

“Api pana tvaṃ, susima, evaṃ jānanto evaṃ passanto dibbāya sotadhātuyā visuddhāya atikkantamānusikāya ubho sadde suṇasi dibbe ca mānuse ca ye dūre santike cā’ ti? “No hetāṃ, bhante”.

“Api pana tvaṃ, susima, evaṃ jānanto evaṃ passanto parasattānaṃ parapuggalānaṃ cetasā ceto paricca pajānāsī – sarāgaṃ vā cittaṃ sarāgaṃ cittanti pajānāsī...pe... vimuttaṃ vā cittaṃ vimuttaṃ cittanti pajānāsī’ ti? “No hetāṃ, bhante”.

“Api pana tvaṃ, susima, evaṃ jānanto evaṃ passanto anekavihitāṃ pubbenivāsaṃ anussarasi, seyyathidaṃ – ekampi jātiṃ...pe... iti sākāraṃ sauddesaṃ anekavihitāṃ pubbenivāsaṃ anussarasī’ ti? “No hetāṃ, bhante”.

“Api pana tvaṃ, susima, evaṃ jānanto evaṃ passanto dibbena cakkhunā visuddhena atikkantamānusakena satte passasi cavamāne...pe... yathākammūpage satte pajānāsī’ ti? “No hetāṃ, bhante”.

“Api pana tvaṃ, susima, evaṃ jānanto evaṃ passanto ye te santā vimokkhā atikkamma rūpe, āruppā te kāyena phusitvā viharasī’ ti? “No hetāṃ, bhante”.

“Ettha dāni, susima, idaṅca veyyākaraṇaṃ imesaṅca dhammānaṃ asamāpatti, idaṃ no, susima, katha’ nti?

Atha kho āyasmā susimo bhagavato pādesu sirasā nipatitvā bhagavantaṃ etadavoca – “accayo maṃ, bhante, accagamā yathābālaṃ yathāmūlhaṃ yathāakusalaṃ, yvāhaṃ evaṃ svākkhāte dhammavinaye dhammatthenako pabbajito. Tassa me, bhante, bhagavā accayaṃ accayato paṭiggaṇhātu āyatim saṃvarāyā’ ti.

“Taggha tvaṃ, susima, accayo accagamā yathābālaṃ yathāmūlhaṃ yathāakusalaṃ, yo tvaṃ evaṃ svākkhāte dhammavinaye dhammatthenako pabbajito. Seyyathāpi, susima, coraṃ āgucāriṃ gahetvā rañño dasseyyūṃ – ‘ayaṃ te, deva, coro āgucārī, imassa yaṃ icchasi taṃ daṇḍaṃ paṇehī’ ti. Tameṇaṃ rājā evaṃ vadeyya – ‘gacchatha, bho, imaṃ purisaṃ dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathiyāya rathiyaṃ siṅghāṭakena siṅghāṭakaṃ parinetvā dakkhiṇena dvārena nikkhāmetvā dakkhiṇato nagarassa sīsaṃ chindathā’ ti. Tameṇaṃ rañño purisā dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathiyāya rathiyaṃ siṅghāṭakena siṅghāṭakaṃ parinetvā dakkhiṇena dvārena nikkhāmetvā dakkhiṇato nagarassa sīsaṃ chindeyyūṃ. Taṃ kiṃ maññasi, susima, api nu so puriso tatonidānaṃ dukkhaṃ domanassaṃ paṭisaṃvediyethā’ ti? “Evaṃ, bhante”.

“Yaṃ kho so, susima, puriso tatonidānaṃ dukkhaṃ domanassaṃ paṭisaṃvediyetha [\[paṭisaṃvediyetha vā, na vā paṭisaṃvediyetha \(ka.\)\]](#). Yā evaṃ svākkhāte dhammavinaye dhammatthenakassa pabbajjā, ayaṃ tato dukkhavipākatarā ca kaṭukavipākatarā ca, api ca vinipātāya

saṃvattati. Yato ca kho tvaṃ, susima, accayaṃ accayato disvā yathādhammaṃ paṭikarosi taṃ te mayāṃ paṭiggaṇhāma. Vuddhi hesā, susima, ariyassa vinaye yo accayaṃ accayato disvā yathādhammaṃ paṭikaroti, āyatiñca [āyatiṃ (syā. kaṃ.)] saṃvaramā āpajjati’ ti. Dasamaṃ.

Mahāvaggo sattamo.

Tassuddānaṃ –

Dve assutavatā vuttā, puttamaṃsena cāparaṃ;  
Atthirāgo ca nagaraṃ, sammasaṃ naḷakalāpiyaṃ;  
Kosambī upayanti ca, dasamo susimena cāti [dasamo vutto susīmenāti (sī.)].

## 8. Samaṇabrāhmaṇavaggo

### 1. Jarāmarāṇasuttaṃ

71. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā...pe... ‘‘ye hi keci, bhikkhave, samaṇā vā brāhmaṇā vā jarāmarāṇaṃ nappajānanti, jarāmarāṇasamudayaṃ nappajānanti, jarāmarāṇanirodhaṃ nappajānanti, jarāmarāṇanirodhagāminiṃ paṭipadaṃ nappajānanti, na me te, bhikkhave, samaṇā vā brāhmaṇā vā samaṇesu vā samaṇasammatā brāhmaṇesu vā brāhmaṇasammatā, na ca pana te āyasmanto sāmaññatthaṃ vā brahmaññatthaṃ vā diṭṭheva dhamme sayāṃ abhiññā sacchikatvā upasampajja viharanti.

‘‘Ye ca kho keci, bhikkhave, samaṇā vā brāhmaṇā vā jarāmarāṇaṃ pajānanti...pe... paṭipadaṃ pajānanti, te kho me, bhikkhave, samaṇā vā brāhmaṇā vā samaṇesu ceva samaṇasammatā brāhmaṇesu ca brāhmaṇasammatā, te ca panāyasmanto sāmaññatthañca brahmaññatthañca diṭṭheva dhamme sayāṃ abhiññā sacchikatvā upasampajja viharanti’ ti. (Suttanto eko). Paṭhamaṃ.

### 2-11. Jātisuttādidasaṃ

72. Sāvattiyaṃ viharati...pe... jātiṃ nappajānanti...pe....

(3) Bhavaṃ nappajānanti...pe....

(4) Upādānaṃ nappajānanti...pe....

(5) Taṇhaṃ nappajānanti...pe....

(6) Vedanaṃ nappajānanti...pe....

(7) Phassaṃ nappajānanti...pe....

(8) Saḷāyatanaṃ nappajānanti...pe....

(9) Nāmarūpaṃ nappajānanti...pe....

(10) Viññānaṃ nappajānanti...pe....

(11) ‘‘Saṅkhāre nappajānanti, saṅkhārasamudayaṃ nappajānanti, saṅkhāranirodhaṃ nappajānanti,

sāṅkhāraṇirodhagāminiṃ paṭipadaṃ nappajānanti...pe... sāṅkhāre pajānanti...pe... sayamaṃ abhiññā sacchikatvā upasampajja viharanti”’ti. Ekādasamaṃ.

Samaṇabrāhmaṇavaggo aṭṭhamaṃ.

Tassuddānaṃ –

Paccayekādasa vuttā, catusaccavibhajjanā;  
Samaṇabrāhmaṇavaggo, nidāne bhavati aṭṭhamaṃ.

Vagguddānaṃ –

Buddho āhāro dasabalo, kaḷāro gahapatipaṅcamo;  
Dukkhavaggo mahāvaggo, aṭṭhamaṃ samaṇabrāhmaṇoti.

## 9. Antaraṭṭhamaṃ

### 1. Satthusuttaṃ

73. Sāvattiyamaṃ viharati...pe... “jarāmaṇaṃ, bhikkhave, ajānatā aṇassatā yathābhūtaṃ jarāmaṇe yathābhūtaṃ ñāṇāya satthā pariyesitabbo; jarāmaṇasamudayaṃ ajānatā aṇassatā yathābhūtaṃ jarāmaṇasamudaye yathābhūtaṃ ñāṇāya satthā pariyesitabbo; jarāmaṇanirodhaṃ ajānatā aṇassatā yathābhūtaṃ jarāmaṇanirodhe yathābhūtaṃ ñāṇāya satthā pariyesitabbo; jarāmaṇanirodhagāminiṃ paṭipadaṃ ajānatā aṇassatā yathābhūtaṃ jarāmaṇanirodhagāminiyā paṭipadāya yathābhūtaṃ ñāṇāya satthā pariyesitabbo”’ti. (Suttanto eko). Paṭhamaṃ.

(Sabbesaṃ peyyālo evamaṃ vitthāretabbo)

### 2-11. Dutiyasatthusuttādidasaṃ

(2) Jātiṃ, bhikkhave, ajānatā aṇassatā yathābhūtaṃ...pe....

(3) Bhavaṃ, bhikkhave, ajānatā aṇassatā yathābhūtaṃ...pe....

(4) Upādānaṃ, bhikkhave, ajānatā aṇassatā yathābhūtaṃ...pe....

(5) Taṇhaṃ, bhikkhave, ajānatā aṇassatā yathābhūtaṃ...pe....

(6) Vedanaṃ, bhikkhave, ajānatā aṇassatā yathābhūtaṃ...pe....

(7) Phassaṃ, bhikkhave, ajānatā aṇassatā yathābhūtaṃ...pe....

(8) Saḷāyatanamaṃ, bhikkhave, ajānatā aṇassatā yathābhūtaṃ...pe....

(9) Nāmarūpaṃ, bhikkhave, ajānatā aṇassatā yathābhūtaṃ...pe....

(10) Viññānaṃ, bhikkhave, ajānatā aṇassatā yathābhūtaṃ...pe....

(11) “Sāṅkhāre, bhikkhave, ajānatā aṇassatā yathābhūtaṃ sāṅkhāresu yathābhūtaṃ ñāṇāya satthā pariyesitabbo; sāṅkhārasamudayaṃ ajānatā aṇassatā yathābhūtaṃ sāṅkhārasamudaye yathābhūtaṃ

ñāṇāya satthā pariyesitabbo; saṅkhāranirodhaṃ ajānatā apassatā yathābhūtaṃ saṅkhāranirodhe yathābhūtaṃ ñāṇāya satthā pariyesitabbo; saṅkhāranirodhagāminiṃ paṭipadaṃ ajānatā apassatā yathābhūtaṃ saṅkhāranirodhagāminiyā paṭipadāya yathābhūtaṃ ñāṇāya satthā pariyesitabbo”ti. Ekādasamaṃ.

(Sabbesaṃ catusaccikaṃ kātappaṃ).

## 2-12. Sikkhāsuttādipeyyālaekādasakaṃ

(2) “Jarāmaṇaṃ, bhikkhave, ajānatā apassatā yathābhūtaṃ jarāmaṇe yathābhūtaṃ ñāṇāya sikkhā karaṇīyā.

(Peyyālo. Catusaccikaṃ kātappaṃ).

(3) Jarāmaṇaṃ, bhikkhave, ajānatā...pe... yogo karaṇīyo...pe....

(4) Jarāmaṇaṃ, bhikkhave, ajānatā...pe... chando karaṇīyo...pe....

(5) Jarāmaṇaṃ, bhikkhave, ajānatā...pe... ussoḥhī karaṇīyā...pe....

(6) Jarāmaṇaṃ, bhikkhave, ajānatā...pe... appaṭivānī karaṇīyā...pe....

(7) Jarāmaṇaṃ, bhikkhave, ajānatā...pe... ātappaṃ karaṇīyaṃ...pe....

(8) Jarāmaṇaṃ, bhikkhave, ajānatā...pe... vīriyaṃ karaṇīyaṃ...pe....

(9) Jarāmaṇaṃ, bhikkhave, ajānatā...pe... sātaccaṃ karaṇīyaṃ...pe....

(10) Jarāmaṇaṃ, bhikkhave, ajānatā...pe... sati karaṇīyā...pe....

(11) Jarāmaṇaṃ, bhikkhave, ajānatā...pe... sampajaññaṃ karaṇīyaṃ...pe....

(12) Jarāmaṇaṃ, bhikkhave, ajānatā...pe... appamādo karaṇīyo...pe....

Antarapeyyālo navamo.

Tassuddānaṃ –

Satthā sikkhā ca yogo ca, chando ussoḥhipaṅcamī;  
Appaṭivānī ātappaṃ, vīriyaṃ sātaccamuccati;  
Sati ca sampajaññaṅca, appamādena dvādasāti.

Suttantā antarapeyyālā niṭṭhitā.

Pare te dvādasā honti, suttā dvattiṃsa satāni;  
Catusaccena te vuttā, peyyālaantaramhi yeti [[peyyālā antaramhi yeti \(sī. syā. kaṃ.\)](#)].

Antarapeyyālesu uddānaṃ samattaṃ.

Nidānaṃyuttaṃ samattaṃ.

## 2. Abhisamayasaṃyuttaṃ

### 1. Nakhasikhāsuttaṃ

74. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Atha kho bhagavā parittaṃ nakhasikhāyaṃ paṃsuṃ āropetvā bhikkhū āmantesi – “taṃ kiṃ maññaṭha, bhikkhave, katamaṃ nu kho bahutaraṃ, yo vāyaṃ [yo cāyaṃ (sabbattha) dutiyasuttādisu pana vāsaddoyeva dissati] mayā paritto nakhasikhāyaṃ paṃsu āropito, ayaṃ vā mahāpathavī”ti?

“Etadeva, bhante, bahutaraṃ, yadidaṃ mahāpathavī. Appamattako bhagavatā paritto nakhasikhāyaṃ paṃsu āropito. Neva satimaṃ kamaṃ upeti na sahasimaṃ kamaṃ upeti na satahasimaṃ kamaṃ upeti mahāpathaviṃ upanidhāya bhagavatā paritto nakhasikhāyaṃ paṃsu āropito”ti. “Evameva kho, bhikkhave, ariyasāvakaṃ diṭṭhisampannassa puggalassa abhisametāvino etadeva bahutaraṃ dukkhaṃ yadidaṃ parikkhīṇaṃ pariyādiṇṇaṃ; appamattakaṃ avasiṭṭhaṃ. Neva satimaṃ kamaṃ upeti na sahasimaṃ kamaṃ upeti na satahasimaṃ kamaṃ upeti purimaṃ dukkhakkhandhaṃ parikkhīṇaṃ pariyādiṇṇaṃ upanidhāya yadidaṃ sattakkhattuṃparamatā. Evaṃ mahatthiyo kho, bhikkhave, dhammābhisamayo; evaṃ mahatthiyo dhammacakkhupaṭilābho”ti. Paṭhamaṃ.

### 2. Pokkharāṇīsuttaṃ

75. Sāvatthiyaṃ viharati...pe... “seyyathāpi, bhikkhave, pokkharāṇī paññāsayojanāni āyāmena paññāsayojanāni vitthārena paññāsayojanāni ubbedhena, punṇā udakassa samatittikā kākapeyyā. Tato puriso kusaggena udakaṃ uddhareyya. Taṃ kiṃ maññaṭha, bhikkhave, katamaṃ nu kho bahutaraṃ, yaṃ vā kusaggena udakaṃ ubbhatāyaṃ vā pokkharāṇiyā udaka”nti?

“Etadeva, bhante, bahutaraṃ, yadidaṃ pokkharāṇiyā udakaṃ. Appamattakaṃ kusaggena udakaṃ ubbhatāyaṃ. Neva satimaṃ kamaṃ upeti na sahasimaṃ kamaṃ upeti na satahasimaṃ kamaṃ upeti pokkharāṇiyā udakaṃ upanidhāya kusaggena udakaṃ ubbhata”nti. “Evameva kho, bhikkhave, ariyasāvakaṃ diṭṭhisampannassa puggalassa abhisametāvino etadeva bahutaraṃ dukkhaṃ yadidaṃ parikkhīṇaṃ pariyādiṇṇaṃ; appamattakaṃ avasiṭṭhaṃ. Neva satimaṃ kamaṃ upeti na sahasimaṃ kamaṃ upeti na satahasimaṃ kamaṃ upeti purimaṃ dukkhakkhandhaṃ parikkhīṇaṃ pariyādiṇṇaṃ upanidhāya, yadidaṃ sattakkhattuṃparamatā. Evaṃ mahatthiyo kho, bhikkhave, dhammābhisamayo; evaṃ mahatthiyo dhammacakkhupaṭilābho”ti. Dutiyāṃ.

### 3. Sambhejjaudakasuttaṃ

76. Sāvatthiyaṃ viharati...pe... “seyyathāpi, bhikkhave, yatthimā mahānadiyo saṃsandanti samenti, seyyathidaṃ – gaṅgā yamunā aciravatī sarabhū mahī, tato puriso dve vā tīṇi vā udakaphusitāni uddhareyya. Taṃ kiṃ maññaṭha, bhikkhave, katamaṃ nu kho bahutaraṃ, yāni vā dve vā tīṇi vā udakaphusitāni ubbhatāni yaṃ vā sambhejjaudaka”nti?

“Etadeva, bhante, bahutaraṃ yadidaṃ sambhejjaudakaṃ; appamattakāni dve vā tīṇi vā udakaphusitāni ubbhatāni. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti sambhejjaudakaṃ upanidhāya dve vā tīṇi vā udakaphusitāni ubbhatāni”ti. “Evameva kho, bhikkhave...pe... dhammacakkhupaṭilābho”ti. Tatiyāṃ.

### 4. Dutiyasambhejjaudakasuttaṃ

77. Sāvatthiyaṃ viharati...pe... “seyyathāpi, bhikkhave, yatthimā mahānadiyo saṃsandanti

samenti, seyyathidaṃ – gaṅgā yamunā aciravatī sarabhū mahī, taṃ udakaṃ parikkhayaṃ pariyādānaṃ gaccheyya ṭhapetvā dve vā tīṇi vā udakaphusitāni. Taṃ kiṃ maññatha, bhikkhave, katamaṃ nu kho bahutaraṃ, yaṃ vā sambhejjaudakaṃ parikkhīṇaṃ pariyādiṇṇaṃ yāni vā dve vā tīṇi vā udakaphusitāni avasiṭṭhāni’’ti?

‘‘Etadeva, bhante, bahutaraṃ sambhejjaudakaṃ yadidaṃ parikkhīṇaṃ pariyādiṇṇaṃ; appamattakāni dve vā tīṇi vā udakaphusitāni avasiṭṭhāni. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti sambhejjaudakaṃ parikkhīṇaṃ pariyādiṇṇaṃ upanidhāya dve vā tīṇi vā udakaphusitāni avasiṭṭhāni’’ti. ‘‘Evameva kho, bhikkhave...pe... dhammacakkhupaṭilābho’’ti. Catutthaṃ.

### 5. Pathavīsuttaṃ

78. Sāvattthiyaṃ viharati...pe... ‘‘seyyathāpi, bhikkhave, puriso mahāpathaviyā satta kolaṭṭhimattiyo guḷikā upanikkhipeyya. Taṃ kiṃ maññatha, bhikkhave, katamaṃ nu kho bahutaraṃ, yā vā satta kolaṭṭhimattiyo guḷikā upanikkhittā ayaṃ [yā (syā. ka.)] vā mahāpathavi’’ti?

‘‘Etadeva, bhante, bahutaraṃ, yadidaṃ mahāpathavī; appamattikā satta kolaṭṭhimattiyo guḷikā upanikkhittā. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti mahāpathaviṃ upanidhāya satta kolaṭṭhimattiyo guḷikā upanikkhittā’’ti. ‘‘Evameva kho, bhikkhave... pe... dhammacakkhupaṭilābho’’ti. Pañcamaṃ.

### 6. Dutiyapathavīsuttaṃ

79. Sāvattthiyaṃ viharati...pe... ‘‘seyyathāpi, bhikkhave, mahāpathavī parikkhayaṃ pariyādānaṃ gaccheyya, ṭhapetvā satta kolaṭṭhimattiyo guḷikā. Taṃ kiṃ maññatha, bhikkhave, katamaṃ nu kho bahutaraṃ, yaṃ vā mahāpathaviyā parikkhīṇaṃ pariyādiṇṇaṃ yā vā satta kolaṭṭhimattiyo guḷikā avasiṭṭhā’’ti?

‘‘Etadeva bhante, bahutaraṃ, mahāpathaviyā, yadidaṃ parikkhīṇaṃ pariyādiṇṇaṃ; appamattikā satta kolaṭṭhimattiyo guḷikā avasiṭṭhā. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti mahāpathaviyā parikkhīṇaṃ pariyādiṇṇaṃ upanidhāya satta kolaṭṭhimattiyo guḷikā avasiṭṭhā’’ti. ‘‘Evameva kho, bhikkhave...pe... dhammacakkhupaṭilābho’’ti. Chaṭṭhaṃ.

### 7. Samuddasuttaṃ

80. Sāvattthiyaṃ viharati...pe... ‘‘seyyathāpi, bhikkhave, puriso mahāsamuddato dve vā tīṇi vā udakaphusitāni uddhareyya. Taṃ kiṃ maññatha, bhikkhave, katamaṃ nu kho bahutaraṃ, yāni vā dve vā tīṇi vā udakaphusitāni ubbhatāni yaṃ vā mahāsamudde udaka’’nti?

‘‘Etadeva, bhante, bahutaraṃ, yadidaṃ mahāsamudde udakaṃ; appamattakāni dve vā tīṇi vā udakaphusitāni ubbhatāni. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti mahāsamudde udakaṃ upanidhāya dve vā tīṇi vā udakaphusitāni ubbhatāni’’ti. ‘‘Evameva kho, bhikkhave...pe... dhammacakkhupaṭilābho’’ti. Sattamaṃ.

### 8. Dutiyasamuddasuttaṃ

81. Sāvattthiyaṃ viharati...pe... ‘‘seyyathāpi, bhikkhave, mahāsamuddo parikkhayaṃ pariyādānaṃ gaccheyya, ṭhapetvā dve vā tīṇi vā udakaphusitāni. Taṃ kiṃ maññatha, bhikkhave, katamaṃ nu kho bahutaraṃ, yaṃ vā mahāsamudde udakaṃ parikkhīṇaṃ pariyādiṇṇaṃ yāni vā dve vā tīṇi vā

udakaphusitāni avasiṭṭhānī’ ti?

“Etadeva, bhante, bahutaraṃ mahāsamudde udakaṃ, yadidaṃ parikkhīṇaṃ pariyādiṇṇaṃ; appamattakāni dve vā tīṇi vā udakaphusitāni avasiṭṭhāni. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti mahāsamudde udakaṃ parikkhīṇaṃ pariyādiṇṇaṃ upanidhāya dve vā tīṇi vā udakaphusitāni avasiṭṭhānī’ ti. “Evameva kho bhikkhave...pe... dhammacakkhupāṭilābho’ ti. Aṭṭhamaṃ.

## 9. Pabbatasuttaṃ

82. Sāvattthiyaṃ viharati...pe... “seyyathāpi, bhikkhave, puriso himavato pabbatarājassa satta sāsapamattiyo pāsānasakkharā upanikkhipeyya. Taṃ kiṃ maññatha, bhikkhave, katamaṃ nu kho bahutaraṃ, yā vā satta sāsapamattiyo pāsānasakkharā upanikkhittā yo vā himavā [upanikkhittā, himavā vā (sī.)] pabbatarājā’ ti?

“Etadeva, bhante, bahutaraṃ yadidaṃ himavā pabbatarājā; appamattikā satta sāsapamattiyo pāsānasakkharā upanikkhittā. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti himavantaṃ pabbatarājānaṃ upanidhāya satta sāsapamattiyo pāsānasakkharā upanikkhittā’ ti. “Evameva kho...pe... dhammacakkhupāṭilābho’ ti. Navamaṃ.

## 10. Dutiyapabbatasuttaṃ

83. Sāvattthiyaṃ viharati...pe... “seyyathāpi, bhikkhave, himavā pabbatarājā parikkhayaṃ pariyādānaṃ gaccheyya, ṭhapetvā satta sāsapamattiyo pāsānasakkharā. Taṃ kiṃ maññatha, bhikkhave, katamaṃ nu kho bahutaraṃ, yaṃ vā himavato pabbatarājassa parikkhīṇaṃ pariyādiṇṇaṃ yā vā satta sāsapamattiyo pāsānasakkharā avasiṭṭhā’ ti?

“Etadeva, bhante, bahutaraṃ himavato pabbatarājassa yadidaṃ parikkhīṇaṃ pariyādiṇṇaṃ; appamattikā satta sāsapamattiyo pāsānasakkharā avasiṭṭhā. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti himavato pabbatarājassa parikkhīṇaṃ pariyādiṇṇaṃ upanidhāya satta sāsapamattiyo pāsānasakkharā avasiṭṭhā’ ti.

“Evameva kho, bhikkhave, ariyasāvakassa diṭṭhisampannassa puggalassa abhisametāvino etadeva bahutaraṃ dukkhaṃ yadidaṃ parikkhīṇaṃ pariyādiṇṇaṃ; appamattakaṃ avasiṭṭhaṃ. Neva satimaṃ kamaṃ upeti na sahasimaṃ kamaṃ upeti na satahasimaṃ kamaṃ upeti purimaṃ dukkhakkhandhaṃ parikkhīṇaṃ pariyādiṇṇaṃ upanidhāya yadidaṃ sattakkhattuṃparamatā. Evaṃ mahatthiyo kho, bhikkhave, dhammābhisamayo, evaṃ mahatthiyo dhammacakkhupāṭilābho’ ti. Dasamaṃ.

## 11. Tatiyapabbatasuttaṃ

84. Sāvattthiyaṃ viharati...pe... “seyyathāpi, bhikkhave, puriso sinerussa pabbatarājassa satta muggamattiyo pāsānasakkharā upanikkhipeyya. Taṃ kiṃ maññatha, bhikkhave, katamaṃ nu kho bahutaraṃ, yā vā satta muggamattiyo pāsānasakkharā upanikkhittā yo vā sineru [upanikkhittā, sineru vā (sī.)] pabbatarājā’ ti?

“Etadeva, bhante, bahutaraṃ yadidaṃ sineru pabbatarājā; appamattikā satta muggamattiyo pāsānasakkharā upanikkhittā. Neva satimaṃ kamaṃ upenti na sahasimaṃ kamaṃ upenti na satahasimaṃ kamaṃ upenti sineruṃ pabbatarājānaṃ upanidhāya satta muggamattiyo pāsānasakkharā upanikkhittā’ ti. “Evameva kho, bhikkhave, ariyasāvakassa diṭṭhisampannassa puggalassa adhigamaṃ upanidhāya aññatthiyasamaṇabrāhmaṇaparibbājānaṃ adhigamo neva satimaṃ kamaṃ upeti na sahasimaṃ kamaṃ upeti na satahasimaṃ kamaṃ upeti. Evaṃ mahādhigamo, bhikkhave,

diṭṭhisampanno puggalo, evaṃ mahābhiñño’’ti. Ekādasamaṃ.

Abhisamayasaṃyuttaṃ samattaṃ.

Tassuddānaṃ –

Nakhasikhā pokkharāṇī, sambhejjaudake ca dve;  
Dve pathavī dve samuddā, tayo ca pabbatūpamāti.

### 3. Dhātusaṃyuttaṃ

#### 1. Nānattavaggo

##### 1. Dhātunānattasuttaṃ

**85.** Sāvattthiyaṃ viharati...pe... ‘‘dhātunānattaṃ vo, bhikkhave, desessāmi. Taṃ suṇātha, sādhukaṃ manasi karotha; bhāsissāmi’’ti. ‘‘Evaṃ, bhante’’ti kho te bhikkhū bhagavato paccassosum. Bhagavā etadvoca –

‘‘Katamañca, bhikkhave, dhātunānattaṃ? Cakkhudhātu rūpadhātu cakkhuviññādhātu, sotadhātu saddadhātu sotaviññādhātu, ghānadhātu gandhadhātu ghānaviññādhātu, jivhādhatu rasadhātu jivhāviññādhātu, kāyadhātu phoṭṭhabbhadhātu kāyaviññādhātu, manodhātu dhammadhātu manoviññādhātu – idaṃ vuccati, bhikkhave, dhātunānatta’’nti. Paṭhamaṃ.

##### 2. Phassanānattasuttaṃ

**86.** Sāvattthiyaṃ viharati...pe... ‘‘dhātunānattaṃ, bhikkhave, paṭicca uppajjati phassanānattaṃ. Katamañca, bhikkhave, dhātunānattaṃ? Cakkhudhātu sotadhātu ghānadhātu jivhādhatu kāyadhātu manodhātu – idaṃ vuccati, bhikkhave, dhātunānattaṃ’’.

‘‘Kathañca, bhikkhave, dhātunānattaṃ paṭicca uppajjati phassanānattaṃ? Cakkhudhātuṃ, bhikkhave, paṭicca uppajjati cakkhusamphasso. Sotadhātuṃ paṭicca... ghānadhātuṃ paṭicca ... jivhādhatuṃ paṭicca... kāyadhātuṃ paṭicca... manodhātuṃ paṭicca uppajjati manosamphasso. Evaṃ kho, bhikkhave, dhātunānattaṃ paṭicca uppajjati phassanānatta’’nti. Dutiyamaṃ.

##### 3. Nophassanānattasuttaṃ

**87.** Sāvattthiyaṃ viharati...pe... ‘‘dhātunānattaṃ, bhikkhave, paṭicca uppajjati phassanānattaṃ, no phassanānattaṃ paṭicca uppajjati dhātunānattaṃ. Katamañca, bhikkhave, dhātunānattaṃ? Cakkhudhātu...pe... manodhātu – idaṃ vuccati, bhikkhave, dhātunānattaṃ’’.

‘‘Kathañca, bhikkhave, dhātunānattaṃ paṭicca uppajjati phassanānattaṃ, no phassanānattaṃ paṭicca uppajjati dhātunānattaṃ? Cakkhudhātuṃ, bhikkhave, paṭicca uppajjati cakkhusamphasso, no cakkhusamphassaṃ paṭicca uppajjati cakkhudhātu...pe... manodhātuṃ paṭicca uppajjati manosamphasso, no manosamphassaṃ paṭicca uppajjati manodhātu. Evaṃ kho, bhikkhave, dhātunānattaṃ paṭicca uppajjati phassanānattaṃ, no phassanānattaṃ paṭicca uppajjati dhātunānatta’’nti. Tatiyamaṃ.

##### 4. Vedanānānattasuttaṃ



**88.** Sāvattthiyaṃ viharati...pe... “dhātunānattaṃ, bhikkhave, paṭicca uppajjati phassaṇānattaṃ, phassaṇānattaṃ paṭicca uppajjati vedanānānattaṃ. Katamañca, bhikkhave, dhātunānattaṃ? Cakkhudhātu...pe... manodhātu – idaṃ vuccati, bhikkhave, dhātunānattaṃ”.

“Kathañca, bhikkhave, dhātunānattaṃ paṭicca uppajjati phassaṇānattaṃ, phassaṇānattaṃ paṭicca uppajjati vedanānānattaṃ? Cakkhudhātuṃ, bhikkhave, paṭicca uppajjati cakkhusamphasso, cakkhusamphassaṃ paṭicca uppajjati cakkhusamphassajā vedanā...pe... manodhātuṃ paṭicca uppajjati manosamphasso, manosamphassaṃ paṭicca uppajjati manosamphassajā vedanā. Evaṃ kho, bhikkhave, dhātunānattaṃ paṭicca uppajjati phassaṇānattaṃ, phassaṇānattaṃ paṭicca uppajjati vedanānānatta”nti. Catutthaṃ.

### 5. Dutiyavedanānānattasuttaṃ

**89.** Sāvattthiyaṃ viharati...pe... “dhātunānattaṃ, bhikkhave, paṭicca uppajjati phassaṇānattaṃ, phassaṇānattaṃ paṭicca uppajjati vedanānānattaṃ, no vedanānānattaṃ paṭicca uppajjati phassaṇānattaṃ, no phassaṇānattaṃ paṭicca uppajjati dhātunānattaṃ. Katamañca, bhikkhave, dhātunānattaṃ? Cakkhudhātu...pe... manodhātu – idaṃ vuccati, bhikkhave, dhātunānattaṃ”.

“Kathañca, bhikkhave, dhātunānattaṃ paṭicca uppajjati phassaṇānattaṃ, phassaṇānattaṃ paṭicca uppajjati vedanānānattaṃ, no vedanānānattaṃ paṭicca uppajjati phassaṇānattaṃ, no phassaṇānattaṃ paṭicca uppajjati dhātunānattaṃ? Cakkhudhātuṃ, bhikkhave, paṭicca uppajjati cakkhusamphasso, cakkhusamphassaṃ paṭicca uppajjati cakkhusamphassajā vedanā, no cakkhusamphassaṃ vedanaṃ paṭicca uppajjati cakkhusamphasso, no cakkhusamphassaṃ paṭicca uppajjati cakkhudhātu...pe... manodhātuṃ paṭicca uppajjati manosamphasso, manosamphassaṃ paṭicca uppajjati manosamphassajā vedanā, no manosamphassaṃ vedanaṃ paṭicca uppajjati manosamphasso, no manosamphassaṃ paṭicca uppajjati manodhātu. Evaṃ kho, bhikkhave, dhātunānattaṃ paṭicca uppajjati phassaṇānattaṃ, phassaṇānattaṃ paṭicca uppajjati vedanānānattaṃ, no vedanānānattaṃ paṭicca uppajjati phassaṇānattaṃ, no phassaṇānattaṃ paṭicca uppajjati dhātunānatta”nti. Pañcamaṃ.

### 6. Bāhiradhātunānattasuttaṃ

**90.** Sāvattthiyaṃ viharati...pe... “dhātunānattaṃ vo, bhikkhave, desessāmi. Taṃ suṇātha...pe... katamañca, bhikkhave, dhātunānattaṃ? Rūpadhātu saddadhātu gandhadhātu rasadhātu phoṭṭhabbhadhātu dhammadhātu – idaṃ vuccati, bhikkhave, dhātunānatta”nti. Chaṭṭhaṃ.

### 7. Saññānānattasuttaṃ

**91.** Sāvattthiyaṃ viharati...pe... “bhadante”ti te bhikkhū bhagavato paccassosum. Bhagavā etadavoca – “dhātunānattaṃ, bhikkhave, paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ, saṅkappanānattaṃ paṭicca uppajjati chandanānattaṃ, chandanānattaṃ paṭicca uppajjati pariḷāhanānattaṃ, pariḷāhanānattaṃ paṭicca uppajjati pariyesanānānattaṃ. Katamañca, bhikkhave, dhātunānattaṃ? Rūpadhātu...pe... dhammadhātu – idaṃ vuccati, bhikkhave, dhātunānattaṃ”.

“Kathañca, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ, saṅkappanānattaṃ paṭicca uppajjati chandanānattaṃ, chandanānattaṃ paṭicca uppajjati pariḷāhanānattaṃ, pariḷāhanānattaṃ paṭicca uppajjati pariyesanānānattaṃ?

“Rūpadhātuṃ, bhikkhave, paṭicca uppajjati rūpasaññā, rūpasaññaṃ paṭicca uppajjati rūpasāṅkappo, rūpasāṅkappaṃ paṭicca uppajjati rūpacchando, rūpacchandaṃ paṭicca uppajjati rūpariḷāho, rūpariḷāhaṃ paṭicca uppajjati rūpariyesanā...pe... dhammadhātuṃ paṭicca uppajjati

dhammasaññā, dhammasaññaṃ paṭicca uppajjati dhammasaṅkappo, dhammasaṅkappaṃ paṭicca uppajjati dhammacchando, dhammacchandaṃ paṭicca uppajjati dhammapariḷāho, dhammapariḷāhaṃ paṭicca uppajjati dhammapariyesanā.

“Evaṃ, kho, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ, saṅkappanānattaṃ paṭicca uppajjati chandanānattaṃ, chandanānattaṃ paṭicca uppajjati pariḷāhanānattaṃ, pariḷāhanānattaṃ paṭicca uppajjati pariyesanānānatta”nti. Sattamaṃ.

## 8. Nopariyesanānānattasuttaṃ

92. Sāvattthiyaṃ viharati...pe... “dhātunānattaṃ, bhikkhave, paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ, saṅkappanānattaṃ paṭicca uppajjati chandanānattaṃ, chandanānattaṃ paṭicca uppajjati pariḷāhanānattaṃ, pariḷāhanānattaṃ paṭicca uppajjati pariyesanānānattaṃ; no pariyesanānānattaṃ paṭicca uppajjati pariḷāhanānattaṃ, no pariḷāhanānattaṃ paṭicca uppajjati chandanānattaṃ, no chandanānattaṃ paṭicca uppajjati saṅkappanānattaṃ, no saṅkappanānattaṃ paṭicca uppajjati saññānānattaṃ, no saññānānattaṃ paṭicca uppajjati dhātunānattaṃ. Katamañca, bhikkhave, dhātunānattaṃ? Rūpadhātu...pe... dhammadhātu – idaṃ vuccati, bhikkhave, dhātunānattaṃ”.

“Kathañca, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati...pe... pariyesanānānattaṃ; no pariyesanānānattaṃ paṭicca uppajjati pariḷāhanānattaṃ, no pariḷāhanānattaṃ paṭicca uppajjati chandanānattaṃ, no chandanānattaṃ paṭicca uppajjati saṅkappanānattaṃ, no saṅkappanānattaṃ paṭicca uppajjati saññānānattaṃ, no saññānānattaṃ paṭicca uppajjati dhātunānattaṃ?

“Rūpadhātuṃ, bhikkhave, paṭicca uppajjati rūpasaññā...pe... dhammadhātuṃ paṭicca uppajjati dhammasaññā, dhammasaññaṃ paṭicca uppajjati...pe... dhammapariyesanā; no dhammapariyesanaṃ paṭicca uppajjati dhammapariḷāho, no dhammapariḷāhaṃ paṭicca uppajjati dhammacchando, no dhammacchandaṃ paṭicca uppajjati dhammasaṅkappo, no dhammasaṅkappaṃ paṭicca uppajjati dhammasaññā, no dhammasaññaṃ paṭicca uppajjati dhammadhātu.

“Evaṃ kho, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati...pe... pariyesanānānattaṃ; no pariyesanānānattaṃ paṭicca uppajjati pariḷāhanānattaṃ, no pariḷāhanānattaṃ paṭicca uppajjati chandanānattaṃ, no chandanānattaṃ paṭicca uppajjati saṅkappanānattaṃ, no saṅkappanānattaṃ paṭicca uppajjati saññānānattaṃ, no saññānānattaṃ paṭicca uppajjati dhātunānatta”nti. Aṭṭhamamaṃ.

## 9. Bāhiraphassanānānattasuttaṃ

93. Sāvattthiyaṃ viharati...pe... “dhātunānattaṃ, bhikkhave, paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ, saṅkappanānattaṃ paṭicca uppajjati phassanānattaṃ, phassanānattaṃ paṭicca uppajjati vedanānānattaṃ, vedanānānattaṃ paṭicca uppajjati chandanānattaṃ, chandanānattaṃ paṭicca uppajjati pariḷāhanānattaṃ, pariḷāhanānattaṃ paṭicca uppajjati pariyesanānānattaṃ, pariyesanānānattaṃ paṭicca uppajjati lābhanānattaṃ. Katamañca, bhikkhave, dhātunānattaṃ? Rūpadhātu...pe... dhammadhātu – idaṃ vuccati, bhikkhave, dhātunānattaṃ”.

“Kathañca, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati...pe... lābhanānattaṃ?

“Rūpadhātuṃ, bhikkhave, paṭicca uppajjati rūpasaññā, rūpasaññaṃ paṭicca uppajjati rūpasaṅkappo, rūpasaṅkappaṃ paṭicca uppajjati rūpasamphasso, rūpasamphassaṃ paṭicca uppajjati

rūpasamphassajā vedanā, rūpasamphassajaṃ vedanaṃ paṭicca uppajjati rūpacchando, rūpacchandaṃ paṭicca uppajjati rūpapariḷāho, rūpapariḷāhaṃ paṭicca uppajjati rūpapariyesanā, rūpapariyesanaṃ paṭicca uppajjati rūpalābho...pe... dhammadhātuṃ paṭicca uppajjati dhammasaññā, dhammasaññaṃ paṭicca uppajjati dhammasaṅkappo, dhammasaṅkappaṃ paṭicca uppajjati dhammasamphasso, dhammasamphassaṃ paṭicca uppajjati dhammasamphassajā vedanā, dhammasamphassajaṃ vedanaṃ paṭicca uppajjati dhammacchando, dhammacchandaṃ paṭicca uppajjati dhammapariḷāho, dhammapariḷāhaṃ paṭicca uppajjati dhammapariyesanā, dhammapariyesanaṃ paṭicca uppajjati dhammalābho.

“Evaṃ kho, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati...pe... pariyesanānānattaṃ, pariyesanānānattaṃ paṭicca uppajjati lābhanānatta”nti. Navamaṃ.

### 10. Dutiyabāhiraphassanānattasuttaṃ

94. Sāvattiyaṃ viharati...pe... “dhātunānattaṃ, bhikkhave, paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ, phassa... vedanā... chanda... pariḷāha... pariyesanānānattaṃ paṭicca uppajjati lābhanānattaṃ; no lābhanānattaṃ paṭicca uppajjati pariyesanānānattaṃ, no pariyesanānānattaṃ paṭicca uppajjati pariḷāhanānattaṃ, no pariḷāhanānattaṃ paṭicca uppajjati...pe... chanda... vedanā... phassa... saṅkappa... saññānānattaṃ, no saññānānattaṃ paṭicca uppajjati dhātunānattaṃ. Katamañca, bhikkhave, dhātunānattaṃ? Rūpadhātu...pe... dhammadhātu – idaṃ vuccati, bhikkhave, dhātunānattaṃ”.

“Kathañca, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati saṅkappanānattaṃ? Phassa... vedanā... chanda... pariḷāha... pariyesanā... lābha... no lābhanānattaṃ paṭicca uppajjati pariyesanānānattaṃ, no pariyesanānānattaṃ paṭicca uppajjati pariḷāha... chanda... vedanā... phassa... no saṅkappanānattaṃ paṭicca uppajjati saññānānattaṃ, no saññānānattaṃ paṭicca uppajjati dhātunānattaṃ?

“Rūpadhātuṃ, bhikkhave, paṭicca uppajjati rūpasaññā...pe... dhammadhātuṃ paṭicca uppajjati dhammasaññā, dhammasaññaṃ paṭicca uppajjati...pe... dhammapariyesanā, dhammapariyesanaṃ paṭicca uppajjati dhammalābho; no dhammalābhaṃ paṭicca uppajjati dhammapariyesanā, no dhammapariyesanaṃ paṭicca uppajjati dhammapariḷāho, no dhammapariḷāhaṃ paṭicca uppajjati dhammacchando, no dhammacchandaṃ paṭicca uppajjati dhammasamphassajā vedanā, no dhammasamphassajaṃ vedanaṃ paṭicca uppajjati dhammasamphasso, no dhammasamphassaṃ paṭicca uppajjati dhammasaṅkappo, no dhammasaṅkappaṃ paṭicca uppajjati dhammasaññā, no dhammasaññaṃ paṭicca uppajjati dhammadhātu.

“Evaṃ kho, bhikkhave, dhātunānattaṃ paṭicca uppajjati saññānānattaṃ, saññānānattaṃ paṭicca uppajjati...pe... saṅkappa... phassa... vedanā... chanda... pariḷāha... pariyesanā... lābha... no lābhanānattaṃ paṭicca uppajjati pariyesanānānattaṃ, no pariyesanānānattaṃ paṭicca uppajjati pariḷāhanānattaṃ, no pariḷāhanānattaṃ paṭicca uppajjati chandanānattaṃ, no chandanānattaṃ paṭicca uppajjati vedanānānattaṃ, no vedanānānattaṃ paṭicca uppajjati phassanānattaṃ, no phassanānattaṃ paṭicca uppajjati saṅkappanānattaṃ, no saṅkappanānattaṃ paṭicca uppajjati saññānānattaṃ, no saññānānattaṃ paṭicca uppajjati dhātunānatta”nti. Dasamaṃ.

Nānattavaggo paṭhamo.

Tassuddānaṃ –

Dhātuphassañca no cetamaṃ, vedanā apare duve;  
Etaṃ ajjhattapañcakaṃ, dhātusaññañca no cetamaṃ;

Phassassa apare duve, etaṃ bāhirapañcakanti.

## 2. Dutiyavaggo

### 1. Sattadhātusuttaṃ

95. Sāvattthiyaṃ viharati...pe... “sattimā, bhikkhave, dhātuyo. Katamā satta? Ābhādhātu, subhadhātu, ākāsānañcāyatanadhātu, viññāṇañcāyatanadhātu, ākiñcaññāyatanadhātu, nevasaññānāsaññāyatanadhātu, saññāvedayitanirodhadhātu – imā kho, bhikkhave, satta dhātuyo”ti.

Evam vutte, aññataro bhikkhu bhagavantaṃ etadavoca – “yā cāyaṃ, bhante, ābhādhātu yā ca subhadhātu yā ca ākāsānañcāyatanadhātu yā ca viññāṇañcāyatanadhātu yā ca ākiñcaññāyatanadhātu yā ca nevasaññānāsaññāyatanadhātu yā ca saññāvedayitanirodhadhātu – imā nu kho, bhante, dhātuyo kiṃ paṭicca paññāyanti”ti?

“Yāyaṃ, bhikkhu, ābhādhātu – ayaṃ dhātu andhakāraṃ paṭicca paññāyati. Yāyaṃ, bhikkhu, subhadhātu – ayaṃ dhātu asubhaṃ paṭicca paññāyati. Yāyaṃ, bhikkhu, ākāsānañcāyatanadhātu – ayaṃ dhātu rūpaṃ paṭicca paññāyati. Yāyaṃ, bhikkhu, viññāṇañcāyatanadhātu – ayaṃ dhātu ākāsānañcāyatanāṃ paṭicca paññāyati. Yāyaṃ, bhikkhu, ākiñcaññāyatanadhātu – ayaṃ dhātu viññāṇañcāyatanāṃ paṭicca paññāyati. Yāyaṃ, bhikkhu, nevasaññānāsaññāyatanadhātu – ayaṃ dhātu ākiñcaññāyatanāṃ paṭicca paññāyati. Yāyaṃ, bhikkhu, saññāvedayitanirodhadhātu – ayaṃ dhātu nirodhaṃ paṭicca paññāyati”ti.

“Yā cāyaṃ, bhante, ābhādhātu yā ca subhadhātu yā ca ākāsānañcāyatanadhātu yā ca viññāṇañcāyatanadhātu yā ca ākiñcaññāyatanadhātu yā ca nevasaññānāsaññāyatanadhātu yā ca saññāvedayitanirodhadhātu – imā nu kho, bhante, dhātuyo kathaṃ samāpatti pattaḃbā”ti?

“Yā cāyaṃ, bhikkhu, ābhādhātu yā ca subhadhātu yā ca ākāsānañcāyatanadhātu yā ca viññāṇañcāyatanadhātu yā ca ākiñcaññāyatanadhātu – imā dhātuyo saññāsamāpatti pattaḃbā. Yāyaṃ, bhikkhu, nevasaññānāsaññāyatanadhātu – ayaṃ dhātu saññāsamāpatti pattaḃbā. Yāyaṃ, bhikkhu, saññāvedayitanirodhadhātu – ayaṃ dhātu nirodhasamāpatti pattaḃbā”ti. Paṭhamaṃ.

### 2. Sanidānasuttaṃ

96. Sāvattthiyaṃ viharati...pe... “sanidānaṃ, bhikkhave, uppajjati kāmavitakko, no anidānaṃ; sanidānaṃ uppajjati byāpādavitakko, no anidānaṃ; sanidānaṃ uppajjati vihiṃsāvitakko, no anidānaṃ”.

“Kathaṃca, bhikkhave, sanidānaṃ uppajjati kāmavitakko, no anidānaṃ; sanidānaṃ uppajjati byāpādavitakko, no anidānaṃ; sanidānaṃ uppajjati vihiṃsāvitakko, no anidānaṃ? Kāmadhātuṃ, bhikkhave, paṭicca uppajjati kāmasaññā, kāmasaññaṃ paṭicca uppajjati kāmasañkappo, kāmasañkappaṃ paṭicca uppajjati kāmaccando, kāmaccandaṃ paṭicca uppajjati kāmāpariḷāho, kāmāpariḷāhaṃ paṭicca uppajjati kāmāpariyesanā. Kāmāpariyesanaṃ, bhikkhave, pariyesamāno assutavā puthujjano tīhi ṭhānehi micchā paṭipajjati – kāyena, vācāya, manasā.

“Byāpādadhātuṃ, bhikkhave, paṭicca uppajjati byāpādasaññā, byāpādasaññaṃ paṭicca uppajjati byāpādasañkappo...pe... byāpādaccando... byāpādāpariḷāho... byāpādāpariyesanā... byāpādāpariyesanaṃ, bhikkhave, pariyesamāno assutavā puthujjano tīhi ṭhānehi micchā paṭipajjati – kāyena, vācāya, manasā.

“Vihimsādhātuṃ, bhikkhave, paṭicca uppajjati vihiṃsāsaññā; vihiṃsāsaññaṃ paṭicca uppajjati vihiṃsāsañkappo...pe... vihiṃsācchando... vihiṃsāpariḷāho... vihiṃsāpariyesanā...

vihimsāpariyesanam, bhikkhave, pariyesamāno assutavā puthujjano tīhi ṭhānehi micchā paṭipajjati – kāyena, vācāya, manasā.

“Seyyathāpi, bhikkhave, puriso ādittam tiṇukkam sukkhe tiṇadāye nikkhipeyya; no ce hatthehi ca pādehi ca khippameva nibbāpeyya. Evañhi, bhikkhave, ye tiṇakaṭṭhanissitā pāṇā te anayabyasanam āpajjeyyūṃ. Evameva kho, bhikkhave, yo hi koci samaṇo vā brāhmaṇo vā uppannam visamagataṃ saññaṃ na khippameva pajahati vinodeti byantīkaroti anabhāvaṃ gameti, so diṭṭhe ceva dhamme dukkham viharati savighātaṃ saupāyāsam sapariḷāham; kāyassa ca bhedaṃ paraṃ maraṇā duggati pāṭikaṅkhā.

“Sanidānam, bhikkhave, uppajjati nekkhamavitakko, no anidānam; sanidānam uppajjati abyāpādavitakko, no anidānam; sanidānam uppajjati avihimsāvitakko, no anidānam.

“Kathaṅca, bhikkhave, sanidānam uppajjati nekkhamavitakko, no anidānam; sanidānam uppajjati abyāpādavitakko, no anidānam; sanidānam uppajjati avihimsāvitakko, no anidānam? Nekkhammadhātum, bhikkhave, paṭicca uppajjati nekkhammasañña, nekkhammasaññaṃ paṭicca uppajjati nekkhammasaṅkappo, nekkhammasaṅkappam paṭicca uppajjati nekkhammacchando, nekkhammacchandaṃ paṭicca uppajjati nekkhammapariḷāho, nekkhammapariḷāham paṭicca uppajjati nekkhammapariyesanā; nekkhammapariyesanam, bhikkhave, pariyesamāno sutavā ariyasāvako tīhi ṭhānehi sammā paṭipajjati – kāyena, vācāya, manasā.

“Abyāpādadhātum, bhikkhave, paṭicca uppajjati abyāpādasañña, abyāpādasaññaṃ paṭicca uppajjati abyāpādasaṅkappo...pe... abyāpādacchando... abyāpādapariḷāho... abyāpādapariyesanā, abyāpādapariyesanam, bhikkhave, pariyesamāno sutavā ariyasāvako tīhi ṭhānehi sammā paṭipajjati – kāyena, vācāya, manasā.

“Avihimsādhātum, bhikkhave, paṭicca uppajjati avihimsāsañña, avihimsāsaññaṃ paṭicca uppajjati avihimsāsaṅkappo, avihimsāsaṅkappam paṭicca uppajjati avihimsāchando, avihimsāchandaṃ paṭicca uppajjati avihimsāpariḷāho, avihimsāpariḷāham paṭicca uppajjati avihimsāpariyesanā; avihimsāpariyesanam, bhikkhave, pariyesamāno sutavā ariyasāvako tīhi ṭhānehi sammā paṭipajjati – kāyena, vācāya, manasā.

“Seyyathāpi, bhikkhave, puriso ādittam tiṇukkam sukkhe tiṇadāye nikkhipeyya; tamenam hatthehi ca pādehi ca khippameva nibbāpeyya. Evañhi, bhikkhave, ye tiṇakaṭṭhanissitā pāṇā te na anayabyasanam āpajjeyyūṃ. Evameva kho, bhikkhave, yo hi koci samaṇo vā brāhmaṇo vā uppannam visamagataṃ saññaṃ khippameva pajahati vinodeti byantīkaroti anabhāvaṃ gameti, so diṭṭhe ceva dhamme sukham viharati avighātaṃ anupāyāsam apariḷāham; kāyassa ca bhedaṃ paraṃ maraṇā sugati pāṭikaṅkhā”ti. Dutiyam.

### 3. Giṇjakāvasathasuttam

97. Ekaṃ samayaṃ bhagavā nātike viharati giṇjakāvasathe. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca –

“Dhātum, bhikkhave, paṭicca uppajjati sañña, uppajjati diṭṭhi, uppajjati vitakko”ti. Evaṃ vutte, āyasmā kaccāno [saddho kaccāno (ka.)] bhagavantam etadavoca – “yāyam, bhante, diṭṭhi – ‘asammāsambuddhesu sammāsambuddhā’ti, ayam nu kho, bhante, diṭṭhi kiṃ paṭicca paññāyatī”ti?

“Mahati kho esā, kaccāna, dhātu yadidaṃ avijjādhātu. Hīnam, kaccāna, dhātum paṭicca uppajjati hīnā sañña, hīnā diṭṭhi, hīno vitakko, hīnā cetanā, hīnā patthanā, hīno paṇidhi, hīno puggalo, hīnā vācā; hīnam ācikkhati deseti paññapeti paṭṭhapeti vivarati vibhajati uttānīkaroti; hīnā tassa upapattīti vadāmi.

“Majjhimaṃ, kaccāna, dhātuṃ paṭicca uppajjati majjhimā saññā, majjhimā diṭṭhi, majjhimo vitakko, majjhimā cetanā, majjhimā patthanā, majjhimo paṇidhi, majjhimo puggalo, majjhimā vācā; majjhimaṃ ācikkhati deseti paññapeti paṭṭhapeti vivarati vibhajati uttānīkaroti; majjhimā tassa upapattīti vadāmi.

“Paṇītaṃ, kaccāna, dhātuṃ paṭicca uppajjati paṇīta saññā, paṇīta diṭṭhi, paṇīto vitakko, paṇīta cetanā, paṇīta patthanā, paṇīto paṇidhi, paṇīto puggalo, paṇīta vācā; paṇītaṃ ācikkhati deseti paññapeti paṭṭhapeti vivarati vibhajati uttānīkaroti; paṇīta tassa upapattīti vadāmi”ti. Tatiyaṃ.

#### 4. Hīnādhimuttikasuttaṃ

98. Sāvattiyaṃ viharati...pe... “dhātusova [dhātuso (sī. pī.) ayañca paṭhamārambhavākyeyeva, na sabbattha. tīsu pana addhāsu ca upamāsaṃsandananigamanaṭṭhāne ca idaṃ pāṭhanānattaṃ natthi], bhikkhave, sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti; kalyāṇādhimuttikā kalyāṇādhimuttikehi saddhiṃ saṃsandanti samenti”.

“Atītampi kho [khosaddo sī. syā. kaṃ. pī. potthakesu natthi], bhikkhave, addhānaṃ dhātusova [īdisesu ṭhānesu pāṭhanānattaṃ natthi] sattā saṃsandimṣu samimṣu. Hīnādhimuttikā hīnādhimuttikehi saddhiṃ saṃsandimṣu samimṣu; kalyāṇādhimuttikā kalyāṇādhimuttikehi saddhiṃ saṃsandimṣu samimṣu.

“Anāgatampi kho [khosaddo sī. syā. kaṃ. pī. potthakesu natthi], bhikkhave, addhānaṃ dhātusova [īdisesu ṭhānesu pāṭhanānattaṃ natthi] sattā saṃsandissanti samessanti. Hīnādhimuttikā hīnādhimuttikehi saddhiṃ saṃsandissanti samessanti; kalyāṇādhimuttikā kalyāṇādhimuttikehi saddhiṃ saṃsandissanti samessanti.

“Etarahipi kho [khosaddo sī. syā. kaṃ. pī. potthakesu natthi], bhikkhave, paccuppannaṃ addhānaṃ dhātusova [īdisesu ṭhānesu pāṭhanānattaṃ natthi] sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti; kalyāṇādhimuttikā kalyāṇādhimuttikehi saddhiṃ saṃsandanti samenti”ti. Catutthaṃ.

#### 5. Caṅkamasuttaṃ

99. Ekaṃ samayaṃ bhagavā rājagahe viharati giṃjhakūṭe pabbate. Tena kho pana samayena āyasmā sārīputto sambahulehi bhikkhūhi saddhiṃ bhagavato avidūre caṅkamati; āyasmāpi kho mahāmoggallāno sambahulehi bhikkhūhi saddhiṃ bhagavato avidūre caṅkamati; āyasmāpi kho mahākassapo sambahulehi bhikkhūhi saddhiṃ bhagavato avidūre caṅkamati; āyasmāpi kho anuruddho sambahulehi bhikkhūhi saddhiṃ bhagavato avidūre caṅkamati; āyasmāpi kho puṇṇo mantāniputto sambahulehi bhikkhūhi saddhiṃ bhagavato avidūre caṅkamati; āyasmāpi kho upāli sambahulehi bhikkhūhi saddhiṃ bhagavato avidūre caṅkamati; āyasmāpi kho ānando sambahulehi bhikkhūhi saddhiṃ bhagavato avidūre caṅkamati; devadattopi kho sambahulehi bhikkhūhi saddhiṃ bhagavato avidūre caṅkamati.

Atha kho bhagavā bhikkhū āmantesi – “passatha no tumhe, bhikkhave, sārīputtaṃ sambahulehi bhikkhūhi saddhiṃ caṅkamanta”nti? “Evaṃ, bhante”. “Sabbe kho ete, bhikkhave, bhikkhū mahāpaññā. Passatha no tumhe, bhikkhave, moggallānaṃ sambahulehi bhikkhūhi saddhiṃ caṅkamanta”nti? “Evaṃ, bhante”. “Sabbe kho ete, bhikkhave, bhikkhū mahiddhikā. Passatha no tumhe, bhikkhave, kassapaṃ sambahulehi bhikkhūhi saddhiṃ caṅkamanta”nti? “Evaṃ, bhante”. “Sabbe kho ete, bhikkhave, bhikkhū dhutavādā. Passatha no tumhe, bhikkhave, anuruddhaṃ sambahulehi bhikkhūhi saddhiṃ caṅkamanta”nti? “Evaṃ, bhante”. “Sabbe kho ete, bhikkhave, bhikkhū dibbacakkhukā. Passatha no tumhe, bhikkhave, puṇṇaṃ mantāniputtaṃ sambahulehi bhikkhūhi saddhiṃ caṅkamanta”nti? “Evaṃ, bhante”. “Sabbe kho ete, bhikkhave, bhikkhū dhammakathikā.

Passatha no tumhe, bhikkhave, upāliṃ sambahulehi bhikkhūhi saddhiṃ caṅkamanta’nti? “Evaṃ, bhante”. “Sabbe kho ete, bhikkhave, bhikkhū vinayadharā. Passatha no tumhe, bhikkhave, ānandaṃ sambahulehi bhikkhūhi saddhiṃ caṅkamanta’nti? “Evaṃ, bhante”. “Sabbe kho ete, bhikkhave, bhikkhū bahussutā. Passatha no tumhe, bhikkhave, devadattaṃ sambahulehi bhikkhūhi saddhiṃ caṅkamanta’nti? “Evaṃ, bhante”. “Sabbe kho ete, bhikkhave, bhikkhū pāpicchā”.

“Dhātusova, bhikkhave, sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti; kalyāṇādhimuttikā kalyāṇādhimuttikehi saddhiṃ saṃsandanti samenti. Atītampi kho, bhikkhave, addhānaṃ dhātusova sattā saṃsandimṣu samimṣu. Hīnādhimuttikā hīnādhimuttikehi saddhiṃ saṃsandimṣu samimṣu; kalyāṇādhimuttikā kalyāṇādhimuttikehi saddhiṃ saṃsandimṣu samimṣu.

“Anāgatampi kho, bhikkhave, addhānaṃ dhātusova sattā saṃsandissanti samessanti. Hīnādhimuttikā hīnādhimuttikehi saddhiṃ saṃsandissanti samessanti; kalyāṇādhimuttikā kalyāṇādhimuttikehi saddhiṃ saṃsandissanti samessanti.

“Etarahipi kho, bhikkhave, paccuppannaṃ addhānaṃ dhātusova sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti; kalyāṇādhimuttikā kalyāṇādhimuttikehi saddhiṃ saṃsandanti samenti”ti. Pañcamaṃ.

## 6. Sagāthāsuttaṃ

**100.** Sāvatthiyaṃ viharati...pe... “dhātusova, bhikkhave, sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti. Atītampi kho, bhikkhave, addhānaṃ dhātusova sattā saṃsandimṣu samimṣu. Hīnādhimuttikā hīnādhimuttikehi saddhiṃ saṃsandimṣu samimṣu”.

“Anāgatampi kho, bhikkhave, addhānaṃ dhātusova sattā saṃsandissanti samessanti. Hīnādhimuttikā hīnādhimuttikehi saddhiṃ saṃsandissanti samessanti.

“Etarahipi kho, bhikkhave, paccuppannaṃ addhānaṃ dhātusova sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti.

“Seyyathāpi, bhikkhave, gūtho gūthena saṃsandati sameti; muttaṃ muttena saṃsandati sameti; kheḷo kheḷena saṃsandati sameti; pubbo pubbena saṃsandati sameti; lohitaṃ lohiteṇa saṃsandati sameti; evameva kho, bhikkhave, dhātusova [sabbatthapi evameva dissati] sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti. Atītampi kho addhānaṃ...pe... anāgatampi kho addhānaṃ...pe... etarahipi kho paccuppannaṃ addhānaṃ dhātusova sattā saṃsandanti samenti. Hīnādhimuttikā hīnādhimuttikehi saddhiṃ saṃsandanti samenti.

“Dhātusova bhikkhave, sattā saṃsandanti samenti. Kalyāṇādhimuttikā kalyāṇādhimuttikehi saddhiṃ saṃsandanti samenti. Atītampi kho, bhikkhave, addhānaṃ dhātusova sattā saṃsandimṣu samimṣu. Kalyāṇādhimuttikā kalyāṇādhimuttikehi saddhiṃ saṃsandimṣu samimṣu.

“Anāgatampi kho, bhikkhave, addhānaṃ...pe... etarahipi kho, bhikkhave, paccuppannaṃ addhānaṃ dhātusova sattā saṃsandanti samenti. Kalyāṇādhimuttikā kalyāṇādhimuttikehi saddhiṃ saṃsandanti samenti.

“Seyyathāpi, bhikkhave, khīraṃ khīrena saṃsandati sameti; telaṃ telena saṃsandati sameti; sappi sappinā saṃsandati sameti; madhu madhunā saṃsandati sameti; phāṇitaṃ phāṇiteṇa saṃsandati sameti; evameva kho, bhikkhave, dhātusova sattā saṃsandanti samenti. Kalyāṇādhimuttikā kalyāṇādhimuttikehi



saddhiṃ saṃsandanti samenti. Atītampi kho addhānaṃ... anāgatampi kho addhānaṃ... etarahipi kho paccuppannaṃ addhānaṃ dhātusova sattā saṃsandanti samenti. Kalyāṇādhimuttikā kalyāṇādhimuttikehi saddhiṃ saṃsandanti samenti”’ti.

Idamavoca bhagavā. Idam vatvāna sugato athāparaṃ etadavoca satthā –

“Samsaggā vanatho jāto, asamsaggena chijjati;  
Parittam dārumāruyha, yathā sīde mahaṇṇave.

“Evaṃ kusītamāgamma, sādhujiṅgipi sīdati;  
Tasmā taṃ parivajjeyya, kusītaṃ hīnavīriyaṃ.

“Pavivittehi ariyehi, pahitattehi jhāyīhi [jhāyīhi (sī.), jhāyībhi (syā. kaṃ.)];  
Niccaṃ āraddhavīriyehi, paṇḍitehi sahāvase”’ti.

## 7. Assaddhasaṃsandanasuttaṃ

**101.** Sāvatthiyaṃ viharati...pe... “dhātusova, bhikkhave, sattā saṃsandanti samenti. Assaddhā assaddhehi saddhiṃ saṃsandanti samenti; ahirikā ahirikehi saddhiṃ saṃsandanti samenti; anottappino anottappīhi saddhiṃ saṃsandanti samenti; appassutā appassutehi saddhiṃ saṃsandanti samenti; kusītā kusītehi saddhiṃ saṃsandanti samenti; muṭṭhassatino muṭṭhassatīhi saddhiṃ saṃsandanti samenti; duppaññā duppaññehi saddhiṃ saṃsandanti samenti”’.

“Atītampi kho, bhikkhave, addhānaṃ dhātusova sattā saṃsandimṣu samimṣu. Assaddhā assaddhehi saddhiṃ saṃsandimṣu samimṣu; ahirikā ahirikehi saddhiṃ saṃsandimṣu samimṣu; anottappino anottappīhi saddhiṃ saṃsandimṣu samimṣu; appassutā appassutehi saddhiṃ saṃsandimṣu samimṣu; kusītā kusītehi saddhiṃ saṃsandimṣu samimṣu; muṭṭhassatino muṭṭhassatīhi saddhiṃ saṃsandimṣu samimṣu; duppaññā duppaññehi saddhiṃ saṃsandimṣu samimṣu.

“Anāgatampi kho, bhikkhave, addhānaṃ dhātusova sattā saṃsandissanti samessanti. Assaddhā assaddhehi saddhiṃ saṃsandissanti samessanti; ahirikā ahirikehi saddhiṃ saṃsandissanti samessanti; anottappino anottappīhi saddhiṃ...pe... appassutā appassutehi saddhiṃ...pe... kusītā kusītehi saddhiṃ...pe... muṭṭhassatino muṭṭhassatīhi saddhiṃ...pe... duppaññā duppaññehi saddhiṃ saṃsandissanti samessanti.

“Etarahipi kho, bhikkhave, paccuppannaṃ addhānaṃ dhātusova sattā saṃsandanti samenti. Assaddhā assaddhehi saddhiṃ saṃsandanti samenti; ahirikā ahirikehi saddhiṃ...pe... anottappino anottappīhi saddhiṃ...pe... appassutā appassutehi saddhiṃ...pe... kusītā kusītehi saddhiṃ...pe... muṭṭhassatino muṭṭhassatīhi saddhiṃ saṃsandanti samenti; duppaññā duppaññehi saddhiṃ saṃsandanti samenti.

“Dhātusova, bhikkhave, sattā saṃsandanti samenti. Saddhā saddhehi saddhiṃ saṃsandanti samenti; hirimanā hirimanehi saddhiṃ saṃsandanti samenti; ottappino ottappīhi saddhiṃ saṃsandanti samenti; bahussutā bahussutehi saddhiṃ saṃsandanti samenti; āraddhavīriyā āraddhavīriyehi saddhiṃ saṃsandanti samenti; upaṭṭhitassatino upaṭṭhitassatīhi saddhiṃ saṃsandanti samenti; paññavanto paññavantehi saddhiṃ saṃsandanti samenti. Atītampi kho, bhikkhave, addhānaṃ...pe... anāgatampi kho, bhikkhave...pe... etarahipi kho, bhikkhave, paccuppannaṃ addhānaṃ dhātusova sattā saṃsandanti samenti. Saddhā saddhehi saddhiṃ saṃsandanti samenti; paññavanto paññavantehi saddhiṃ saṃsandanti samenti”’ti. Sattamaṃ.

## 8. Assaddhamūlakasuttaṃ

**102.** Sāvattھیyaṃ viharati...pe... “dhātusova, bhikkhave, sattā saṃsandanti samenti. Assaddhā assaddhehi saddhiṃ saṃsandanti samenti; ahirikā ahirikehi saddhiṃ saṃsandanti samenti; duppaññā duppaññehi saddhiṃ saṃsandanti samenti; saddhā saddhehi saddhiṃ saṃsandanti samenti; hirimanā hirimanehi saddhiṃ saṃsandanti samenti; paññavanto paññavantehi saddhiṃ saṃsandanti samenti. Atītampi kho, bhikkhave, addhānaṃ dhātusova sattā saṃsandimṃsu samimṃsu...pe... anāgatampi kho, bhikkhave, addhānaṃ dhātusova sattā saṃsandissanti samessanti...pe....

“Etarahipi kho, bhikkhave, paccuppannaṃ addhānaṃ dhātusova sattā saṃsandanti samenti. Assaddhā assaddhehi saddhiṃ saṃsandanti samenti; ahirikā ahirikehi saddhiṃ saṃsandanti samenti; duppaññā duppaññehi saddhiṃ saṃsandanti samenti; saddhā saddhehi saddhiṃ saṃsandanti samenti; hirimanā hirimanehi saddhiṃ saṃsandanti samenti; paññavanto paññavantehi saddhiṃ saṃsandanti samentīti. (1)

“Dhātusova, bhikkhave, sattā saṃsandanti samenti. Assaddhā assaddhehi saddhiṃ saṃsandanti samenti; anottappino anottappīhi saddhiṃ saṃsandanti samenti; duppaññā duppaññehi saddhiṃ saṃsandanti samenti; saddhā saddhehi saddhiṃ saṃsandanti samenti; ottappino ottappīhi saddhiṃ saṃsandanti samenti; paññavanto paññavantehi saddhiṃ saṃsandanti samenti...pe... paṭhamavāro viya vitthāretabbo. (2)

“Dhātusova, bhikkhave...pe... assaddhā assaddhehi saddhiṃ saṃsandanti samenti; appassutā appassutehi saddhiṃ saṃsandanti samenti; duppaññā duppaññehi saddhiṃ saṃsandanti samenti; saddhā saddhehi saddhiṃ saṃsandanti samenti; bahussutā bahussutehi saddhiṃ saṃsandanti samenti, paññavanto paññavantehi saddhiṃ saṃsandanti samenti...pe.... (3)

“Dhātusova, bhikkhave...pe... assaddhā assaddhehi saddhiṃ saṃsandanti samenti; kusītā kusītehi saddhiṃ saṃsandanti samenti; duppaññā duppaññehi saddhiṃ saṃsandanti samenti; saddhā saddhehi saddhiṃ saṃsandanti samenti; āradhāvīriyā āradhāvīriyehi saddhiṃ saṃsandanti samenti; paññavanto paññavantehi saddhiṃ saṃsandanti samenti...pe.... (4)

“Dhātusova, bhikkhave...pe... assaddhā assaddhehi saddhiṃ saṃsandanti samenti; muṭṭhassatino muṭṭhassatīhi saddhiṃ saṃsandanti samenti; duppaññā duppaññehi saddhiṃ saṃsandanti samenti; saddhā saddhehi saddhiṃ saṃsandanti samenti; upaṭṭhitassatino upaṭṭhitassatīhi saddhiṃ saṃsandanti samenti; paññavanto paññavantehi saddhiṃ saṃsandanti samentīti...pe.... Aṭṭhamaṃ. (5)

## 9. Ahirikamūlakasuttaṃ

**103.** Sāvattھیyaṃ viharati...pe... “dhātusova...pe... ahirikā ahirikehi saddhiṃ saṃsandanti samenti, anottappino anottappīhi saddhiṃ saṃsandanti samenti, duppaññā duppaññehi saddhiṃ saṃsandanti samenti; hirimanā hirimanehi saddhiṃ sasandanti samenti, ottappino ottappīhi saddhiṃ saṃsandanti samenti, paññavanto paññavantehi saddhiṃ saṃsandanti samenti...pe.... (1)

“Ahirikā ahirikehi saddhiṃ saṃsandanti samenti, appassutā appassutehi saddhiṃ saṃsandanti samenti, duppaññā duppaññehi saddhiṃ saṃsandanti samenti; hirimanā hirimanehi saddhiṃ saṃsandanti samenti, bahussutā bahussutehi saddhiṃ saṃsandanti samenti, paññavanto paññavantehi saddhiṃ saṃsandanti samenti...pe.... (2)

“Ahirikā ahirikehi saddhiṃ saṃsandanti samenti, kusītā kusītehi saddhiṃ saṃsandanti samenti, duppaññā duppaññehi saddhiṃ saṃsandanti samenti; hirimanā hirimanehi saddhiṃ saṃsandanti samenti, āradhāvīriyā āradhāvīriyehi saddhiṃ saṃsandanti samenti, paññavanto paññavantehi saddhiṃ saṃsandanti samenti...pe.... (3)

“Ahirikā ahirikehi saddhiṃ saṃsandanti samenti, muṭṭhassatino muṭṭhassatīhi saddhiṃ saṃsandanti samenti, duppaññā duppaññehi saddhiṃ saṃsandanti samenti; hirimanā hirimanehi saddhiṃ saṃsandanti samenti, upaṭṭhitassatino upaṭṭhitassatīhi saddhiṃ saṃsandanti samenti, paññavanto paññavantehi saddhiṃ saṃsandanti samentī...pe.... Navamaṃ. (4)

### 10. Anottappamūlakasuttaṃ

104. Sāvatthiyaṃ viharati...pe... “dhātusova, bhikkhave, sattā saṃsandanti samenti. Anottappino anottappīhi saddhiṃ saṃsandanti samenti; appassutā appassutehi saddhiṃ saṃsandanti samenti; duppaññā duppaññehi saddhiṃ saṃsandanti samenti; ottappino ottappīhi saddhiṃ saṃsandanti samenti; bahussutā bahussutehi saddhiṃ saṃsandanti samenti; paññavanto paññavantehi saddhiṃ saṃsandanti samenti...pe.... (1)

“Anottappino anottappīhi saddhiṃ saṃsandanti samenti; kusītā kusītehi saddhiṃ saṃsandanti samenti; duppaññā duppaññehi saddhiṃ saṃsandanti samenti; ottappino ottappīhi saddhiṃ saṃsandanti samenti; āraddhavīriyā āraddhavīriyehi saddhiṃ saṃsandanti samenti; paññavanto paññavantehi saddhiṃ saṃsandanti samenti...pe.... (2)

“Anottappino anottappīhi saddhiṃ saṃsandanti samenti; muṭṭhassatino muṭṭhassatīhi saddhiṃ saṃsandanti samenti; duppaññā duppaññehi saddhiṃ saṃsandanti samenti; ottappino ottappīhi saddhiṃ saṃsandanti samenti; upaṭṭhitassatino upaṭṭhitassatīhi saddhiṃ saṃsandanti samenti; paññavanto paññavantehi saddhiṃ saṃsandanti samentī...pe.... Dasamaṃ. (3)

### 11. Appassutamūlakasuttaṃ

105. Sāvatthiyaṃ viharati...pe... “dhātusova, bhikkhave, sattā saṃsandanti samenti. Appassutā appassutehi saddhiṃ saṃsandanti samenti; kusītā kusītehi saddhiṃ saṃsandanti samenti; duppaññā duppaññehi saddhiṃ saṃsandanti samenti; bahussutā bahussutehi saddhiṃ saṃsandanti samenti; āraddhavīriyā āraddhavīriyehi saddhiṃ saṃsandanti samenti; paññavanto paññavantehi saddhiṃ saṃsandanti samenti...pe.... (1)

“Appassutā appassutehi saddhiṃ saṃsandanti samenti; muṭṭhassatino muṭṭhassatīhi saddhiṃ saṃsandanti samenti; duppaññā duppaññehi saddhiṃ saṃsandanti samenti; bahussutā bahussutehi saddhiṃ saṃsandanti samenti; upaṭṭhitassatino upaṭṭhitassatīhi saddhiṃ saṃsandanti samenti; paññavanto paññavantehi saddhiṃ saṃsandanti samentī...pe.... Ekādasamaṃ. (2)

### 12. Kusītamūlakasuttaṃ

106. Sāvatthiyaṃ viharati...pe... “dhātusova, bhikkhave, sattā saṃsandanti samenti. Kusītā kusītehi saddhiṃ saṃsandanti samenti; muṭṭhassatino muṭṭhassatīhi saddhiṃ saṃsandanti samenti; duppaññā duppaññehi saddhiṃ saṃsandanti samenti; āraddhavīriyā āraddhavīriyehi saddhiṃ saṃsandanti samenti; upaṭṭhitassatino upaṭṭhitassatīhi saddhiṃ saṃsandanti samenti; paññavanto paññavantehi saddhiṃ saṃsandanti samentī...pe.... Dvādasamaṃ.

Dutiyo vaggo.

Tassuddānaṃ –

Sattimā sanidānañca, giñjakāvasathena ca;  
Hīnādhimutti caṅkamaṃ, sagāthā assaddhasattamaṃ.

Assaddhamūlakā pañca, cattāro ahirikamūlakā;  
Anottappamūlakā tīṇi, duve appassutena ca.

Kusītaṃ ekakaṃ vuttaṃ, suttantā tīṇi pañcakā;  
Bāvīsati vuttā suttā, dutiyo vaggo pavuccatīti.

### 3. Kammaopathavaggo

#### 1. Asamāhitasuttaṃ

**107.** Sāvattthiyaṃ viharati...pe... “dhātusova, bhikkhave, sattā saṃsandanti samenti. Assaddhā assaddhehi saddhiṃ saṃsandanti samenti; ahirikā ahirikehi saddhiṃ saṃsandanti samenti; anottappino anottappīhi saddhiṃ saṃsandanti samenti; asamāhitā asamāhitehi saddhiṃ saṃsandanti samenti; duppaññā duppaññehi saddhiṃ saṃsandanti samenti”.

“Saddhā saddhehi saddhiṃ saṃsandanti samenti; hirimanā hirimanehi saddhiṃ saṃsandanti samenti; ottappino ottappīhi saddhiṃ saṃsandanti samenti; samāhitā samāhitehi saddhiṃ saṃsandanti samenti; paññavanto paññavantehi saddhiṃ saṃsandanti samenti”ti. Paṭhamam.

#### 2. Dussīlasuttaṃ

**108.** Sāvattthiyaṃ viharati...pe... “dhātusova, bhikkhave, sattā saṃsandanti samenti. Assaddhā assaddhehi saddhiṃ saṃsandanti samenti; ahirikā ahirikehi saddhiṃ saṃsandanti samenti; anottappino anottappīhi saddhiṃ saṃsandanti samenti; dussīlā dussīlehi saddhiṃ saṃsandanti samenti; duppaññā duppaññehi saddhiṃ saṃsandanti samenti”.

“Saddhā saddhehi saddhiṃ saṃsandanti samenti; hirimanā hirimanehi saddhiṃ saṃsandanti samenti; ottappino ottappīhi saddhiṃ saṃsandanti samenti; sīlavanto sīlavantehi saddhiṃ saṃsandanti samenti; paññavanto paññavantehi saddhiṃ saṃsandanti samenti”ti. Dutiyam.

#### 3. Pañcasikkhāpadasuttaṃ

**109.** Sāvattthiyaṃ viharati...pe... “dhātusova, bhikkhave, sattā saṃsandanti samenti. Pāṇātipātino pāṇātipātīhi saddhiṃ saṃsandanti samenti; adinnādāyino adinnādāyīhi saddhiṃ saṃsandanti samenti; kāmesumicchācārino kāmesumicchācārīhi saddhiṃ saṃsandanti samenti; musāvādino musāvādīhi saddhiṃ saṃsandanti samenti; surāmerayamajjappamādaṭṭhāyino surāmerayamajjappamādaṭṭhāyīhi saddhiṃ saṃsandanti samenti”.

“Pāṇātipātā paṭiviratā pāṇātipātā paṭiviratehi saddhiṃ saṃsandanti samenti; adinnādānā paṭiviratā adinnādānā paṭiviratehi saddhiṃ saṃsandanti samenti; kāmesumicchācārā paṭiviratā kāmesumicchācārā paṭiviratehi saddhiṃ saṃsandanti samenti; musāvādā paṭiviratā musāvādā paṭiviratehi saddhiṃ saṃsandanti samenti; surāmerayamajjappamādaṭṭhānā paṭiviratā surāmerayamajjappamādaṭṭhānā paṭiviratehi saddhiṃ saṃsandanti samenti”ti. Tatiyam.

#### 4. Sattakammaopathasuttaṃ

**110.** Sāvattthiyaṃ viharati...pe... “dhātusova, bhikkhave, sattā saṃsandanti samenti. Pāṇātipātino pāṇātipātīhi saddhiṃ saṃsandanti samenti; adinnādāyino adinnādāyīhi saddhiṃ saṃsandanti samenti; kāmesumicchācārino kāmesumicchācārīhi saddhiṃ saṃsandanti samenti; musāvādino musāvādīhi saddhiṃ saṃsandanti samenti; piṣuṇavācā piṣuṇavācehi saddhiṃ saṃsandanti samenti; pharusavācā

pharusavācehi saddhiṃ saṃsandanti samenti; samphappalāpino samphappalāpīhi saddhiṃ saṃsandanti samenti”.

“Pāṇātipātā paṭiviratā...pe... adinnādānā paṭiviratā... kāmesumicchācārā paṭiviratā... musāvādā paṭiviratā... pisuṇāya vācāya paṭiviratā pisuṇāya vācāya paṭiviratehi saddhiṃ saṃsandanti samenti; pharusāya vācāya paṭiviratā pharusāya vācāya paṭiviratehi saddhiṃ saṃsandanti samenti; samphappalāpā paṭiviratā samphappalāpā paṭiviratehi saddhiṃ saṃsandanti samenti”’ti. Catuttham.

## 5. Dasakammapathasuttam

111. Sāvattthiyaṃ viharati...pe... “dhātusova, bhikkhave, sattā saṃsandanti samenti. Pāṇātipātino pāṇātipātīhi saddhiṃ saṃsandanti samenti; adinnādāyino...pe... kāmesumicchācārino... musāvādino... pisuṇavācā... pharusavācā... samphappalāpino samphappalāpīhi saddhiṃ saṃsandanti samenti; abhijjhāluno abhijjhālūhi saddhiṃ saṃsandanti samenti; byāpannacittā byāpannacittehi saddhiṃ saṃsandanti samenti; micchādīṭṭhikā micchādīṭṭhikehi saddhiṃ saṃsandanti samenti”.

“Pāṇātipātā paṭiviratā pāṇātipātā paṭiviratehi saddhiṃ saṃsandanti samenti; adinnādānā paṭiviratā...pe... kāmesumicchācārā paṭiviratā... musāvādā paṭiviratā... pisuṇāya vācāya... pharusāya vācāya... samphappalāpā paṭiviratā samphappalāpā paṭiviratehi saddhiṃ saṃsandanti samenti; anabhijjhāluno anabhijjhālūhi saddhiṃ saṃsandanti samenti; abyāpannacittā abyāpannacittehi saddhiṃ saṃsandanti samenti; sammādīṭṭhikā sammādīṭṭhikehi saddhiṃ saṃsandanti samenti”’ti. Pañcamam.

## 6. Aṭṭhaṅgikasuttam

112. Sāvattthiyaṃ viharati...pe... “dhātusova, bhikkhave, sattā saṃsandanti samenti. Micchādīṭṭhikā micchādīṭṭhikehi saddhiṃ saṃsandanti samenti; micchāsaṅkappā...pe... micchāvācā... micchākammantā... micchāājīvā... micchāvāyāmā... micchāsatino ... micchāsamādhino micchāsamādhīhi saddhiṃ saṃsandanti samenti. Sammādīṭṭhikā sammādīṭṭhikehi saddhiṃ saṃsandanti samenti; sammāsaṅkappā...pe... sammāvācā... sammākammantā... sammāājīvā... sammāvāyāmā... sammāsatino... sammāsamādhino sammāsamādhīhi saddhiṃ saṃsandanti samenti”’ti. Chaṭṭham.

## 7. Dasaṅgasuttam

113. Sāvattthiyaṃ viharati...pe... “dhātusova, bhikkhave, sattā saṃsandanti samenti. Micchādīṭṭhikā micchādīṭṭhikehi saddhiṃ saṃsandanti samenti; micchāsaṅkappā...pe... micchāvācā... micchākammantā... micchāājīvā... micchāvāyāmā... micchāsatino ... micchāsamādhino micchāsamādhīhi saddhiṃ saṃsandanti samenti; micchāñāṇino micchāñāṇīhi saddhiṃ saṃsandanti samenti; micchāvimuttino micchāvimuttīhi saddhiṃ saṃsandanti samenti”.

“Sammādīṭṭhikā sammādīṭṭhikehi saddhiṃ saṃsandanti samenti; sammāsaṅkappā...pe... sammāvācā... sammākammantā... sammāājīvā... sammāvāyāmā... sammāsatino... sammāsamādhino... sammāñāṇino sammāñāṇīhi saddhiṃ saṃsandanti samenti; sammāvimuttino sammāvimuttīhi saddhiṃ saṃsandanti samenti”’ti. Sattamam.

Sattannaṃ suttantaṇaṃ uddānaṃ –

Asamāhitaṃ dussīlaṃ, pañca sikkhāpadāni ca;  
Satta kammapathā vuttā, dasakammapathena ca;  
Chaṭṭham aṭṭhaṅgiko vutto, dasaṅgena ca sattamam.

Kammapathavaggo tatiyo.

## 4. Catutthavaggo

### 1. Catudhātusuttam

**114.** Ekam samayaṃ bhagavā sāvattthiyaṃ viharati jetavane anāthapiṇḍikassa ārāme...pe...  
“catasso imā, bhikkhave, dhātuyo. Katama catasso? Pathavīdhātu, āpodhātu, tejo dhātu, vāyodhātu – imā kho, bhikkhave, catasso dhātuyo”ti. Paṭhamam.

### 2. Pubbesambodhasuttam

**115.** Sāvattthiyaṃ viharati...pe... “pubbeva me, bhikkhave, sambodhā anabhisambuddhassa bodhisattasseva sato etadahosi – ‘ko nu kho pathavīdhātuyā assādo, ko ādīnavo, kiṃ nissaraṇam; ko āpodhātuyā assādo, ko ādīnavo, kiṃ nissaraṇam; ko tejo dhātuyā assādo, ko ādīnavo, kiṃ nissaraṇam; ko vāyodhātuyā assādo, ko ādīnavo, kiṃ nissaraṇa’”nti?

“Tassa mayham, bhikkhave, etadahosi – ‘yam kho pathavīdhātuṃ paṭicca uppajjati sukham somanassam, ayam pathavīdhātuyā assādo; yam [yā (sī.)] pathavīdhātu aniccā dukkhā vipariṇāmadhammā, ayam pathavīdhātuyā ādīnavo; yo pathavīdhātuyā chandarāgavinayo chandarāgappahānam, idaṃ pathavīdhātuyā nissaraṇam. Yam āpodhātuṃ paṭicca...pe... yam tejo dhātuṃ paṭicca...pe... yam vāyodhātuṃ paṭicca uppajjati sukham somanassam, ayam vāyodhātuyā assādo; yam vāyodhātu aniccā dukkhā vipariṇāmadhammā, ayam vāyodhātuyā ādīnavo; yo vāyodhātuyā chandarāgavinayo chandarāgappahānam, idaṃ vāyodhātuyā nissaraṇam’”.

“Yāvakiṅkaṇāham, bhikkhave, imāsam catunnam dhātūnam evaṃ assādaṅca assādato ādīnavaṅca ādīnavato nissaraṅca nissaraṇato yathābhūtam na abbaññāsim, neva tāvāham, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaram sammāsambodhiṃ abhisambuddhoti [abhisambuddho (sī. syā. kaṃ.)] paccaññāsim.

“Yato ca khvāham, bhikkhave, imāsam catunnam dhātūnam evaṃ assādaṅca assādato ādīnavaṅca ādīnavato nissaraṅca nissaraṇato yathābhūtam abbaññāsim, athāham, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaram sammāsambodhiṃ abhisambuddhoti paccaññāsim. Nānaṅca pana me dassanam udapādi – ‘akuppā me vimutti [cetovimutti (sī. pī. ka.)], ayamantimā jāti, natthi dāni punabbhavo’”ti. Dutiyam.

### 3. Acariṃsuttam

**116.** Sāvattthiyaṃ viharati...pe... “pathavīdhātuyāham, bhikkhave, assādapariyesanam acarim, yo pathavīdhātuyā assādo tadajjhagamam, yāvatā pathavīdhātuyā assādo paññāya me so sudiṭṭho. Pathavīdhātuyāham, bhikkhave, ādīnavapariyesanam acarim, yo pathavīdhātuyā ādīnavo tadajjhagamam, yāvatā pathavīdhātuyā ādīnavo paññāya me so sudiṭṭho. Pathavīdhātuyāham, bhikkhave, nissaraṇapariyesanam acarim, yam pathavīdhātuyā nissaraṇam tadajjhagamam, yāvatā pathavīdhātuyā nissaraṇam paññāya me tam sudiṭṭham”.

“Āpodhātuyāham, bhikkhave...pe... tejo dhātuyāham, bhikkhave... vāyodhātuyāham, bhikkhave, assādapariyesanam acarim, yo vāyodhātuyā assādo tadajjhagamam, yāvatā vāyodhātuyā assādo paññāya me so sudiṭṭho. Vāyodhātuyāham, bhikkhave, ādīnavapariyesanam acarim, yo vāyodhātuyā ādīnavo tadajjhagamam, yāvatā vāyodhātuyā ādīnavo paññāya me so sudiṭṭho. Vāyodhātuyāham, bhikkhave, nissaraṇapariyesanam acarim, yam vāyodhātuyā nissaraṇam tadajjhagamam, yāvatā vāyodhātuyā nissaraṇam paññāya me tam sudiṭṭham.

“Yāvakiṅkaṇāham, bhikkhave, imāsam catunnam dhātūnam assādaṅca assādato ādīnavaṅca

ādīnavato nissaraṇaṅca nissaraṇato yathābhūtaṃ na abbhaññāsiṃ, neva tāvāhaṃ, bhikkhave, sadevake loke samāraḷe sabrahmaḷe sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsiṃ.

“Yato ca khvāhaṃ, bhikkhave, imāsaṃ catunnaṃ dhātūnaṃ assādaṅca assādato ādīnavaṅca ādīnavato nissaraṇaṅca nissaraṇato yathābhūtaṃ abbhaññāsiṃ, athāhaṃ, bhikkhave, sadevake loke samāraḷe sabrahmaḷe sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsiṃ. Ñāṇaṅca pana me dassanaṃ udapādi – ‘akuppā me vimutti, ayamantimā jāti, natthi dāni punabbhavo’”ti. Tatiyaṃ.

#### 4. Nocedaṃsuttaṃ

117. Sāvattiyaṃ viharati...pe... “no cedaṃ, bhikkhave, pathavīdhātuyā assādo abhaviṣsa, nayidaṃ sattā pathavīdhātuyā sārājjeyyuṃ. Yasmā ca kho, bhikkhave, atthi pathavīdhātuyā assādo, tasmā sattā pathavīdhātuyā sārājanti. No cedaṃ, bhikkhave, pathavīdhātuyā ādīnavo abhaviṣsa, nayidaṃ sattā pathavīdhātuyā nibbindeyyuṃ. Yasmā ca kho, bhikkhave, atthi pathavīdhātuyā ādīnavo, tasmā sattā pathavīdhātuyā nibbindanti. No cedaṃ, bhikkhave, pathavīdhātuyā nissaraṇaṃ abhaviṣsa, nayidaṃ sattā pathavīdhātuyā nissareyyuṃ. Yasmā ca kho, bhikkhave, atthi pathavīdhātuyā nissaraṇaṃ, tasmā sattā pathavīdhātuyā nissaranti”.

“No cedaṃ, bhikkhave, āpodhātuyā assādo abhaviṣsa...pe... no cedaṃ, bhikkhave, tejodhātuyā... pe... no cedaṃ, bhikkhave, vāyodhātuyā assādo abhaviṣsa, nayidaṃ sattā vāyodhātuyā sārājjeyyuṃ. Yasmā ca kho, bhikkhave, atthi vāyodhātuyā assādo, tasmā sattā vāyodhātuyā sārājanti. No cedaṃ, bhikkhave, vāyodhātuyā ādīnavo abhaviṣsa, nayidaṃ sattā vāyodhātuyā nibbindeyyuṃ. Yasmā ca kho, bhikkhave, atthi vāyodhātuyā ādīnavo, tasmā sattā vāyodhātuyā nibbindanti. No cedaṃ, bhikkhave, vāyodhātuyā nissaraṇaṃ abhaviṣsa, nayidaṃ sattā vāyodhātuyā nissareyyuṃ. Yasmā ca kho, bhikkhave, atthi vāyodhātuyā nissaraṇaṃ, tasmā sattā vāyodhātuyā nissaranti.

“Yāvakiṅcime, bhikkhave, sattā imāsaṃ catunnaṃ dhātūnaṃ assādaṅca assādato ādīnavaṅca ādīnavato nissaraṇaṅca nissaraṇato yathābhūtaṃ na abbhaññāṃsu, neva tāvime bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭā viṣaṃyuttā vippamuttā vimariyādikatena cetasā vihariṃsu.

“Yato ca kho, bhikkhave, sattā imāsaṃ catunnaṃ dhātūnaṃ assādaṅca assādato ādīnavaṅca ādīnavato nissaraṇaṅca nissaraṇato yathābhūtaṃ abbhaññāṃsu, atha, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭā viṣaṃyuttā vippamuttā vimariyādikatena cetasā viharanti”ti. Catutthaṃ.

#### 5. Ekantaḍḍhasuttaṃ

118. Sāvattiyaṃ viharati...pe... “pathavīdhātu ce [ca (sī. syā. kaṃ.)] hidaṃ, bhikkhave, ekantaḍḍhā abhaviṣsa dukkhānupatitā dukkhāvakkantā anavakkantā sukhena, nayidaṃ sattā pathavīdhātuyā sārājjeyyuṃ. Yasmā ca kho, bhikkhave, pathavīdhātu sukhā sukhānupatitā sukhāvakkantā anavakkantā dukkhena, tasmā sattā pathavīdhātuyā sārājanti”.

“Āpodhātu ce hidaṃ, bhikkhave...pe... tejodhātu ce hidaṃ, bhikkhave... vāyodhātu ce hidaṃ, bhikkhave, ekantaḍḍhā abhaviṣsa dukkhānupatitā dukkhāvakkantā anavakkantā sukhena, nayidaṃ sattā vāyodhātuyā sārājjeyyuṃ. Yasmā ca kho, bhikkhave, vāyodhātu sukhā sukhānupatitā sukhāvakkantā anavakkantā dukkhena, tasmā sattā vāyodhātuyā sārājanti.

“Pathavīdhātu ce hidaṃ, bhikkhave, ekantasukhā abhaviṣsa sukhānupatitā sukhāvakkantā



anavakkantā dukkhena, nayidaṃ sattā pathavīdhātuyā nibbindeyyuṃ. Yasmā ca kho, bhikkhave, pathavīdhātu dukkhā dukkhānupatitā dukkhāvakkantā anavakkantā sukhena, tasmā sattā pathavīdhātuyā nibbindanti.

“Āpodhātu ce hidam, bhikkhave...pe... tejodhātu ce hidam, bhikkhave... vāyodhātu ce hidam, bhikkhave, ekantasukhā abhaviṣṣa sukhānupatitā sukhāvakkantā anavakkantā dukkhena, nayidaṃ sattā vāyodhātuyā nibbindeyyuṃ. Yasmā ca kho, bhikkhave, vāyodhātu dukkhā dukkhānupatitā dukkhāvakkantā anavakkantā sukhena, tasmā sattā vāyodhātuyā nibbindanti”ti. Pañcamam.

## 6. Abhinandasuttaṃ

119. Sāvattthiyaṃ viharati...pe... “yo, bhikkhave, pathavīdhātuṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi. Yo āpodhātuṃ abhinandati...pe... yo tejodhātuṃ... yo vāyodhātuṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi”.

“Yo ca kho, bhikkhave, pathavīdhātuṃ nābhinandati, dukkhaṃ so nābhinandati. Yo dukkhaṃ nābhinandati, parimutto so dukkhasmāti vadāmi. Yo āpodhātuṃ...pe... yo tejodhātuṃ... yo vāyodhātuṃ nābhinandati, dukkhaṃ so nābhinandati. Yo dukkhaṃ nābhinandati, parimutto so dukkhasmāti vadāmi”ti. Chaṭṭham.

## 7. Uppādasuttaṃ

120. Sāvattthiyaṃ viharati...pe... “yo, bhikkhave, pathavīdhātuyā uppādo ṭhiti abhinibbatti pātubhāvo, dukkhasseso uppādo rogānaṃ ṭhiti jarāmaṇassa pātubhāvo. Yo āpodhātuyā...pe... yo tejodhātuyā... yo vāyodhātuyā uppādo ṭhiti abhinibbatti pātubhāvo, dukkhasseso uppādo rogānaṃ ṭhiti jarāmaṇassa pātubhāvo”.

“Yo ca kho, bhikkhave, pathavīdhātuyā nirodho vūpasamo atthaṅgamo, dukkhasseso nirodho rogānaṃ vūpasamo jarāmaṇassa atthaṅgamo. Yo āpodhātuyā...pe... yo tejodhātuyā... yo vāyodhātuyā nirodho vūpasamo atthaṅgamo, dukkhasseso nirodho rogānaṃ vūpasamo jarāmaṇassa atthaṅgamo”ti. Sattamam.

## 8. Samaṇabrāhmaṇasuttaṃ

121. Sāvattthiyaṃ viharati...pe... “catasso imā, bhikkhave, dhātuyo. Katamā catasso? Pathavīdhātu, āpodhātu, tejodhātu, vāyodhātu. Ye hi keci, bhikkhave, samaṇā vā brāhmaṇā vā imāsaṃ catunnaṃ dhātūnaṃ assādañca ādīnavañca nissaraṇañca yathābhūtaṃ nappajānanti, na me te, bhikkhave, samaṇā vā brāhmaṇā vā samaṇesu vā samaṇasammatā brāhmaṇesu vā brāhmaṇasammatā; na ca pana te āyasmanto sāmaññatthaṃ vā brahmaññatthaṃ vā diṭṭheva dhamme sayam abhiññā sacchikatvā upasampajja viharanti”.

“Ye ca kho keci, bhikkhave, samaṇā vā brāhmaṇā vā imāsaṃ catunnaṃ dhātūnaṃ assādañca ādīnavañca nissaraṇañca yathābhūtaṃ pajānanti, te ca kho me, bhikkhave, samaṇā vā brāhmaṇā vā samaṇesu ceva samaṇasammatā brāhmaṇesu ca brāhmaṇasammatā; te ca pañāyasmanto sāmaññatthañca brahmaññatthañca diṭṭheva dhamme sayam abhiññā sacchikatvā upasampajja viharanti”ti. Aṭṭhamam.

## 9. Dutiyasamaṇabrāhmaṇasuttaṃ

122. Sāvattthiyaṃ viharati...pe... “catasso imā, bhikkhave, dhātuyo. Katamā catasso? Pathavīdhātu, āpodhātu, tejodhātu, vāyodhātu. Ye hi keci, bhikkhave, samaṇā vā brāhmaṇā vā imāsaṃ

catunnaṃ dhātūnaṃ samudayañca atthaṅgamañca assādañca ādīnavañca nissaraṇaṃca yathābhūtaṃ nappajānanti...pe... pajānanti...pe... sayāṃ abhiññā sacchikatvā upasampajja viharanti’ ti. Navamaṃ.

## 10. Tatiyasamaṇabrāhmaṇasuttaṃ

**123.** Sāvattthiyaṃ viharati...pe... “ye hi keci, bhikkhave, samaṇā vā brāhmaṇā vā pathavīdhātuṃ nappajānanti, pathavīdhātusamudayaṃ nappajānanti, pathavīdhātunirodhaṃ nappajānanti, pathavīdhātunirodhagāminiṃ paṭipadaṃ nappajānanti...pe... āpodhātuṃ nappajānanti... tejo dhātuṃ nappajānanti... vāyodhātuṃ nappajānanti, vāyodhātusamudayaṃ nappajānanti, vāyodhātunirodhaṃ nappajānanti, vāyodhātunirodhagāminiṃ paṭipadaṃ nappajānanti, na me te, bhikkhave, samaṇā vā brāhmaṇā vā samaṇesu vā samaṇasammatā brāhmaṇesu vā brāhmaṇasammatā; na ca pana te āyasmanto sāmāññatthaṃ vā brahmaññatthaṃ vā diṭṭheva dhamme sayāṃ abhiññā sacchikatvā upasampajja viharanti’ ti.”

“Ye ca kho keci, bhikkhave, samaṇā vā brāhmaṇā vā pathavīdhātuṃ pajānanti, pathavīdhātusamudayaṃ pajānanti, pathavīdhātunirodhaṃ pajānanti, pathavīdhātunirodhagāminiṃ paṭipadaṃ pajānanti... ye ca kho keci, bhikkhave, samaṇā vā brāhmaṇā vā...pe... āpodhātuṃ pajānanti... tejo dhātuṃ pajānanti... vāyodhātuṃ pajānanti, vāyodhātusamudayaṃ pajānanti, vāyodhātunirodhaṃ pajānanti, vāyodhātunirodhagāminiṃ paṭipadaṃ pajānanti, te ca kho me, bhikkhave, samaṇā vā brāhmaṇā vā samaṇesu ceva samaṇasammatā brāhmaṇesu ca brāhmaṇasammatā; te ca paṇāyasmanto sāmāññatthañca brahmaññatthañca diṭṭheva dhamme sayāṃ abhiññā sacchikatvā upasampajja viharanti’ ti. Dasamaṃ.

Catuttho vaggo.

Tassuddānaṃ –

Catasso pubbe acarim, nocedañca dukkhena ca;  
Abhinandañca uppādo, tayo samaṇabrāhmaṇāti.

Dhātusamyuttaṃ samattaṃ.

## 4. Anamataggasamyuttaṃ

### 1. Paṭhamavaggo

#### 1. Tiṇakaṭṭhasuttaṃ

**124.** Evaṃ me suttaṃ – ekaṃ samayaṃ bhagavā sāvattthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo” ti. “Bhadante” ti te bhikkhū bhagavato paccassosum. Bhagavā etadavoca –

“Anamataggoyaṃ [anamataggāyaṃ (pī. ka.)] bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsamyojanānaṃ sandhāvataṃ saṃsarataṃ. Seyyathāpi, bhikkhave, puriso yaṃ imasmiṃ jambudīpe tiṇakaṭṭhasākhāpalāsaṃ taṃ chetvā [tacchetvā (bahūsu)] ekajjhaṃ saṃharitvā caturaṅgulaṃ caturaṅgulaṃ ghaṭikaṃ katvā nikkhipeyya – ‘ayaṃ me mātā, tassā me mātu ayaṃ mātā’ ti, apariyādinnāva [apariyādiṇṇāva (sī.)] bhikkhave, tassa purisassa mātumātaro assu, atha imasmiṃ jambudīpe tiṇakaṭṭhasākhāpalāsaṃ parikkhayaṃ pariyādānaṃ gaccheyya. Taṃ kissa hetu? Anamataggoyaṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsamyojanānaṃ sandhāvataṃ saṃsarataṃ. Evaṃ dīgharattaṃ vo, bhikkhave, dukkhaṃ

paccanubhūtaṃ tibbaṃ paccanubhūtaṃ byasanaṃ paccanubhūtaṃ, kaṭasī [kaṭasi (sī. pī. ka.) kaṭā chavā sayanti etthāti kaṭasī] vaḍḍhitā. Yāvañcidaṃ, bhikkhave, alameva sabbasaṅkhāresu nibbinditūṃ alaṃ virajjitūṃ alaṃ vimuccitu’nti. Paṭhamāṃ.

## 2. Pathavīsuttaṃ

125. Sāvattthiyaṃ viharati...pe... “anamataggoyaṃ, bhikkhave, saṃsāro. Pabbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Seyyathāpi, bhikkhave, puriso imaṃ mahāpathaviṃ kolaṭṭhimattaṃ kolaṭṭhimattaṃ mattikāguḷikaṃ karitvā nikkhipeyya – ‘ayaṃ me pitā, tassa me pitu ayaṃ pitā’ti, apariyādinnāva bhikkhave, tassa purisassa pitupitaro assu, athāyaṃ mahāpathavī parikkhayaṃ pariyādānaṃ gaccheyya. Taṃ kissa hetu? Anamataggoyaṃ, bhikkhave, saṃsāro. Pabbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Evaṃ dīgharattaṃ vo, bhikkhave, dukkhaṃ paccanubhūtaṃ tibbaṃ paccanubhūtaṃ byasanaṃ paccanubhūtaṃ, kaṭasī vaḍḍhitā. Yāvañcidaṃ, bhikkhave, alameva sabbasaṅkhāresu nibbinditūṃ, alaṃ virajjitūṃ, alaṃ vimuccitu’nti. Dutiyaṃ.

## 3. Assusuttaṃ

126. Sāvattthiyaṃ viharati...pe... “anamataggoyaṃ, bhikkhave, saṃsāro. Pabbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Taṃ kiṃ maññatha, bhikkhave, katamaṃ nu kho bahutaraṃ, yaṃ vā vo iminā dīghena addhunā sandhāvataṃ saṃsarataṃ amanāpasampayogā manāpavippayogā kandantānaṃ rodantānaṃ [rudantānaṃ (sī.)] assu passannaṃ [passandaṃ (ka. sī.), pasandaṃ (syā. ka.), pasannaṃ (pī. ka.)] paggharitaṃ, yaṃ vā catūsu mahāsamuddesu udaka’nti? “Yathā kho mayaṃ, bhante, bhagavatā dhammaṃ desitaṃ ājānāma, etadeva, bhante, bahutaraṃ yaṃ no iminā dīghena addhunā sandhāvataṃ saṃsarataṃ amanāpasampayogā manāpavippayogā kandantānaṃ rodantānaṃ assu passannaṃ paggharitaṃ, na tveva catūsu mahāsamuddesu udaka’nti.

“Sādhu sādhu, bhikkhave, sādhu kho me tumhe, bhikkhave, evaṃ dhammaṃ desitaṃ ājānātha. Etadeva, bhikkhave, bahutaraṃ yaṃ vo iminā dīghena addhunā sandhāvataṃ saṃsarataṃ amanāpasampayogā manāpavippayogā kandantānaṃ rodantānaṃ assu passannaṃ paggharitaṃ, na tveva catūsu mahāsamuddesu udakaṃ. Dīgharattaṃ vo, bhikkhave, mātumaraṇaṃ paccanubhūtaṃ; tesāṃ vā mātumaraṇaṃ paccanubhūtaṃ amanāpasampayogā manāpavippayogā kandantānaṃ rodantānaṃ assu passannaṃ paggharitaṃ, na tveva catūsu mahāsamuddesu udakaṃ. Dīgharattaṃ vo, bhikkhave, pitumaraṇaṃ paccanubhūtaṃ ...pe... bhātumaraṇaṃ paccanubhūtaṃ... bhaginimaraṇaṃ paccanubhūtaṃ... puttumaraṇaṃ paccanubhūtaṃ... dhītumaraṇaṃ paccanubhūtaṃ... ñātibyasanaṃ paccanubhūtaṃ... bhogabyasanaṃ paccanubhūtaṃ. Dīgharattaṃ vo, bhikkhave, rogabyasanaṃ paccanubhūtaṃ, tesāṃ vo rogabyasanaṃ paccanubhūtaṃ amanāpasampayogā manāpavippayogā kandantānaṃ rodantānaṃ assu passannaṃ paggharitaṃ, na tveva catūsu mahāsamuddesu udakaṃ. Taṃ kissa hetu? Anamataggoyaṃ, bhikkhave, saṃsāro ...pe... yāvañcidaṃ, bhikkhave, alameva sabbasaṅkhāresu nibbinditūṃ, alaṃ virajjitūṃ, alaṃ vimuccitu’nti. Tatiyaṃ.

## 4. Khīrasuttaṃ

127. Sāvattthiyaṃ viharati...pe... “anamataggoyaṃ, bhikkhave, saṃsāro. Pabbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Taṃ kiṃ maññatha, bhikkhave, katamaṃ nu kho bahutaraṃ, yaṃ vā vo iminā dīghena addhunā sandhāvataṃ saṃsarataṃ mātuthaññaṃ pītaṃ, yaṃ vā catūsu mahāsamuddesu udaka’nti? “Yathā kho mayaṃ, bhante, bhagavatā dhammaṃ desitaṃ ājānāma, etadeva, bhante, bahutaraṃ yaṃ no iminā dīghena addhunā sandhāvataṃ saṃsarataṃ mātuthaññaṃ pītaṃ, na tveva catūsu mahāsamuddesu udaka’nti.

“Sādhu sādhu, bhikkhave, sādhu kho me tumhe, bhikkhave, evaṃ dhammaṃ desitaṃ ājānātha. Etadeva, bhikkhave, bahutaraṃ yaṃ vo iminā dīghena addhunā sandhāvataṃ saṃsaratāṃ mātuthaññaṃ pītaṃ, na tveva catūsu mahāsamuddesu udakaṃ. Taṃ kissa hetu? Anamataggoyāṃ, bhikkhave, saṃsāro...pe... alaṃ vimuccitu”nti. Catutthaṃ.

### 5. Pabbatasuttaṃ

**128.** Sāvattīyaṃ viharati...pe... ārāme. Atha kho aññataro bhikkhu yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “kīvadīgho nu kho, bhante, kappo”ti? “Dīgho kho, bhikkhu, kappo. So na sukaro saṅkhātuṃ ettakāni vassāni iti vā, ettakāni vassasatāni iti vā, ettakāni vassasahasāni iti vā, ettakāni vassasatasahasāni iti vā”ti.

“Sakkā pana, bhante, upamaṃ kātu”nti? “Sakkā, bhikkhū”ti bhagavā avoca. “Seyyathāpi, bhikkhu, mahāselo pabbato yojanaṃ āyāmena yojanaṃ vitthārena yojanaṃ ubbedhena acchinno asusiro ekagghano. Tameṇaṃ puriso vassasatassa vassasatassa accayena kāsikena vatthena sakim sakim parimajjeyya. Khippataraṃ kho so, bhikkhu, mahāselo pabbato iminā upakkamena parikkhayaṃ pariyādānaṃ gaccheyya, na tveva kappo. Evaṃ dīgho, bhikkhu, kappo. Evaṃ dīghānaṃ kho, bhikkhu, kappānaṃ neko kappo saṃsito, nekaṃ kappasataṃ saṃsitaṃ, nekaṃ kappasahasataṃ saṃsitaṃ, nekaṃ kappasatasahasataṃ saṃsitaṃ. Taṃ kissa hetu? Anamataggoyāṃ, bhikkhu, saṃsāro. Pubbā koṭi...pe... yāvañcidāṃ, bhikkhu, alameva sabbasaṅkhāresu nibbindituṃ, alaṃ virajjitūṃ, alaṃ vimuccitu”nti. Pañcamaṃ.

### 6. Sāsapasaṅgamaṃ

**129.** Sāvattīyaṃ viharati. Atha kho aññataro bhikkhu yena bhagavā...pe... ekamantaṃ nisinno kho so bhikkhu bhagavantaṃ etadavoca – “kīvadīgho, nu kho, bhante, kappo”ti? “Dīgho kho, bhikkhu, kappo. So na sukaro saṅkhātuṃ ettakāni vassāni iti vā...pe... ettakāni vassasatasahasāni iti vā”ti.

“Sakkā pana, bhante, upamaṃ kātu”nti? “Sakkā, bhikkhū”ti bhagavā avoca. “Seyyathāpi, bhikkhu, āyasaṃ nagaraṃ yojanaṃ āyāmena yojanaṃ vitthārena yojanaṃ ubbedhena, puṇṇaṃ sāsapānaṃ guḷikābaddhaṃ [cūlikābaddhaṃ (sī. pī.)]. Tato puriso vassasatassa vassasatassa accayena ekamekaṃ sāsapaṃ uddhareyya. Khippataraṃ kho so, bhikkhu mahāsāparāsi iminā upakkamena parikkhayaṃ pariyādānaṃ gaccheyya, na tveva kappo. Evaṃ dīgho kho, bhikkhu, kappo. Evaṃ dīghānaṃ kho, bhikkhu, kappānaṃ neko kappo saṃsito, nekaṃ kappasataṃ saṃsitaṃ, nekaṃ kappasahasataṃ saṃsitaṃ, nekaṃ kappasatasahasataṃ saṃsitaṃ. Taṃ kissa hetu? Anamataggoyāṃ, bhikkhu, saṃsāro ...pe... alaṃ vimuccitu”nti. Chaṭṭhaṃ.

### 7. Sāvakaṃ

**130.** Sāvattīyaṃ viharati. Atha kho sambahulā bhikkhū yena bhagavā...pe... ekamantaṃ nisinnā kho te bhikkhū bhagavantaṃ etadavocūṃ – “kīvabahukā nu kho, bhante, kappā abbatitā atikkantā”ti? “Bahukā kho, bhikkhave, kappā abbatitā atikkantā. Te na sukarā saṅkhātuṃ – ‘ettakā kappā iti vā, ettakāni kappasatāni iti vā, ettakāni kappasahasāni iti vā, ettakāni kappasatasahasāni iti vā’”ti.

“Sakkā pana, bhante, upamaṃ kātu”nti? “Sakkā, bhikkhave”ti bhagavā avoca. “Idhassa, bhikkhave, cattāro sāvakaṃ vassasatāyukā vassasatajīvino. Te divase divase kappasatasahasataṃ anussareyyuṃ. Ananussaritāva bhikkhave, tehi kappā assu, atha kho te cattāro sāvakaṃ vassasatāyukā vassasatajīvino vassasatassa accayena kālaṃ kareyyuṃ. Evaṃ bahukā kho, bhikkhave, kappā abbatitā atikkantā. Te na sukarā saṅkhātuṃ – ‘ettakā kappā iti vā, ettakāni kappasatāni iti vā, ettakāni kappasahasāni iti vā, ettakāni kappasatasahasāni iti vā’”ti. Taṃ kissa hetu?

Anamataggoyam, bhikkhave, saṃsāro...pe... alam vimuccitu’nti. Sattamaṃ.

## 8. Gaṅgāsuttam

**131.** Rājagahe viharati veļuvane. Atha kho aññataro brāhmaṇo yena bhagavā tenupasaṅkami; upasaṅkamitvā bhagavatā saddhiṃ sammodi. Sammodanīyaṃ katham sāraṇīyaṃ vītisāretvā ekamantaṃ nisīdi. Ekamantaṃ nisinno kho so brāhmaṇo bhagavantaṃ etadavoca – “kīvabahukā nu kho, bho gotama, kappā abbhatītā atikkantā’ti? “Bahukā kho, brāhmaṇa, kappā abbhatītā atikkantā. Te na sukarā saṅkhātum – ‘ettakā kappā iti vā, ettakāni kappasatāni iti vā, ettakāni kappasahasāni iti vā, ettakāni kappasatasahasāni iti vā’”ti.

“Sakkā pana, bho gotama, upamaṃ kātu’nti? “Sakkā, brāhmaṇā’ti bhagavā avoca. “Seyyathāpi, brāhmaṇa, yato cāyaṃ gaṅgā nadī pabhavati yattha ca mahāsamuddaṃ appeti, yā etasmiṃ antare vālikā sā na sukarā saṅkhātum – ‘ettakā vālikā iti vā, ettakāni vālikasatāni iti vā, ettakāni vālikasahasāni iti vā, ettakāni vālikasatasahasāni iti vā’ti. Tato bahutarā kho, brāhmaṇa, kappā abbhatītā atikkantā. Te na sukarā saṅkhātum – ‘ettakā kappā iti vā, ettakāni kappasatāni iti vā, ettakāni kappasahasāni iti vā, ettakāni kappasatasahasāni iti vā’ti. Taṃ kissa hetu? Anamataggoyam, brāhmaṇa, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Evaṃ dīgharattaṃ kho, brāhmaṇa, dukkhaṃ paccanubhūtaṃ tibbaṃ paccanubhūtaṃ byasanaṃ paccanubhūtaṃ, kaṭasī vaḍḍhitā. Yāvañcidam, brāhmaṇa, alameva sabbasaṅkhāresu nibbinditum, alam virajjitum, alam vimuccitu’nti.

Evaṃ vutte, so brāhmaṇo bhagavantaṃ etadavoca – “abhikkantaṃ, bho gotama, abhikkantaṃ, bho gotama...pe... upāsakaṃ maṃ bhavaṃ gotamo dhāretu ajjatagge paṇupetaṃ saraṇaṃ gata’nti. Aṭṭhamaṃ.

## 9. Daṇḍasuttam

**132.** Sāvatthiyaṃ viharati...pe... “anamataggoyam, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Seyyathāpi, bhikkhave, daṇḍo uparivehāsaṃ khitto sakimpi mūlena nipatati, sakimpi majjhena nipatati, sakimpi antena nipatati; evameva kho, bhikkhave, avijjānīvaraṇā sattā taṇhāsaṃyojanā sandhāvantaṃ saṃsarantaṃ sakimpi asmā lokā paraṃ lokaṃ gacchanti, sakimpi parasmā lokā imaṃ lokaṃ āgacchanti. Taṃ kissa hetu? Anamataggoyam, bhikkhave, saṃsāro...pe... alam vimuccitu’nti. Navamaṃ.

## 10. Puggalasuttam

**133.** Ekaṃ samayaṃ bhagavā rājagahe viharati gijjhakūṭe pabbate. Tatra kho bhagavā bhikkhū āmantesi – “bhikkhavo’ti. “Bhadante’ti te bhikkhū bhagavato paccassosum. Bhagavā etadavoca –

“Anamataggoyam, bhikkhave, saṃsāro...pe... ekapuggalassa, bhikkhave, kappam sandhāvato saṃsarato siyā evaṃ mahā aṭṭhikaṅkalo aṭṭhipuñjo aṭṭhirāsi yathāyaṃ vepullo pabbato, sace saṃhārako assa, sambhatañca na vinasseyya. Taṃ kissa hetu? Anamataggoyam, bhikkhave, saṃsāro...pe... alam vimuccitu’nti.

Idamavoca bhagavā. Idam vatvāna sugato athāparaṃ etadavoca satthā –

“Ekassekena kappena, puggalassaṭṭhisañcayo;  
Siyā pabbatasamo rāsi, iti vuttaṃ mahesinā.

“So kho panāyaṃ akkhāto, vepullo pabbato mahā;

Uttaro gijjhakūṭassa, magadhānaṃ giribbaje.

“Yato ca ariyasaccāni, sammappaññāya passati;  
Dukkhaṃ dukkhasamuppādaṃ, dukkhassa ca atikkamaṃ;  
Ariyaṃ caṭṭhaṅgikaṃ maggaṃ, dukkhūpasamagāminaṃ.

“Sa sattakkhattuṃparamaṃ, sandhāvitvāna puggalo;  
Dukkhasantakaro hoti, sabbasaṃyojanakkhaya’”ti. dasamaṃ;

Paṭhamo vaggo.

Tassuddānaṃ –

Tiṇakaṭṭhañca pathavī, assu khīrañca pabbataṃ;  
Sāsapā sāvakā gaṅgā, daṇḍo ca puggalena cāti.

## 2. Dutiyavaggo

### 1. Duggatasuttaṃ

**134.** Ekaṃ samayaṃ bhagavā sāvatthiyaṃ viharati. Tatra kho bhagavā bhikkhu āmantesi – “bhikkhavo”’ti. “Bhadante”’ti te bhikkhū bhagavato paccassosum. Bhagavā etadavoca – “anamataggoyaṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Yaṃ, bhikkhave, passeyyātha duggataṃ durūpetam niṭṭhamettha gantabbaṃ – ‘amhehipi evarūpaṃ paccanubhūtaṃ iminā dīghena addhunā’’ti. Taṃ kissa hetu...pe... yāvañcidaṃ, bhikkhave, alameva sabbasaṅkhāresu nibbindituṃ alaṃ virajjitūṃ alaṃ vimuccitu’”nti. Paṭhamaṃ.

### 2. Sukhitasuttaṃ

**135.** Sāvatthiyaṃ viharati...pe... “anamataggoyaṃ, bhikkhave, saṃsāro...pe... yaṃ, bhikkhave, passeyyātha sukhiṭaṃ susajjitaṃ, niṭṭhamettha gantabbaṃ – ‘amhehipi evarūpaṃ paccanubhūtaṃ iminā dīghena addhunā’’ti. Taṃ kissa hetu? Anamataggoyaṃ, bhikkhave, saṃsāro. Pubbā koṭi na paññāyati... pe... alaṃ vimuccitu’”nti. Dutiyamaṃ.

### 3. Tiṃsamattasuttaṃ

**136.** Rājagahe viharati veļuvane. Atha kho tiṃsamattā pāveyyakā [pāṭṭheyyakā (katthaci) vinayapiṭake mahāvagge kathinakkhandhakepi] bhikkhū sabbe āraññikā sabbe piṇḍapātikā sabbe paṃsukūlikā sabbe tecīvarikā sabbe asaṃyojanā yena bhagavā tenupasaṅkamimṃsu; upasaṅkamitvā bhagavantaṃ abhivādetvā ekamantaṃ nisīdimṃsu. Atha kho bhagavato etadahosi – “ime kho tiṃsamattā pāveyyakā bhikkhū sabbe āraññikā sabbe piṇḍapātikā sabbe paṃsukūlikā sabbe tecīvarikā sabbe asaṃyojanā. Yaṃnūnāhaṃ imesaṃ tathā dhammaṃ deseyyaṃ yathā nesaṃ imasmiṃyeva āsane anupādāya āsavehi cittāni vimucceyyu’”nti. Atha kho bhagavā bhikkhū āmantesi – “bhikkhavo”’ti. “Bhadante”’ti te bhikkhū bhagavato paccassosum. Bhagavā etadavoca –

“Anamataggoyaṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Taṃ kiṃ maññātha, bhikkhave, katamaṃ nu kho bahutaraṃ, yaṃ vā vo iminā dīghena addhunā sandhāvataṃ saṃsarataṃ sīsacchinnānaṃ lohitaṃ passannaṃ paggharitaṃ, yaṃ vā catūsu mahāsamuddesu udaka’”nti? “Yathā kho mayaṃ, bhante, bhagavatā dhammaṃ desitaṃ ājānāma, etadeva, bhante, bahutaraṃ, yaṃ no iminā dīghena addhunā

sandhāvataṃ saṃsarataṃ sīsacchinnānaṃ lohitaṃ passannaṃ paggharitaṃ, na tveva catūsu mahāsamuddesu udaka’’nti.

“Sādhu sādhu, bhikkhave, sādhu kho me tumhe, bhikkhave, evaṃ dhammaṃ desitaṃ ājānātha. Etadeva, bhikkhave, bahutaraṃ, yaṃ vo iminā dīghena addhunā sandhāvataṃ saṃsarataṃ sīsacchinnānaṃ lohitaṃ passannaṃ paggharitaṃ, na tveva catūsu mahāsamuddesu udakaṃ. Dīgharattaṃ vo, bhikkhave, gunnaṃ sataṃ gobhūtānaṃ sīsacchinnānaṃ lohitaṃ passannaṃ paggharitaṃ, na tveva catūsu mahāsamuddesu udakaṃ. Dīgharattaṃ vo, bhikkhave, mahimsānaṃ [mahisānaṃ (sī. pī.)] sataṃ mahimsabhūtānaṃ sīsacchinnānaṃ lohitaṃ passannaṃ paggharitaṃ ...pe... dīgharattaṃ vo, bhikkhave, urabbhānaṃ sataṃ urabbhabhūtānaṃ...pe... ajānaṃ sataṃ ajabhūtānaṃ... migānaṃ sataṃ migabhūtānaṃ... kukkuṭānaṃ sataṃ kukkuṭabhūtānaṃ... sūkarānaṃ sataṃ sūkarabhūtānaṃ... dīgharattaṃ vo, bhikkhave, corā gāmaghātāti gahetvā sīsacchinnānaṃ lohitaṃ passannaṃ paggharitaṃ. Dīgharattaṃ vo, bhikkhave, corā pāripanthikāti gahetvā sīsacchinnānaṃ lohitaṃ passannaṃ paggharitaṃ. Dīgharattaṃ vo, bhikkhave, corā pāradārikāti gahetvā sīsacchinnānaṃ lohitaṃ passannaṃ paggharitaṃ, na tveva catūsu mahāsamuddesu udakaṃ. Taṃ kissa hetu? Anamataggoyaṃ, bhikkhave, saṃsāro...pe... alaṃ vimuccitu’’nti.

“Idamavoca bhagavā. Attamaṇā te bhikkhū bhagavato bhāsitaṃ abhinanduntī. Imasmiṅca pana veyyākaraṇasmiṃ bhaññamāne tiṃsamattānaṃ pāveyyakānaṃ bhikkhūnaṃ anupādāya āsavehi cittāni vimuccisū’’ti. Tatiyaṃ.

#### 4. Mātusuttaṃ

137. Sāvattthiyaṃ viharati...pe... “anamataggoyaṃ, bhikkhave, saṃsāro...pe... na so, bhikkhave, satto sulabharūpo yo namātābhūtapubbo iminā dīghena addhunā. Taṃ kissa hetu? Anamataggoyaṃ, bhikkhave, saṃsāro...pe... alaṃ vimuccitu’’nti. Catutthaṃ.

#### 5. Pitusuttaṃ

138. Sāvattthiyaṃ viharati...pe... “anamataggoyaṃ, bhikkhave, saṃsāro...pe... na so, bhikkhave, satto sulabharūpo yo napitābhūtapubbo ...pe... alaṃ vimuccitu’’nti. Pañcamaṃ.

#### 6. Bhātusuttaṃ

139. Sāvattthiyaṃ viharati...pe... “na so, bhikkhave, satto sulabharūpo yo nabhātābhūtapubbo... pe... alaṃ vimuccitu’’nti. Chaṭṭhaṃ.

#### 7. Bhaginisuttaṃ

140. Sāvattthiyaṃ viharati...pe... “na so, bhikkhave, satto sulabharūpo yo nabhaginibhūtapubbo... pe... alaṃ vimuccitu’’nti. Sattamaṃ.

#### 8. Puttasuttaṃ

141. Sāvattthiyaṃ viharati...pe... “na so, bhikkhave, satto sulabharūpo yo naputtabhūtapubbo... pe... alaṃ vimuccitu’’nti. Aṭṭhamaṃ.

#### 9. Dhītusuttaṃ

142. Sāvattthiyaṃ viharati...pe... “anamataggoyaṃ, bhikkhave, saṃsāro. Pubbā koṭi na paññāyati



avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsaratāṃ. Na so, bhikkhave, satto sulabharūpo yo na dhītābhūtapubbo iminā dīghena addhunā. Taṃ kissa hetu? Anamataggoyāṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsaratāṃ. Evaṃ dīgharattaṃ vo, bhikkhave, dukkhaṃ paccanubhūtaṃ tibatthaṃ paccanubhūtaṃ byasanaṃ paccanubhūtaṃ, kaṭasī vaḍḍhitā. Yāvañcidaṃ, bhikkhave, alameva sabbasaṅkhāresu nibbindituṃ, alaṃ virajjituṃ, alaṃ vimuccituṃ’nti. Navamaṃ.

### 10. Vepullapabbatasuttaṃ

**143.** Ekaṃ samayaṃ bhagavā rājagahe viharati gijjhakūṭe pabbate. Tatra kho bhagavā bhikkhū āmantesi – ‘bhikkhavo’ti. ‘Bhadante’ti te bhikkhū bhagavato paccassosūṃ. Bhagavā etadavoca –

‘Anamataggoyāṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsaratāṃ. Bhūtapubbaṃ, bhikkhave, imassa vepullassa pabbatassa ‘pācīnavāṃso’ tveva samaññā udapādi. Tena kho pana, bhikkhave, samayena manussānaṃ ‘tivarā’ tveva samaññā udapādi. Tivarānaṃ, bhikkhave, manussānaṃ cattārīsa vassasahassāni āyuppamāṇaṃ ahoṣi. Tivarā, bhikkhave, manussā pācīnavāsaṃ pabbataṃ catūhena ārohani, catūhena orohanti. Tena kho pana, bhikkhave, samayena kakuṣandho bhagavā arahāṃ sammāsambuddho loke uppanno hoti. Kakuṣandhassa, bhikkhave, bhagavato arahato sammāsambuddhassa vidhurasañjīvaṃ nāma sāvakayugaṃ ahoṣi aggaṃ bhaddayugaṃ. Passatha, bhikkhave, sā cevimassa pabbatassa samaññā antarahitā, te ca manussā kālaṅkatā, so ca bhagavā parinibbuto. Evaṃ aniccā, bhikkhave, saṅkhārā; evaṃ addhuvā, bhikkhave, saṅkhārā; evaṃ anassāsikā, bhikkhave, saṅkhārā. Yāvañcidaṃ, bhikkhave, alameva sabbasaṅkhāresu nibbindituṃ, alaṃ virajjituṃ, alaṃ vimuccituṃ.

‘Bhūtapubbaṃ, bhikkhave, imassa vepullassa pabbatassa ‘vaṅkako’ tveva samaññā udapādi. Tena kho pana, bhikkhave, samayena manussānaṃ ‘rohitassā’ tveva samaññā udapādi. Rohitassānaṃ, bhikkhave, manussānaṃ tiṃsavassasahassāni āyuppamāṇaṃ ahoṣi. Rohitassā, bhikkhave, manussā vaṅkakaṃ pabbataṃ tīhena ārohani, tīhena orohanti. Tena kho pana, bhikkhave, samayena koṇāgamano bhagavā arahāṃ sammāsambuddho loke uppanno hoti. Koṇāgamanassa, bhikkhave, bhagavato arahato sammāsambuddhassa bhiyyosuttaraṃ nāma sāvakayugaṃ ahoṣi aggaṃ bhaddayugaṃ. Passatha, bhikkhave, sā cevimassa pabbatassa samaññā antarahitā, te ca manussā kālaṅkatā, so ca bhagavā parinibbuto. Evaṃ aniccā, bhikkhave, saṅkhārā...pe... alaṃ vimuccituṃ.

‘Bhūtapubbaṃ, bhikkhave, imassa vepullassa pabbatassa ‘supasso’ tveva [suphassotveva (sī.)] samaññā udapādi. Tena kho pana, bhikkhave, samayena manussānaṃ ‘suppiyā’ tveva [appiyā tveva (sī.)] samaññā udapādi. Suppiyānaṃ, bhikkhave, manussānaṃ vīsativassasahassāni āyuppamāṇaṃ ahoṣi. Suppiyā, bhikkhave, manussā supassaṃ pabbataṃ dvīhena ārohani, dvīhena orohanti. Tena kho pana, bhikkhave, samayena kassapo bhagavā arahāṃ sammāsambuddho loke uppanno hoti. Kassapassa, bhikkhave, bhagavato arahato sammāsambuddhassa tissabhāradvājaṃ nāma sāvakayugaṃ ahoṣi aggaṃ bhaddayugaṃ. Passatha, bhikkhave, sā cevimassa pabbatassa samaññā antarahitā, te ca manussā kālaṅkatā, so ca bhagavā parinibbuto. Evaṃ aniccā, bhikkhave, saṅkhārā; evaṃ addhuvā, bhikkhave, saṅkhārā...pe... alaṃ vimuccituṃ.

‘Etarahi kho pana, bhikkhave, imassa vepullassa pabbatassa ‘vepullo’ tveva samaññā udapādi. Etarahi kho pana, bhikkhave, imesaṃ manussānaṃ ‘māgadhakā’ tveva samaññā udapādi. Māgadhakānaṃ, bhikkhave, manussānaṃ appakaṃ āyuppamāṇaṃ parittaṃ lahuṃ [lahusaṃ (sī.)]; yo ciraṃ jīvati so vassasataṃ appaṃ vā bhiyyo. Māgadhakā, bhikkhave, manussā vepullaṃ pabbataṃ muhuttana ārohani muhuttana orohanti. Etarahi kho panāhaṃ, bhikkhave, arahāṃ sammāsambuddho loke uppanno. Mayhaṃ kho pana, bhikkhave, sārīputtamoggallānaṃ nāma sāvakayugaṃ aggaṃ bhaddayugaṃ. Bhavissati, bhikkhave, so samayo yā ayañcevimassa pabbatassa samaññā antarahāyissati, ime ca manussā kālaṃ karissanti, ahañca parinibbāyissāmi. Evaṃ aniccā, bhikkhave,

saṅkhārā; evaṃ addhuvā, bhikkhave, saṅkhārā; evaṃ anassāsikā, bhikkhave, saṅkhārā.  
Yāvañcidam, bhikkhave, alameva sabbasaṅkhāresu nibbinditum, alam virajjitum, alam vimuccitu’’nti.

Idamavoca bhagavā. Idam vatvāna sugato athāparaṃ etadavoca satthā –

“Pācīnavamaṃso tivarānaṃ, rohitassāna vaṅkako;  
Suppiyānaṃ supassoti, māgadhānañca vepullo.

“Aniccā vata saṅkhārā, uppādavayadhammino;  
Uppajjitvā nirujjhanti, tesam vūpasamo sukho’’ti. dasamaṃ;

Dutiyo vaggo.

Tassuddānaṃ –

Duggataṃ sukhiṭāñceva, tiṃsa mātāpitena ca;  
Bhātā bhaginī putto ca, dhītā vepullapabbataṃ.

Anamataggasaṃyuttaṃ samattaṃ.

## 5. Kassapasamṃyuttaṃ

### 1. Santuṭṭhasuttaṃ

144. Sāvattthiyaṃ viharati...pe... “santuṭṭhāyaṃ [santuṭṭhoyam (sī.)], bhikkhave, kassapo itarītarena cīvarena, itarītaracīvarasantuṭṭhiyā ca vaṇṇavādī; na ca cīvarahetu anesanaṃ appatirūpaṃ āpajjati; aladdhā ca cīvaraṃ na paritassati; laddhā ca cīvaraṃ agadhito [agathito (sī.)] amucchito anajjhāpanno ādīnavadassāvī nissaraṇapañño paribhuñjati’’.

“Santuṭṭhāyaṃ, bhikkhave, kassapo itarītarena piṇḍapātena, itarītarapiṇḍapātasantuṭṭhiyā ca vaṇṇavādī; na ca piṇḍapātaḥetu anesanaṃ appatirūpaṃ āpajjati; aladdhā ca piṇḍapātaṃ na paritassati; laddhā ca piṇḍapātaṃ agadhito amucchito anajjhāpanno ādīnavadassāvī nissaraṇapañño paribhuñjati.

“Santuṭṭhāyaṃ, bhikkhave, kassapo itarītarena senāsanena, itarītarasenāsanasantuṭṭhiyā ca vaṇṇavādī; na ca senāsanahetu anesanaṃ appatirūpaṃ āpajjati; aladdhā ca senāsanam na paritassati; laddhā ca senāsanam agadhito amucchito anajjhāpanno ādīnavadassāvī nissaraṇapañño paribhuñjati.

“Santuṭṭhāyaṃ, bhikkhave, kassapo itarītarena gilānappaccayabhesajjaparikkhārena, itarītaragilānappaccayabhesajjaparikkhārasantuṭṭhiyā ca vaṇṇavādī; na ca gilānappaccayabhesajjaparikkhāraḥetu anesanaṃ appatirūpaṃ āpajjati; aladdhā ca gilānappaccayabhesajjaparikkhāraṃ na paritassati; laddhā ca gilānappaccayabhesajjaparikkhāraṃ agadhito amucchito anajjhāpanno ādīnavadassāvī nissaraṇapañño paribhuñjati.

“Tasmātiha, bhikkhave, evaṃ sikkhitabbaṃ – ‘santuṭṭhā bhavissāma itarītarena cīvarena, itarītaracīvarasantuṭṭhiyā ca vaṇṇavādīno; na ca cīvarahetu anesanaṃ appatirūpaṃ āpajjissāma; aladdhā ca cīvaraṃ na ca paritassissāma; laddhā ca cīvaraṃ agadhita amucchita anajjhāpanna ādīnavadassāvīno nissaraṇapañño paribhuñjissāma’’’. (Evaṃ sabbam kātammaṃ).

“‘Santuṭṭhā bhavissāma itarītarena piṇḍapātena...pe... santuṭṭhā bhavissāma itarītarena senāsanena...pe... santuṭṭhā bhavissāma itarītarena gilānappaccayabhesajjaparikkhārena,

itarītaragilānappaccayabhesajjaparikkhārasantuttīhiyā ca vaṇṇavādino; na ca gilānappaccayabhesajjaparikkhārahetu anesanam appatirūpaṃ āpajjissāma aladdhā ca gilānappaccayabhesajjaparikkhāraṃ na paritassissāma; laddhā ca gilānappaccayabhesajjaparikkhāraṃ agadhita amucchita anajjhāpanā ādīnavadassāvino nissaraṇapaññā paribhuñjissāmā'ti. Evañhi vo, bhikkhave, sikkhitabbaṃ. Kassapena vā hi vo, bhikkhave, ovaḍissāmi yo vā panassa [yo vā pana (sī.), yo vā (pī.)] kassapasadiso, ovaḍitehi ca pana vo tathattāya paṭipajjitabba'ti. Paṭhamam.

## 2. Anottappīsuttaṃ

145. Evaṃ me suttaṃ – ekaṃ samayaṃ āyasmā ca mahākassapo āyasmā ca sārīputto bārāṇasiyaṃ viharanti isipatane migadāye. Atha kho āyasmā sārīputto sāyanhasamayaṃ paṭisallānā vuṭṭhito yenāyasmā mahākassapo tenupasaṅkami; upasaṅkamitvā āyasmatā mahākassapena saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho āyasmā sārīputto āyasmantaṃ mahākassapaṃ etadavoca – “vuccati hidaṃ, āvuso kassapa, anātāpī anottappī abhabbo sambodhāya abhabbo nibbānāya abhabbo anuttarassa yogakkhemassa adhigamāya; ātāpī ca kho ottappī bhabbo sambodhāya bhabbo nibbānāya bhabbo anuttarassa yogakkhemassa adhigamāyā'ti.

“Kittāvatā nu kho, āvuso, anātāpī hoti anottappī abhabbo sambodhāya abhabbo nibbānāya abhabbo anuttarassa yogakkhemassa adhigamāya; kittāvatā ca panāvuso, ātāpī hoti ottappī bhabbo sambodhāya bhabbo nibbānāya bhabbo anuttarassa yogakkhemassa adhigamāyā'ti? “Idhāvuso, bhikkhu ‘anuppannā me pāpakā akusalā dhammā uppajjamānā anattāya saṃvatteyyu’nti na ātappaṃ karoti, ‘uppannā me pāpakā akusalā dhammā appahīyamānā anattāya saṃvatteyyu’nti na ātappaṃ karoti, ‘anuppannā me kusalā dhammānuppajjamānā anattāya saṃvatteyyu’nti na ātappaṃ karoti, ‘uppannā me kusalā dhammā nirujjhamānā anattāya saṃvatteyyu’nti na ātappaṃ karoti. Evaṃ kho, āvuso, anātāpī hoti’.

“Kathañcāvuso, anottappī hoti? Idhāvuso, bhikkhu ‘anuppannā me pāpakā akusalā dhammā uppajjamānā anattāya saṃvatteyyu’nti na ottappati, ‘uppannā me pāpakā akusalā dhammā appahīyamānā anattāya saṃvatteyyu’nti na ottappati, ‘anuppannā me kusalā dhammānuppajjamānā anattāya saṃvatteyyu’nti na ottappati, ‘uppannā me kusalā dhammā nirujjhamānā anattāya saṃvatteyyu’nti na ottappati. Evaṃ kho, āvuso, anottappī hoti. Evaṃ kho, āvuso, anātāpī anottappī abhabbo sambodhāya abhabbo nibbānāya abhabbo anuttarassa yogakkhemassa adhigamāya.

“Kathañcāvuso, ātāpī hoti? Idhāvuso, bhikkhu ‘anuppannā me pāpakā akusalā dhammā uppajjamānā anattāya saṃvatteyyu’nti ātappaṃ karoti, ‘uppannā me pāpakā akusalā dhammā appahīyamānā anattāya saṃvatteyyu’nti ātappaṃ karoti, anuppannā me kusalā dhammā...pe... ātappaṃ karoti. Evaṃ kho, āvuso, ātāpī hoti.

“Kathañcāvuso, ottappī hoti? Idhāvuso, bhikkhu ‘anuppannā me pāpakā akusalā dhammā uppajjamānā anattāya saṃvatteyyu’nti ottappati, ‘uppannā me pāpakā akusalā dhammā appahīyamānā anattāya saṃvatteyyu’nti ottappati, ‘anuppannā me kusalā dhammā anuppajjamānā anattāya saṃvatteyyu’nti ottappati, ‘uppannā me kusalā dhammā nirujjhamānā anattāya saṃvatteyyu’nti ottappati. Evaṃ kho, āvuso, ottappī hoti. Evaṃ kho, āvuso, ātāpī ottappī bhabbo sambodhāya bhabbo nibbānāya bhabbo anuttarassa yogakkhemassa adhigamāyā'ti. Dutiyam.

## 3. Candūpamasuttaṃ

146. Sāvattīyaṃ viharati...pe... “candūpamā, bhikkhave, kulāni upasaṅkamatha – apakasseva kāyaṃ, apakassa cittaṃ, niccanavakā kulesu appagabbhā [appagabbā (ka.)]. Seyyathāpi, bhikkhave, puriso jarudapānaṃ vā olokeyya pabbatavisamaṃ vā nadīviduggaṃ vā – apakasseva kāyaṃ, apakassa cittaṃ; evameva kho, bhikkhave, candūpamā kulāni upasaṅkamatha – apakasseva kāyaṃ, apakassa cittaṃ, niccanavakā kulesu appagabbhā’.

“Kassapo, bhikkhave, candūpamo kulāni upasaṅkamati – apakasseva kāyaṃ, apakassa cittaṃ, niccanavako kulesu appagabbho. Taṃ kiṃ maññatha, bhikkhave, kathaṃrūpo bhikkhu arahati kulāni upasaṅkamitu’nti? “Bhagavaṃmūlakā no, bhante, dhammā bhagavaṃnettikā bhagavaṃpaṭisaraṇā. Sādhū vata, bhante, bhagavantamaṃyeva paṭibhātu etassa bhāsītassa attho. Bhagavato sutvā bhikkhū dhāressantī’”ti.

Atha kho bhagavā ākāse pāṇiṃ cālesi. “Seyyathāpi, bhikkhave, ayaṃ ākāse pāṇi na sajjati na gayhati na bajjhati; evameva kho, bhikkhave, yassa kassaci bhikkhuno kulāni upasaṅkamato kulesu cittaṃ na sajjati na gayhati na bajjhati – ‘labhantu lābhakāmā, puññakāmā karontu puññānī’”ti; yathāsakena lābhena attamano hoti sumano, evaṃ paresaṃ lābhena attamano hoti sumano; evarūpo kho, bhikkhave, bhikkhu arahati kulāni upasaṅkamitaṃ.

“Kassapassa, bhikkhave, kulāni upasaṅkamato kulesu cittaṃ na sajjati na gayhati na bajjhati – ‘labhantu lābhakāmā, puññakāmā karontu puññānī’”ti; yathāsakena lābhena attamano hoti sumano; evaṃ paresaṃ lābhena attamano hoti sumano.

“Taṃ kiṃ maññatha, bhikkhave, kathaṃrūpassa bhikkhuno aparissuddhā dhammadesanā hoti, kathaṃrūpassa bhikkhuno parisuddhā dhammadesanā hoti’”ti? “Bhagavaṃmūlakā no, bhante, dhammā bhagavaṃnettikā bhagavaṃpaṭisaraṇā. Sādhū vata, bhante, bhagavantamaṃyeva paṭibhātu etassa bhāsītassa attho. Bhagavato sutvā bhikkhū dhāressantī’”ti. “Tena hi, bhikkhave, suṇātha, sādhukaṃ manasi karotha; bhāsissāmi’”ti. “Evaṃ, bhante’”ti kho te bhikkhū bhagavato paccassosaṃ. Bhagavā etadavoca –

“Yo hi koci, bhikkhave, bhikkhu evaṃcitto paresaṃ dhammaṃ deseti – ‘aho vata me dhammaṃ suṇeyyumaṃ, sutvā ca pana dhammaṃ pasīdeyyumaṃ, pasannā ca me pasannākāraṃ kareyyu’nti; evarūpassa kho, bhikkhave, bhikkhuno aparissuddhā dhammadesanā hoti.

“Yo ca kho, bhikkhave, bhikkhu evaṃcitto paresaṃ dhammaṃ deseti – ‘svākkhāto bhagavatā dhammo sandiṭṭhiko akāliko ehipassiko opaneyyiko paccattaṃ vedītabbo viññūhīti [viññūhi (?)]. Aho, vata me dhammaṃ suṇeyyumaṃ, sutvā ca pana dhammaṃ ājāneyyumaṃ, ājānitvā ca pana tathattāya paṭipajjeyyu’nti. Iti dhammasudhammataṃ paṭicca paresaṃ dhammaṃ deseti, kāruṇṇaṃ paṭicca anuddayaṃ [anuddayaṃ (bahūsu) dvittakāraṇaṃ pana gavesītabbaṃ] paṭicca anukampaṃ upādāya paresaṃ dhammaṃ deseti. Evarūpassa kho, bhikkhave, bhikkhuno parisuddhā dhammadesanā hoti.

“Kassapo, bhikkhave, evaṃcitto paresaṃ dhammaṃ deseti – ‘svākkhāto bhagavatā dhammo sandiṭṭhiko akāliko ehipassiko opaneyyiko paccattaṃ vedītabbo viññūhīti. Aho, vata me dhammaṃ suṇeyyumaṃ, sutvā ca pana dhammaṃ ājāneyyumaṃ, ājānitvā ca pana tathattāya paṭipajjeyyu’nti. Iti dhammasudhammataṃ paṭicca paresaṃ dhammaṃ deseti, kāruṇṇaṃ paṭicca anuddayaṃ paṭicca anukampaṃ upādāya paresaṃ dhammaṃ deseti. Kassapena vā hi vo, bhikkhave, ovaḍissāmi yo vā panassa kassapasadiso, ovaḍitehi ca pana vo tathattāya paṭipajjitabba’nti. Tatiyaṃ.

#### 4. Kulūpakasuttaṃ

147. Sāvattthiyaṃ viharati...pe... “taṃ kiṃ maññatha, bhikkhave, kathaṃrūpo bhikkhu arahati kulūpako hotuṃ, kathaṃrūpo bhikkhu na arahati kulūpako hotu’nti? Bhagavaṃmūlakā no, bhante, dhammā...pe... bhagavā etadavoca –

“Yo hi koci, bhikkhave, bhikkhu evaṃcitto kulāni upasaṅkamati – ‘dentuyeva me, mā nādaṃsu; bahukaññeva me dentu, mā thokaṃ; paṇītaññeva me dentu, mā lūkhaṃ; sīghaññeva me dentu, mā dandhaṃ; sakkaccaññeva me dentu, mā asakkacca’nti. Tassa ce, bhikkhave, bhikkhuno evaṃcittassa kulāni upasaṅkamato na denti, tena bhikkhu sandīyati; so tatonidānaṃ dukkhaṃ domanassaṃ

paṭisaṃvedayati. Thokaṃ denti, no bahukaṃ...pe... lūkhaṃ denti, no paṇītaṃ... dandhaṃ denti, no sīghaṃ, tena bhikkhu sandīyati; so tatonidānaṃ dukkhaṃ domanassaṃ paṭisaṃvedayati. Asakkaccaṃ denti, no sakkaccaṃ; tena bhikkhu sandīyati; so tatonidānaṃ dukkhaṃ domanassaṃ paṭisaṃvedayati. Evarūpo kho, bhikkhave, bhikkhu na arahati kulūpako hotuṃ.

“Yo ca kho, bhikkhave, bhikkhu evaṃcitto kulāni upasaṅkamati – ‘taṃ kutettha labbhā parakulesu – dentuyeva me, mā nādaṃsu; bahukaññeva me dentu, mā thokaṃ; paṇītaññeva me dentu, mā lūkhaṃ; dīghaññeva me dentu, mā dandhaṃ; sakkaccaññeva me dentu, mā asakkacca’nti. Tassa ce, bhikkhave, bhikkhuno evaṃcittassa kulāni upasaṅkamato na denti; tena bhikkhu na sandīyati; so na tatonidānaṃ dukkhaṃ domanassaṃ paṭisaṃvedayati. Thokaṃ denti, no bahukaṃ; tena bhikkhu na sandīyati; so na tatonidānaṃ dukkhaṃ domanassaṃ paṭisaṃvedayati. Lūkhaṃ denti, no paṇītaṃ; tena bhikkhu na sandīyati; so na tatonidānaṃ dukkhaṃ domanassaṃ paṭisaṃvedayati. Dandhaṃ denti, no sīghaṃ; tena bhikkhu na sandīyati; so na tatonidānaṃ dukkhaṃ domanassaṃ paṭisaṃvedayati. Asakkaccaṃ denti, no sakkaccaṃ; tena bhikkhu na sandīyati; so na tatonidānaṃ dukkhaṃ domanassaṃ paṭisaṃvedayati. Evarūpo kho, bhikkhave, bhikkhu arahati kulūpako hotuṃ.

“Kassapo, bhikkhave, evaṃcitto kulāni upasaṅkamati – ‘taṃ kutettha labbhā parakulesu – dentuyeva me, mā nādaṃsu; bahukaññeva me dentu, mā thokaṃ; paṇītaññeva me dentu, mā lūkhaṃ; sīghaññeva me dentu, mā dandhaṃ; sakkaccaññeva me dentu, mā asakkacca’nti. Tassa ce, bhikkhave, kassapassa evaṃcittassa kulāni upasaṅkamato na denti; tena kassapo na sandīyati; so na tatonidānaṃ dukkhaṃ domanassaṃ paṭisaṃvedayati. Thokaṃ denti, no bahukaṃ; tena kassapo na sandīyati; so na tatonidānaṃ dukkhaṃ domanassaṃ paṭisaṃvedayati. Lūkhaṃ denti, no paṇītaṃ; tena kassapo na sandīyati; so na tatonidānaṃ dukkhaṃ domanassaṃ paṭisaṃvedayati. Dandhaṃ denti, no sīghaṃ; tena kassapo na sandīyati; so na tatonidānaṃ dukkhaṃ domanassaṃ paṭisaṃvedayati. Asakkaccaṃ denti, no sakkaccaṃ; tena kassapo na sandīyati; so na tatonidānaṃ dukkhaṃ domanassaṃ paṭisaṃvedayati. Kassapena vā hi vo, bhikkhave, ovaḍissāmi yo vā panassa kassapasadiso. Ovaḍitehi ca pana vo tathattāya paṭipajjitabba’nti. Catutthaṃ.

## 5. Jiṇṇasuttaṃ

148. Evaṃ me suttaṃ...pe... rājagahe veḷuvane. Atha kho āyasmā mahākassapo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ mahākassapaṃ bhagavā etadavoca – ‘jiṇṇosi dāni tvaṃ, kassapa, garukāni ca te imāni sāṇāni paṃsukūlāni nibbasanāni. Tasmātiha tvaṃ, kassapa, gahapatāni [gahapatikāni (sī.)] ceva cīvarāni dhārehi, nimantanāni ca bhuñjāhi, mama ca santike viharāhi’ ti.

“Ahaṃ kho, bhante, dīgharattaṃ āraññiko ceva āraññikattassa ca vaṇṇavādī, piṇḍapātiko ceva piṇḍapātikattassa ca vaṇṇavādī, paṃsukūliko ceva paṃsukūlikattassa ca vaṇṇavādī, tecīvariko ceva tecīvarikattassa ca vaṇṇavādī, appiccho ceva appicchatāya ca vaṇṇavādī, santuṭṭho ceva santuṭṭhiyā ca vaṇṇavādī, pavivitto ceva pavivekassa ca vaṇṇavādī, asaṃsaṭṭho ceva asaṃsaggassa ca vaṇṇavādī, āraddhavīriyo ceva vīriyārambhassa [vīriyārabhassa (ka.)] ca vaṇṇavādī’ ti.

“Kiṃ [kaṃ (ka.)] pana tvaṃ, kassapa, atthavaṣaṃ sampassamāno dīgharattaṃ āraññiko ceva āraññikattassa ca vaṇṇavādī, piṇḍapātiko ceva...pe... paṃsukūliko ceva... tecīvariko ceva... appiccho ceva... santuṭṭho ceva... pavivitto ceva... asaṃsaṭṭho ceva... āraddhavīriyo ceva vīriyārambhassa ca vaṇṇavādī’ ti?

“Dve khvāhaṃ, bhante, atthavase sampassamāno dīgharattaṃ āraññiko ceva āraññikattassa ca vaṇṇavādī, piṇḍapātiko ceva...pe... paṃsukūliko ceva... tecīvariko ceva... appiccho ceva... santuṭṭho ceva... pavivitto ceva... asaṃsaṭṭho ceva... āraddhavīriyo ceva vīriyārambhassa ca vaṇṇavādī. Attano ca diṭṭhadhammasukhavihāraṃ sampassamāno, pacchimañca janataṃ anukampamāno – ‘appeva nāma

pacchimā janatā diṭṭhānugatim āpajjeyyūṃ’ [āpajjeyya (sī. syā. kaṃ.)]. ‘Ye kira te ahesuṃ buddhānubuddhasāvaka te dīgharattaṃ āraññikā ceva ahesuṃ āraññikattassa ca vaṇṇavādino...pe... piṇḍapātikā ceva ahesuṃ ...pe... paṃsukūlikā ceva ahesuṃ... tecīvarikā ceva ahesuṃ... appicchā ceva ahesuṃ... santuṭṭhā ceva ahesuṃ... pavivittā ceva ahesuṃ... asaṃsaṭṭhā ceva ahesuṃ... āraddhavīriyā ceva ahesuṃ vīriyārambhassa ca vaṇṇavādino’ti. Te tathattāya paṭipajjissanti, tesam taṃ bhavissati dīgharattaṃ hitāya sukhāya.

‘‘Ime khvāhaṃ, bhante, dve atthavase sampassamāno dīgharattaṃ āraññiko ceva āraññikattassa ca vaṇṇavādī, piṇḍapātikiko ceva...pe... paṃsukūliko ceva... tecīvariko ceva... appiccho ceva... santuṭṭho ceva... pavivitto ceva... asaṃsaṭṭho ceva... āraddhavīriyo ceva vīriyārambhassa ca vaṇṇavādī’’ti.

‘‘Sādhu sādhu, kassapa. Bahujanahitāya kira tvam, kassapa, paṭipanno bahunasukhāya lokānukampāya atthāya hitāya sukhāya devamanussānaṃ. Tasmātiha tvam, kassapa, sāṇāni ceva paṃsukūlāni dhārehi nibbasanāni, piṇḍāya ca carāhi, araññe ca viharāhi’’ti. Pañcamam.

## 6. Ovādasuttaṃ

**149.** Rājagahe veḷuvane. Atha kho āyasmā mahākassapo yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ mahākassapaṃ bhagavā etadavoca – ‘‘ovada, kassapa, bhikkhū; karohi, kassapa, bhikkhūnaṃ dhammiṃ kathaṃ. Ahaṃ vā, kassapa, bhikkhū ovadeyyaṃ tvam vā; ahaṃ vā bhikkhūnaṃ dhammiṃ kathaṃ kareyyaṃ tvam vā’’ti.

‘‘Dubbacā kho, bhante, etarahi bhikkhū, dovacassakaraṇehi dhammehi samannāgatā, akkhamā, appadakkhiṇaggāhino anusāsaniṃ. Idhāhaṃ, bhante, addasaṃ bhaṇḍaṇca [bhaṇḍuṇca (sī.)] nāma bhikkhuṃ ānandassa saddhivihāriṃ abhijikaṇca [ābhiñjikaṇca (sī. ka.), ābhijjikaṇca (syā. kaṃ.)] nāma bhikkhuṃ anuruddhassa saddhivihāriṃ aññamaññaṃ sutena accāvadante – ‘ehi, bhikkhu, ko bahutaraṃ bhāsissati, ko sundarataṃ bhāsissati, ko cirataṃ bhāsissati’’ti.

Atha kho bhagavā aññataṃ bhikkhuṃ āmantesi – ‘‘ehi tvam, bhikkhu, mama vacanena bhaṇḍaṇca bhikkhuṃ ānandassa saddhivihāriṃ abhijikaṇca bhikkhuṃ anuruddhassa saddhivihāriṃ āmantehi – ‘satthā āyasmante āmanteti’’ti. ‘‘Evaṃ, bhante’’ti kho so bhikkhu bhagavato paṭissutvā yena te bhikkhū tenupasaṅkami; upasaṅkamtivā te bhikkhū etadavoca – ‘‘satthā āyasmante āmanteti’’ti.

‘‘Evamāvuso’’ti kho te bhikkhū tassa bhikkhuno paṭissutvā yena bhagavā tenupasaṅkamimṃsu; upasaṅkamtivā bhagavantaṃ abhivādetvā ekamantaṃ nisīdimṃsu. Ekamantaṃ nisinne kho te bhikkhū bhagavā etadavoca – ‘‘saccaṃ kira tumhe, bhikkhave, aññamaññaṃ sutena accāvadatha – ‘ehi, bhikkhu, ko bahutaraṃ bhāsissati, ko sundarataṃ bhāsissati, ko cirataṃ bhāsissati’’ti? ‘‘Evaṃ, bhante’’. ‘‘Kiṃ nu kho me tumhe, bhikkhave, evaṃ dhammaṃ desitaṃ ājānātha – ‘etha tumhe, bhikkhave, aññamaññaṃ sutena accāvadatha – ehi, bhikkhu, ko bahutaraṃ bhāsissati, ko sundarataṃ bhāsissati, ko cirataṃ bhāsissati’’ti? ‘‘No hetam, bhante’’. ‘‘No ce kira me tumhe, bhikkhave, evaṃ dhammaṃ desitaṃ ājānātha, atha kiṃ carahi tumhe, moghapurisā, kiṃ jānantā kiṃ passantā evaṃ svākkhāte dhammavinaye pabbajitā samānā aññamaññaṃ sutena accāvadatha – ‘ehi, bhikkhu, ko bahutaraṃ bhāsissati, ko sundarataṃ bhāsissati, ko cirataṃ bhāsissati’’ti.

Atha kho te bhikkhū bhagavato pādesu sirasā nipatitvā bhagavantaṃ etadavocum – ‘‘accayo no, bhante, accagamā, yathābāle yathāmūlhe yathāakusale [yathā bāle yathā mūlhe yathā akusale (pī.), yathābālam yathāmūlham yathāakusalam (?)], ye mayaṃ evaṃ svākkhāte dhammavinaye pabbajitā samānā aññamaññaṃ sutena accāvadimha – ‘ehi, bhikkhu, ko bahutaraṃ bhāsissati, ko sundarataṃ bhāsissati, ko cirataṃ bhāsissati’’ti. Tesam no, bhante, bhagavā accayaṃ accayato paṭiggaṇhātu āyatim saṃvarāyā’’ti.



“Taggha tumhe, bhikkhave, accayo accagamā yathābāle yathāmūlḥe yathāakusale, ye tumhe evaṃ svākkhāte dhammavinaye pabbajitā samānā aññamaññaṃ sutena accāvadittha – ‘ehi, bhikkhu, ko bahutaraṃ bhāsissati, ko sundararaṃ bhāsissati, ko ciraraṃ bhāsissati’ ti. Yato ca kho tumhe, bhikkhave, accayaṃ accayato disvā yathādhammaṃ paṭikarotha, taṃ vo mayaṃ [mayaṃ accayaṃ (sī.)] paṭiggaṇhāma. Vuddhi hesā, bhikkhave, ariyassa vinaye yo accayaṃ accayato disvā yathādhammaṃ paṭikaroti āyatiṅca saṃvaram āpajjatī’ ti. Chaṭṭhaṃ.

## 7. Dutiyaovādasuttaṃ

150. Rājagahe viharati veḷuvane [sāvatti, tatra-etadavoca (sī.)]. Atha kho āyasmā mahākassapo yena bhagavā tenupasaṅkami...pe... ekamantaṃ nisinnaṃ kho āyasmantaṃ mahākassapaṃ bhagavā etadavoca – ‘ovada, kassapa, bhikkhū; karohi, kassapa, bhikkhūnaṃ dhammiṃ kathaṃ. Ahaṃ vā, kassapa, bhikkhū ovadeyyaṃ tvaṃ vā; ahaṃ vā bhikkhūnaṃ dhammiṃ kathaṃ kareyyaṃ tvaṃ vā’ ti.

“Dubbacā kho, bhante, etarahi bhikkhū, dovacassakaraṇehi dhammehi samannāgatā akkhamā appadakkhiṇaggāhino anusāsaṇiṃ. Yassa kassaci, bhante, saddhā natthi kusalesu dhammesu, hirī [hiri (sabbattha)] natthi kusalesu dhammesu, ottappaṃ natthi kusalesu dhammesu, vīriyaṃ natthi kusalesu dhammesu, paññā natthi kusalesu dhammesu, tassa yā ratti vā divaso vā āgacchati [āgacchati (sī.)], hāniyeva pāṭikaṅkhā kusalesu dhammesu, no vuddhi.

“Seyyathāpi, bhante, kālapakkhe candassa yā ratti vā divaso vā āgacchati, hāyateva vaṇṇena, hāyati maṇḍalena, hāyati ābhāya, hāyati ārohapariṇāhena. Evameva kho, bhante, yassa kassaci saddhā natthi kusalesu dhammesu...pe... hirī natthi... ottappaṃ natthi ... vīriyaṃ natthi... paññā natthi... kusalesu dhammesu tassa yā ratti vā divaso vā āgacchati, hāniyeva pāṭikaṅkhā kusalesu dhammesu, no vuddhi.

“Assaddho purisapuggalo’ ti, bhante, parihānametaṃ; ‘ahiriko purisapuggalo’ ti, bhante, parihānametaṃ; ‘anottappī purisapuggalo’ ti, bhante, parihānametaṃ; ‘kusīto purisapuggalo’ ti, bhante, parihānametaṃ; ‘duppañño purisapuggalo’ ti, bhante, parihānametaṃ; ‘kodhano purisapuggalo’ ti, bhante, parihānametaṃ; ‘upanāhī purisapuggalo’ ti, bhante, parihānametaṃ; ‘na santi bhikkhū ovādakā’ ti, bhante, parihānametaṃ.

“Yassa kassaci, bhante, saddhā atthi kusalesu dhammesu, hirī atthi kusalesu dhammesu, ottappaṃ atthi kusalesu dhammesu, vīriyaṃ atthi kusalesu dhammesu, paññā atthi kusalesu dhammesu, tassa yā ratti vā divaso vā āgacchati, vuddhiyeva pāṭikaṅkhā kusalesu dhammesu, no parihāni.

“Seyyathāpi, bhante, juṅhapakkhe candassa yā ratti vā divaso vā āgacchati, vaḍḍhateva vaṇṇena, vaḍḍhati maṇḍalena, vaḍḍhati ābhāya, vaḍḍhati ārohapariṇāhena. Evameva kho, bhante, yassa kassaci saddhā atthi kusalesu dhammesu... hirī atthi...pe... ottappaṃ atthi... vīriyaṃ atthi... paññā atthi kusalesu dhammesu tassa yā ratti vā divaso vā āgacchati, vuddhiyeva pāṭikaṅkhā kusalesu dhammesu, no parihāni.

“Saddho purisapuggalo’ ti, bhante, aparihānametaṃ; ‘hirimā purisapuggalo’ ti, bhante, aparihānametaṃ; ‘ottappī purisapuggalo’ ti, bhante, aparihānametaṃ; ‘āraddhavīriyo purisapuggalo’ ti, bhante, aparihānametaṃ; ‘paññāvā purisapuggalo’ ti, bhante, aparihānametaṃ; ‘akkodhano purisapuggalo’ ti, bhante, aparihānametaṃ; ‘anupanāhī purisapuggalo’ ti, bhante, aparihānametaṃ; ‘santi bhikkhū ovādakā’ ti, bhante, aparihānameta’ nti.

“Sādhu sādhu, kassapa. Yassa kassaci, kassapa, saddhā natthi kusalesu dhammesu...pe... hirī natthi... ottappaṃ natthi... vīriyaṃ natthi... paññā natthi kusalesu dhammesu tassa yā ratti vā divaso vā āgacchati, hāniyeva pāṭikaṅkhā kusalesu dhammesu, no vuddhi.



“Seyyathāpi, kassapa, kāḷapakkhe candassa yā ratti vā divaso vā āgacchati, hāyateva vaṇṇena... pe... hāyati ārohapariṇāhena. Evameva kho, kassapa, yassa kassaci saddhā natthi kusalesu dhammesu... pe... hirī natthi... ottappaṃ natthi... vīriyaṃ natthi... paññā natthi kusalesu dhammesu tassa yā ratti vā divaso vā āgacchati, hāniyeva pāṭikaṅkhā kusalesu dhammesu, no vuddhi. ‘Assaddho purisapuggalo’ti, kassapa, parihānametaṃ; ahiriko...pe... anottappī... kusīto... duppañño... kodhano... ‘upanāhī purisapuggalo’ti, kassapa, parihānametaṃ; ‘na santi bhikkhū ovādakā’ti, kassapa, parihānametaṃ.

“Yassa kassaci, kassapa, saddhā atthi kusalesu dhammesu...pe... hirī atthi... ottappaṃ atthi... vīriyaṃ atthi... paññā atthi kusalesu dhammesu tassa yā ratti vā divaso vā āgacchati, vuddhiyeva pāṭikaṅkhā kusalesu dhammesu, no parihāni.

“Seyyathāpi, kassapa, juṇhapakkhe candassa yā ratti vā divaso vā āgacchati, vaḍḍhateva vaṇṇena, vaḍḍhati maṇḍalena, vaḍḍhati ābhāya, vaḍḍhati ārohapariṇāhena. Evameva kho, kassapa, yassa kassaci saddhā atthi kusalesu dhammesu hirī atthi... ottappaṃ atthi... vīriyaṃ atthi... paññā atthi kusalesu dhammesu tassa yā ratti vā divaso vā āgacchati, vuddhiyeva pāṭikaṅkhā kusalesu dhammesu, no parihāni.

“Saddho purisapuggalo’ti, kassapa, aparihānametaṃ; hirimā...pe... ottappī... āraddhavīriyo... paññavā... akkodhano... ‘anupanāhī purisapuggalo’ti, kassapa, aparihānametaṃ; ‘santi bhikkhū ovādakā’ti, kassapa, aparihānameta’nti. Sattamaṃ.

## 8. Tatiyaovādasuttaṃ

**151.** Rājagahe kalandakanivāpe [sāvatti, ārāme (sī.)]. Atha kho āyasmā mahākassapo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ mahākassapaṃ bhagavā etadavoca – “ovada, kassapa, bhikkhū; karohi, kassapa, bhikkhūnaṃ dhammiṃ kathaṃ. Ahaṃ vā, kassapa, bhikkhūnaṃ ovadeyyaṃ tvaṃ vā; ahaṃ vā bhikkhūnaṃ dhammiṃ kathaṃ kareyyaṃ tvaṃ vā”ti.

“Dubbacā kho, bhante, etarahi bhikkhū, dovacassakaraṇehi dhammehi samannāgatā, akkhamā, appadakkhiṇaggāhino anusāsanti”nti. “Tathā hi pana, kassapa, pubbe therā bhikkhū āraññikā ceva ahesuṃ āraññikattassa ca vaṇṇavādino, piṇḍapātikā ceva ahesuṃ piṇḍapātikattassa ca vaṇṇavādino, paṃsukūlikā ceva ahesuṃ paṃsukūlikattassa ca vaṇṇavādino, tecīvarikā ceva ahesuṃ tecīvarikattassa ca vaṇṇavādino, appicchā ceva ahesuṃ appicchatāya ca vaṇṇavādino, santuṭṭhā ceva ahesuṃ santuṭṭhiyā ca vaṇṇavādino, pavivittā ceva ahesuṃ pavivekassa ca vaṇṇavādino, asaṃsaṭṭhā ceva ahesuṃ asaṃsaggassa ca vaṇṇavādino, āraddhavīriyā ceva ahesuṃ vīriyārambhassa ca vaṇṇavādino.

“Tatra yo hoti bhikkhu āraññiko ceva āraññikattassa ca vaṇṇavādī, piṇḍapātiko ceva piṇḍapātikattassa ca vaṇṇavādī, paṃsukūliko ceva paṃsukūlikattassa ca vaṇṇavādī, tecīvariko ceva tecīvarikattassa ca vaṇṇavādī, appiccho ceva appicchatāya ca vaṇṇavādī, santuṭṭho ceva santuṭṭhiyā ca vaṇṇavādī, pavivitto ceva pavivekassa ca vaṇṇavādī, asaṃsaṭṭho ceva asaṃsaggassa ca vaṇṇavādī, āraddhavīriyo ceva vīriyārambhassa ca vaṇṇavādī, taṃ therā bhikkhū āsanena nimantenti – ‘ehi, bhikkhu, ko nāmāyaṃ bhikkhu, bhaddako vatāyaṃ bhikkhu, sikkhākāmo vatāyaṃ bhikkhu; ehi, bhikkhu, idaṃ āsanaṃ nisīdāhi”ti.

“Tatra, kassapa, navānaṃ bhikkhūnaṃ evaṃ hoti – ‘yo kira so hoti bhikkhu āraññiko ceva āraññikattassa ca vaṇṇavādī, piṇḍapātiko ceva...pe... paṃsukūliko ceva... tecīvariko ceva... appiccho ceva... santuṭṭho ceva... pavivitto ceva... asaṃsaṭṭho ceva... āraddhavīriyo ceva vīriyārambhassa ca vaṇṇavādī, taṃ therā bhikkhū āsanena nimantenti – ehi, bhikkhu, ko nāmāyaṃ bhikkhu, bhaddako vatāyaṃ bhikkhu, sikkhākāmo vatāyaṃ bhikkhu; ehi, bhikkhu, idaṃ āsanaṃ nisīdāhi”ti. Te tathattāya paṭipajjanti; tesam taṃ hoti dīgharattaṃ hitāya sukhāya.

“Etarahi pana, kassapa, therā bhikkhū na ceva āraññikā na ca āraññikattassa vaṇṇavādino, na ceva piṇḍapātikā na ca piṇḍapātikattassa vaṇṇavādino, na ceva paṃsukūlikā na ca paṃsukūlikattassa vaṇṇavādino, na ceva tecīvarikā na ca tecīvarikattassa vaṇṇavādino, na ceva appicchā na ca appicchatāya vaṇṇavādino, na ceva santuṭṭhā na ca santuṭṭhiyā vaṇṇavādino, na ceva pavivittā na ca pavivekassa vaṇṇavādino, na ceva asaṃsaṭṭhā na ca asaṃsaggassa vaṇṇavādino, na ceva āraddhavīriyā na ca vīriyārambhassa vaṇṇavādino.

“Tatra yo hoti bhikkhu ñāto yasassī lābhī cīvara-piṇḍapāta-senāsana-gilānappaccayabhesajjaparikkhārānaṃ taṃ therā bhikkhū āsanena nimantenti – ‘ehi, bhikkhu, ko nāmāyaṃ bhikkhu, bhaddako vatāyaṃ bhikkhu, sabrahmacārikāmo vatāyaṃ bhikkhu; ehi, bhikkhu, idaṃ āsanaṃ nisīdāhī’”ti.

“Tatra, kassapa, navānaṃ bhikkhūnaṃ evaṃ hoti – ‘yo kira so hoti bhikkhu ñāto yasassī lābhī cīvara-piṇḍapāta-senāsana-gilānappaccayabhesajjaparikkhārānaṃ taṃ therā bhikkhū āsanena nimantenti – ehi, bhikkhu, ko nāmāyaṃ bhikkhu, bhaddako vatāyaṃ bhikkhu, sabrahmacārikāmo vatāyaṃ bhikkhu; ehi, bhikkhu, idaṃ āsanaṃ nisīdāhī’ti. Te tathattāya paṭipajjanti. Tesāṃ taṃ hoti dīgharattaṃ ahitāya dukkhāya. Yañhi taṃ, kassapa, sammā vadamāno vadeyya – ‘upaddutā brahmacārī brahmacārūpaddavena abhipatthanā [abhibhavanā (sī.)] brahmacārī brahmacāriabhipatthanenā’ti [brahmacāriabhibhavanenāti (sī.)], etarahi taṃ, kassapa, sammā vadamāno vadeyya – ‘upaddutā brahmacārī brahmacārūpaddavena abhipatthanā brahmacārī brahmacāriabhipatthanenā’”ti. Aṭṭhamaṃ.

## 9. Jhānābhiññasuttaṃ

**152.** Sāvattthiyaṃ viharati...pe... “ahaṃ, bhikkhave, yāvadeva ākañkhāmi vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharāmi. Kassapopi, bhikkhave, yāvadeva ākañkhati vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharati”.

“Ahaṃ, bhikkhave, yāvadeva ākañkhāmi vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharāmi. Kassapopi, bhikkhave, yāvadeva ākañkhati vitakkavicārānaṃ vūpasamā...pe... dutiyaṃ jhānaṃ upasampajja viharati.

“Ahaṃ, bhikkhave, yāvadeva ākañkhāmi pītiyā ca virāgā upekkhako ca viharāmi sato ca sampajāno sukhañca kāyena paṭisaṃvedemi, yaṃ taṃ ariyā ācikkhanti – ‘upekkhako satimā sukhavihārī’ti tatiyaṃ jhānaṃ upasampajja viharāmi. Kassapopi, bhikkhave, yāvadeva ākañkhati pītiyā ca virāgā upekkhako ca viharati sato ca sampajāno, sukhañca kāyena paṭisaṃvedeti, yaṃ taṃ ariyā ācikkhanti – ‘upekkhako satimā sukhavihārī’ti tatiyaṃ jhānaṃ upasampajja viharati.

“Ahaṃ, bhikkhave, yāvadeva ākañkhāmi sukhasa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharāmi. Kassapopi, bhikkhave, yāvadeva ākañkhati sukhasa ca pahānā ...pe... catutthaṃ jhānaṃ upasampajja viharati.

“Ahaṃ, bhikkhave, yāvadeva ākañkhāmi sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ananto ākāsoti ākāsānañcāyatanāṃ upasampajja viharāmi. Kassapopi, bhikkhave, yāvadeva ākañkhati sabbaso rūpasaññānaṃ samatikkamā...pe... ākāsānañcāyatanāṃ upasampajja viharati.

“Ahaṃ, bhikkhave, yāvadeva ākañkhāmi sabbaso ākāsānañcāyatanāṃ samatikkamma anantaṃ viññāṇanti viññāṇañcāyatanāṃ upasampajja viharāmi. Kassapopi, bhikkhave, yāvadeva ākañkhati

sabbaso ākāsānañcāyatanam samatikkamma anantaṃ viññāṇanti viññāṇañcāyatanam upasampajja viharati.

“Ahaṃ, bhikkhave, yāvadeva ākaṅkhāmi sabbaso viññāṇañcāyatanam samatikkamma ‘natthi kiñcī’ti ākiñcaññāyatanam upasampajja viharāmi. Kassapopi, bhikkhave, yāvadeva ākaṅkhati...pe... ākiñcaññāyatanam upasampajja viharati.

“Ahaṃ, bhikkhave, yāvadeva ākaṅkhāmi sabbaso ākiñcaññāyatanam samatikkamma nevasaññānāsaññāyatanam upasampajja viharāmi. Kassapopi, bhikkhave, yāvadeva ākaṅkhati...pe... nevasaññānāsaññāyatanam upasampajja viharati.

“Ahaṃ, bhikkhave, yāvadeva ākaṅkhāmi sabbaso nevasaññānāsaññāyatanam samatikkamma saññāvedayitanirodham upasampajja viharāmi. Kassapopi, bhikkhave...pe... saññāvedayitanirodham upasampajja viharati.

“Ahaṃ, bhikkhave, yāvadeva ākaṅkhāmi anekavihitam iddhividham paccanubhomi – ekopi hutvā bahudhā homi, bahudhāpi hutvā eko homi; āvibhāvaṃ, tirobhāvaṃ, tirokuṭṭam, tiropākāraṃ, tiropabbataṃ, asajjamāno gacchāmi, seyyathāpi ākāse; pathaviyāpi ummujjanimujjam karomi, seyyathāpi udaye; udaye pi abhijjamāne gacchāmi, seyyathāpi pathaviyam; ākāsepi pallaṅkena kamāmi, seyyathāpi pakkhī sakuṇo; imepi candimasūriye evaṃmahiddhike evaṃmahānubhāve paṇinā parimasāmi parimajjāmi; yāva brahmalokāpi kāyena vasaṃ vattemi. Kassapopi, bhikkhave, yāvadeva ākaṅkhati anekavihitam iddhividham paccanubhoti...pe... yāva brahmalokāpi kāyena vasaṃ vatteti.

“Ahaṃ, bhikkhave, yāvadeva ākaṅkhāmi dibbāya sotadhātuyā visuddhāya atikkantamānusikāya ubho sadde suṇāmi, dibbe ca mānuse ca, ye dūre santike ca. Kassapopi, bhikkhave, yāvadeva ākaṅkhati dibbāya sotadhātuyā...pe... dūre santike ca.

“Ahaṃ, bhikkhave, yāvadeva ākaṅkhāmi parasattānam parapuggalānam cetasā ceto paricca pajānāmi – sarāgaṃ vā cittaṃ sarāgaṃ cittanti pajānāmi, vītārāgaṃ vā cittaṃ vītārāgaṃ cittanti pajānāmi, sadosaṃ vā cittaṃ...pe... vītadosaṃ vā cittaṃ... samohaṃ vā cittaṃ... vītamohaṃ vā cittaṃ... saṃkhittaṃ vā cittaṃ... vikkhittaṃ vā cittaṃ... mahaggataṃ vā cittaṃ... amahaggataṃ vā cittaṃ... sauttaraṃ vā cittaṃ... anuttaraṃ vā cittaṃ... samāhitaṃ vā cittaṃ... asamāhitaṃ vā cittaṃ... vimuttaṃ vā cittaṃ... avimuttaṃ vā cittaṃ avimuttaṃ cittanti pajānāmi. Kassapopi, bhikkhave, yāvadeva ākaṅkhati parasattānam parapuggalānam cetasā ceto paricca pajānāti – sarāgaṃ vā cittaṃ sarāgaṃ cittanti pajānāti...pe... avimuttaṃ vā cittaṃ avimuttaṃ cittanti pajānāti.

“Ahaṃ, bhikkhave, yāvadeva ākaṅkhāmi anekavihitam pubbenivāsaṃ anussarāmi, seyyathidaṃ – ekampi jātiṃ dvepi jātiyo tissopi jātiyo catassopi jātiyo pañcapi jātiyo dasapi jātiyo vīsampi jātiyo tiṃsampi jātiyo cattālīsampi jātiyo paññāsampi jātiyo jātisatampi jātisahassampi jātisatasahassampi, anekepi saṃvaṭṭakappe anekepi vivaṭṭakappe anekepi saṃvaṭṭavivaṭṭakappe – ‘amutrāsīm evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto, so tato cuto amutra udapādim; tatrāpāsīm evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto, so tato cuto idhūpapanno’ti. Iti sākāraṃ sauddesaṃ anekavihitam pubbenivāsaṃ anussarāmi. Kassapopi, bhikkhave, yāvadeva ākaṅkhati anekavihitam pubbenivāsaṃ anussarati, seyyathidaṃ – ekampi jātiṃ...pe... iti sākāraṃ sauddesaṃ anekavihitam pubbenivāsaṃ anussarati.

“Ahaṃ, bhikkhave, yāvadeva ākaṅkhāmi dibbena cakkhunā visuddhena atikkantamānusakena satte passāmi cavamāne upapajjamāne hīne paṇṭe suvaṇṇe dubbaṇṇe, sugate duggate yathākammūpage satte pajānāmi – ‘ime vata, bhonto, sattā kāyaduccaritena samannāgatā vacīduccaritena samannāgatā manoduccaritena samannāgatā ariyānaṃ upavādakā micchādīṭṭhikā micchādīṭṭhikammasamādānā; te

kāyassa bheda param maraṇā apāyaṃ duggatiṃ vinipātaṃ nirayaṃ upapannā, ime vā pana, bhonto, sattā kāyasucaritena samannāgatā vacīsucaritena samannāgatā manosucaritena samannāgatā ariyānaṃ anupavādakā sammādiṭṭhikā sammādiṭṭhikammasamādānā; te kāyassa bheda param maraṇā sugatiṃ saggāṃ lokāṃ upapannā’ ti. Iti dibbena cakkhunā visuddhena atikkantamānusakena satte passāmi cavamāne upapajjamāne hīne paṇīte suvaṇṇe dubbaṇṇe, sugate duggate yathākammūpage satte pajānāmi. Kassapopi, bhikkhave, yāvadeva ākaṅkhati dibbena cakkhunā visuddhena atikkantamānusakena satte passati cavamāne...pe... yathākammūpage satte pajānāti.

“Ahaṃ, bhikkhave, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharāmi. Kassapopi, bhikkhave, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharatī’ ti. Navamaṃ.

## 10. Upassayasuttaṃ

**153.** Evaṃ me sutāṃ – ekaṃ samayaṃ āyasmā mahākassapo sāvattthiyaṃ viharati jetavane anāthapiṇḍikassa ārāme. Atha kho āyasmā ānando pubbaṅhasamayaṃ nivāsetvā pattacīvaramādāya yenāyasmā mahākassapo tenupasaṅkami; upasaṅkamitvā āyasmantaṃ mahākassapaṃ etadavoca – “āyāma, bhante kassapa, yena aññataro bhikkhunupassayo tenupasaṅkamissāmā’ ti. “Gaccha tvaṃ, āvuso ānanda, bahukicco tvaṃ bahukaraṇīyo’ ti. Dutiyampi kho āyasmā ānando āyasmantaṃ mahākassapaṃ etadavoca – “āyāma, bhante kassapa, yena aññataro bhikkhunupassayo tenupasaṅkamissāmā’ ti. “Gaccha tvaṃ, āvuso ānanda, bahukicco tvaṃ bahukaraṇīyo’ ti. Tatiyampi kho āyasmā ānando āyasmantaṃ mahākassapaṃ etadavoca – “āyāma, bhante kassapa, yena aññataro bhikkhunupassayo tenupasaṅkamissāmā’ ti.

Atha kho āyasmā mahākassapo pubbaṅhasamayaṃ nivāsetvā pattacīvaramādāya āyasmatā ānandena pacchāsamaṇena yena aññataro bhikkhunupassayo tenupasaṅkami; upasaṅkamitvā paññatte āsane nisīdi. Atha kho sambahulā bhikkhuniyo yenāyasmā mahākassapo tenupasaṅkamisū; upasaṅkamitvā āyasmantaṃ mahākassapaṃ abhivādetvā ekamantaṃ nisīdisū. Ekamantaṃ nisinnā kho tā bhikkhuniyo āyasmā mahākassapo dhammiyā kathāya sandassesī samādapesī samuttejesī sampahaṃsesī. Atha kho āyasmā mahākassapo tā bhikkhuniyo dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanā pakkāmi.

Atha kho thullatissā bhikkhunī anattamanā anattamanavācaṃ nicchāresi – “kiṃ pana ayyo mahākassapo, ayyassa ānandassa vedehamunino sammukhā dhammaṃ bhāsītappaṃ maññati? Seyyathāpi nāma sūcivāṇijako sūcīkārassa santike sūciṃ vikketappaṃ maññeyya; evameva ayyo mahākassapo ayyassa ānandassa vedehamunino sammukhā dhammaṃ bhāsītappaṃ maññatī’ ti.

Assosi kho āyasmā mahākassapo thullatissāya bhikkhuniyā imaṃ vācaṃ bhāsamānāya. Atha kho āyasmā mahākassapo āyasmantaṃ ānandaṃ etadavoca – “kiṃ nu kho, āvuso ānanda, ahaṃ sūcivāṇijako, tvaṃ sūcīkāro; udāhu ahaṃ sūcīkāro, tvaṃ sūcivāṇijako’ ti? “Khama, bhante kassapa, bālo mātugāmo’ ti. “Āgamehi tvaṃ, āvuso ānanda, mā te saṅgho uttari upaparikkhi’.

“Taṃ kiṃ maññasi, āvuso ānanda, api nu tvaṃ bhagavato sammukhā bhikkhusaṅghe upanīto – ‘ahaṃ, bhikkhave, yāvadeva ākaṅkhāmi vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharāmi. Ānandopi, bhikkhave, yāvadeva ākaṅkhati vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharatī’ ti? “No hetāṃ, bhante’.

“Ahaṃ kho, āvuso, bhagavato sammukhā bhikkhusaṅghe upanīto – ‘ahaṃ, bhikkhave, yāvadeva ākaṅkhāmi vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ

paṭhamam jhānam upasampajja viharāmi. Kassapopi, bhikkhave, yāvadeva ākaṅkhati vivicceva kāmehi vivicca akusalehi dhammehi...pe... paṭhamam jhānam upasampajja viharatī’ti...pe.... (Navannaṃ anupubbavihārasamāpattīnaṃ pañcannaṅca abhiññānaṃ evaṃ vitthāro veditabbo.)

“Taṃ kiṃ maññasi, āvuso ānanda, api nu tvaṃ bhagavato sammukhā bhikkhusaṅghe upanīto – ‘aham, bhikkhave, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharāmi. Ānandopi, bhikkhave, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharatī’”ti? “No hetam, bhante”.

“Aham kho, āvuso, bhagavato sammukhā bhikkhusaṅghe upanīto – ‘aham, bhikkhave, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharāmi. Kassapopi, bhikkhave, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharatī’”ti.

“Sattaratanaṃ vā, āvuso, nāgaṃ aḍḍhaṭṭhamaratanaṃ vā tālapattikāya chādetabbaṃ maññeyya, yo me cha abhiññā chādetabbaṃ maññeyyā”ti.

Cavittha ca pana thullatissā bhikkhunī brahmacariyamhāti. Dasamaṃ.

## 11. Cīvarasuttaṃ

**154.** Ekam samayaṃ āyasmā mahākassapo rājagahe viharati veḷuvane kalandakanivāpe. Tena kho pana samayena āyasmā ānando dakkhiṇagirismiṃ cārikaṃ carati mahatā bhikkhusaṅghena saddhiṃ.

Tena kho pana samayena āyasmato ānandassa tiṃsamattā saddhivihārino bhikkhū sikkhaṃ paccakkhāya hīnāyāvattā bhavanti yebhuyyena kumārabhūtā. Atha kho āyasmā ānando dakkhiṇagirismiṃ yathābhirantaṃ cārikaṃ caritvā yena rājagahaṃ veḷuvanaṃ kalandakanivāpo yenāyasmā mahākassapo tenupasaṅkami; upasaṅkamitvā āyasmantaṃ mahākassapaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ ānandaṃ āyasmā mahākassapo etadavoca – ‘kati nu kho, āvuso ānanda, atthavase paṭicca bhagavatā kulesu tikabhōjanaṃ paññatta’nti?

“Tayo kho, bhante kassapa, atthavase paṭicca bhagavatā kulesu tikabhōjanaṃ paññattaṃ – dummaṅkūnaṃ puggalānaṃ niggaḥāya pesalānaṃ bhikkhūnaṃ phāsuvihārāya, mā pāpicchā pakkhaṃ nissāya saṅghaṃ bhindeyyuṃ [vinayapiṭake cūlavagge saṃghabhedakakkhandhake vajirabuddhiyaṃ aññathā sambandho dassito], kulānuddayatāya ca. Ime kho, bhante kassapa, tayo atthavase paṭicca bhagavatā kulesu tikabhōjanaṃ paññatta’nti.

“Atha kiñcarahi tvaṃ, āvuso ānanda, imehi navehi bhikkhūhi indriyesu aguttadvārehi bhojane amattaññūhi jāgariyaṃ ananuyuttehi saddhiṃ cārikaṃ carasi? Sassaghātaṃ maññe carasi, kulūpaghātaṃ maññe carasi. Olujjati [ullujjati (sī. aṭṭhakathāsu ca)] kho te, āvuso ānanda, parisā; palujjanti kho te, āvuso, navappāyā. Na vāyaṃ kumārako mattamaññāsī’nti.

“Api me, bhante kassapa, sirasmiṃ palitāni jātāni. Atha ca pana mayaṃ ajjāpi āyasmato mahākassapassa kumārakavādā na muccāmā’nti. “Tathā hi pana tvaṃ, āvuso ānanda, imehi navehi bhikkhūhi indriyesu aguttadvārehi bhojane amattaññūhi jāgariyaṃ ananuyuttehi saddhiṃ cārikaṃ carasi, sassaghātaṃ maññe carasi, kulūpaghātaṃ maññe carasi. Olujjati kho te, āvuso ānanda, parisā; palujjanti kho te, āvuso, navappāyā. [palujjati kho te āvuso ānanda parisā (ka. sī.)] Na vāyaṃ kumārako mattamaññāsī’nti.

Assosi kho thullanandā bhikkhunī – “ayyena kira mahākassapena ayyo ānando vedehamuni

kumāarakavādena apasādito’’ti.

Atha kho thullanandā bhikkhunī anattamanā anattamanavācaṃ nicchāresi – ‘‘kiṃ pana ayyo mahākassapo aññatitthiyapubbo samāno ayyaṃ ānandaṃ vedehamuniṃ kumāarakavādena apasādetabbaṃ maññatī’’ti! Assosi kho āyasmā mahākassapo thullanandāya bhikkhuniyā imaṃ vācaṃ bhāsamanāya.

Atha kho āyasmā mahākassapo āyasmantaṃ ānandaṃ etadavoca – ‘‘tagghāvuso ānanda, thullanandāya bhikkhuniyā sahasā appaṭisaṅkhā vācā bhāsītā. Yatvāhaṃ, āvuso, kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajito, nābhijānāmi aññaṃ satthāraṃ uddisitā [uddisitum (sī. pī. ka.)], aññatra tena bhagavatā arahatā sammāsambuddhena. Pubbe me, āvuso, agārikabhūtaṃ sato etadahosi – ‘sambādho gharāvāso rajāpatho [rajopatho (sī.)], abbhokāso pabbajjā. Nayidaṃ sukaraṃ agāraṃ ajjhāvasatā ekantaparipuṇṇaṃ ekantaparissuddhaṃ saṅkhalikhitaṃ brahmacariyaṃ caritum. Yaṃnūnāhaṃ kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajeyya’’nti. So khvāhaṃ, āvuso, aparena samayena paṭapilotikānaṃ saṅghāṭiṃ kāretvā [karitvā (sī. syā. kaṃ. pī.)] ye loke arahanto te uddissa kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajim.

So evaṃ pabbajito samāno addhānamaggappaṭipanno addasaṃ bhagavantaṃ antarā ca rājagahaṃ antarā ca nālandaṃ bahuputte cetiye nisinnaṃ. Disvāna me etadahosi – ‘satthāraṅca vatāhaṃ passeyyaṃ, bhagavantameva passeyyaṃ; sugataṅca vatāhaṃ passeyyaṃ, bhagavantameva passeyyaṃ; sammāsambuddhaṅca vatāhaṃ passeyyaṃ; bhagavantameva passeyya’’nti. So khvāhaṃ, āvuso, tattheva bhagavato pādesu sirasā nipatitvā bhagavantaṃ etadavocaṃ – ‘satthā me, bhante, bhagavā, sāvakoḥamasmi; satthā me, bhante, bhagavā, sāvakoḥasmī’’ti. Evaṃ vutte maṃ, āvuso, bhagavā etadavoca – ‘yo kho, kassapa, evaṃ sabbacetasaṃ samannāgataṃ sāvakaṃ ajānaññeva vadeyya jānāmīti, apassaññeva vadeyya passāmīti, muddhāpi tassa vipateyya. Ahaṃ kho pana, kassapa, jānaññeva vadāmi jānāmīti, passaññeva vadāmi passāmī’’ti.

Tasmātiha te, kassapa, evaṃ sikkhitabbaṃ – ‘tibbaṃ me hirottappaṃ paccupaṭṭhitaṃ bhavissati thesu navesu majjhimesū’’ti. Evañhi te, kassapa, sikkhitabbaṃ.

Tasmātiha te, kassapa, evaṃ sikkhitabbaṃ – ‘yaṃ kiñci dhammaṃ suṇissāmi kusalūpasamhitaṃ sabbam taṃ aṭṭhiṃ katvā manasi karitvā sabbacetasaṃ samannāharitvā ohitasoto dhammaṃ suṇissāmi’’ti. Evañhi te, kassapa, sikkhitabbaṃ.

Tasmātiha te, kassapa, evaṃ sikkhitabbaṃ – ‘sātasahagatā ca me kāyagatāsati na vijahissatī’’ti. Evañhi te, kassapa, sikkhitabbanti.

‘‘Atha kho maṃ, āvuso, bhagavā iminā ovādena ovaditvā uṭṭhāyāsanaṃ pakkāmi. Sattāhameva khvāhaṃ, āvuso, saraṇo [sāṇo (sī.)] raṭṭhapiṇḍaṃ bhuñjim’’. Aṭṭhamiyā aññaṃ udapādi.

‘‘Atha kho, āvuso, bhagavā maggā okkamma yena aññataraṃ rukkhamūlaṃ tenupasaṅkama. Atha khvāhaṃ, āvuso, paṭapilotikānaṃ saṅghāṭiṃ catugguṇaṃ paññapetvā bhagavantaṃ etadavocaṃ – ‘idha, bhante, bhagavā nisīdatu, yaṃ mamassa dīgharattaṃ hitāya sukhāyā’’ti. Nisīdi kho, āvuso, bhagavā paññatte āsane. Nisajja kho maṃ, āvuso, bhagavā etadavoca – ‘mudukā kho tyāyaṃ, kassapa, paṭapilotikānaṃ saṅghāṭī’’ti. ‘Paṭiggaṇhātu me, bhante, bhagavā paṭapilotikānaṃ saṅghāṭiṃ anukampaṃ upādāyā’’ti. ‘Dhāressasi pana me tvaṃ, kassapa, sāṇāni paṃsukūlāni nibbasanāni’’ti. ‘Dhāressāmaḥam, bhante, bhagavato sāṇāni paṃsukūlāni nibbasanāni’’ti. ‘‘So khvāhaṃ, āvuso, paṭapilotikānaṃ saṅghāṭiṃ bhagavato pādāsim. Ahaṃ pana bhagavato sāṇāni paṃsukūlāni nibbasanāni paṭipajjim’’.’’

‘‘Yañhi taṃ, āvuso, sammā vadamāno vadeyya – ‘bhagavato putto oraso mukhato jāto dhammajo

dhammanimmito dhammadāyādo, paṭiggahitāni [paṭiggahetā (sī.)] sāṇāni paṃsukūlāni nibbasanāni”ti, mamaṃ taṃ sammā vadamāno vadeyya – “bhagavato putto oraso mukhato jāto dhammajō dhammanimmito dhammadāyādo, paṭiggahitāni sāṇāni paṃsukūlāni nibbasanāni””ti.

“Ahaṃ kho, āvuso, yāvadeva ākaṅkhāmi vivicceva kāmehi vivicca akusalehi dhammehi savitakkam savicāram vivekajam pītisukham paṭhamam jhānam upasampajja viharāmi. Ahaṃ kho, āvuso, yāvade ākaṅkhāmi...pe... (navannaṃ anupubbavīhārasamāpattinaṃ pañcannaṃca abhiññānaṃ evaṃ vitthāro veditabbo).

“Ahaṃ kho, āvuso, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharāmi; sattarataṃ vā, āvuso, nāgaṃ adḍhaṭṭhamarataṃ vā tālapattikāya chādetabbaṃ maññeyya, yo me cha abhiññā chādetabbaṃ maññeyyā”ti.

Cavittha ca pana thullanandā bhikkhunī brahmacariyamhāti. Ekādasamaṃ.

## 12. Paraṃmaraṇasuttaṃ

**155.** Ekaṃ samayaṃ āyasmā ca mahākassapo āyasmā ca sārīputto bārāṇasiyaṃ viharanti isipatane migadāye. Atha kho āyasmā sārīputto sāyanhasamayaṃ paṭisallānā vuṭṭhito yenāyasmā mahākassapo tenupasaṅkami; upasaṅkamtivā āyasmātā mahākassapena saddhiṃ sammodī. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisīno kho āyasmā sārīputto āyasmantaṃ mahākassapaṃ etadavoca – “kiṃ nu kho, āvuso kassapa, hoti tathāgato paraṃ maraṇā”ti? “Abyākataṃ kho etaṃ, āvuso, bhagavatā – ‘hoti tathāgato paraṃ maraṇā’”ti. “Kiṃ panāvuso, na hoti tathāgato paraṃ maraṇā”ti? “Evampi kho, āvuso, abyākataṃ bhagavatā – ‘na hoti tathāgato paraṃ maraṇā’”ti. “Kiṃ nu kho, āvuso, hoti ca na ca hoti tathāgato paraṃ maraṇā”ti? “Abyākataṃ kho etaṃ, āvuso, bhagavatā – ‘hoti ca na ca hoti tathāgato paraṃ maraṇā’”ti. “Kiṃ panāvuso, neva hoti, na na hoti tathāgato paraṃ maraṇā”ti? “Evampi kho, āvuso, abyākataṃ bhagavatā – ‘neva hoti na na hoti tathāgato paraṃ maraṇā’”ti. “Kasmā cetam, āvuso, abyākataṃ bhagavatā”ti? “Na hetam, āvuso, atthasaṃhitam nādirahmacariyakam na nibbidāya na virāgāya na nirodhāya na upasamāya na abhiññāya na sambodhāya na nibbānāya saṃvattati. Tasmā taṃ abyākataṃ bhagavatā”ti.

“Atha kiñcarahāvuso, byākataṃ bhagavatā”ti? “Idam ‘dukkha’nti kho, āvuso, byākataṃ bhagavatā; ayam ‘dukkhasamudayo’ti byākataṃ bhagavatā; ayam ‘dukkhanirodho’ti byākataṃ bhagavatā; ayam ‘dukkhanirodhagāminī paṭipadā’ti byākataṃ bhagavatā”ti. “Kasmā cetam, āvuso, byākataṃ bhagavatā”ti? “Etañhi, āvuso, atthasaṃhitam etaṃ ādirahmacariyakam etaṃ nibbidāya virāgāya nirodhāya upasamāya abhiññāya sambodhāya nibbānāya saṃvattati. Tasmā taṃ byākataṃ bhagavatā”ti. Dvādasamaṃ.

## 13. Saddhammappatirūpakasuttaṃ

**156.** Evaṃ me sutam – ekaṃ samayaṃ bhagavā sāvattiyam viharati jetavane anāthapiṇḍikassa ārāme. Atha kho āyasmā mahākassapo yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisīno kho āyasmā mahākassapo bhagavantaṃ etadavoca – “ko nu kho, bhante, hetu ko paccayo, yena pubbe appatarāni ceva sikkhāpadāni ahesuṃ bahutarā ca bhikkhū aññāya saṅghahimsu? Ko pana, bhante, hetu ko paccayo, yenetarāni bahutarāni ceva sikkhāpadāni appatarā ca bhikkhū aññāya saṅghahantī”ti? “Evañcetam, kassapa, hoti sattesu hāyamānesu saddhamme antaradhāyamāne, bahutarāni ceva sikkhāpadāni honti appatarā ca bhikkhū aññāya saṅghahanti. Na tāva, kassapa, saddhammassa antaradhānaṃ hoti yāva na saddhammappatirūpakaṃ loke uppajjati. Yato ca kho, kassapa, saddhammappatirūpakaṃ loke uppajjati, atha saddhammassa antaradhānaṃ hoti”.



“Seyyathāpi, kassapa, na tāva jātarūpassa antaradhānaṃ hoti yāva na jātarūpappatirūpakaṃ loke uppajjati. Yato ca kho, kassapa, jātarūpappatirūpakaṃ loke uppajjati, atha jātarūpassa antaradhānaṃ hoti. Evameva kho, kassapa, na tāva saddhammassa antaradhānaṃ hoti yāva na saddhammappatirūpakaṃ loke uppajjati. Yato ca kho, kassapa, saddhammappatirūpakaṃ loke uppajjati, atha saddhammassa antaradhānaṃ hoti.

“Na kho, kassapa, pathavīdhātu saddhammaṃ antaradhāpeti, na āpodhātu saddhammaṃ antaradhāpeti, na tejodhātu saddhammaṃ antaradhāpeti, na vāyodhātu saddhammaṃ antaradhāpeti; atha kho idheva te uppajjanti moghapurisā ye imaṃ saddhammaṃ antaradhāpentī. Seyyathāpi, kassapa, nāvā ādikeneva opilavati; na kho, kassapa, evaṃ saddhammassa antaradhānaṃ hoti.

“Pañca khome, kassapa, okkamaniyā dhammā saddhammassa sammosāya antaradhānāya saṃvattanti. Katame pañca? Idha, kassapa, bhikkhū bhikkhuniyo upāsakā upāsikāyo satthari agāravā viharanti appatissā, dhamme agāravā viharanti appatissā, saṅhe agāravā viharanti appatissā, sikkhāya agāravā viharanti appatissā, samādhismiṃ agāravā viharanti appatissā – ime kho, kassapa, pañca okkamaniyā dhammā saddhammassa sammosāya antaradhānāya saṃvattanti.

“Pañca khome, kassapa, dhammā saddhammassa t̥hitiyā asammosāya anantaradhānāya saṃvattanti. Katame pañca? Idha, kassapa, bhikkhū bhikkhuniyo upāsakā upāsikāyo satthari sagāravā viharanti sappatissā, dhamme sagāravā viharanti sappatissā, saṅhe sagāravā viharanti sappatissā, sikkhāya sagāravā viharanti sappatissā, samādhismiṃ sagāravā viharanti sappatissā – ime kho, kassapa, pañca dhammā saddhammassa t̥hitiyā asammosāya anantaradhānāya saṃvattanti”’ti. Terasamaṃ.

Kassapasamyuttaṃ samattaṃ.

Tassuddānaṃ –

Santuṭṭhañca anottappī, candūpamaṃ kulūpakaṃ;  
Jiṇṇaṃ tayo ca ovādā, jhānābhīññā upassayaṃ;  
Cīvaraṃ paraṃmaraṇaṃ, saddhammappatirūpakanti.

## 6. Lābhasakkārasamyuttaṃ

### 1. Paṭhamavaggo

#### 1. Dāruṇasuttaṃ

157. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”’ti. “Bhadante”’ti te bhikkhū bhagavato paccassosum. Bhagavā etadavoca –

“Dāruṇo, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Tasmātiha, bhikkhave, evaṃ sikkhitabbaṃ – ‘uppannaṃ lābhasakkārasilokaṃ pajahissāma, na ca no uppanno lābhasakkārasiloko cittaṃ pariyādāya t̥hassatī’ti. Evañhi vo, bhikkhave, sikkhitabba’nti. Paṭhamaṃ.

#### 2. Bāḷisasuttaṃ

158. Sāvatthiyaṃ viharati...pe... “dāruṇo, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Seyyathāpi, bhikkhave, bāḷisiko āmisagataṃ

baḷisaṃ gambhīre udakarahade pakkhipeyya. Tameṇaṃ aññataro āmisacakkhu maccho gileyya. Evañhi so, bhikkhave, maccho gilabaḷiso bāḷisikassa anayaṃ āpanno byasanaṃ āpanno yathākāmakaraṇīyo bāḷisikassa”.

“Bāḷisikoti kho, bhikkhave, mārassetaṃ pāpimato adhivacanaṃ. Baḷisanti kho, bhikkhave, lābhasakkārasilokassetāṃ adhivacanaṃ. Yo hi koci, bhikkhave, bhikkhu uppannaṃ lābhasakkārasilokaṃ assādeti nikāmeti, ayaṃ vuccati, bhikkhave, bhikkhu gilabaḷiso mārasa anayaṃ āpanno byasanaṃ āpanno yathākāmakaraṇīyo pāpimato. Evaṃ dāruṇo kho, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Tasmātiha, bhikkhave, evaṃ sikkhitabbaṃ – ‘uppannaṃ lābhasakkārasilokaṃ pajahissāma, na ca no uppanno lābhasakkārasiloko cittaṃ pariyādāya ṭhassatī’ti. Evañhi vo, bhikkhave, sikkhitabba”nti. Dutiyaṃ.

### 3. Kummasuttaṃ

**159.** Sāvattthiyaṃ viharati...pe... “dāruṇo, bhikkhave, lābhasakkārasiloko...pe... adhigamāya. Bhūtapubbaṃ, bhikkhave, aññatarasmiṃ udakarahade mahākummakulaṃ ciranivāsi ahoṣi. Atha kho, bhikkhave, aññataro kummo aññataraṃ kummaṃ etadavoca – ‘mā kho tvaṃ, tāta kumma, etaṃ padesaṃ agamāsī’ti. Agamāsi kho, bhikkhave, so kummo taṃ padesaṃ. Tameṇaṃ luddo papatāya vijjhi. Atha kho, bhikkhave, so kummo yena so kummo tenupasankamī. Addasā kho, bhikkhave, so kummo taṃ kummaṃ dūratova āgacchantaṃ. Disvāna taṃ kummaṃ etadavoca – ‘kacci tvaṃ, tāta kumma, na taṃ padesaṃ agamāsī’ti? ‘Agamāsiṃ khvāhaṃ, tāta kumma, taṃ padesa’nti. ‘Kacci panāsi, tāta kumma, akkhato anupahato’ti? ‘Akkhato khomhi, tāta kumma, anupahato, atthi ca me idaṃ suttakaṃ piṭṭhito piṭṭhito anubandha’nti. ‘Tagghasi, tāta kumma, khato, taggha upahato. Etena hi te, tāta kumma, suttakena pitaro ca pitāmahā ca anayaṃ āpannā byasanaṃ āpannā. Gaccha dāni tvaṃ, tāta kumma, na dāni tvaṃ amhāka”nti.

“Luddoti kho, bhikkhave, mārassetaṃ pāpimato adhivacanaṃ. Papatāti kho, bhikkhave, lābhasakkārasilokassetāṃ adhivacanaṃ. Suttakanti kho, bhikkhave, nandirāgassetāṃ adhivacanaṃ. Yo hi koci, bhikkhave, bhikkhu uppannaṃ lābhasakkārasilokaṃ assādeti nikāmeti – ayaṃ vuccati, bhikkhave, bhikkhu giddho papatāya [bhikkhu papatāya (syā. kaṃ.), bhikkhu viddho papatāya (?)] anayaṃ āpanno byasanaṃ āpanno yathākāmakaraṇīyo pāpimato. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba”nti. Tatiyaṃ.

### 4. Dīghalomikasuttaṃ

**160.** Sāvattthiyaṃ viharati...pe... “dāruṇo, bhikkhave, lābhasakkārasiloko...pe... adhigamāya. Seyyathāpi, bhikkhave, dīghalomikā eḷakā kaṇṭakagahanaṃ paviseyya. Sā tatra tatra sajjeyya, tatra tatra gayheyya [gaccheyya (sī.), gaṇheyya (syā. kaṃ. pī. ka.)], tatra tatra bajjheyya, tatra tatra anayabyasanaṃ āpajjeyya. ‘Evameva kho, bhikkhave, idhekacco bhikkhu lābhasakkārasilokena abhibhūto pariyādiṇṇacitto pubbaṇhasamayaṃ nivāsetvā pattacīvaramādāya gāmaṃ vā nigamaṃ vā piṇḍāya pavisatī. So tatra tatra sajjatī, tatra tatra gayhatī, tatra tatra bajjhati, tatra tatra anayabyasanaṃ āpajjati. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba”nti. Catutthaṃ.

### 5. Mīḷhakaṣuttaṃ

**161.** Sāvattthiyaṃ viharati...pe... “dāruṇo, bhikkhave, lābhasakkārasiloko...pe... adhigamāya. Seyyathāpi, bhikkhave, mīḷhakā gūthādī gūthapūrā puṇṇā gūthassa. Purato cassa mahāgūthapuñjo. Sā tena aññā mīḷhakā atimaññeyya – ‘ahamhi gūthādī gūthapūrā puṇṇā gūthassa, purato ca myāyaṃ mahāgūthapuñjo’ti. Evameva kho, bhikkhave, idhekacco bhikkhu lābhasakkārasilokena abhibhūto pariyādiṇṇacitto pubbaṇhasamayaṃ nivāsetvā pattacīvaramādāya gāmaṃ vā nigamaṃ vā piṇḍāya

pavisati. So tattha bhuttāvī ca hoti yāvadattho, nimantito ca svātanāya, piṇḍapāto cassa pūro. So ārāmaṃ gantvā bhikkhugaṇassa majjhe vikatthati – ‘bhuttāvī camhi yāvadattho, nimantito camhi svātanāya, piṇḍapāto ca myāyaṃ pūro, lābhī camhi cīvara-piṇḍapāta-senāsana-gilānappaccaya-bhesajjaparikkhārānaṃ, ime panaññe bhikkhū appapuññā appesakkhā na lābhino cīvara-piṇḍapātasenāsana-gilānappaccaya-bhesajja-parikkhārāna’nti. So tena lābhasakkārasilokena abhibhūto pariyādiṇṇacitto aññe pesale bhikkhū atimaññati. Tañhi tassa, bhikkhave, moghapurisassa hoti dīgharattaṃ ahitāya dukkhāya. Evaṃ dāruṇo kho, bhikkhave, lābhasakkārasiloko...pe... evañhi vo bhikkhave, sikkhitabba’nti. Pañcamaṃ.

## 6. Asanisuttaṃ

162. Sāvattthiyaṃ viharati...pe... ‘‘dāruṇo, bhikkhave, lābhasakkārasiloko...pe... adhigamāya. [upari tatiyavagge tatiyacatutthasuttesu ‘‘mā ca kho tvaṃ tāta sekhaṃ... anupāpuṇātū’’ti āgataṃ. tena nayena idhāpi attho gahetabbo. ettha hi kiṃ saddena paṭikkhepatthopi sakkā ñātuṃ, yathā ‘‘sayam abhiññāya kamuddiseyya’’nti. tasmā kaṃ... āgacchatūti ettha kamapi... mā āgacchatūti ca, kaṃ sekhaṃ... anupāpuṇātūti ettha kamapi sekhaṃ... mā pāpuṇātūti ca attho veditabbo. aṭṭhakathāṭīkāsu ca ayamevattho ñāpito] Kaṃ, bhikkhave, asanivicakkaṃ āgacchatu [upari tatiyavagge tatiyacatutthasuttesu ‘‘mā ca kho tvaṃ tāta sekhaṃ... anupāpuṇātū’’ti āgataṃ. tena nayena idhāpi attho gahetabbo. ettha hi kiṃ saddena paṭikkhepatthopi sakkā ñātuṃ, yathā ‘‘sayam abhiññāya kamuddiseyya’’nti. tasmā kaṃ... āgacchatūti ettha kamapi... mā āgacchatūtica, taṃ sekhaṃ... anupāpuṇātūti ettha kamapi sekhaṃ... mā pāpuṇātūti ca attho veditabbo. aṭṭhakathāṭīkāsu ca ayamevattho ñāpito], sekhaṃ [asanivicakkaṃ, taṃ sekhaṃ (pī. ka.), asanivicakkaṃ, sekhaṃ (syā. kaṃ.), asanivicakkaṃ āgacchatu, kaṃ sekhaṃ (?)] appattamānasam lābhasakkārasiloko anupāpuṇātu’’ [anupāpuṇāti (pī. ka.)].

‘‘Asanivicakkanti kho, bhikkhave, lābhasakkārasilokassetam adhivacanaṃ. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Chaṭṭham.

## 7. Diddhasuttaṃ

163. Sāvattthiyaṃ viharati...pe... ‘‘dāruṇo, bhikkhave, lābhasakkārasiloko...pe... adhigamāya. Kaṃ, bhikkhave, diddhatena visallena sallena [diṭṭhigatena visallena (ka. sī.), diṭṭhigatena sallena (syā. kaṃ.), diṭṭhigatena visallena sallena (ka.), diṭṭhigatena visallena sallena (pī.)] vijjhātu, sekhaṃ [vijjhātu, taṃ sekhaṃ (sī.), vijjhāti, taṃ sekhaṃ (pī. ka.)] appattamānasam lābhasakkārasiloko anupāpuṇātu’’ [anupāpuṇāti (pī. ka.)].

‘‘Sallanti kho, bhikkhave, lābhasakkārasilokassetam adhivacanaṃ. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Sattamaṃ.

## 8. Siṅgālasuttaṃ

164. Sāvattthiyaṃ viharati...pe... ‘‘dāruṇo, bhikkhave, lābhasakkārasiloko...pe... adhigamāya. Assuttha no tumhe, bhikkhave, rattiyā paccūsamayaṃ jarasiṅgālassa [siṅgālassa (ka.), jarasiṅgālassa (sī. syā. kaṃ.)] vassamānassa’nti? ‘‘Evaṃ, bhante’’. ‘‘Eso kho, bhikkhave, jarasiṅgālo ukkaṇḍakena [ukkaṇḍakena (sī.), ukkaṇḍakena (syā. kaṃ. pī.)] nāma rogajātena phuṭṭho neva bilagato ramati, na rukkhamūlagato ramati, na ajjhokāsagato ramati; yena yena gacchati, yattha yattha tiṭṭhati, yattha yattha nisīdati, yattha yattha nipajjati; tattha tattha anayabyasanaṃ āpajjati. Evameva kho, bhikkhave, idhekacco bhikkhu lābhasakkārasilokena abhibhūto pariyādiṇṇacitto neva suññāgāragato ramati, na rukkhamūlagato ramati, na ajjhokāsagato ramati; yena yena gacchati, yattha yattha tiṭṭhati, yattha yattha nisīdati, yattha yattha nipajjati; tattha tattha anayabyasanaṃ āpajjati. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Aṭṭhamam.

## 9. Verambhasuttaṃ

**165.** Sāvattthiyaṃ viharati...pe... “dāruṇo, bhikkhave, lābhasakkārasiloko...pe... adhigamāya. Upari, bhikkhave, ākāse verambhā [verambā (sī. pī.)] nāma vātā vāyanti. Tattha yo pakkhī gacchati tamenam verambhā vātā khipanti. Tassa verambhavātakkhittassa aññeneva pādā gacchanti, aññena pakkhā gacchanti, aññena sīsam gacchati, aññena kāyo gacchati. Evameva kho, bhikkhave, idhekacco bhikkhu lābhasakkārasilokena abhibhūto pariyādiṇṇacitto pubbaṇhasamayaṃ nivāsetvā pattacīvaramādāya gāmaṃ vā nigamaṃ vā piṇḍāya pavisati arakkhiteneva kāyena arakkhitāya vācāya arakkhitena cittena, anupaṭṭhitāya satiyā, asaṃvutehi indriyehi. So tattha passati mātugāmaṃ dunnivatthaṃ vā duppārutaṃ vā. Tassa mātugāmaṃ disvā dunnivatthaṃ vā duppārutaṃ vā rāgo cittaṃ anuddhamseti. So rāgānuddhamsetena cittena sikkhaṃ paccakkhāya hīnāyāvattati. Tassa aññe cīvaram haranti, aññe pattaṃ haranti, aññe nisīdanam haranti, aññe sūcigharam haranti, verambhavātakkhittasseva sakuṇassa. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Navamaṃ.

## 10. Sagāthakasuttaṃ

**166.** Sāvattthiyaṃ viharati...pe... “dāruṇo, bhikkhave, lābhasakkārasiloko...pe... adhigamāya. Idhāham, bhikkhave, ekaccaṃ puggalaṃ passāmi sakkārena abhibhūtaṃ pariyādiṇṇacittaṃ, kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapannaṃ. Idha paṇāham, bhikkhave, ekaccaṃ puggalaṃ passāmi asakkārena abhibhūtaṃ pariyādiṇṇacittaṃ, kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapannaṃ. Idha paṇāham, bhikkhave, ekaccaṃ puggalaṃ passāmi sakkārena ca asakkārena ca tadubhayena abhibhūtaṃ pariyādiṇṇacittaṃ, kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapannaṃ. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti.

Idamavoca bhagavā. Idam vatvāna sugato athāparaṃ etadavoca satthā –

“Yassa sakkariyamānassa, asakkārena cūbhayaṃ;  
Samādhi na vikampati, appamāṇavihārino [appamāḍavivhārino (pī. ka.) appamāṇoti hettha phalasaṃādhi, na satī].

“Taṃ jhāyinaṃ sātatikaṃ, sukhumaṃ diṭṭhivipassakaṃ;  
Upādānakkhayārāmaṃ, āhu sappuriso itī”ti. dasamaṃ;

Paṭhamo vaggo.

Tassuddānaṃ –

Dāruṇo baḷisaṃ kummaṃ, dīghalomi ca mīlhakaṃ;  
Asani diddhaṃ siṅgālaṃ, verambhena sagāthakanti.

## 2. Dutiyavaggo

### 1. Suvaṇṇapātisuttaṃ

**167.** Sāvattthiyaṃ viharati...pe... “dāruṇo, bhikkhave, lābhasakkārasiloko...pe... adhigamāya. Idhāham, bhikkhave, ekaccaṃ puggalaṃ evaṃ cetasaṃ ceto paricca pajānāmi – ‘na cāyamāyasmā suvaṇṇapātīyāpi rūpiyacūṇṇaparipūrāya hetu sampajānamusā bhāseyyā’ti. Tamenam passāmi aparena samayena lābhasakkārasilokena abhibhūtaṃ pariyādiṇṇacittaṃ sampajānamusā bhāsantaṃ. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Paṭhamaṃ.

## 2. Rūpiyapātisuttam

168. Sāvattthiyaṃ viharati...pe... “dāruṇo, bhikkhave, lābhasakkārasiloko...pe... idhāhaṃ, bhikkhave, ekaccaṃ puggalaṃ evaṃ cetasā ceto paricca pajānāmi – ‘na cāyamāyasmā rūpiyapātiyāpi suvaṇṇacuṇṇaparipūrāya hetu sampajānamusā bhāseyyā’ti. Tameṇaṃ passāmi aparena samayena lābhasakkārasilokena abhibhūtaṃ pariyādiṇṇacittaṃ sampajānamusā bhāsantaṃ. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Dutiyaṃ.

### 3-10. Suvaṇṇanikkhasuttādiṭṭhakaṃ

169. Sāvattthiyaṃ viharati...pe... “idhāhaṃ, bhikkhave, ekaccaṃ puggalaṃ evaṃ cetasā ceto paricca pajānāmi – ‘na cāyamāyasmā suvaṇṇanikkhasāpi hetu...pe... suvaṇṇanikkhasatassāpi hetu... siṅgīnikkhasāpi hetu... siṅgīnikkhasatassāpi hetu... pathaviyāpi jātarūpaparipūrāya hetu... āmisakiñcikkhahetupi... jīvītahetupi... janapadakalyāṇiyāpi hetu sampajānamusā bhāseyyā’ti. Tameṇaṃ passāmi aparena samayena lābhasakkārasilokena abhibhūtaṃ pariyādiṇṇacittaṃ sampajānamusā bhāsantaṃ. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Dasamaṃ.

Dutiyo vaggo.

Tassuddānaṃ –

Dve pāti dve suvaṇṇā ca, siṅgīhi apare duve;  
Pathavī kiñcikkhajīvitā, janapadakalyāṇiyā dasāti.

## 3. Tatiyavaggo

### 1. Mātugāmasuttam

170. Sāvattthiyaṃ viharati...pe... “dāruṇo, bhikkhave, lābhasakkārasiloko...pe... na tassa, bhikkhave, mātugāmo eko ekassa cittaṃ pariyādāya tiṭṭhati yassa lābhasakkārasiloko cittaṃ pariyādāya tiṭṭhati. Evaṃ dāruṇo kho, bhikkhave, lābhasakkārasiloko ...pe... evañhi vo, bhikkhave, sikkhitabba’nti. Paṭhamaṃ.

### 2. Kalyāṇīsuttam

171. Sāvattthiyaṃ viharati...pe... “dāruṇo, bhikkhave, lābhasakkārasiloko...pe... na tassa, bhikkhave, janapadakalyāṇī ekā ekassa cittaṃ pariyādāya tiṭṭhati yassa lābhasakkārasiloko cittaṃ pariyādāya tiṭṭhati. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Dutiyaṃ.

### 3. Ekaputtakasuttam

172. Sāvattthiyaṃ viharati...pe... “dāruṇo, bhikkhave, lābhasakkārasiloko...pe... saddhā, bhikkhave, upāsikā ekaputtakaṃ piyaṃ manāpaṃ evaṃ sammā āyācamānā āyāceyya – ‘tādiso, tāta, bhavāhi yādiso citto ca gahapati hatthako ca ālavako’ti. Esā, bhikkhave, tulā etaṃ pamāṇaṃ mama sāvakānaṃ upāsakānaṃ, yadidaṃ citto ca gahapati hatthako ca ālavako. Sace kho tvaṃ, tāta, agārasmā anagāriyaṃ pabbajasi; tādiso, tāta, bhavāhi yādisā sārīputtamoggallānāti. Esā, bhikkhave, tulā etaṃ pamāṇaṃ mama sāvakānaṃ bhikkhūnaṃ, yadidaṃ sārīputtamoggallānā. Mā ca kho tvaṃ, tāta, sekhaṃ appattamānaṃ lābhasakkārasiloko anupāpuṇātūti. Tañce, bhikkhave, bhikkhuṃ sekhaṃ

appattamānasam lābhasakkārasiloko anupāpuṇāti, so tassa hoti antarāyāya. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’’nti. Tatiyaṃ.

#### 4. Ekadhītusuttaṃ

173. Sāvattthiyaṃ viharati...pe... ‘‘dāruṇo, bhikkhave, lābhasakkārasiloko...pe... saddhā bhikkhave upāsikā ekaṃ dhītaraṃ piyaṃ manāpaṃ evaṃ sammā āyācamānā āyāceyya – ‘tādisā, ayye, bhavāhi yādisā khujjuttarā ca upāsikā veḷukaṇḍakiyā [veḷukaṇḍakī (sī. chakkaṅguttarepi)] ca nandamātā’ ti. Esā, bhikkhave, tulā etaṃ pamāṇaṃ mama sāvikanāṃ upāsikanāṃ, yadidaṃ khujjuttarā ca upāsikā veḷukaṇḍakiyā ca nandamātā. Sace kho tvam, ayye, agārasmā anagāriyaṃ pabbajasi; tādisā, ayye, bhavāhi yādisā khemā ca bhikkhunī uppalavaṇṇā cāti. Esā, bhikkhave, tulā etaṃ pamāṇaṃ mama sāvikanāṃ bhikkhunīnaṃ, yadidaṃ khemā ca bhikkhunī uppalavaṇṇā ca. Mā ca kho tvam, ayye, sekhaṃ appattamānasam lābhasakkārasiloko anupāpuṇātūti. Taṃ ce, bhikkhave, bhikkhuniṃ sekhaṃ appattamānasam lābhasakkārasiloko anupāpuṇāti, so tassā hoti antarāyāya. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’’nti. Catutthaṃ.

#### 5. Samaṇabrāhmaṇasuttaṃ

174. Sāvattthiyaṃ viharati...pe... ‘‘ye hi keci, bhikkhave, samaṇā vā brāhmaṇā vā lābhasakkārasilokassa assādaṇca ādīnavaṇca nissaraṇaṇca yathābhūtaṃ nappajānanti, na me te, bhikkhave, samaṇā vā brāhmaṇā vā samaṇesu vā samaṇasammata brāhmaṇesu vā brāhmaṇasammata, na ca pana te āyasmantā sāmāññatthaṃ vā brahmaññatthaṃ vā diṭṭheva dhamme sayam abhiññā sacchikatvā upasampajja viharanti. Ye ca kho keci, bhikkhave, samaṇā vā brāhmaṇā vā lābhasakkārasilokassa assādaṇca ādīnavaṇca nissaraṇaṇca yathābhūtaṃ pajānanti, te ca kho me, bhikkhave, samaṇā vā brāhmaṇā vā samaṇesu ceva samaṇasammata brāhmaṇesu ca brāhmaṇasammata, te ca panāyasmanto sāmāññatthaṇca brahmaññatthaṇca diṭṭheva dhamme sayam abhiññā sacchikatvā upasampajja viharanti’’ti. Pañcamaṃ.

#### 6. Dutiyasamaṇabrāhmaṇasuttaṃ

175. Sāvattthiyaṃ viharati...pe... ‘‘ye hi keci, bhikkhave, samaṇā vā brāhmaṇā vā lābhasakkārasilokassa samudayaṇca atthaṅgamaṇca assādaṇca ādīnavaṇca nissaraṇaṇca yathābhūtaṃ nappajānanti...pe... pajānanti...pe... sayam abhiññā sacchikatvā upasampajja viharanti’’ti. Chatthaṃ.

#### 7. Tatiyasamaṇabrāhmaṇasuttaṃ

176. Sāvattthiyaṃ viharati...pe... ‘‘ye hi keci, bhikkhave, samaṇā vā brāhmaṇā vā lābhasakkārasilokaṃ yathābhūtaṃ nappajānanti, lābhasakkārasilokasamudayaṃ nappajānanti, lābhasakkārasilokanirodhaṃ nappajānanti, lābhasakkārasilokanirodhagāminiṃ paṭipadaṃ nappajānanti ...pe... pajānanti...pe... sayam abhiññā sacchikatvā upasampajja viharanti’’ti. Sattamaṃ.

#### 8. Chavisuttaṃ

177. Sāvattthiyaṃ viharati...pe... ‘‘dāruṇo, bhikkhave, lābhasakkārasiloko. Lābhasakkārasiloko, bhikkhave, chaviṃ chindati, chaviṃ chetvā cammaṃ chindati, cammaṃ chetvā maṃsaṃ chindati, maṃsaṃ chetvā nhāruṃ chindati, nhāruṃ chetvā aṭṭhiṃ chindati, aṭṭhiṃ chetvā aṭṭhimiṇjaṃ āhacca tiṭṭhati. Evaṃ dāruṇo kho, bhikkhave, lābhasakkārasiloko...pe... evañhi vo bhikkhave, sikkhitabba’’nti. Aṭṭhamaṃ.

#### 9. Rajjusuttaṃ

**178.** Sāvattthiyaṃ viharati...pe... “dāruṇo, bhikkhave, lābhasakkārasiloko. Lābhasakkārasiloko, bhikkhave, chaviṃ chindati, chaviṃ chetvā cammaṃ chindati, cammaṃ chetvā maṃsaṃ chindati, maṃsaṃ chetvā nhāruṃ chindati, nhāruṃ chetvā aṭṭhiṃ chindati, aṭṭhiṃ chetvā aṭṭhimiñjaṃ āhacca tiṭṭhati”.

“Seyyathāpi, bhikkhave, balavā puriso dalhāya vālarajjuyā jaṅghaṃ veṭhetvā ghaṃseyya. Sā chaviṃ chindeyya, chaviṃ chetvā cammaṃ chindeyya, cammaṃ chetvā maṃsaṃ chindeyya, maṃsaṃ chetvā nhāruṃ chindeyya, nhāruṃ chetvā aṭṭhiṃ chindeyya, aṭṭhiṃ chetvā aṭṭhimiñjaṃ āhacca tiṭṭheyya. Evameva kho, bhikkhave, lābhasakkārasiloko chaviṃ chindati, chaviṃ chetvā cammaṃ chindati, cammaṃ chetvā maṃsaṃ chindati, maṃsaṃ chetvā nhāruṃ chindati, nhāruṃ chetvā aṭṭhiṃ chindati, aṭṭhiṃ chetvā aṭṭhimiñjaṃ āhacca tiṭṭhati. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba”nti. Navamaṃ.

## 10. Bhikkhusuttaṃ

**179.** Sāvattthiyaṃ viharati...pe... “yopi so, bhikkhave, bhikkhu arahaṃ khīṇāsavo tassapāhaṃ lābhasakkārasiloko antarāyāya vadāmī”ti. Evaṃ vutte, āyasmā ānando bhagavantaṃ etadavoca – “kissa pana, bhante, khīṇāsavassa bhikkhuno lābhasakkārasiloko antarāyāyā”ti? “Yā hissa sā, ānanda, akuppā cetovimutti nāhaṃ tassā lābhasakkārasilokaṃ antarāyāya vadāmi. Ye ca khvassa, ānanda, appamattassa ātāpino pahitattassa viharato diṭṭhadhammasukhavihārā adhigatā tesāhamassa lābhasakkārasilokaṃ antarāyāya vadāmi. Evaṃ dāruṇo kho, ānanda, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Tasmātihānanda, evaṃ sikkhitabbaṃ – ‘uppannaṃ lābhasakkārasilokaṃ pajahissāma, na ca no uppanno lābhasakkārasiloko cittaṃ pariyādāya ṭhassatī”ti. Evañhi vo, ānanda, sikkhitabba”nti. Dasamaṃ.

Tatiyo vaggo.

Tassuddānaṃ –

Mātugāmo ca kalyāṇī, putto ca ekadhītu ca;  
Samaṇabrāhmaṇā tīṇi, chavi rajju ca bhikkhunāti.

## 4. Catutthavaggo

### 1. Bhindisuttaṃ

**180.** Sāvattthiyaṃ viharati...pe... “dāruṇo, bhikkhave, lābhasakkārasiloko. Lābhasakkārasilokena abhibhūto pariyādiṇṇacitto, bhikkhave, devadatto saṅghaṃ bhindi. Evaṃ dāruṇo kho, bhikkhave, lābhasakkārasiloko...pe... sikkhitabba”nti. Paṭhamaṃ.

### 2. Kusalamūlasuttaṃ

**181.** Sāvattthiyaṃ viharati...pe... “dāruṇo, bhikkhave, lābhasakkārasiloko. Lābhasakkārasilokena abhibhūtassa pariyādiṇṇacittassa, bhikkhave, devadattassa kusalamūlaṃ samucchedamagamā. Evaṃ dāruṇo kho, bhikkhave, lābhasakkārasiloko...pe... sikkhitabba”nti. Dutiyamaṃ.

### 3. Kusalahammasuttaṃ

**182.** Sāvattthiyaṃ viharati...pe... “dāruṇo, bhikkhave, lābhasakkārasiloko. Lābhasakkārasilokena abhibhūtassa pariyādiṇṇacittassa, bhikkhave, devadattassa kusalo dhammo samucchedamagamā. Evaṃ

dāruṇo kho, bhikkhave, lābhasakkārasiloko...pe... sikkhitabba’’nti. Tatiyaṃ.

#### 4. Sukkadhammasuttaṃ

**183.** Sāvattthiyaṃ viharati...pe... “dāruṇo, bhikkhave, lābhasakkārasiloko. Lābhasakkārasilokena abhibhūtaṃ pariyādiṇṇacittassa, bhikkhave, devadattassa sukko dhammo samucchadamagamā. Evaṃ dāruṇo kho, bhikkhave, lābhasakkārasiloko...pe... sikkhitabba’’nti. Catutthaṃ.

#### 5. Acirapakkantasuttaṃ

**184.** Ekaṃ samayaṃ bhagavā rājagahe viharati gijjhakūṭe pabbate acirapakkante devadatte. Tatra kho bhagavā devadattaṃ ārabha bhikkhū āmantesi – “attavadhāya, bhikkhave, devadattassa lābhasakkārasiloko udapādi, parābhavāya devadattassa lābhasakkārasiloko udapādi’’.

“Seyyathāpi, bhikkhave, kadalī attavadhāya phalaṃ deti, parābhavāya phalaṃ deti; evameva kho, bhikkhave, attavadhāya devadattassa lābhasakkārasiloko udapādi, parābhavāya devadattassa lābhasakkārasiloko udapādi.

“Seyyathāpi, bhikkhave, veḷu attavadhāya phalaṃ deti, parābhavāya phalaṃ deti; evameva kho, bhikkhave, attavadhāya devadattassa lābhasakkārasiloko udapādi, parābhavāya devadattassa lābhasakkārasiloko udapādi.

“Seyyathāpi, bhikkhave, naḷo attavadhāya phalaṃ deti, parābhavāya phalaṃ deti; evameva kho, bhikkhave, attavadhāya devadattassa lābhasakkārasiloko udapādi, parābhavāya devadattassa lābhasakkārasiloko udapādi.

“Seyyathāpi, bhikkhave, assatarī attavadhāya gabbhaṃ gaṇhāti, parābhavāya gabbhaṃ gaṇhāti; evameva kho, bhikkhave, attavadhāya devadattassa lābhasakkārasiloko udapādi, parābhavāya devadattassa lābhasakkārasiloko udapādi. Evaṃ dāruṇo kho, bhikkhave, lābhasakkārasiloko. Evañhi vo, bhikkhave, sikkhitabba’’nti.

Idamavoca bhagavā. Idam vātvāna sugato athāparaṃ etadavoca satthā –

“Phalaṃ ve kadaliṃ hanti, phalaṃ veḷuṃ phalaṃ naḷaṃ;  
Sakkāro kāpurisaṃ hanti, gabbho assatarīṃ yathāti’’. pañcamam;

#### 6. Pañcarathasatasuttaṃ

**185.** Rājagahe viharati veḷuvane kalandakanivāpe. Tena kho pana samayena devadattassa ajātasattukumāro pañcahi rathasatehi sāyaṃ pātaṃ upaṭṭhānaṃ gacchati, pañca ca thālipākasaṭāni bhattābhīhāro abhiharīyati. Atha kho sambahulā bhikkhū yena bhagavā tenupasaṅkamimṃsu; upasaṅkamitvā bhagavantaṃ abhivādetvā ekamantaṃ nisīdimṃsu. Ekamantaṃ nisinnā kho te bhikkhū bhagavantaṃ etadavocaṃ – “devadattassa, bhante, ajātasattukumāro pañcahi rathasatehi sāyaṃ pātaṃ upaṭṭhānaṃ gacchati, pañca ca thālipākasaṭāni bhattābhīhāro abhiharīyati’’ti. “Mā, bhikkhave, devadattassa lābhasakkārasilokaṃ pihayittha. Yāvakīvañca, bhikkhave, devadattassa ajātasattukumāro pañcahi rathasatehi sāyaṃ pātaṃ upaṭṭhānaṃ gamissati, pañca ca thālipākasaṭāni bhattābhīhāro āharīyissati, hāniyeva, bhikkhave, devadattassa pāṭikaṅkhā kusalesu dhammesu, no vuddhi’’.

“Seyyathāpi, bhikkhave, caṇḍassa kukkurassa nāsāya pittaṃ bhindeyyuṃ, evañhi so, bhikkhave, kukkuro bhiyyosomattāya caṇḍataro assa; evameva, bhikkhave, yāvakīvañca devadattassa ajātasattukumāro pañcahi rathasatehi sāyaṃ pātaṃ upaṭṭhānaṃ gamissati, pañca ca thālipākasaṭāni



bhattābhihāro āharīyissati, hāniyeva, bhikkhave, devadattassa pāṭikāṅkhā kusalesu dhammesu, no vuddhi. Evaṃ dāruṇo kho, bhikkhave, lābhasakkārasiloko...pe... evañhi vo, bhikkhave, sikkhitabba’nti. Chaṭṭhaṃ.

## 7. Mātusuttaṃ

**186.** Sāvattthiyaṃ viharati...pe... “dāruṇo, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Idhāhaṃ, bhikkhave, ekaccaṃ puggalaṃ evaṃ cetasā ceto paricca pajānāmi – ‘na cāyamāyasmā mātupi hetu sampajānamusā bhāseyyā’ti. Tamenam passāmi aparena samayena lābhasakkārasilokena abhibhūtaṃ pariyādiṇṇacittaṃ sampajānamusā bhāsantaṃ. Evaṃ dāruṇo kho, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Tasmātiha, bhikkhave, evaṃ sikkhitabbaṃ – ‘uppannaṃ lābhasakkārasilokaṃ pajahissāma. Na ca no uppanno lābhasakkārasiloko cittaṃ pariyādāya ṭhassatī’ti. Evañhi vo, bhikkhave, sikkhitabba’nti. Sattamaṃ.

## 8-13. Pitusuttādichakkaṃ

**187.** Sāvattthiyaṃ viharati...pe... “dāruṇo, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Idhāhaṃ, bhikkhave, ekaccaṃ puggalaṃ evaṃ cetasā ceto paricca pajānāmi – ‘na cāyamāyasmā pitupi hetu...pe... bhātupi hetu... bhaginiyāpi hetu... puttassapi hetu... dhītuyāpi hetu... pajāpatiyāpi hetu sampajānamusā bhāseyyā’ti. Tamenam passāmi aparena samayena lābhasakkārasilokena abhibhūtaṃ pariyādiṇṇacittaṃ sampajānamusā bhāsantaṃ. Evaṃ dāruṇo kho, bhikkhave, lābhasakkārasiloko kaṭuko pharuso antarāyiko anuttarassa yogakkhemassa adhigamāya. Tasmātiha, bhikkhave, evaṃ sikkhitabbaṃ – ‘uppannaṃ lābhasakkārasilokaṃ pajahissāma, na ca no uppanno lābhasakkārasiloko cittaṃ pariyādāya ṭhassatī’ti. Evañhi vo, bhikkhave, sikkhitabba’nti. Terasamaṃ.

Catuttho vaggo.

Tassuddānaṃ –

Bhindi mūlaṃ duve dhammā, pakkantaṃ ratha mātari;  
Pitā bhātā ca bhagini, putto dhītā pajāpatīti.

Lābhasakkārasaṃyuttaṃ samattaṃ.

## 7. Rāhulasamāyuttaṃ

### 1. Paṭhamavaggo

### 1. Cakkhusuttaṃ

**188.** Evaṃ me suttaṃ – ekaṃ samayaṃ bhagavā sāvattthiyaṃ viharati jetavane anāthapiṇḍikassa ārāme. Atha kho āyasmā rāhulo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā rāhulo bhagavantaṃ etadavoca – “sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’nti.

“Taṃ kiṃ maññasi, rāhula, cakkhuṃ niccaṃ vā aniccaṃ vā’ti? “Aniccaṃ, bhante”. “Yaṃ paṇāniccaṃ dukkhaṃ vā taṃ sukhaṃ vā’ti? “Dukkhaṃ, bhante”. “Yaṃ paṇāniccaṃ dukkhaṃ

vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetam, bhante”. “Sotaṃ niccaṃ vā aniccaṃ vā”ti? “Aniccaṃ, bhante”...pe... “Ghānaṃ niccaṃ vā aniccaṃ vā”ti? “Aniccaṃ, bhante”...pe... “jivhā niccā vā aniccā vā”ti? “Aniccā, bhante”...pe... “kāyo nicco vā anicco vā”ti? “Anicco, bhante”...pe... “mano nicco vā anicco vā”ti? “Anicco, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetam, bhante”.

“Evaṃ passaṃ, rāhula, sutavā ariyasāvako cakkhusmimpi nibbindati ...pe... sotasmimpi nibbindati... ghānasmimpi nibbindati... jivhāyapi nibbindati... kāyasmimpi nibbindati... manasmimpi nibbindati; nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇiyaṃ, nāparaṃ itthattāyā’ti pajānāti”ti. Paṭhamaṃ.

## 2. Rūpasuttaṃ

189. Sāvattiyaṃ viharati...pe... “taṃ kiṃ maññasi, rāhula, rūpā niccā vā aniccā vā”ti? “Aniccā, bhante”...pe... saddā... gandhā... rasā... phoṭṭhabbā... dhammā niccā vā aniccā vāti? “Aniccā, bhante”...pe... “evaṃ passaṃ, rāhula, sutavā ariyasāvako rūpesupi nibbindati... saddesupi nibbindati... gandhesupi nibbindati... rasesupi nibbindati... phoṭṭhabbesupi nibbindati... dhammesupi nibbindati; nibbindaṃ virajjati...pe... pajānāti”ti. Dutiyaṃ.

## 3. Viññāṇasuttaṃ

190. Sāvattiyaṃ viharati...pe... “taṃ kiṃ maññasi, rāhula, cakkhuvīññāṇaṃ niccaṃ vā aniccaṃ vā”ti? “Aniccaṃ, bhante”...pe... “sotaviññāṇaṃ...pe... ghānaviññāṇaṃ... jivhāvīññāṇaṃ... kāyaviññāṇaṃ... manoviññāṇaṃ niccaṃ vā aniccaṃ vā”ti? “Aniccaṃ, bhante”...pe... “evaṃ passaṃ, rāhula, sutavā ariyasāvako cakkhuvīññāṇasmimpi nibbindati...pe... sotaviññāṇasmimpi nibbindati... ghānaviññāṇasmimpi nibbindati... jivhāvīññāṇasmimpi nibbindati... kāyaviññāṇasmimpi nibbindati... manoviññāṇasmimpi nibbindati; nibbindaṃ virajjati...pe... pajānāti”ti. Tatiyaṃ.

## 4. Samphassasuttaṃ

191. Sāvattiyaṃ viharati...pe... “taṃ kiṃ maññasi, rāhula, cakkhusamphasso nicco vā anicco vā”ti? “Anicco, bhante”...pe... “sotasamphasso...pe... ghānasamphasso... jivhāsamphasso... kāyasamphasso... manosamphasso nicco vā anicco vā”ti? “Anicco, bhante”...pe... “evaṃ passaṃ, rāhula, sutavā ariyasāvako cakkhusamphassasmimpi nibbindati...pe... sotasamphassasmimpi nibbindati... ghānasamphassasmimpi nibbindati... jivhāsamphassasmimpi nibbindati... kāyasamphassasmimpi nibbindati... manosamphassasmimpi nibbindati; nibbindaṃ virajjati...pe... pajānāti”ti. Catutthaṃ.

## 5. Vedanāsuttaṃ

192. Sāvattiyaṃ viharati...pe... “taṃ kiṃ maññasi, rāhula, cakkhusamphassajā vedanā niccā vā aniccā vā”ti? “Aniccā, bhante”...pe... “sotasamphassajā vedanā...pe... ghānasamphassajā vedanā... jivhāsamphassajā vedanā... kāyasamphassajā vedanā... manosamphassajā vedanā niccā vā aniccā vā”ti? “Aniccā, bhante”...pe... “evaṃ passaṃ, rāhula, sutavā ariyasāvako cakkhusamphassajāya vedanāyapi nibbindati...pe... sota... ghāna... jivhā... kāya... manosamphassajāya vedanāyapi nibbindati...pe... pajānāti”ti. Pañcamaṃ.

## 6. Saññāsuttaṃ

**193.** Sāvattthiyaṃ viharati...pe... “taṃ kiṃ maññasi, rāhula, rūpasaññā niccā vā aniccā vā”ti? “Aniccā, bhante”...pe... “saddasaññā...pe... gandhasaññā... rasasaññā... phoṭṭhabbasaññā... dhammasaññā niccā vā aniccā vā”ti? “Aniccā, bhante”...pe... “evaṃ passaṃ, rāhula, sutavā ariyasāvako rūpasaññāyapi nibbindati...pe... saddasaññāyapi nibbindati... gandhasaññāyapi nibbindati... rasasaññāyapi nibbindati... phoṭṭhabbasaññāyapi nibbindati... dhammasaññāyapi nibbindati...pe... pajānāti”ti. Chaṭṭhaṃ.

### 7. Sañcetanāsuttaṃ

**194.** Sāvattthiyaṃ viharati...pe... “taṃ kiṃ maññasi, rāhula, rūpasañcetanā niccā vā aniccā vā”ti? “Aniccā, bhante”...pe... “saddasañcetanā...pe... gandhasañcetanā... rasasañcetanā... phoṭṭhabbasañcetanā... dhammasañcetanā niccā vā aniccā vā”ti? “Aniccā, bhante”...pe... “evaṃ passaṃ, rāhula, sutavā ariyasāvako rūpasañcetanāyapi nibbindati...pe... saddasañcetanāyapi nibbindati... gandhasañcetanāyapi nibbindati... rasasañcetanāyapi nibbindati... phoṭṭhabbasañcetanāyapi nibbindati... dhammasañcetanāyapi nibbindati...pe... pajānāti”ti. Sattamaṃ.

### 8. Taṇhāsuttaṃ

**195.** Sāvattthiyaṃ viharati...pe... “taṃ kiṃ maññasi, rāhula, rūpataṇhā niccā vā aniccā vā”ti? “Aniccā, bhante”...pe... “saddataṇhā...pe... gandhataṇhā... rasataṇhā... phoṭṭhabbatāṇhā... dhammataṇhā niccā vā aniccā vā”ti? “Aniccā, bhante”...pe... “evaṃ passaṃ, rāhula, sutavā ariyasāvako rūpataṇhāyapi nibbindati...pe... saddataṇhāyapi nibbindati... gandhataṇhāyapi nibbindati... rasataṇhāyapi nibbindati... phoṭṭhabbatāṇhāyapi nibbindati... dhammataṇhāyapi nibbindati...pe... pajānāti”ti. Aṭṭhamaṃ.

### 9. Dhātusuttaṃ

**196.** Sāvattthiyaṃ viharati...pe... “taṃ kiṃ maññasi, rāhula, pathavīdhātu niccā vā aniccā vā”ti? “Aniccā, bhante”...pe... “āpodhātu...pe... tejodhātu... vāyodhātu... ākāśadhātu... viññāṇadhātu niccā vā aniccā vā”ti? “Aniccā, bhante”...pe... “evaṃ passaṃ, rāhula, sutavā ariyasāvako pathavīdhātuyāpi nibbindati...pe... āpodhātuyāpi nibbindati... tejodhātuyāpi nibbindati... vāyodhātuyāpi nibbindati... ākāśadhātuyāpi nibbindati... viññāṇadhātuyāpi nibbindati...pe... pajānāti”ti. Navamaṃ.

### 10. Khandhasuttaṃ

**197.** Sāvattthiyaṃ viharati...pe... “taṃ kiṃ maññasi, rāhula, rūpaṃ niccaṃ vā aniccaṃ vā”ti? “Aniccaṃ, bhante”...pe... “vedanā...pe... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”...pe... “evaṃ passaṃ, rāhula, sutavā ariyasāvako rūpasmimpi nibbindati...pe... vedanāyapi nibbindati... saññāyapi nibbindati... saṅkhāresupi nibbindati... viññāṇasmimpi nibbindati; nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Dasamaṃ.

Paṭhama vaggo.

Tassuddānaṃ –

Cakkhu rūpaṅca viññāṇaṃ, samphasso vedanāya ca;  
Saññā sañcetanā taṇhā, dhātu khandhena te dasāti.

### 2. Dutiyavaggo

## 1. Cakkhusuttaṃ

**198.** Evaṃ me suttaṃ – ekaṃ samayaṃ bhagavā sāvatthiyaṃ viharatī. Atha kho āyasmā rāhulo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ rāhulaṃ bhagavā etadavoca – “taṃ kiṃ maññasi, rāhula, cakkhuṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassitūṃ – ‘etaṃ mama, esohamasmi, eso me attā’”ti? “No hettaṃ, bhante”. “Sottaṃ...pe... ghānaṃ... jivhā... kāyo... mano nicco vā anicco vā”ti? “Anicco, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassitūṃ – ‘etaṃ mama, esohamasmi, eso me attā’”ti? “No hettaṃ, bhante”. “Evaṃ passaṃ, rāhula, sutavā ariyasāvako cakkhusimpi nibbindati...pe... sotasmimpi nibbindati... ghānasmimpi nibbindati ... jivhāyapi nibbindati... kāyasmimpi nibbindati... manasmimpi nibbindati; nibbindaṃ virajjati; virāgā vimuccati; vimuttasmiṃ vimuttamitī ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānātī”ti. Etena peyyālena dasa suttantā kātabbā. Paṭhamamaṃ.

### 2-10. Rūpādisuttanavakaṃ

**199.** Sāvattthiyaṃ viharatī...pe... “taṃ kiṃ maññasi, rāhula, rūpā niccā vā aniccā vā”ti? “Aniccā, bhante”...pe... saddā... gandhā... rasā... phoṭṭhabbā... dhammā....

“Cakkhuviññāṇaṃ...pe... sotaviññāṇaṃ... ghānaviññāṇaṃ... jivhāviññāṇaṃ... kāyaviññāṇaṃ... manoviññāṇaṃ....

“Cakkhusamphasso...pe... sotasamphasso... ghānasamphasso... jivhāsamphasso... kāyasamphasso... manosamphasso....

“Cakkhusamphassajā vedanā...pe... sotasamphassajā vedanā... ghānasamphassajā vedanā... jivhāsamphassajā vedanā... kāyasamphassajā vedanā... manosamphassajā vedanā....

“Rūpasaññā...pe... saddasaññā... gandhasaññā... rasasaññā... phoṭṭhabbasaññā... dhammasaññā....

“Rūpasañcetanā...pe... saddasañcetanā... gandhasañcetanā... rasasañcetanā... phoṭṭhabbasañcetanā... dhammasañcetanā....

“Rūpaṇhā ...pe... saddaṇhā... gandhaṇhā... rasaṇhā... phoṭṭhabbaṇhā... dhammaṇhā....

“Pathavīdhātu...pe... āpodhātu... tejodhātu... vāyodhātu... ākāsadhātu ... viññāṇadhātu....

“Rūpaṃ ...pe... vedanā... saññā... saṅkhārā... viññāṇaṃ niccaṃ vā aniccaṃ vā”ti? Aniccaṃ, bhante...pe... evaṃ passaṃ rāhula...pe... nāparaṃ itthattāyāti pajānātīti. Dasamaṃ.

## 11. Anusayasuttaṃ

**200.** Sāvattthiyaṃ viharatī. Atha kho āyasmā rāhulo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmā rāhulo bhagavantaṃ etadavoca – “kathaṃ nu kho, bhante, jānato kathaṃ passato imasmiṃca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”ti? “Yaṃ kiñci, rāhula, rūpaṃ

atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ ‘netam mama, nesohamasmi, na meso attā’ ti evametam yathābhūtaṃ sammappaññāya passati. Yā kāci vedanā...pe... yā kāci saññā... ye keci saṅkhārā... yaṃ kiñci viññānaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññānaṃ ‘netam mama, nesohamasmi, na meso attā’ ti evametam yathābhūtaṃ sammappaññāya passati. Evaṃ kho, rāhula, jānato evaṃ passato imasmiṃca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī’ ti. Ekādasamaṃ.

## 12. Apagatasuttaṃ

**201.** Sāvattthinidānaṃ. Atha kho āyasmā rāhulo yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā rāhulo bhagavantaṃ etadavoca – ‘kathaṃ nu kho, bhante, jānato kathaṃ passato imasmiṃ ca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānaṃ hoti vidhā samatikkantaṃ santaṃ suvimutta’ nti? ‘Yaṃ kiñci, rāhula, rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbaṃ rūpaṃ ‘netam mama, nesohamasmi, na meso attā’ ti evametam yathābhūtaṃ sammappaññāya disvā anupādā vimutto hoti’.

‘Yā kāci vedanā...pe... yā kāci saññā... ye keci saṅkhārā... yaṃ kiñci viññānaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññānaṃ ‘netam mama, nesohamasmi, na meso attā’ ti evametam yathābhūtaṃ sammappaññāya disvā anupādā vimutto hoti. Evaṃ kho, rāhula, jānato evaṃ passato imasmiṃca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānaṃ hoti vidhā samatikkantaṃ santaṃ suvimutta’ nti. Dvādasamaṃ.

Dutiyo vaggo.

Tassuddānaṃ –

Cakkhu rūpaṇca viññānaṃ, samphasso vedanāya ca;  
Saññā sañcetanā taṇhā, dhātu khandhena te dasa;  
Anusayaṃ apagatañceva, vaggo tena pavuccatīti.

Rāhulasamyuttaṃ samattaṃ.

## 8. Lakkhaṇasamyuttaṃ

### 1. Paṭhamavaggo

#### 1. Aṭṭhisuttaṃ

**202.** Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā ca lakkhaṇo āyasmā ca mahāmogallāno [mahāmogallāno (ka.)] giṃjhakūṭe pabbate viharanti. Atha kho āyasmā mahāmogallāno pubbaṅhasamayaṃ nivāsetvā pattacīvaramādāya yenāyasmā lakkhaṇo tenupasaṅkami; upasaṅkamtivā āyasmantaṃ lakkhaṇaṃ etadavoca – ‘āyāmāvuso [ehi āvuso (syā. kaṃ. ka.)] lakkhaṇa, rājagahaṃ piṇḍāya pavisissāmā’ ti. ‘Evaṃāvuso’ ti kho āyasmā lakkhaṇo āyasmato mahāmogallānassa paccassosi. Atha kho āyasmā mahāmogallāno giṃjhakūṭe pabbatā orohanto aññatarasmiṃ padese sitaṃ pāvākaṃ. Atha kho āyasmā lakkhaṇo āyasmantaṃ mahāmogallānaṃ etadavoca – ‘ko nu kho, āvuso mogallāna, hetu ko paccayo sitassa

pātukammāyā’’ti? “Akālo kho, āvuso lakkhaṇa, etassa pañhassa. Bhagavato maṃ santike etaṃ pañhaṃ pucchā’’ti.

Atha kho āyasmā ca lakkhaṇo āyasmā ca mahāmogallāno rājagahe piṇḍāya caritvā pacchābhantaṃ piṇḍapātaṇṭhikāntā yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdimsu. Ekamantaṃ nisinno kho āyasmā lakkhaṇo āyasmantaṃ mahāmogallānaṃ etadavoca – “idhāyasmā mahāmogallāno gijjhakūṭā pabbatā orohanto aññatarasmim padese sitaṃ pātvākāsi. Ko nu kho, āvuso moggallāna, hetu ko paccayo sitassa pātukammāyā’’ti?

“Idhāhaṃ, āvuso, gijjhakūṭā pabbatā orohanto addasaṃ aṭṭhikasaṅkhalikaṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā phāsuḷantarikāhi vitudenti vitacchenti virājenti [vitudenti (sī.), vitacchenti vibhajenti (pī. ka.)]. Sā sudamaṃ aṭṭassaraṃ karoti. Tassa mayhaṃ, āvuso, etadahosi – ‘acchariyaṃ vata, bho, abbhutaṃ vata, bho! Evarūpopi nāma satto bhavissati! Evarūpopi nāma yakkho bhavissati! Evarūpopi nāma attabhāvapaṭilābho bhavissati’’ti!!

Atha kho bhagavā bhikkhū āmantesi – “cakkhubhūtā vata, bhikkhave, sāvakā viharanti; nāṇabhūtā vata, bhikkhave, sāvakā viharanti, yatra hi nāma sāvako evarūpaṃ ṇassati vā dakkhati vā sakkhiṃ vā karissati. Pubbeva me so, bhikkhave, satto diṭṭho ahoṣi, api cāhaṃ na byākāsiṃ. Ahañcetaṃ [ahamevetam (sī.)] byākareyyaṃ, pare ca me [pare me (sī.)] na saddaheyyuṃ. Ye me na saddaheyyuṃ, tesam taṃ assa dīgharattaṃ ahitāya dukkhāya. Eso, bhikkhave, satto imasmiṃyeva rājagahe goghātako ahoṣi. So tassa kammaṃ vipākena bahūni vassāni bahūni vassasatāni bahūni vassasahassāni bahūni vassasatasahassāni niraye paccitvā tasseva kammaṃ vipākāvesesena evarūpaṃ attabhāvapaṭilābhaṃ paṭisaṃvedayati’’ti. (Sabbesaṃ suttantānaṃ eseṃ peyyālo). Paṭhamaṃ.

## 2. Pesisuttaṃ

203. “Idhāhaṃ, āvuso, gijjhakūṭā pabbatā orohanto addasaṃ maṃsapesiṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā vitacchenti virājenti [virājenti (sī. syā. kam.), vibhajenti (pī. ka.)]. Sā sudamaṃ aṭṭassaraṃ karoti...pe... eso, bhikkhave, satto imasmiṃyeva rājagahe goghātako ahoṣi...pe.... Dutiyamaṃ.

## 3. Piṇḍasuttaṃ

204. “Idhāhaṃ, āvuso, gijjhakūṭā pabbatā orohanto addasaṃ maṃsapiṇḍaṃ vehāsaṃ gacchantamaṃ. Tameṇaṃ gijjhāpi kākāpi kulalāpi anupatitvā anupatitvā vitacchenti virājenti. Sā sudamaṃ aṭṭassaraṃ karoti...pe... eso, bhikkhave, satto imasmiṃyeva rājagahe sākuṇiko ahoṣi...pe.... Tatiyamaṃ.

## 4. Nicchavisuttaṃ

205. “Idhāhaṃ, āvuso, gijjhakūṭā pabbatā orohanto addasaṃ nicchaviṃ purisaṃ vehāsaṃ gacchantamaṃ. Tameṇaṃ gijjhāpi kākāpi kulalāpi anupatitvā anupatitvā vitacchenti virājenti. So sudamaṃ aṭṭassaraṃ karoti...pe... eso, bhikkhave, satto imasmiṃyeva rājagahe orabbhiko ahoṣi...pe.... Catutthamaṃ.

## 5. Asilomasuttaṃ

206. “Idhāhaṃ, āvuso, gijjhakūṭā pabbatā orohanto addasaṃ asilomaṃ purisaṃ vehāsaṃ gacchantamaṃ. Tassa te asī uppatitvā uppatitvā tasseva kāye nipatanti. So sudamaṃ aṭṭassaraṃ karoti...pe... eso, bhikkhave, satto imasmiṃyeva rājagahe sūkariko ahoṣi...pe.... Pañcamaṃ.

## 6. Sattisuttaṃ

**207.** “Idhāhaṃ, āvuso, gijjhakūṭā pabbatā orohanto addasaṃ sattilomaṃ purisaṃ vehāsaṃ gacchantaṃ. Tassa tā sattiyo uppativā uppativā tasseva kāye nipatanti. So sudaṃ aṭṭassaraṃ karoti... pe... eso, bhikkhave, satto imasmiṃyeva rājagahe māgaviko ahoṣi...pe.... Chaṭṭhaṃ.

### 7. Usulomasuttaṃ

**208.** “Idhāhaṃ, āvuso, gijjhakūṭā pabbatā orohanto addasaṃ usulomaṃ purisaṃ vehāsaṃ gacchantaṃ. Tassa te usū uppativā uppativā tasseva kāye nipatanti. So sudaṃ aṭṭassaraṃ karoti...pe... eso, bhikkhave, satto imasmiṃyeva rājagahe kāraṇiko ahoṣi...pe.... Sattamaṃ.

### 8. Sūcilomasuttaṃ

**209.** “Idhāhaṃ, āvuso, gijjhakūṭā pabbatā orohanto addasaṃ sūcilomaṃ purisaṃ vehāsaṃ gacchantaṃ. Tassa tā sūciyo uppativā uppativā tasseva kāye nipatanti. So sudaṃ aṭṭassaraṃ karoti... pe... eso, bhikkhave, satto imasmiṃyeva rājagahe sūto [sārathiko (ka. vinayepi)] ahoṣi...pe.... Aṭṭhamaṃ.

### 9. Dutiyasūcilomasuttaṃ

**210.** “Idhāhaṃ, āvuso, gijjhakūṭā pabbatā orohanto addasaṃ sūcilomaṃ purisaṃ vehāsaṃ gacchantaṃ. Tassa tā sūciyo sīse pavisitvā mukhato nikkhamanti; mukhe pavisitvā urato nikkhamanti; ure pavisitvā udarato nikkhamanti; udare pavisitvā ūrūhi nikkhamanti; ūrūsu pavisitvā jaṅghāhi nikkhamanti; jaṅghāsu pavisitvā pādehi nikkhamanti; so sudaṃ aṭṭassaraṃ karoti...pe... eso, bhikkhave, satto imasmiṃyeva rājagahe sūcako ahoṣi...pe.... Navamaṃ.

### 10. Kumbhaṇḍasuttaṃ

**211.** “Idhāhaṃ, āvuso, gijjhakūṭā pabbatā orohanto addasaṃ kumbhaṇḍaṃ purisaṃ vehāsaṃ gacchantaṃ. So gacchantopi teva aṇḍe khandhe āropetvā gacchati. Nisīdantopi tesveva aṇḍesu nisīdati. Tamaṇaṃ gijjhāpi kākāpi kulalāpi anupatitvā anupatitvā vitacchenti virājenti. So sudaṃ aṭṭassaraṃ karoti...pe... eso, bhikkhave, satto imasmiṃyeva rājagahe gāmakūṭako ahoṣi...pe.... Dasamaṃ.

Paṭhama vaggo.

Tassuddānaṃ –

Aṭṭhi pesi ubho gāvaghātakā,  
Piṇḍo sākuṇiyo nicchavorabbhi;  
Asi sūkariko sattimāgavi,  
Usu kāraṇiko sūci sārathi;  
Yo ca sibbiyati sūcako hi so,  
Aṇḍabhāri ahu gāmakūṭakoti.

### 2. Dutiyavaggo

#### 1. Sasāsakasuttaṃ

**212.** Evaṃ me suttaṃ – ekaṃ samayaṃ rājagahe veḷuvane. “Idhāhaṃ, āvuso, gijjhakūṭā pabbatā orohanto addasaṃ purisaṃ gūthakūpe sasāsakaṃ nimuggaṃ...pe... eso, bhikkhave, satto imasmiṃyeva rājagahe pāradāriko ahoṣi...pe.... Paṭhamaṃ.



## 2. Gūthakhādasuttaṃ

213. “Idhāhaṃ, āvuso, gijjhakūṭā pabbatā orohanto addasaṃ purisaṃ gūthakūpe nimuggaṃ ubho hi hatthehi gūthaṃ khādantaṃ...pe... eso, bhikkhave, satto imasmiṃyeva rājagahe duṭṭhabrāhmaṇo aho si. So kassapassa sammāsambuddhassa pāvacane bhikkhusaṅghaṃ bhattena nimantetvā doṇiyo [doṇiyā (syā. kaṃ. pī. ka.)] gūthassa pūrāpetvā etadavoca – aho bhonto, yāvadatthaṃ bhuñjantu ceva harantu cāti...pe.... Dutiyāṃ.

## 3. Nicchavitthisuttaṃ

214. “Idhāhaṃ, āvuso, gijjhakūṭā pabbatā orohanto addasaṃ nicchaviṃ itthiṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā vitacchenti virājenti. Sā sudaṃ aṭṭassaraṃ karoti...pe... esā, bhikkhave, itthī imasmiṃyeva rājagahe aticārinī aho si...pe.... Tatiyaṃ.

## 4. Maṅgulitthisuttaṃ

215. “Idhāhaṃ, āvuso, gijjhakūṭā pabbatā orohanto addasaṃ itthiṃ duggandhaṃ maṅguliṃ vehāsaṃ gacchantiṃ. Tameṇaṃ gijjhāpi kākāpi kulalāpi anupatitvā anupatitvā vitacchenti virājenti. Sā sudaṃ aṭṭassaraṃ karoti...pe... esā, bhikkhave, itthī imasmiṃyeva rājagahe ikkhaṇikā aho si...pe.... Catutthaṃ.

## 5. Okilinīsuttaṃ

216. “Idhāhaṃ, āvuso, gijjhakūṭā pabbatā orohanto addasaṃ itthiṃ uppakkaṃ okiliniṃ okiriniṃ vehāsaṃ gacchantiṃ. Sā sudaṃ aṭṭassaraṃ karoti...pe... esā, bhikkhave, itthī kaliṅgassa rañño aggamahesī aho si. Sā issāpakatā sapattiṃ aṅgārakaṭāhena okiri...pe.... Pañcamaṃ.

## 6. Asīsakasuttaṃ

217. “Idhāhaṃ, āvuso, gijjhakūṭā pabbatā orohanto addasaṃ asīsakaṃ kabandhaṃ [kavandhaṃ (sī. pī.)] vehāsaṃ gacchantāṃ. Tassa ure akkhīni ceva honti mukhaṇca. Tameṇaṃ gijjhāpi kākāpi kulalāpi anupatitvā anupatitvā vitacchenti virājenti. So sudaṃ aṭṭassaraṃ karoti...pe... eso, bhikkhave, satto imasmiṃyeva rājagahe hāriko nāma coraghātako aho si...pe.... Chaṭṭhaṃ.

## 7. Pāpabhikkhusuttaṃ

218. “Idhāhaṃ, āvuso, gijjhakūṭā pabbatā orohanto addasaṃ bhikkhuṃ vehāsaṃ gacchantāṃ. Tassa saṅghāṭipi ādittā sampajjalitā sajotibhūtā [sañjotibhūtā (syā. kaṃ.)], pattopi āditto sampajjalito sajotibhūto, kāyabandhanampi ādittaṃ sampajjalitaṃ sajotibhūtaṃ, kāyopi āditto sampajjalito sajotibhūto. So sudaṃ aṭṭassaraṃ karoti...pe... eso, bhikkhave, bhikkhu kassapassa sammāsambuddhassa pāvacane pāpabhikkhu aho si...pe.... Sattamaṃ.

## 8. Pāpabhikkhunīsuttaṃ

219. “Addasaṃ bhikkhuniṃ vehāsaṃ gacchantiṃ. Tassā saṅghāṭipi ādittā...pe... pāpabhikkhuni aho si...pe.... Aṭṭhaṃ.

## 9. Pāpasikkhamānasuttaṃ

220. “Addasaṃ sikkhamānaṃ vehāsaṃ gacchantiṃ. Tassā saṅghāṭipi ādittā...pe...

pāpasikkhamānā ahosi...pe.... Navamaṃ.

## 10. Pāpasāmaṇerasuttaṃ

221. “Addasaṃ sāmaṇeraṃ vehāsaṃ gacchantaṃ. Tassa saṅghāṭīpi ādittā...pe... pāpasāmaṇero ahosi...pe.... Dasamaṃ.

## 11. Pāpasāmaṇerīsuttaṃ

222. “Idhāhaṃ, āvuso, gijjhakūṭā pabbatā orohanto addasaṃ sāmaṇerīṃ vehāsaṃ gacchantiṃ. Tassā saṅghāṭīpi ādittā sampajjalitā sajotibhūtā, pattopi āditto sampajjalito sajotibhūto, kāyabandhanampi ādittaṃ sampajjalitaṃ sajotibhūtaṃ, kāyopi āditto sampajjalito sajotibhūto. Sā sudaṃ aṭṭassaraṃ karoti. Tassa mayhaṃ, āvuso, etadahosi – ‘acchariyaṃ vata, bho, abbhutaṃ vata, bho! Evarūpopi nāma satto bhavissati! Evarūpopi nāma yakkho bhavissati! Evarūpopi nāma attabhāvapaṭilābho bhavissati’’ti!!

Atha kho bhagavā bhikkhū āmantesi – ‘cakkhubhūtā vata, bhikkhave, sāvakā viharanti; ñāṇabhūtā vata, bhikkhave, sāvakā viharanti, yatra hi nāma sāvako evarūpaṃ ñassati vā dakkhati vā sakkhiṃ vā karissati. Pubbeva me sā, bhikkhave, sāmaṇerī diṭṭhā ahosi. Api cāhaṃ na byākāsiṃ. Ahañcetaṃ byākareyyaṃ, pare ca me na saddaheyyuṃ. Ye me na saddaheyyuṃ, tesāṃ taṃ assa dīgharattaṃ ahitāya dukkhāya. Esā, bhikkhave, sāmaṇerī kassapassa sammāsambuddhassa pāvācane pāpasāmaṇerī ahosi. Sā tassa kammaṃ vipākena bahūni vassāni bahūni vassasatāni bahūni vassasahassāni bahūni vassasatasahassāni niraye paccitvā tasveva kammaṃ vipākāvesesena evarūpaṃ attabhāvapaṭilābhaṃ paṭisaṃvedayati’’ti. Ekādasamaṃ.

Dutiyo vaggo.

Tassuddānaṃ –

Kūpe nimuggo hi so pāradārīko;  
Gūthakhādi ahu duṭṭhabrahmaṇo.

Nicchavitthi aticārīni ahu;  
Maṅgulitthi ahu ikkhaṇitthikā.

Okilini sapattaṅgārokiri;  
Sīsacchinno ahu coraghātako.

Bhikkhu bhikkhunī sikkhamānā;  
Sāmaṇero atha sāmaṇerikā.

Kassapassa vinayasmiṃ pabbajjaṃ;  
Pāpakammaṃ kariṃsu tāvadeti.

Lakkhaṇasaṃyuttaṃ samattaṃ.

## 9. Opammasaṃyuttaṃ

### 1. Kūṭasuttaṃ

**223.** Evaṃ me suttaṃ – ekaṃ samayaṃ bhagavā sāvattthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”’ti. “Bhadante”’ti te bhikkhū bhagavato paccassosum. Bhagavā etadavoca – “seyyathāpi, bhikkhave, kūṭāgārassa yā kāci gopānasiyo sabbā tā kūṭāṅgamā kūṭasamosaraṇā kūṭasamugghātā sabbā tā samugghātāṃ gacchanti; evameva kho, bhikkhave, ye keci akusalā dhammā sabbe te avijjāmūlakā avijjāsamosaraṇā avijjāsamugghātā, sabbe te samugghātāṃ gacchanti. Tasmātiha, bhikkhave, evaṃ sikkhitabbaṃ – ‘appamattā viharissāmā’’ti. Evañhi vo, bhikkhave, sikkhitabba’nti. Paṭhamaṃ.

## 2. Nakhasikhasuttaṃ

**224.** Sāvattthiyaṃ viharati. Atha kho bhagavā parittaṃ nakhasikhāyaṃ paṃsuṃ āropetvā bhikkhū āmantesi – “taṃ kiṃ maññatha bhikkhave, katamaṃ nu kho bahutaraṃ, yo vāyaṃ [yo cāyaṃ (bahūsu)] mayā paritto nakhasikhāyaṃ paṃsu āropito ayaṃ vā [yā cāyaṃ (syā. ka.)] mahāpathavī”’ti? “Etadeva, bhante, bahutaraṃ yadidaṃ mahāpathavī. Appamattakoyaṃ bhagavatā paritto nakhasikhāyaṃ paṃsu āropito. Saṅkhampi na upeti upanidhimpī na upeti kalabhāgampi na upeti mahāpathaviṃ upanidhāya bhagavatā paritto nakhasikhāyaṃ paṃsu āropito”’ti. “Evameva kho, bhikkhave, appakā te sattā ye manussesu paccājāyanti; atha kho ete yeva bahutarā sattā ye aññatra manussehi paccājāyanti. Tasmātiha, bhikkhave, evaṃ sikkhitabbaṃ – ‘appamattā viharissāmā’’ti. Evañhi vo, bhikkhave, sikkhitabba’nti. Dutiyāṃ.

## 3. Kulasuttaṃ

**225.** Sāvattthiyaṃ viharati...pe... “seyyathāpi, bhikkhave, yāni kānici kulāni bahutthikāni appapurisāni tāni suppadhaṃsiyāni honti corehi kumbhatthenakehi; evameva kho, bhikkhave, yassa kassaci bhikkhuno mettācetovimutti bhāvitā abahulīkatā so suppadhaṃsiyo hoti amanussehi. Seyyathāpi, bhikkhave, yāni kānici kulāni appitthikāni bahupurisāni tāni duppadhaṃsiyāni honti corehi kumbhatthenakehi, evameva kho, bhikkhave, yassa kassaci bhikkhuno mettācetovimutti bhāvitā bahulīkatā so duppadhaṃsiyo hoti amanussehi. Tasmātiha, bhikkhave, evaṃ sikkhitabbaṃ – ‘mettā no cetovimutti bhāvitā bhavissati bahulīkatā yānikatā vatthukatā anuṭṭhitā paricitā susamāraddhā’’ti. Evañhi vo, bhikkhave, sikkhitabba’nti. Tatiyāṃ.

## 4. Okkhāsuttaṃ

**226.** Sāvattthiyaṃ viharati...pe... “yo, bhikkhave, pubbaṅhasamayaṃ okkhāsataṃ dānaṃ dadeyya, yo majjhanhikasamayaṃ okkhāsataṃ dānaṃ dadeyya, yo sāyanhasamayaṃ okkhāsataṃ dānaṃ dadeyya, yo vā pubbaṅhasamayaṃ antamaso gadduhanamattampi mettacittaṃ bhāveyya, yo vā majjhanhikasamayaṃ antamaso gadduhanamattampi mettacittaṃ bhāveyya, yo vā sāyanhasamayaṃ antamaso gadduhanamattampi mettacittaṃ bhāveyya, idaṃ tato mahapphalataraṃ. Tasmātiha, bhikkhave, evaṃ sikkhitabbaṃ – ‘mettā no cetovimutti bhāvitā bhavissati bahulīkatā yānikatā vatthukatā anuṭṭhitā paricitā susamāraddhā’’ti. Evañhi vo, bhikkhave, sikkhitabba’nti. Catutthāṃ.

## 5. Sattisuttaṃ

**227.** Sāvattthiyaṃ viharati...pe... “seyyathāpi, bhikkhave, satti tiṅhaphalā. Atha puriso āgaccheyya – ‘ahaṃ imaṃ sattiṃ tiṅhaphalaṃ pāṇinā vā muṭṭhinā vā paṭileṇissāmi paṭikoṭṭissāmi paṭivaṭṭessāmi’’ti. Taṃ kiṃ maññatha, bhikkhave, bhabbo nu kho so puriso amuṃ sattiṃ tiṅhaphalaṃ pāṇinā vā muṭṭhinā vā paṭileṇetum paṭikoṭṭetum paṭivaṭṭetu’nti? “No hetuṃ, bhante”. “Taṃ kissa hetu”’? “Asu hi, bhante, satti tiṅhaphalā na sukarā pāṇinā vā muṭṭhinā vā paṭileṇetum paṭikoṭṭetum paṭivaṭṭetum. Yāvadeva ca pana so puriso kilamathassa vighātassa bhāgī assā”’ti.

“Evameva kho, bhikkhave, yassa kassaci bhikkhuno mettācetovimutti bhāvitā bahulīkatā yānikatā

vatthukatā anuṭṭhitā paricitā susamāradhā, tassa ce amanusso cittaṃ khipitabbaṃ maññeyya; atha kho sveva amanusso kilamathassa vighātassa bhāgī assa. Tasmātiha, bhikkhave, evaṃ sikkhitabbaṃ – ‘mettā no cetovimutti bhāvitā bhavissati bahulikatā yānikatā vatthukatā anuṭṭhitā paricitā susamāradhā’ti. Evañhi vo, bhikkhave, sikkhitabba’’nti. Pañcamaṃ.

## 6. Dhanuggahasuttaṃ

**228.** Sāvatthiyaṃ viharati...pe... “seyyathāpi, bhikkhave, cattāro daḷhadhammā dhanuggahā susikkhitā katahatthā katūpāsanaṃ catuddisā ṭhitā assu. Atha puriso āgaccheyya – ‘ahaṃ imesaṃ catunnaṃ daḷhadhammānaṃ dhanuggahānaṃ susikkhitānaṃ katahatthānaṃ katūpāsanaṃ catuddisā kaṇḍe khitte appatiṭṭhite pathaviyaṃ gahetvā āharissāmī’ti. Taṃ kiṃ maññatha, bhikkhave, ‘javano puriso paramena javena samannāgato’ti alaṃ vacanāyā’’ti?

“Ekassa cepi, bhante, daḷhadhammassa dhanuggahassa susikkhitassa katahatthassa katūpāsanaṃ kaṇḍaṃ khittaṃ appatiṭṭhitaṃ pathaviyaṃ gahetvā āhareyya – ‘javano puriso paramena javena samannāgato’ti alaṃ vacanāyā, ko pana vādo catunnaṃ daḷhadhammānaṃ dhanuggahānaṃ susikkhitānaṃ katahatthānaṃ katūpāsanaṃ’’nti?

“Yathā ca, bhikkhave, tassa purisassa javo, yathā ca candimasūriyānaṃ javo, tato sīghataro. Yathā ca, bhikkhave, tassa purisassa javo yathā ca candimasūriyānaṃ javo yathā ca yā devatā candimasūriyānaṃ purato dhāvanti tāsāṃ devatānaṃ javo, ( ) [(tato sīghataro. yathā ca bhikkhave tassa purisassa javo, yathā ca candimasūriyānaṃ javo, yathā ca yā devatā candimasūriyānaṃ purato dhāvanti, tāsāṃ devatānaṃ javo,) (sī. syā. kaṃ.)] tato sīghataraṃ āyusaṅkhārā khiyanti. Tasmātiha, bhikkhave, evaṃ sikkhitabbaṃ – ‘appamattā viharissāmā’ti. Evañhi vo, bhikkhave, sikkhitabba’’nti. Chaṭṭhaṃ.

## 7. Āṇisuttaṃ

**229.** Sāvatthiyaṃ viharati...pe... “bhūtapubbaṃ, bhikkhave, dasārahānaṃ ānako [āṇako (sī.)] nāma mudiṅgo ahoṣi. Tassa dasārahā ānake ghaṭite aññaṃ aññaṃ odahiṃsu. Ahu kho so, bhikkhave, samayo yaṃ ānakassa mudiṅgassa porāṇaṃ pokkharaphalakaṃ antaradhāyi. Āṇisaṅghātoṃ avasissī. Evameva kho, bhikkhave, bhavissanti bhikkhū anāgatamaddhānaṃ, ye te suttantā tathāgatabhāsītā gambhīrā gambhīratthā lokuttarā suññatappaṭisaṃyuttā, tesu bhaññamānesu na sussūsissanti na sotaṃ odahissanti na añña cittaṃ upaṭṭhāpessanti na ca te dhamme uggahetabbaṃ pariyāpuṇitabbaṃ maññissanti’’.

“Ye pana te suttantā kavikatā kāveyyā cittakkharā cittabyañjanā bāhirakā sāvakabhāsītā, tesu bhaññamānesu sussūsissanti, sotaṃ odahissanti, añña cittaṃ upaṭṭhāpessanti, te ca dhamme uggahetabbaṃ pariyāpuṇitabbaṃ maññissanti. Evametesaṃ, bhikkhave, suttantānaṃ tathāgatabhāsītānaṃ gambhīrānaṃ gambhīratthānaṃ lokuttarānaṃ suññatappaṭisaṃyuttānaṃ antaradhānaṃ bhavissati. Tasmātiha, bhikkhave, evaṃ sikkhitabbaṃ – ‘ye te suttantā tathāgatabhāsītā gambhīrā gambhīratthā lokuttarā suññatappaṭisaṃyuttā, tesu bhaññamānesu sussūsissāma, sotaṃ odahissāma, añña cittaṃ upaṭṭhāpessāma, te ca dhamme uggahetabbaṃ pariyāpuṇitabbaṃ maññissāmā’ti. Evañhi vo, bhikkhave, sikkhitabba’’nti. Sattamaṃ.

## 8. Kaliṅgarasuttaṃ

**230.** Evaṃ me suttaṃ – ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. Tatra kho bhagavā bhikkhū āmantesi “bhikkhavo’’ti. “Bhadante’’ti te bhikkhū bhagavato paccassosaṃ. Bhagavā etadavoca –

“Kaliṅgarūpadhānā, bhikkhave, etarahi licchavī viharanti appamattā ātāpino upāsanaṃ. Tesāṃ

rājā māgadho ajātasattu vedehiputto na labhati otāraṃ na labhati ārammaṇaṃ. Bhavissanti, bhikkhave, anāgatamaddhānaṃ licchavī sukhumā [sukumālā (sī.), sukhumā (ka.)] mudutalunahatthapādā [mudutalāhatthapādā (syā. kaṃ.)] te mudukāsu seyyāsu tūlabimbohanāsu [tūlabimbohanāsu (syā. kaṃ. pī.), tūlabimbohanādīsu (sī.), tūlabibbohanādīsu (ka.)] yāvasūriyuggamaṇā seyyaṃ kappissanti. Tesaṃ rājā māgadho ajātasattu vedehiputto lacchati otāraṃ lacchati ārammaṇaṃ.

“Kaliṅgarūpadhānā, bhikkhave, etarahi bhikkhū viharanti appamattā ātāpino padhānasmiṃ. Tesāṃ māro pāpimā na labhati otāraṃ na labhati ārammaṇaṃ. Bhavissanti, bhikkhave, anāgatamaddhānaṃ bhikkhū sukhumā mudutalunahatthapādā. Te mudukāsu seyyāsu tūlabimbohanāsu yāvasūriyuggamaṇā seyyaṃ kappissanti. Tesāṃ māro pāpimā lacchati otāraṃ lacchati ārammaṇaṃ. Tasmātiha, bhikkhave, evaṃ sikkhitabbaṃ – ‘kaliṅgarūpadhānā viharissāma appamattā ātāpino padhānasmi’nti. Evañhi vo, bhikkhave, sikkhitabba’nti. Aṭṭhamaṃ.

## 9. Nāgasuttaṃ

231. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro navo bhikkhu ativeლაṃ kulāni upasaṅkamati. Tameṇaṃ bhikkhū evamāhaṃsu – ‘māyasmā ativeლაṃ kulāni upasaṅkamī’nti. So bhikkhu bhikkhūhi vuccamāno evamāha – ‘ime hi nāma therā bhikkhū kulāni upasaṅkamitabbaṃ maññissanti, kimaṅgaṃ [kimaṅga (sī.)] panāha’nti?

Atha kho sambahulā bhikkhū yena bhagavā tenupasaṅkamimṃsu; upasaṅkamitvā bhagavantaṃ abhivādetvā ekamantaṃ nisīdimṃsu. Ekamantaṃ nisinnā kho te bhikkhū bhagavantaṃ etadavocaṃ – ‘idha, bhante, aññataro navo bhikkhu ativeლაṃ kulāni upasaṅkamati. Tameṇaṃ bhikkhū evamāhaṃsu – ‘māyasmā ativeლაṃ kulāni upasaṅkamī’nti. So bhikkhu bhikkhūhi vuccamāno evamāha – ‘ime hi nāma therā bhikkhū kulāni upasaṅkamitabbaṃ maññissanti, kimaṅgaṃ panāha’nti.’

“Bhūtapubbaṃ, bhikkhave, araññāyatane mahāsarasi. Taṃ nāgā upanissāya viharanti. Te taṃ sarasiṃ ogāhetvā soṇḍāya bhisamuḷālaṃ abbuhetvā [abbhūhetvā (ka.), abbāhitvā (mahāva. 278)] suvikkhālitaṃ vikkhāletvā akaddamaṃ saṅkhāditvā [saṅkharitvā (pī. ka.)] ajjhoharanti. Tesāṃ taṃ vaṇṇāya ceva hoti balāya ca, na ca tatonidānaṃ maraṇaṃ vā nigacchanti maraṇamattaṃ vā dukkhaṃ. Tesāmyeva kho pana, bhikkhave, mahānāgānaṃ anusikkhamānā taruṇā bhīnkacchāpā taṃ sarasiṃ ogāhetvā soṇḍāya bhisamuḷālaṃ abbuhetvā na suvikkhālitaṃ vikkhāletvā sakaddamaṃ asaṅkhāditvā ajjhoharanti. Tesāṃ taṃ neva vaṇṇāya hoti na balāya. Tatonidānaṃ maraṇaṃ vā nigacchanti maraṇamattaṃ vā dukkhaṃ.

“Evameva kho, bhikkhave, idha therā bhikkhū pubbaṅhasamayaṃ nivāsetvā pattacīvaramādāya gāmaṃ vā nigamaṃ vā piṇḍāya pavisanti. Te tatha dhammaṃ bhāsanti. Tesāṃ gihī pasannākāraṃ karonti. Te taṃ lābhaṃ agadhītā amucchitā anajjhopannā [anajjhāpannā (sabbattha) ma. ni. 1 pāsārāsīsuttavaṇṇanā oloketabbā] ādīnavadassāvino nissaraṇapaññā paribhuñjanti. Tesāṃ taṃ vaṇṇāya ceva hoti balāya ca, na ca tatonidānaṃ maraṇaṃ vā nigacchanti maraṇamattaṃ vā dukkhaṃ. Tesāmyeva kho pana, bhikkhave, therānaṃ bhikkhūnaṃ anusikkhamānā navā bhikkhū pubbaṅhasamayaṃ nivāsetvā pattacīvaramādāya gāmaṃ vā nigamaṃ vā piṇḍāya pavisanti. Te tatha dhammaṃ bhāsanti. Tesāṃ gihī pasannākāraṃ karonti. Te taṃ lābhaṃ gadhitā mucchitā ajjhopannā anādīnavadassāvino anissaraṇapaññā paribhuñjanti. Tesāṃ taṃ neva vaṇṇāya hoti na balāya, te tatonidānaṃ maraṇaṃ vā nigacchanti maraṇamattaṃ vā dukkhaṃ. Tasmātiha, bhikkhave, evaṃ sikkhitabbaṃ – ‘agadhītā amucchitā anajjhopannā ādīnavadassāvino nissaraṇapaññā taṃ lābhaṃ paribhuñjissāmā’nti. Evañhi vo, bhikkhave, sikkhitabba’nti. Navamaṃ.

## 10. Bilārasuttaṃ

**232.** Sāvattھیyaṃ viharati. Tena kho pana samayena aññataro bhikkhu ativeლაჲ kulesu cārittaṃ āpajjati. Tameṇaṃ bhikkhū evamaḥaṃsu – “māyasmā ativeლაჲ kulesu cārittaṃ āpajjī”ti. So bhikkhu bhikkhūhi vuccamāno na viramati. Atha kho sambahulā bhikkhū yena bhagavā tenupasaṅkamaṃsu; upasaṅkamtivā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho te bhikkhū bhagavantaṃ etadavocaṃ – “idha, bhante, aññataro bhikkhu ativeლაჲ kulesu cārittaṃ āpajjati. Tameṇaṃ bhikkhū evamaḥaṃsu – ‘māyasmā ativeლაჲ kulesu cārittaṃ āpajjī’ti. So bhikkhu bhikkhūhi vuccamāno na viramati”ti.

“Bhūtapubbaṃ, bhikkhave, bilāro sandhisamalasaṅkaṭṭhāre ṭhito ahoṣi mudumūsiṃ maggayamāno – ‘yadāyaṃ mudumūsi gocarāya pakkamissati, tattheva naṃ gahetvā khādissāmī’ti. Atha kho so, bhikkhave, mudumūsi gocarāya pakkāmi. Tameṇaṃ bilāro gahetvā sahasā saṅkhāditvā [saṅkharitvā (pī. ka.), maṃsaṃ khāditvā (syā. kaṃ.), asaṃkhāditvā (katthaci)] ajjohari. Tassa so mudumūsi antampi khādi, antaṅṅampi khādi. So tatonidānaṃ maraṇampi nigacchi maraṇamattampi dukkhaṃ.

“Evameva kho, bhikkhave, idhekacco bhikkhu pubbaṅhasamayaṃ nivāsetvā pattacīvaramādāya gāmaṃ vā nigamaṃ vā piṇḍāya pavisati arakkhiteneva kāyena arakkhitāya vācāya arakkhitena cittaṇa, anupaṭṭhitāya satiyā, asaṃvutehi indriyehi. So tattha passati mātugāmaṃ dunnivatthaṃ vā duppārutam vā. Tassa mātugāmaṃ disvā dunnivatthaṃ vā duppārutam vā rāgo cittaṃ anuddhamseti. So rāgānuddhamseṇa cittaṇa maraṇam vā nigacchati maraṇamattaṃ vā dukkhaṃ. Maraṇañhetam, bhikkhave, ariyassa vinaye yo sikkhaṃ paccakkhāya hīṇāyāvattati. Maraṇamattañhetam, bhikkhave, dukkhaṃ yadidaṃ aññataraṃ saṃkiliṭṭhaṃ āpattiṃ āpajjati. Yathārūpāya āpattiyā vuṭṭhānaṃ paññāyati. Tasmātiha, bhikkhave, evaṃ sikkhitabbaṃ – ‘rakkhiteneva kāyena rakkhitāya vācāya rakkhitena cittaṇa, upaṭṭhitāya satiyā, saṃvutehi indriyehi gāmaṃ vā nigamaṃ vā piṇḍāya pavissāmā’ti. Evañhi vo, bhikkhave, sikkhitabba’nti. Dasamaṃ.

## 11. Siṅgālasuttaṃ

**233.** Sāvattھیyaṃ viharati...pe... “assuttha no tumhe, bhikkhave, rattiyā paccūsasamayaṃ jarasiṅgālassa vassamānassā”ti? “Evaṃ, bhante”. “Eso kho, bhikkhave, jarasiṅgālo ukkaṇḍakena nāma rogajātena phuṭṭho. So yena yena icchati tena tena gacchati; yattha yattha icchati tattha tattha tiṭṭhati; yattha yattha icchati tattha tattha nisīdati; yattha yattha icchati tattha tattha nipajjati; sītakopi naṃ vāto upavāyati. Sādhū khvassa, bhikkhave, yaṃ idhekacco sakyaputtīyapaṭiṇṇo evarūpampi atabhāvapaṭilābhaṃ paṭisaṃvediyetha. Tasmātiha, bhikkhave, evaṃ sikkhitabbaṃ – ‘appamattā viharissāmā’ti. Evañhi vo, bhikkhave, sikkhitabba’nti. Ekādasamaṃ.

## 12. Dutiyasiṅgālasuttaṃ

**234.** Sāvattھیyaṃ viharati...pe... “assuttha no tumhe, bhikkhave, rattiyā paccūsasamayaṃ jarasiṅgālassa vassamānassā”ti? “Evaṃ, bhante”. “Siyā kho, bhikkhave, tasmīṃ jarasiṅgāle yā kāci kataññutā kataveditā, na tveva idhekacce sakyaputtīyapaṭiṇṇe siyā yā kāci kataññutā kataveditā. Tasmātiha, bhikkhave, evaṃ sikkhitabbaṃ – ‘kataññuno bhavissāma katavedino; na ca no [na ca noti idaṃ sī. pī. potthakesu natthi] amhesu appakampi kataṃ nassissatī’ti [mā nassissatīti (sī. pī.), vinassissatīti (syā. kaṃ.)]. Evañhi vo, bhikkhave, sikkhitabba’nti. Dvādasamaṃ.

Opammaṣaṃyuttaṃ samattaṃ.

Tassuddānaṃ –

Kūṭaṃ nakhasikhaṃ kulaṃ, okkhā satti dhanuggaho;  
Āṇi kaliṅgaro nāgo, bilāro dve siṅgālakāti.

## 10. Bhikkhusaṃyuttaṃ

### 1. Kolitasuttaṃ

**235.** Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho āyasmā mahāmoggallāno bhikkhū āmantesi – “āvuso bhikkhave”ti. “Āvuso”ti kho te bhikkhū āyasmato mahāmoggallānassa paccassosuṃ.

Āyasmā mahāmoggallāno etadavoca – ‘idha mayhaṃ, āvuso, rahogatassa paṭisallīnassa evaṃ cetaso parivitaṅko udapādi – ‘ariyo tuṅhībhāvo, ariyo tuṅhībhāvoti vuccati. Katamo nu kho ariyo tuṅhībhāvo’ti? Tassa mayhaṃ āvuso, etadahosi – ‘idha bhikkhu vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. Ayaṃ vuccati ariyo tuṅhībhāvo’ti. So khvāhaṃ, āvuso, vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharimī. Tassa mayhaṃ, āvuso, iminā vihārena viharato vitakkasahagatā saññā manasikārā samudācaranti’.

“Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna, mā, brāhmaṇa, ariyaṃ tuṅhībhāvaṃ pamādo, ariye tuṅhībhāve cittaṃ saṅṭhapehi, ariye tuṅhībhāve cittaṃ ekodibhāvaṃ karohi, ariye tuṅhībhāve cittaṃ samādahā’ti. So khvāhaṃ, āvuso, aparena samayena vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharāmi. Yañhi taṃ, āvuso, sammā vadamāno vadeyya – ‘sattārā anuggahito sāvako mahābhiññataṃ patto’ti, mamaṃ taṃ sammā vadamāno vadeyya – ‘sattārā anuggahito sāvako mahābhiññataṃ patto’”ti. Paṭhamam.

### 2. Upatissasuttaṃ

**236.** Sāvattthiyaṃ viharati. Tatra kho āyasmā sārīputto bhikkhū āmantesi – “āvuso bhikkhave”ti. “Āvuso”ti kho te bhikkhū āyasmato sārīputtassa paccassosuṃ. Āyasmā sārīputto etadavoca –

“Idha mayhaṃ, āvuso, rahogatassa paṭisallīnassa evaṃ cetaso parivitaṅko udapādi – ‘atthi nu kho taṃ kiñci lokasmiṃ yassa me vipariṇāmaññathābhāvā uppajjeyyuṃ sokaparidevadukkhadomanassupāyāsā’ti? Tassa mayhaṃ, āvuso, etadahosi – ‘natthi kho taṃ kiñci lokasmiṃ yassa me vipariṇāmaññathābhāvā uppajjeyyuṃ sokaparidevadukkhadomanassupāyāsā’”ti.

Evaṃ vutte, āyasmā ānando āyasmantaṃ sārīputtaṃ etadavoca – “sattthupi kho te, āvuso sārīputta, vipariṇāmaññathābhāvā nuppajjeyyuṃ sokaparidevadukkhadomanassupāyāsā’ti? “Sattthupi kho me, āvuso, vipariṇāmaññathābhāvā nuppajjeyyuṃ sokaparidevadukkhadomanassupāyāsā, api ca me evamassa – ‘mahesakko vata, bho, sathā antarahito mahiddhiko mahānubhāvo. Sace hi bhagavā ciraṃ dīghamaddhānaṃ tiṭṭheyya tadassa bahujanahitāya bahujanasukhāya lokānukampāya atthāya hitāya sukhāya devamanussāna’nti. Tathā hi panāyasmato sārīputtassa dīgharattaṃ ahāṅkāramamaṅkāramānānusayā susamūhatā. Tasmā āyasmato sārīputtassa sattthupi vipariṇāmaññathābhāvā nuppajjeyyuṃ sokaparidevadukkhadomanassupāyāsā’”ti. Dutiyaṃ.

### 3. Ghaṭasuttaṃ

**237.** Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā ca sārīputto āyasmā ca mahāmoggallāno rājagahe viharanti veḷuvane kalandakanivāpe ekavihāre. Atha kho āyasmā sārīputto sāyanhasamayaṃ paṭisallānā vuṭṭhito yenāyasmā mahāmoggallāno tenupasaṅkami; upasaṅkamitvā āyasmataṃ mahāmoggallānena saddhiṃ

sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinno kho āyasmā sārīputto āyasmantaṃ mahāmogallānaṃ etadavoca –

“Vipassannāni kho te, āvuso moggallāna, indriyāni; parisuddho mukhavaṇṇo pariyodāto santena nūnāyasmā mahāmogallāno ajja vihārena vihāsī”ti. “Oḷārikena khvāhaṃ, āvuso, ajja vihārena vihāsim. Api ca, me ahosi dhammī kathā”ti. “Kena saddhiṃ panāyasmato mahāmogallānassa ahosi dhammī kathā”ti? “Bhagavatā kho me, āvuso, saddhiṃ ahosi dhammī kathā”ti. “Dūre kho, āvuso, bhagavā etarahi sāvatthiyaṃ viharati jetavane anāthapiṇḍikassa ārāme. Kiṃ nu kho, āyasmā, mahāmogallāno bhagavantaṃ iddhiyā upasaṅkami; udāhu bhagavā āyasmantaṃ mahāmogallānaṃ iddhiyā upasaṅkamī”ti? “Na khvāhaṃ, āvuso, bhagavantaṃ iddhiyā upasaṅkamim; napi maṃ bhagavā iddhiyā upasaṅkami. Api ca, me yāvataṃ bhagavā ettāvataṃ dibbacakkhu visujjhi dibbā ca sotadhātu. Bhagavatopi yāvataṃ bhagavā ettāvataṃ dibbacakkhu visujjhi dibbā ca sotadhātu”ti. “Yathākathaṃ panāyasmato mahāmogallānassa bhagavatā saddhiṃ ahosi dhammī kathā”ti?

“Idhāhaṃ, āvuso, bhagavantaṃ etadavocaṃ – ‘āraddhavīriyo āraddhavīriyoti, bhante, vuccati. Kittāvataṃ nu kho, bhante, āraddhavīriyo hotī”ti? Evaṃ vutte, maṃ, āvuso, bhagavā etadavoca – ‘idha, moggallāna, bhikkhu āraddhavīriyo viharati – kāmaṃ taco ca nhāru ca aṭṭhī ca avasissatu, sarīre upasussatu maṃsalohitaṃ, yaṃ taṃ purisathāmena purisavīriyena purisaparakkamena pattabbaṃ na taṃ apāpunītvā vīriyassa saṅghānaṃ bhavissatīti. Evaṃ kho, moggallāna, āraddhavīriyo hotī”ti. Evaṃ kho me, āvuso, bhagavatā saddhiṃ ahosi dhammī kathā”ti.

“Seyyathāpi, āvuso, himavato pabbatarājassa parittā pāsānasakkharā yāvadeva upanikkhepanamattāya; evameva kho mayaṃ āyasmato mahāmogallānassa yāvadeva upanikkhepanamattāya. Āyasmā hi mahāmogallāno mahiddhiko mahānubhāvo ākaṅkhamāno kappam tiṭṭheyyā”ti.

“Seyyathāpi, āvuso, mahatiyā loṇaghaṭṭāya parittā loṇasakkharāya yāvadeva upanikkhepanamattāya; evameva kho mayaṃ āyasmato sārīputtassa yāvadeva upanikkhepanamattāya. Āyasmā hi sārīputto bhagavatā anekapariyāyena thomito vaṇṇito pasattho –

“Sārīputtova paññāya, sīlena upasamena ca;  
Yopi pāraṅgato bhikkhu, etāvaparamo siyā”ti.

Itiha te ubho mahānāgā aññamaññassa subhāsitaṃ sulapitaṃ samanumodimsūti. Tatiyaṃ.

#### 4. Navasuttaṃ

**238.** Sāvatthiyaṃ viharati. Tena kho pana samayena aññataro navo bhikkhu pacchābhattaṃ piṇḍapātaṭṭikkanto vihāraṃ pavisitvā apposukko tuṇhībhūto saṅkasāyati, na bhikkhūnaṃ veyyāvaccam karoti cīvarakārasamaye. Atha kho sambahulā bhikkhū yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantaṃ etadavocaṃ – “idha, bhante, aññataro navo bhikkhu pacchābhattaṃ piṇḍapātaṭṭikkanto vihāraṃ pavisitvā apposukko tuṇhībhūto saṅkasāyati, na bhikkhūnaṃ veyyāvaccam karoti cīvarakārasamaye”ti.

Atha kho bhagavā aññataraṃ bhikkhum āmantesi – “ehi tvam, bhikkhu, mama vacanena taṃ bhikkhum āmantehi ‘sathā taṃ, āvuso, āmanteti’”ti. “Evaṃ bhante”ti kho so bhikkhu bhagavato paṭissutvā yena so bhikkhu tenupasaṅkami; upasaṅkamitvā taṃ bhikkhum etadavoca – “sathā taṃ, āvuso, āmanteti”ti. “Evamāvuso”ti kho so bhikkhu tassa bhikkhuno paṭissutvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho taṃ bhikkhum bhagavā etadavoca – “saccaṃ kira tvam, bhikkhu, pacchābhattaṃ piṇḍapātaṭṭikkanto



vihāraṃ pavisitvā apposukko tuṅhībhūto saṅkasāyasi, na bhikkhūnaṃ veyyāvaccam karosi cīvarakārasamaye’’ti? ‘‘Ahampi kho, bhante, sakaṃ kiccaṃ karomī’’ti.

Atha kho bhagavā tassa bhikkhuno cetasā cetoparivitakkamaññāya bhikkhū āmantesi – ‘‘mā kho tumhe, bhikkhave, etassa bhikkhuno ujjhāyittha. Eso kho, bhikkhave, bhikkhu catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī akicchālābhī akasiralābhī, yassa catthāya kulaputtā sammadeva agārasmā anagāriyaṃ pabbajanti, tadanuttaraṃ brahmacariyapariyosānaṃ diṭṭheva dhamme sayāṃ abhiññā sacchikatvā upasampajja viharatī’’ti.

Idamavoca bhagavā. Idam vātvāna sugato athāparaṃ etadavoca satthā –

‘‘Nayidaṃ sithilamārabba, nayidaṃ appena thāmasā;  
Nibbānaṃ adhigantabbaṃ, sabbadukkhappamocanaṃ.

‘‘Ayañca daharo bhikkhu, ayamuttamapuriso;  
Dhāreti antimaṃ dehaṃ, jetvā māraṃ savāhini’’nti. catutthaṃ;

### 5. Sujātasuttaṃ

**239.** Sāvattiyaṃ viharati. Atha kho āyasmā sujāto yena bhagavā tenupasānkamī. Addasā kho bhagavā āyasmantaṃ sujātaṃ dūratova āgacchantaṃ. Disvāna bhikkhū āmantesi – ‘‘ubhayenevāyaṃ, bhikkhave, kulaputto sobhati – yañca abhirūpo dassaṇīyo pāsādiko paramāya vaṇṇapokkharatāya samannāgato, yassa catthāya kulaputtā sammadeva agārasmā anagāriyaṃ pabbajanti tadanuttaraṃ brahmacariyapariyosānaṃ diṭṭheva dhamme sayāṃ abhiññā sacchikatvā upasampajja viharatī’’ti. Idamavoca bhagavā...pe... satthā –

‘‘Sobhati vatāyaṃ bhikkhu, ujubhūtena cetasā;  
Vippayutto viṣāyutto, anupādāya nibbuto;  
Dhāreti antimaṃ dehaṃ, jetvā māraṃ savāhini’’nti. pañcamaṃ;

### 6. Lakuṇḍakabhaddiyasuttaṃ

**240.** Sāvattiyaṃ viharati. Atha kho āyasmā lakuṇḍakabhaddiyo yena bhagavā tenupasānkamī. Addasā kho bhagavā āyasmantaṃ lakuṇḍakabhaddiyaṃ dūratova āgacchantaṃ. Disvāna bhikkhū āmantesi – ‘‘passatha no tumhe, bhikkhave, etaṃ bhikkhuṃ āgacchantaṃ dubbaṇṇaṃ duddasikaṃ okoṭimakaṃ bhikkhūnaṃ paribhūtarūpa’’nti? ‘‘Evaṃ, bhante’’. ‘‘Eso kho, bhikkhave, bhikkhu mahiddhiko mahānubhāvo, na ca sā samāpatti sulabharūpā yā tena bhikkhunā asamāpannapubbā. Yassa catthāya kulaputtā sammadeva agārasmā anagāriyaṃ pabbajanti, tadanuttaraṃ brahmacariyapariyosānaṃ diṭṭheva dhamme sayāṃ abhiññā sacchikatvā upasampajja viharatī’’ti. Idamavoca bhagavā...pe... satthā –

‘‘Haṃsā koñcā mayūrā ca, hatthayo pasadā migā;  
Sabbe sīhassa bhāyanti, natthi kāyasmimṃ tulyatā.

‘‘Evameva manussesu, daharo cepi paññāvā;  
So hi tattha mahā hoti, neva bālo sarīravā’’ti. chaṭṭhaṃ;

### 7. Visākhasuttaṃ

**241.** Evaṃ me suttaṃ – ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. Tena kho pana samayena āyasmā visākho pañcālaputto upaṭṭhānasālāyaṃ bhikkhū dhammiyā kathāya

sandasseti samādapeti samuttejeti sampahaṃseti, poriyā vācāya vissaṭṭhāya anelagalāya atthassa viññāpaniyā pariyāpannāya anissitāya.

Atha kho bhagavā sāyanhasamayam paṭisallānā vuṭṭhito yena upaṭṭhānasālā tenupasaṅkami; upasaṅkamitvā paññatte āsane nisīdi. Nisajja kho bhagavā bhikkhū āmantesi – “ko nu kho, bhikkhave, upaṭṭhānasālāyaṃ bhikkhū dhammiyā kathāya sandasseti samādapeti samuttejeti sampahaṃseti poriyā vācāya vissaṭṭhāya anelagalāya atthassa viññāpaniyā pariyāpannāya anissitāyā”ti? “Āyasmā, bhante, visākho pañcālaputto upaṭṭhānasālāyaṃ bhikkhū dhammiyā kathāya sandasseti samādapeti samuttejeti sampahaṃseti, poriyā vācāya vissaṭṭhāya anelagalāya atthassa viññāpaniyā pariyāpannāya anissitāyā”ti.

Atha kho bhagavā āyasmantaṃ visākhaṃ pañcālaputtaṃ āmantesi – “sādhu sādhu, visākha, sādhu kho tvam, visākha, bhikkhū dhammiyā kathāya sandasseti...pe... atthassa viññāpaniyā pariyāpannāya anissitāyā”ti.

Idamavoca bhagavā. Idam vatvāna sugato athāparaṃ etadavoca satthā –

“Nābhāsamānaṃ jānanti, missaṃ bālehi paṇḍitaṃ;  
Bhāsamānaṃca jānanti, desentaṃ amataṃ padaṃ.

“Bhāsaye jotaye dhammaṃ, paggaṇhe isinaṃ dhajaṃ;  
Subhāsitaḍḍhā isayo, dhammo hi isinaṃ dhajo”ti. sattamaṃ;

## 8. Nandasuttaṃ

242. Sāvattiyam viharati. Atha kho āyasmā nando bhagavato mātucchāputto ākoṭitapaccākoṭitāni cīvarāni pārūpitvā akkhīni añjetvā acchaṃ pattaṃ gahetvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ nandaṃ bhagavā etadavoca – “na kho te taṃ, nanda, patirūpaṃ kulaputtassa saddhā agārasmā anagāriyaṃ pabbajitassa, yaṃ tvam ākoṭitapaccākoṭitāni cīvarāni pārūpeyyāsi, akkhīni ca añjeyyāsi, acchaṃca pattaṃ dhāreyyāsi. Etaṃ kho te, nanda, patirūpaṃ kulaputtassa saddhā agārasmā anagāriyaṃ pabbajitassa, yaṃ tvam āraññiko ca assasi, piṇḍapātiko ca paṃsukuliko ca kāmesu ca anapekkho vihareyyāsi”ti. Idamavoca bhagavā...pe... satthā –

“Kadāhaṃ nandaṃ passeyyaṃ, āraññaṃ paṃsukulikaṃ;  
Aññātuṅchena yāpentaṃ, kāmesu anapekkhina”nti.

Atha kho āyasmā nando aparena samayena āraññiko ca piṇḍapātiko ca paṃsukuliko ca kāmesu ca anapekkho vihāsīti. Aṭṭhamaṃ.

## 9. Tissasuttaṃ

243. Sāvattiyam viharati. Atha kho āyasmā tisso bhagavato pitucchāputto yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi dukkhī dummano assūni pavattayamāno. Atha kho bhagavā āyasmantaṃ tissaṃ etadavoca – “kiṃ nu kho tvam, tissa, ekamantaṃ nisinna dukkhī dummano assūni pavattayamāno”ti? “Tathā hi pana maṃ, bhante, bhikkhū samantā vācāsannitodakena [vācāya sannitodakena (ka.)] sañjambharimakamsū”ti [sañjabbharimakamsūti (?)]. “Tathāhi pana tvam, tissa, vattā no ca vacanakkhama; na kho te taṃ, tissa, patirūpaṃ kulaputtassa saddhā agārasmā anagāriyaṃ pabbajitassa, yaṃ tvam vattā no ca vacanakkhama. Etaṃ kho te, tissa, patirūpaṃ kulaputtassa saddhā agārasmā anagāriyaṃ pabbajitassa – ‘yaṃ tvam vattā ca assa vacanakkhama cā’”ti.

Idamavoca bhagavā. Idam vatvāna sugato athāparam etadavoca satthā –

“Kiṃ nu kujjhasi mā kujjhi, akkodho tissa te varam;  
Kodhamānamakkhavinayatthañhi, tissa brahmacariyaṃ vussatī”ti. navamaṃ;

### 10. Theranāmakasuttaṃ

244. Ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena aññataro bhikkhu theranāmakko ekavihārī ceva hoti ekavihārassa ca vaṇṇavādī. So eko gāmaṃ piṇḍāya pavisati eko paṭikkamati eko raho nisīdati eko caṅkamaṃ adhiṭṭhāti. Atha kho sambahulā bhikkhū yena bhagavā tenupasaṅkamimsu; upasaṅkamtivā bhagavantaṃ abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantaṃ etadavocuṃ – “idha, bhante, aññataro bhikkhu theranāmakko ekavihārī ekavihārassa ca vaṇṇavādī”ti.

Atha kho bhagavā aññataraṃ bhikkhuṃ āmantesi – “ehi tvam, bhikkhu, mama vacanena theram bhikkhuṃ āmantehi – ‘satthā taṃ, āvuso therā, āmantetī’”ti. “Evaṃ, bhante”ti kho so bhikkhu bhagavato paṭissutvā yenāyasmā thero tenupasaṅkamī; upasaṅkamtivā āyasmantaṃ theram etadavoca – “satthā taṃ, āvuso therā, āmantetī”ti. “Evaṃāvuso”ti kho āyasmā thero tassa bhikkhuno paṭissutvā yena bhagavā tenupasaṅkamī; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ theram bhagavā etadavoca – “saccaṃ kira tvam, therā, ekavihārī ekavihārassa ca vaṇṇavādī”ti? “Evaṃ, bhante”. “Yathā kathaṃ pana tvam, therā, ekavihārī ekavihārassa ca vaṇṇavādī”ti? “Idhāhaṃ, bhante, eko gāmaṃ piṇḍāya pavisāmi eko paṭikkamāmi eko raho nisīdāmi eko caṅkamaṃ adhiṭṭhāmi. Evaṃ khvāhaṃ, bhante, ekavihārī ekavihārassa ca vaṇṇavādī”ti.

“Attheso, therā, ekavihāro neso natthīti vadāmi. Api ca, therā, yathā ekavihāro vitthārena paripuṇṇo hoti taṃ suṇāhi, sādhukaṃ manasi karohi; bhāsissāmī”ti. “Evaṃ, bhante”ti kho...pe.... “Kathaṅca, therā, ekavihāro vitthārena paripuṇṇo hoti. Idha, therā, yaṃ atītaṃ taṃ pahīnaṃ, yaṃ anāgataṃ taṃ paṭinissaṭṭhaṃ, paccuppannesu ca attabhāvapaṭilābhesu chandarāgo suppaṭiviniṭo. Evaṃ kho, therā, ekavihāro vitthārena paripuṇṇo hotī”ti.

Idamavoca bhagavā. Idam vatvāna sugato athāparam etadavoca satthā –

“Sabbābhibhuṃ sabbaviduṃ sumedhaṃ,  
Sabbesu dhammesu anūpalittaṃ;  
Sabbañjahaṃ taṇhākkhaye vimuttaṃ,  
Tamaḥaṃ naraṃ ekavihārīti brūmī”ti. dasamaṃ;

### 11. Mahākappinasuttaṃ

245. Sāvattiyaṃ viharati. Atha kho āyasmā mahākappino yena bhagavā tenupasaṅkamī. Addasā kho bhagavā āyasmantaṃ mahākappinaṃ dūratova āgacchantaṃ. Disvāna bhikkhū āmantesi – “passatha no tumhe bhikkhave, etaṃ bhikkhuṃ āgacchantaṃ odātaṃ tanukaṃ tuṅganāsika”nti? “Evaṃ, bhante”. “Eso kho, bhikkhave, bhikkhu mahiddhiko mahānubhāvo. Na ca sā samāpatti sulabharūpā yā tena bhikkhunā asamāpannapubbā. Yassa catthāya kulaputtā sammadeva agārasmā anagāriyaṃ pabbajanti tadanuttaraṃ brahmacariyapariyosānaṃ diṭṭheva dhamme sayamaṃ abhiññā sacchikatvā upasampajja viharatī”ti.

Idamavoca bhagavā. Idam vatvāna sugato athāparam etadavoca satthā –

“Khattiyo seṭṭho janetasmim, ye gottapaṭisārino;

Vijjācaraṇasampanno, so seṭṭho devamānuse.

“Divā tapati ādicco, rattimābhāti candimā;  
Sannaddho khattiyo tapati, jhāyī tapati brāhmaṇo;  
Atha sabbamahorattiṃ [[atha sabbamahorattam \(sī. syā. kam.\)](#)], buddho tapati tejasā”ti.  
ekādasamaṃ;

## 12. Sahāyakasuttaṃ

246. Sāvattiyaṃ viharati. Atha kho dve bhikkhū sahāyakā āyasmato mahākappinassa saddhivihārino yena bhagavā tenupasaṅkamiṃsu. Addasā kho bhagavā te bhikkhū dūratova āgacchante. Disvāna bhikkhū āmantesi – “passatha no tumhe, bhikkhave, ete bhikkhū sahāyake āgacchante kappinassa saddhivihārino”ti? “Evaṃ, bhante”. “Ete kho te bhikkhū mahiddhikā mahānubhāvā. Na ca sā samāpatti sulabharūpā, yā tehi bhikkhūhi asamāpannapubbā. Yassa catthāya kulaputtā sammadeva agārasmā anagāriyaṃ pabbajanti tadanuttaraṃ brahmacariyapariyosānaṃ diṭṭheva dhamme sayamaṃ abhiññā sacchikatvā upasampajja viharanti”ti.

Idamavoca bhagavā. Idamaṃ vatvāna sugato athāparaṃ etadavoca satthā –

“Sahāyā vatime bhikkhū, cirarattaṃ sametikā;  
Sameti nesaṃ saddhammo, dhamme buddhappavedite.

“Suvinītā kappinena, dhamme ariyappavedite;  
Dhārenti antimaṃ dehaṃ, jetvā māraṃ savāhini”nti. dvādasamaṃ;

Bhikkhusaṃyuttaṃ samattaṃ.

Tassuddānaṃ –

Kolito upatisso ca, ghaṭo cāpi pavuccati;  
Navo sujāto bhaddi ca, visākho nando tisso ca;  
Theranāmo ca kappino, sahāyena ca dvādasāti.

Nidānavaggo dutiyo.

Tassuddānaṃ –

Nidānābhisamayadhātu, anamataggena kassapaṃ;  
Sakkārārāhulalakkhaṇo, opamma-bhikkhunā vaggio.

Dutiyo tena pavuccatīti.

Nidānavaggasaṃyuttapāḷi niṭṭhitā.